

9

ობიექტების მართვა

0



დავით
გურაეგვიპტი
დავითიანი



თემა
სესია 1
დავითიანი

4 Love.Ge

„ეავითინი“

**ეს კაცი ასე იღოცავს
(ავტომორტეტე წარწერილი ლექსი)**

დმერთო, მაჩვენე ყანები
ამ სარწყავთ მონაყვანები;
დმერთო, დამასწარ ზაფხულსა,
ფქვილს ამ წისქვილზედ დაფქულსა.

ყოვლად წმინდაო, დამადევ
წყლურზედ წამალი სამთელი,
შემაძლებინე აღვანთო
მე შენს წინაშე სანთელი.

**ამ წიგნთა გამლექსაგის
გვარისა და სახელის გამოცხადება**

1

დავითიანი ვსოდები დავით გურამისშვილმან გვარადო,
ხილად ვსოდები სიტყვა დაბოსა და მე კაცთა ნორჩის მგგანადო;
ცხოვრების წყაროს უხსენე ხე ცხოვრებისა დარადო,
ამად ვსოდები ჯვარზედ ვნებული ცრემლი იდინოთ დვარადო.

2

ვენახის დვინო დაძირდა, ქართლს დაემტერა რა ჭარი,
ვიმცვრივე ჭალას ბაბილო ნაქაჯი, დანაჭაჭარი;
მოსახსენებლად ჩემდა ყრმათ უმზადე ტკბილი მაჭარი,
ავს სარგებელსა არა იქს ამ უსასყიდლოს ვაჭარი.

3

ამისთვის მე არ შევსძებვე, რაც დავრგევ იგავთ ხე ველად,
უფრო ადგილად აღვლიან ზედ ყრმანი დასარხეველად.
სასმელად უძღვენ თერმონი, არ ცუდად დასანთხეველად,
ყრმათ შევავედრე ეს წიგნი, არ შექმნან დასახეველად.

4

ოდესაც ბრძენმან რიტორმან შოთამ რგო იგავთ ხეო და,
ფეხს დრმა-ჰყო, შრტონი უხინა, ზედ ხილი მოიწეოდა.
ორგზითვე ნაყოფს მისცემდა, ვისგანაც მოირხოდა,
ლექსი რუსთველისებრ ნათქვამი მე სხვისა ვერ ვნახეო და.

5

ვით მხედარს-ყრმისა მცირისა წკეპლასა ზედან ჯდომანი
მიემზგავსების ცხენოსანს ჯოხით რბენა და ხლდომანი,
ეგრეთვე შოთა რუსთველსა ეს ჩემი ლექსით მიხდომანი,
ცუდად მომიხდა გვაჯითა ბაძით უმზგავსო ნდომანი.

6

მე ყრმათა მზგავსად მომიხდა ნამცვრევთ წალკოტთა მცვრევანი,
ბზაკალითა და წიწყიტით მონადირეთში რევანი;
ვერც ხილი ვპკოვე, ნადირთაც ძალა არ მაქვნდა რევანი,
ვაი, შემრჩა ცუდსა მეოვეზეს უბრალოდ წყალთა მღვრევანი.

7

მე რუსთველსა ლექსს არ უდრი, ვით მარგალიტს-ჩალის ძირსა;

მაგრამ მიმროთიც კეკლუცნი ტურფად მოიგაზმენ პირსა;
ოდეს მაშვრალს მოსწყურდების, მაშინ წყალი დვინოდ დირსა,
დრო მოვა რომ გატკბილდების, ხილად სშჭამენ პანტის ჩირსა.

8

ცხენი მარტო მორბენალი მუხლმოკლედიც გამალდების,
სად მაღალი არცად იყოს, მუნ დაბალი გამაღლდების.
თვალან ნასხა ალამაზებს, ვის ლამაზი არ ახლდების,
ამ წიგნს წიგნად მოიხმარებს, ვინც სხვას წიგნსა ვერ მიხვდების.

9

მე საწუთრომ ბერწოვნება მომახვედრა თავში კობლად:
ძე არ მომცა, არც ასული, შემქნა სახლ-კარ დასამხობლად,
ამ ლექსს თავი მოუყარე, საცა მეთქა თვითო ობლად,
აგების რომ ბრძანოს ვინმე სიტყვა ჩემთვის შესანდობლად.

10

მე უშვილომ ეს ობოლი მძლივ გავზარდე დიდის ჭირით:
რაც ვიცოდი საცოდნელი, მას ვასწავლე სიბრძნემცირით.
მოვავდი, დამრჩა უნათლავი, ვერ შევიძელ მე სიმწირით,
ვინც მონათლავს, მე მას ვლოცავ ცოდვილისა ჩემის პირით.

11

ბრძენსა კაცსა ვეხვეწები, ეს ობოლი მამინათლოს;
თუ რამ იყოს სხვის სჯულისა, მომიქციოს, გამიქართლოს,
ან თუ იყოს მატყუვარა, ეცადოს, რომ განმიმართლოს,
სხვასი ნურას მოინდომებს მაზედ მეტსა უსამართლოს.

12

ამად ვიხოტბე, შევკრიბე ცრუის საწუთროს ყბედობა,
მე ძე არ დამრჩა ბედკრულსა, ეს არის ჩემი ბედობა.
ყრმაო, შენ ძმობას გენუკვი, ასულო, მიყავ შენ დობა,
ვინც წაიკითხოთ ეს წიგნი, მიბრძანეთ ცოდვილს შენდობა.

13

ღმერთმან თქვენ, ძმანო ცოცხალნო, გიხსნასთ ყოვლისა ჭირითა!
გარდაგიქციოსთ სიცილად, რასაც რომ ღმერთს შესტირითა;
თქვენ მე ცოდვილს მკვდარს მიბრძანეთ ცხოვნება კაის პირითა,
აგების ღმერთმან დამიხსნას ჯოჯოხეთისა მწვირითა.

14

რაც დამრჩა, ვერ ვსთქვი, მეწადა, მეთქა გრძლად, თავი მეცადა.
ვერა ვსთქვი, მოცლას უცდიდი, ნეტამცა არა მეცადა!
მესწრაფა სევდის ლახვარი, საკვდავად გულსა მეცა და,
აწ ამას ვდონობ, არ ვიცი, ქვესკნად წავალ თუ მე ცადა!

15

ამისთვისა ვარ მოწყენით, ვსტირი და არ მემღერების,
პირს შემდები არს სიკვდილი, არავის დაეფერების;
არც ხვეწნით, არცა ქრთამითა, არც ხრმლითა მოიგერების,
მაშინევ ქვეშ ამოიდებს, ვისაც რომ დაეძღერების.

16

მამაო, თავსა მფარავი დაგედგა კარგი კარავი,
განიარი და მაღალი ხელთაგან მოუკარავი,
შიგ ვიყავ, სადღაც გამაგდე, პაღური ამამკარ ავი,
მით ცრემლი ჩემი ზღვად გახდა თვალთაგან ნაწანწკარავი!

17

ფუ, შენ, ცრუო საწუთროვო, რად არ მძულდი, რად მიყვარდი?!
შენ ყოფილხარ მწარე, შხნაკვი, მე მეგონე ტკბილი ყანდი.

აქ საკვდავად რად მოგყვანდი, თუ მუნ ცოცხალს წამიყვანდი?
რატომ აგრე უწყალო ხარ, სასიკვდილოდ არ შაგწყალდი?!

18

პაპის პაპა, ბებიანი, მამის მამა, დედის დედა,
მამა, დედა, ძმანი, დანი, ცოლი, შვილნი, ზედი-ზედა
ღმერთმან ყველა მას უცხოვნოს თვით აშოროს მას წარწყმენდა,
ვინც ეს წიგნი განაწიგნა კითხვად შეს[ა]ქცევლად ჩვენდა!

წ ი გ ნ ი ა თ ა გ ი შ ე ს ა გ ა ლ ი

ა. ქართველთ უფალთა მეგვარტომობის იგავი

1

ღმერთო, რომელსა გაქონან არსის საყდართა ჯდომანი,
რომელმან მოეც მიჯნურთა ტრფიალთ სურვილის ნდომანი,
რიტორთა-ლექსი გულისა სიდრმე სიბრძნისა ზომანი,
შენ მიმახვდინე წადილსა, არ მაქვნდეს ცუდად ცდომანი.

2

დავიწყო სიტყვა სიბრძნისა, პირველ ბრძენთაგან ბრძნობილი,
მის მგრძნობელისა დიდისა სულისა მიერ გრძნობილი,
შევამკო ერთი უფალი ღვთივ ზეცით ქნეუნად მკობილი,
ქართველთ სპა-ჯართა, ყოველთა ერთა მსაჯულად ცნობილი.

3

გსოქვა უფალთ მეგვარტომობა, არ შორად მისხი მისხისა,
ვინ მთქვის მე კაცი ხის დარად, დამრგის, ქვე წყალი მისხისა,
ზედან გამომცის ნაყოფი, ფურცელი მკვიდრად მისხისა,
დარგულად ჩვენად საჩრდილად შრტოდ მონაბამნი მის ხისა.

4

ნერგად მას ვსახავ, იგ რაც ხე ისახა იესესითა;
ვინცა გამოსცა ნაყოფი თვისთა ნათქვამთა, ხეს ვითა;
შურდულ-ქვით სძლია მებრძოლთა დამბადებელის ესვითა,
შტო-მორჩად ქართველთ უფალთა, ვინც მაზე ბმულ ჩანს ფესვითა.

5

თუმცა მიჯობდა შრტოდ თქმასა, სწორედ სახელი მეწოდა,
მეხარა, მე მით მეხარა, საჩრდილად იგ ქვე მეწოდა,
მით დამეშრიტა სახმილი, რისგანაც გული მეწოდა;
მაგრამ ვერ მივხვდი სალბუნთა, რომ წყლური მეხო, მეწო და.

6

ვერა ვსოქვი, მე ვერ შევიძელ მის ხის სახელის წოდება,
სოფელს ერგო და სოფლელთ თქეეს: „მრუდია, არა სწორდება”;
ალიძრენ ერნი, იზრახეს ცუდისა მიდებ-მოდება,
გაყიდეს, მოსჭრეს, გამსყიდველს მიხვდა მით ცეცხლის მოდება.

7

სახით მისებრივ სხვა მორჩი ქვეუნად არ დაიბადება,
მე მისის ხილის ჭამითა პირი არ გამიმწარდება,
მაგრამ ჯერ ძირთა სახელთა მწადიან გამოცხადება;
წესია საშენო აღმშენთა პირველ საფუძვლის დადება.

8

საფუძველი არს ყოველთა დაუსაბამო პირველი,
მამა ყოვლისა მპყრობელი, ცათა და ქვეყნის მჭირველი;
მიუწდომელი, უზომო, გამოუთქმელი, მბრწყინველი,
ღმერთი, აბელის მსხვერპლისა კეთილად შემაწირველი.

9

არავინა ფლობს ხელმწიფედ ღვთის უდიდესი ძლიერი!
ღვთის გამო ქმნილ არს ყოველი, არსმყოფობს რაც ნივთიერი.
მას მორჩილებენ სულნი და ურიცხვი სპა-ჯარი, ერი;
მან შეიწიროს მცირედი მსხვერპლი ეს ჩემაგიერი.

10

ერთი ვჰთქვა ქვეყნად უფალი, ღვთისებრ მსაჯულად მქცეველი
მასწავლებელი უსწავლელო, უსჯულოთ მომაქცეველი,
აღმ[მ]ართებელი დაცემულო, აღმართულო გარდამქცეველი;
თვისთა სამწყსოსა ცხვართათვის სისხლისა დამაქცეველი.

11

თქმულა სიბრძნესთან სიგიჟე, ვითა ცოცხალთან მკვდარია;
ამა უფლისა საქებრად ბრძენიც ჭკუვაზედ მცდარია;
მე ვით შევმართო უცებმან, რადგან ის მიუმხდარია?
მაგრამ დავით თქვა: „აქებდით გლახაკი და მდიდარია!“

12

მდიდარი ეგრეთ ძნელ ცხონდეს, ეგოდენ შესაწირითა,
ვით ერთი მწირი მხეველი ედემს ზის ორის მწვლილითა.
სარწმუნოება მცირედი მთას გარდასცვლისო ძირითა,
ამად არ ვდუმებ, ვრიტორობ გონება-სიბრძნემცირითა.

13

მისი ქება და გამოთქმა ბრძენთაცა უძნელდებიან:
ჰქექენ, სჩერეკენ და ეძებენ, და კვალსაც ვერ მიხვდებიან;
რაზომცა აღვლენ მაღლამდე, კვლავ ისევ ქვე ბრუნდებიან.
მე რომ ვერ მივხვდე უცები, მაგაზე რად შემწრფებიან.

14

მე სიბრძნისაებრ ჩემთასა არ დავადუმებ ბრძნობასა,
რასაცა მომცემს მომცემი შეტყობასა და გრძნობასა,
დიდად მიიჩნევს უფალი მწირთაგან მცირეს ძღვნობასა,
მით შევეცნევი უცნაურ, რასაც მივსწვდილვარ ცნობასა.

15

თუ ვისმე ჩემი ნათქვამი შაირი ენასებიან,
მეც უთხრა მისი პასუხი, თუ გული ენას ებმიან;
ყოველი წული მშობელთა, მზგავსი მზგავს[ს] ემზგავსებინ,
გინდ იყო კოჭლ-ბრმა, ქაჩალი, დედ-მამათ ეთავსებიან.

16

მომხსენებელი არ მრჩების, მაშფოთებს, ეს მაღონებსა;
ცოდვის მუხრუჭით შეკრულსა, ვამე, ვინ მამიფონებსა?
თუ არ შეგარებ და არ უძღვნი ყრმათ ია-ვარდის კონებსა,
ცოცხალიც არვის ვახსონვარ, მკვდარს ვინდა მამიგონებსა?!

17

ერთბამად ფრინველთ უწოდენ შავარდენსა და ძერასა:
არ სჩერეკენ ყვავთა ჩხავილსა, ბულბულთა ტკბილად მდერასა,
ფარშამაგისა შვენებას, ბუკიოტისა ბლვერასა:
აწ რომ არ მიხმონ მელექსედ, მემართლებიან მე რასა?

18

შოთა მდერს, მეფე თემურაზ, არჩილ მოსძახის ძმურება,

მეფე ვახტანგ და იაკობ [დაბლა] ზილს მიეტკბურება;
ბეგთაბეგ, ნოდარ, ოთარი, ონანა ბანს ეშურება,
დვრინვენ ყარან და მამუკა, მე მსურის მათი ყურება.

19

ბევრთა და ცოტას მწველელნი სწორეთ გავლიან ბერასა,
განაყენებენ მშრალს ცალკე, ამად მოიწველს ვერასა;
სჯობს ქვემო ბოლოს შინ დგომა შიგნით გარედამ მზერასა,
მდერენ და მეც ბანს შევაწყობ, დამგმობენ ამაზე რასა?

20

კარგ საქმეზედა მიბაძვა არა რა დასაძრახია!
სმენა, თქმა, სწავლის ძიება მოძებართაგან ახია.
ცუდის, ტყუილის მოზღაპრე სიცრუის კანანახია,
სწავლაზე ურჩი და მორცხვი თვალით არ დასანახია.

21

ეს სიტყვა მაშინ მოხსენდეს უწვრთელსა, უცოდინარსა,
გაჰვრძელებოდეს რა დამე ძილგამკრთალს, დაუძინარსა,
ეძებდეს, ვერას პოებდეს საქმესა სამჯობინარსა,
თავს იწყევლიდეს, ამბობდეს დედ-მამის შესაგინარსა.

22

საღმრთოს რომ ვერას გალობდეს, იმდერდეს „ხართა ლალასა”,
ჯავრობდეს, თავზედ იყრიდეს ქოქოლას და ვალალასა;
ძვირს უხსენებდეს მშობელთა, ლანძღვდეს თავის ლალასა,
რომ არ ვსწავლობდი, რად არა მცემდიან ტაჯგანალასა.

23

ნუ გენაღვლების სწავლაზე ყრმის წკეპლის ცემით კივილი,
მალ გამთელდების უწამლოდ მისი წყლურების ტკივილი
რა მოიზარდოს, მოყვინჩლდეს, მამლურებ შექნას ყივილი,-
უფრთხილდი, მისგან წყენითა არაზე შექნა ჩივილი.

24

რაც არა ჰიამდეს ჩიორას, ნუ უყრი ასაკენკლადა,
დანაბი თავს ნუ ანებებ ვარიათ დასაპეპლადა!
რადგან აბრამ ძე საკლავად გამოიმეტა მსხვერპლადა,
შენ გემეტების რად არა ძე წვრთაზე გასაწკეპლადა?

25

უწვრთელი ძაღლი მიხვდების გარეთ სიცივით თრთოლასა,
საჭმლითაც არვინ განაძლებს, პილწად დაიწყებს წრწოლასა;
გასწავლებული პატივით შტაქუნზე შეიქს წოლასა,
სჯობს ყოლა უწვრთის ძაღლისა, უწვრთელის შვილის ყოლასა.

26

ძაღლი უწვრთელი პატრონსა ასეთს რას დაუშავებსა,
რომ შვილი ბრიყვი, უცები, დედ-მამას განათავებსა?
უცოდინრობით ასეთსა საქმეებსა იქს ავებსა,
გგარსა და ნათესავებსა სირცხვილი სჭრიდეს თავებსა.

27

პატრონსა ძაღლი უწვრთელი მეტს ვერსა ჰკადრებს წყენასა:
ან პურს მოსტაცებს, ან ხორცსა, ან წყალს ამოჟკრავს ენასა;
მშობელთა შვილი უწვრთელი აროდეს მისცემს ლხენასა,
სულთა წარწყმენდას და ხორცთა მიუთხობს მით შერცხვენასა.

28

უსწავლელი ძაღლი კარში ყეფს და გარეშამოს პფარავს,
ნადირს აფრთხობს, ქურდს აშინებს, ძნელად რასმე მას მოპარავს;

ბრიყვი კაცი წამოწვების, დამით კარსაც არ მისჯარავს!
თვით იქნების გასაქმარი, ვინც ამ სწავლას გამიკმარავს.
29

ყრძა სწავლაში მომშვიდდების, რკინა ცეცხლში გარბილდების,
უსწავლელი ვაჟიკაცი სიბერის დროს გაწბილდების;
რიკ-ფაინის დრო გარდუა, ვეღარ გაჟკრავს, ჩაპბილდების,
სწავლის ძირი მწარე არის, კენწეროში გატკბილდების!

ბ. სწავლა მოსწავლეთა

ათთა სახმართა საქმეთა ჩაგონება ყრმათათვის

30

ისმინე, სწავლის მძებნელო! მოყევ დავითის მცნებასა,
ჯერ მწარე ჭამე, კვლავ ტკბილი, თუ ეძებ გემოვნებასა;
თავს სინანული სჯობია ბოლოუამ დანანებასა, –
ჭირს მყოფი ლხინში შესული, შვებად მიითვლი ვნებასა.

31

დედამ რა შვას ძე, პირველთა ჭირთ აღარ მოიხსენებსა,
ძის სიხარულით დაჟკარგავს ილაოს მზგავსთა სენებსა;
მაშინ იხარებს მწიდნავი, ოდეს მოისთვლის მტევნებსა,
ეგრეთ მოსწავლე სწავლასა რა სრულყოფს, განისვენებსა.

32

სწავლა სიკვდიმდე შენია, მუდამ შენთანა მყოფელი;
მას გეცილების ვერავინ, არ არის გასაყოფელი.
სხვას ყველას მახე უგია, თავისა გასაყოფელი;
თუ კაცსა ცოდნა არა აქვს, გასტანჯავს წუთისოფელი.

33

ცოდნა თან დასდევს მცოდნელსა, რაზომსაც დაეტარების,
აქვს უხილავი საუნჯე, ხელი არ შაეკარების;
არც ცხადით ძალით წაერთმის, არც მალვით მოიპარების,
ჭკუვა უხმარ არს ბრიყვთათვის, ჭკვა ცოდნით მოიხმარების!

34

ჩემის უცებით შევატყევ, ბრიყვთათვის რაც შემიტყვია.
ავი და კარგი გარჩევით, ვხედავ, რომ ახლოს მიწუვია.
მინდა და სწავლის სიმოკლით ცალ-ცალკე ვერ გამიყვია.
პგავს უხორთუმოს სპილოსა ჭკვიანი კაცი ბრიყვია!

35

ვით უსაჭურლოდ მამაცი ომშიგან გულად ლომობდეს,
გაცოფებული გულ-ბრაზად ვეფხვი უკლანჭოდ ომობდეს,
ვერ აღასრულოს საწადი, რაც ნებავს, მისთვის ლონობდეს,-
ეგრეთ ჭკვიანი უწვრთელი ვერ მიხვდეს, რასაც ნდომობდეს.

36

ვსძებნე დ ავერა პვპოე რა მჯობი ამ სწავლა-მცნებისა:
ბრძენსა აქვს თავის უფლება, სოფელში ყოფნა ნებისა;
ბრძენი სადაც არს, დარჩების, საუნჯე თან ექნებისა:
ბრძენი პურთათვის ჩემსავით მუხლით არგის მოექნებისა!

37

ბრძენი სიტყვითა დარჩების, ოსტატი თავის ხელითა,
ხუცესი წირვით, ვაჭარი შორს წასვლით-მოსვლით ძნელითა,
მოლაშქრე სისხლის ქცევითა, მხვნელი ოფლითა ცხელითა,

გლახა კარის-კარ თხოვნითა,—შენა გწადს აწ რომელითა?

38

ზოგი ხომ ძოღან გაჩვენე შვიდიოდ სარჩოს ძირობა;
მერვე—ხელმწიფე დარჩების, ვისაც აქვს ქვეყნის მჭირობა.
მეცხრეა—არჩენ მწყემსობა, უქნიათ მენახირობა,
მეათე—მიჯნურთ სურვილი, ტრფიალთა შენამზირობა.

39

მიჯნური, მწყემსი, ხელმწიფე, გლახაკი, გინა მხვნელია,
მოლაშქრე, ვაჭარ, ხუცესი, ოსტატი, ბრძენ-მსიტყველია.
ათისავ თვითო მოგითხრა, რომელი რისაც მქნელია.
რომელიც გინდა, იქონე, ერთ-ერთს მოჰკიდე ხელია!

ა.

40

მიჯნურმან უნდა ტრფიალი გულ-მართლა შეიყვაროსა,
მუდამ გვერთ ახლდეს სურვილით, აროდეს გაეყაროსა;
უმისოდ ჭირად სახევდეს ყოველსა გასახაროსა,
ტკბილად სჩნდეს მისოვის სიკვდილი, სიცოცხლე გაიმწაროსა.

ბ.

41

მწყემსობა უნდა სიფრთხილით, აქვნდეს მცირედი ძილია:
მუდამ მხნედ სამწყსოს უვლიდეს, დღე ყინელი თუ თბილია;
“მწყემსმან კეთილმან ცხვართათვის დადვისო სული ტკბილია”.
ვინც ბრძანა, მან მე მარიდოს უხილავთ მხეცთა კბილია!

ბ.

42

ხელმწიფე უნდა მართალი, ვით ბრძენთა დაუწერია,
ბრძენი, უხვი და მოწყალი, მრისხველი ზომიერია;
სჯულმტკიცედ, სწორეს სამართლით იყოს და ყვანდეს ერია,
მწყესიდეს, მწყემსობის ნიშანი-ხელთ სკიპტრამას უჭერია.

დ.

43

გლახაკი უნდა მდაბალი, ტკბილისა ენა-პირისა,
მლოცველი ყოვლის სულისა, სულ დიდისა და მცირისა;
უყვარს, ვით იობ, უფალსა გლახა მომომენი ჭირისა;
სძულს დმერთსა ამპარტავნობა მეტადრე გლახა მწირისა.

ე.

44

უნდა მხვნელთა და მთესველთა, მწიდვნელთა, გინა მბარავთა,
მზის აღმოსვლითგან ჩასვლამდე შიგ არ შეხედონ კარავთა,
ცხელის ოფლითა დამწვართა ჩირდილთ ქვეშ მიუკარავთა,
რაც იმუშაკონ, ჭამონ და აჭამონ ქვეყნის მფარავთა.

ვ.

45

მოლაშქრე უნდა ჭაბუკი, თამამი, თავ-მდაბლოვანი,
მეპატრონეთა ერთგული, მორჩილი, სამართლოვანი,

მხედვები, ამხანაგთა მოყვარე, მამაცი, ძალგულოვანი,
გულ-სრულად მებრძოლთ მებრძოლი, არ სუსტი, მაგარ-მკლოვანი.

გ.

46

გაჭარი უნდა სარფისა, სამოვრალოს არას სვემდესა,
ყომარბაზობას ერიდოს, სიწმინდით თავსა სცევდესა,
მეტად უზომოდ არამსა ალალში არა რევდესა
სწორეს ადლსა და სასწორსა ხელში არ ამრუდებდესა.

ც.

47

ხუცესი უნდა მამაცი, არ თუ ჯაბანი, მხრდალია.
ხუცეს[ს] არ ეთქმის: “ჭირშიგან ვერ შევალ, სარიდალია”.
ხუცესმან უნდა დამარხოს, თუ კაცმან სული დალია,
ხუცესიც ბევრს რიგს დანაკლებს, თუ მეტი ღვინო დალია.

თ.

48

ოსტატი, უფლის მოშიში, დავითმან ქებით შამოსი:
ნეტარ არს, ვინცა ნაშრომი ნაყოფთა თვისთა ჭამოსა!
ცოლით არს ვით მსხმო ვენახი კიდესა სახლ-მიდამოსა,
შვილნი ხედ ზეთისხილადა ურგს ტაბლის გარეშამოსა.

ი.

49

აწ ბრძენი უნდა სოფელში ეგრეთ, ვით წმინდა ბერია.
ცხოვრებდეს, ერთ ასწავლიდეს, გახადოს მეცნიერია;
ბრძენმან არ უნდა იკადროს, ურიგო რაც რამ ფერია,
ბრძენის ურიგოდ ქცევითა ბაძით წახდების ერია.

50

ათივ ეგ იყო, მოგითხარ, სხვა არა მისგან კიდია.
რომელიც გინდა, ირჩიე, აიღე, ხელი ჰკიდია:
გერჩიოს, გლახათ იარე, გერჩიოს, ყანას მკიდია,
მე შენთვის ადარ მცალიან, ყმაწვილის ვალი მკიდია.

51

ვით ძნიად წნორი ბერფუყი დაიგრიხების წნელადა,
ეგრეთვე კაცი მხცოვანი განისწავლების ძნელადა,
ვით ახალ მორჩი ვაზისა ხელს მიყვეს საფურჩნელადა,
ეგრეთ ახალი მოზარდი ყრმა ოსტატს-გასაწვრთნელადა.

52

ერთს სიტყვას გეტყვი, მისმინე, ყმაწვილო, შენს მორჩენასა!
თვალს ნუ ახეხებ ბნელთათვის, ნუ ჰკარგავ ნათლით ჩენასა;
ნუ ეშურები ფეხითა უკეთურთაყე რბენასა,
ხმა მოუდაბლე ორდანოს, აშიყ-მაშიყად სტვენასა.

53

იქმოდე გულის თქმისასა გემოვნებისა თმენასა,
თავს თაფლი, ბოლოს ძირმწარე ნუ გეტპბილების ენასა;
გულით უფრთხოდე, ყურითა, სასაფრხოს სიტყვის სმენასა,
მით შაეყრები საყვარელს, შენს ლამაზს სულის ლხენასა.

54

ალაბულათი ნუ ავსებ წმინდად გარცხილსა მენასა,
გაგიჭირდების გარეცხა, შეიქ ოხვრას და ქშენასა;
იტყვი: „რა უყავ ჩემს თავსა”, —დაიწყებ კბილთა ღრჭენასა,
„დავით რომ კარგათ მასწავლა, მე იგი რასთვის მენასა!”

55

უმაწვილი უნდა სწავლობდეს საცნობლად თავისადაო:
ვინ არის, სიდამ მოსულა, სად არის, წავა სადაო?
ვინცა ქმნა თიხა ჭურჭელად, რას უძღვნის ხელფასადაო?
ვით რემა ხნარცვს არ ჩავარდეს ულაგმო და უსადაო?

56

უნდა ქალმან და უმაწვილმან დაჭხუროს ბაგე კბილოსა,
ფეხი არ ახსნას საბლითა და ენა შებორკილოსა:
არ მისცეს ნება შეძვრისა წარბს, წამწამს, თვალის კილოსა,
არცავინ თვით სხვა გაკილოს, არც სხვისგან გაიკილოსა.

57

ნუ მეტყვით: ჩვენ რად გვახსავლე, რაც თვით არ გაქვნდა ზრდილობა?
რად გვიქე კაცმან ჯაბანმა მამაცთა ხმალ-მოწვდილობა?
უცოდინრობა ავია, მაქვს მისი გამოცდილობა,
ჩემსავით სიცხით ნუ იწვით, მონახეთ ნიავ-ჩრდილობა.

58

სოლომან ბრძენი სიბრძნითა თავი არს ყოვლის ბრძნებისა;
ბევრი რამ კარგი დასწერა წიგნები დვთის ბრძანებისა;
ერთი იმასაც მოუხდა გატეხა რამე მცნებისა,
თუ გიჯობთ ნურცა მას უსმენთ, სიტყვა დამირთავს ნებისა.

59

მრუდი ხომ არა მითქვამს რა, ამასაც ვიტყვი სწორსაო,
საქმესა თვალით ნახულსა, არ მოგონილსა, ჭორსაო:
მინახავს ერთი პირუტყვი გორსა თუ ახალგორსაო,
თავისთვის მუტრუკს აკეთებს, სხვათ გაუკეთებს ჯორსაო.

60

რაგინდ ბრძენ იყოს მკურნალი, კარგად ატყობდეს მაჯასა,
სხვისას შეიტყობს, თავისას ვერას გაიგებს ხვანჯასა;
თვით სხვას უწამლებს, თავისთვის სხვაზე მიჟუდებს ბარჯასა,—
მე ვერ ვირგე და თქვენ გარგე ამად რად მიზამთ ჯაჯასა?

61

თუმცა ბრმა ვარ, კიდევ ვხედავ ქვეყნად ჩემგან უფრო ბრმათა;
ბერს გამოცდილო არა კეკადრებ, მოგახსენებ ახალ ყრმათა:
თუ ცურვასა არ ისწავლით, ვერ გაუხვალო წყალთა ღრმათა,
წკეპლის ცემით დაშუმხვა სჯობს საუკუნოდ ცეცხლში ბმათა!

გ. საქონლი[ს] შეკრებისთვის

62

ჰკუგა პურია სახითა მჭამელთა შესარგებელი,
ცოდნა და საქმი[ს] ხმარება-მარილი დასაწებელი.
ბედს რომ იტყვიან, არ ვიცი, რა უქო ბედს საქებელი;
ბედმან შეკრიბოს, ჰკვამ ფანტოს, მექნების რა სარგებელი?

63

ბედი არს ქცევა წუთისა, ვით დღისა ნათობ-ბინდობა,
ავდარობა თუ დარობა ცის მოღრუბელა და წმინდობა;
ხან მოსწვავს ნამთა სიმცირე, ხან ალპობს ღვართა დიდობა,
დღეს მომცემს, ხვალ კი წამართმევს, ამად არა მაქვს მინდობა.

64

ბედს საქოჩრითგან თვალთ უჩინს, ქალის სახე აქვს ბრმისაო;
დაიარების ქვეყანადა, ხელით მძებნელი ქრმისაო;
ვისაც ხელს მოჰკრავს, აიყვანს, ნახავს, გაუჩხრევს პირსაო,
თუ მოეწონა, დაიჭერს; თუ არა, დასცემს ძირსაო.

65

აწ ბედი, გითხრა მართალი, მე ახლა მამაგონდაო;
რაზომცა სჩხრეკდენ საწუთროს, ბრძენთ ბედი არ მოსწონდაო,
ამად არც ლხინსა, არც ჭირსა გრძლად ბოლო არა ჰქონდაო.
ბედი მას ჰქვიან, ვინც რომე არ მოკვდა, სულით ცხონდაო.

66

ჰქვის უკეთესი საქონლად არა რა საქონელია,
მაგრამ თუ ნდობა გულს აბრმობს, არ ადვილ საშოვნელია.
რაც ხელთ აქვს, მასაც დაჰკარგავს, უმზგავსო საპოვნელია;
საქონელისა შემქრები საქმედა საცოდნელია.

67

ხდომა ბნელს ნათლად აჩვენებს, დანაბრმობს ნათლად მხედველსა;
ხდომა მხრდალს გაჰხდის მამაცად, შებედავს მნელს საბედველსა;
ხდომა სხვის სწავლას მიიკრავს ეგრეთ, ვით ცერცვი კედელსა!
ნდომა მიიყვანს მიმყოლსა შესარცხევნს, წარსაწყმენდელსა.

68

ფილასოფოსი ეპიკურ გვაუწყებს, ამას გვპირდება:
აგებულობით მყოფელი აროდეს გადარიბდება.
თუ კაცი ნდომას მიჰყვების, მიღლეში არ გამდიდრდება,
როცა პატარას იშოვნის, მერმე დიდს მაეკიდება.

69

ვის სიყვარული დაიპყრობს და ნდომა დაიმონებსა,
რაც თვით არ მოსწონს, მის მეტსა ადარას მოიწონებსა;
ვარდის კონასა დაფუშავს, ანხალას დაიკონებსა,
მკვიდრს მიჯნურს ზურგსა შეაქცევს, წუთ[ს] გულზე დაიკონებსა.

70

ერთს კიდევ ვიტყვი იგავსა, თქვენგნით დამერთვის თუ ნება:
ზოგს კაცსა საკლმად მიუჩანს თვისი სიმყრალის სუნება;
რაგინდ ბევრს ავსა შვრებოდეს, არა აქვს მისი წუნება,
ხაჭას გულ—ტკბილად უყოვებს და ცოლს კი ებუზღუნება.

71

აწ მე საერო წალკოტი მგონია პატიოსანი;
მიყვარს და მალ-მალ მსურიან მისთა ყვავილთა ყნოსანი,
განვშორდი საღმროოს ბაღნართა, ვსომე მის ბულბულთა ოსანი,
მიჰყვევ საწუთროს ზღაპართა, შევიქენ არაკოსანი.

72

ამად ვისწრაფი სათქმელად და არა მცალის საყენად:
თქმულა, საუნჯე უხმარი არა-რად გამოსაყენად.
წალკოტს ვიშენებ, შევიკრებ ხილო უმჯობესთა ნამყენად;
მოვისოვლი მისთა ნაყოფთა მარგედ, არა თუ საწყენად.

73

ახლა გსთქვა ჩემი სათქმელი, რაც მაქვნდეს ჭაუგა, გაგება:
უგვანათ დიდთა მძებნელთა პატარაც დაეკარგება;
სულ რომ არა ვსოქვა არარა, ის უფრო არ ევარგება,
მეც მრევენ მერანთ ჯოგშიგან, თუ შევსძელ გაჯაგჯაგება.

74

რომელმან ცანი, ვითარცა კარავანი შეგვიმზადისა,
ზედ მიადგინა მნათობნი ნივთთა ყოველთა მზარდისა,
მას ქვეშ ქმნა ვით ბაღ-წალკოტნი, რაშიგაც დავით ხადისა,
იგ არს მიზეზი ყოველთა, ფარულისა და ცხადისა.

75

მოდი, მსმენელო, ისმინე, დაჩუმდი, ვიტყვი, სუ, რასა,
უკვდავებისა წყაროთი მოგართმევ სავსეს სურასა,
იხმარე ექსი, დაპხედე ბრძნად ბრძენთგან ნაექსურასა,
გაშინჯე, სახით ვინც მე შრტოდ გითხარ, მოპბმია თუ რასა.

76

ვისგანცა იგი სამყარო არს ნათლად აღნაკეთები,
მისგან არს ძირნი და ფესვნი, მორჩნი ყოველთა ხეთები;
იგი არს იმ შრტოს ძირი და მისივე შენაერთები,
დავითს მოპბმია, რომელსა თავზედ ეპოხა ზეთები.

77

წინასწარმეტყველთ ქადაგეს ბრძანება დვთის მაგიერი,
გამოგვიცხადეს, გვასწავეს, გვაცნობეს სიტყვა ძლიერი.
ვით დამე ბნელსა მზიანი მოპბმია დღე ნ[ა]თლიერი,
ეგრეთ აბრამის ყვავილი, დავითზე ნაყოფიერი.

78

დავით თქვა დვთისა მაგიერ სიტყვა ძლიერი ერთია:
გარდამოხდესო, ვით წვიმა, საწმისზედ მონაწვეთია;
ვით მან თქვა, ნათლად მობრწყინდა მის ნათლის შენაერთია,
მისვე დავითის ძედ თქმული, იქსო ქრისტე ღმერთია.

79

მამისა სიტყვა სახითა, ვით შრტო ძირთაგან, ეხარა;
მიიბა მთამან პოხილმან, პოხიერებით ეხარა.
ძედ სიხარული სოფლისა ქალწულს მარიამს ეხარა,
მით ცრუვ ყვნა ღმერთმან კერპითა ცუდ-მოიმედე მკვეხარა.

80

სიბრძნე მის ბრძნისა არ ძალუც ენას გამოთქმა ბაგითა;
მაგრამ ნათლად ვსოქვა ნათელი, რაც ოდენ მიჩნდეს ბაგითა,
ძირი ვენახთა შრტოზედ რტოდ, ვით ახალ-მორჩი ბაგითა,
აგრევე მზრდელი ყოველთა ვსცანთ გასაზრდელი ბაგითა.

81

რა იგი ჩჩვილი ასაკით სახით აღმორჩდა, ახევდა,
მის უმჯობესსა ნასახესა მსახველი გერას სახევდა!
მით იკურნოდა სნეული, ბრმა თვალით დაინახევდა,
მისგამო მისი მრხეველი უკვდავებ[ა]სა არხევდა.

82

მას მორჩსა სიკვდილთ მომკვლელი ზედ ერთი ხილი ებადა;
სიმწიფის ჟამი მოსლოდა ნაყოფის გამოლებადა:
ზოგს სასიკვდინეთ მიაჩნდათ და ზოგთა უკვდავებადა,
შეინთქვნენ ერნი, აღიძრნენ ცუდისა განძრახებადა.

83

ერთა თქვეს: მისი ნაყოფი არ არის საქებურიო,
პკურნებს და ერთა აცდუნებს, საქმე სჭირს ბეზელბურია;
სჯობია, -მოცავაკვდინოთ, ნუ არის ფეხზედ მდგმურიო.
თორებ და ბევრს ერს მიიყვანს თავისთან ეგ მაცდურიო.

84

ვერ იცნეს, იყო მოსილი ღმერთი კაცობრივ ცმულითა;

კაციც ძნელია საცნობლად, ღმერთს ვინ იცნობდა გულითა!
მაგრამ ნათლად ჩნდა ნათელი, მისის დავითის თქმულითა,
ნახეს და ვერ დაინახეს იმ ბრძითა თვალ-ახმულითა.

85

ელმად სჭვრეტდენ მას მართალსა, ნათელს ძნელით შენამოსრად.
ამად იყვნენ ლეწა-მტკვრევით ერთმანერთის შენამოსრად;
ბრძენთა სთხოეს: “სახით შენით მოგვივლინე შენ ამოს რად”.
მოჰხდა, ნახა ბრძათა თვალმან დაწვნი ცრემლით შენა-მოსრად.

86

მას უცნაურს მეცნიერნი ათორმეტნი უდგნენ მცველად,
ამად რომე მისი საქმე მათ სმენოდათ უფრო ვრცელად,
არ უნდოდათ უქამურად საიდუმლო გასაცრცველად,
შესცდა ერთი მათგანიცა, იქმნა უცხოდ ზურგმაქცევლად.

87

ის ერთი თორმეტთაგანი იყო მოყვარე ვერცხლისა:
მან აღიშენა სამყოფი, ძნელ, საუკუნო ცეცხლისა,
სიხარბით ნათლად ვერა სცან შარავანდედი მზე ცხლისა,
გაყიდა, სისხლი იტვირთა განმწმენდი ბრალთა მრეცხლისა!

88

განმსყიდველმან რა მსყიდველნი გასყიდულს თავს წააყენა,
რა იხილეს მისთა მცველთა, მიხვდათ გულში დიდათ წყენა,
შაეშინდათ, დასამალად მირბიოდენ შამბოაყენა.

ერთი ტირდა: “რად გავექც”, ცრემლის გუბი წანაყენა.

89

შეიპყრეს, მისთვის მომზადეს ლურსმან-კვერ-გაზ-მარწუხები.
მის მშობელს ესმა, დაუდგა ავი დღე შესაწუხები,
იტყოდა; “ვამე, მეცემის თავს მეხი მონაქუხები,
ვაიმე გულო, დაგულო, რა მწარედ გაიხუხები!”

90

შემოეხვივნენ გარშამო, დაუწყეს ჭრა და კოდება!
ძის დასჯისათვის დედასა მიხვდა სახმილის მოდება,
შექნა თავს ცემა და ტყება, ტირილი, მოთქმა, გოდება,
მით მის განმსყიდველს ნებითა ხვდა ყელთ საბელის მოდება.

91

ჯვარს აცვეს რა, მოაკვდინეს, აღმდგენელი გარდაიქცა,
სულ შეიძრა ქვეყანა და კლდე განსკდა და გარდაიქცა;
თვის მნათობთა შუქ-ნათელით ბნელდებოდა მაზედ იგ ცა.
ნეტა, როგორ მოისვენებს სულით, მხსნელო, ვინც რომ მიგცა!

92

ჯვარზედ მკვდარსა ერთმან ვინმე გვერდს ლახვრითა უწყო გმერა,
მის ლახვრითა ნაჭერთაგან შექნეს სისხლ-წყალთ გარდმოჩქერა;
გახუკვირდა, რა იხილა, ზედ დაუწყო ამოდ ცქერა,
მან თქვა მისი: “ჰეშმარიტად, მე ეს კაცი დვთის ძედ მჯერა!”

ე. ჯვარცმის ამბავი

93

ურიათ გმეს და უარყვეს უფალი ტკბილი იქსო,
მათ მისი სწავლა მოძღვრება არარად მიიჩნიესო;
არ ვიცი, რად ქნეს უგბილთა, ავი რა შეაჩნიესო;
ორსავ გზას წრფელს წინ უდებდა, ხორციელს და სულიერსო,
94

მკვდარს აღუდგენდა, კურნევდა კეთროანს, წყალმანკიერსო;

ბრმას თვალთ უხელდა, ცისცისად არჩენდა ეშმაკიერსო;
უტყვს ენას ძღვიდა, ყრუს-სმენას, კუტს-საპყარს-სვლას შვენიერსო;
პურს მცირეს დიდად, წყალს ღვინოდ უქცევდა—ჭამე, სვი ესო.

95

ამის მეტს არას ეტყოდა: —ესევდით დმერთს ზეციერსო.
მშვიდათ ცხოვრებდით, ნუ უზამთ ერთმანეთს თქვენ უდიერსო;
გაიკითხევდეთ გლახაკთა, ასმევ-აჭმევდეთ მშიერსო.
დასაც კეთილს იქთ, დმერთი თქვენ მოგაგებსთ მის მაგიერსო.

96

აწ, ნახეთ, მისად სანუფქოდ რაც მათ მას შეამოხვიესო;
ბოროტისაგან კეთილი შურით ვერ განარჩიესო;
ღვთის საიდუმლო გატეხეს, გულში ვერ დაიტიესო,
თავიანთ მაცხოვნებელი წ[ა]მწყმენდლად მიიცნიესო.

97

ოცდაათ ვერცხლად გაყიდეს, ისიც კი დანაბნიესო;
შეიპყრეს თვისი დამხსნელი, საბელი მოახვიესო;
მაგრა შეუკრეს ხელები, უფალსა არა სთნიესო,
ურიგო სიტყვა შეკადრეს, გალანძლეს, გაათრიესო!

98

ყვრიმალს სცეს თვალებაკრულსა, ჰკითხეს: ვინ გცემა, თქვი ესო?
ფრჩხილთა უყარეს ლერწამი, ნუნები აატკიესო,
ავაზაკზედა გასცვალეს, ბარაბა მათ ირჩიესო!
რალი ვერ პოეს, დასაჯეს, პილატე მიუსიესო.

99

ბრალობის სისხლი თავზედა შვილითურთ გარდინთხიესო,
შოლტით სცეს ხელ-დაბანილთა, მსხვერპლს სისხლი შეურიესო.
დაადგეს ეკლის გვირგვინი, გოლგოთას მიიწვიესო;
შესამოსელი გახადეს, ქლამინდი მოახვიესო;

100

ჯვარზედ განაკრეს, ხელ-ფეხთა ლურსმანი გაუწიესო;
წყალი ითხოა, მიართვეს, ძმარში ნაღველი რიესო.
უგმირეს გვერდსა ლახვარი,—ვაიმე ვითა ვსოთქვი ესო!
მოკლეს უბრალო, ბრალითა ქვეყანა შეარყიესო;

101

მზე დანაბნელეს, მთვარეცა, ვარსკვლავნი დააფრქვიესო.
თავს კრეტსაბმელი განაპეს, ბოლომდი შუა ხიესო!
ჯვარით გ[ა]რდმოხსნეს, წაგრაგნეს, ტილოში წაახვიესო;
დამარხეს, მკვდარსაც არ ენდვნენ, გარს მცველნი შემოხვიესო.

102

ქმნა სულგრძელობა მათზედა და დასთმე შენ ჩვენთვის ესო.
დიდება მოთმინებასა შენსა უფალო იესო!

ქმენ სულგრძელობა მათზედა და დასთმე შენ ჩვენთვი ესო.
დიდება მოთმინებასა შენსა უფალო იესო!
დიდება მოთმინებასა შენსა უფალო იესო!

ვ. ტირილი ღვთისმშობლისა

103

მოდით, ყოველნო შვილმკვდარნო დედანო, შეიყარენით!
შემწყნარებ[ე]ლი აწ თქვენი მარიამ შეიწყნარენით,
ისმინეთ მისი ტირილი, თქვენც ცრე[მ]ლნი გარდმოყარენით,
სულს ეცით მისგან ნუგ[ე]ში, გულს ჭირნი უკუყარენით.

104

ოდეს იხილა მშობელმან ძე თვისი, დვთისა ცხებული,
ეკლის გვირგვინით მოსილი, შიშველი, გაქიცხებული,
ჯვარზედა ხელ-ფეხ მიკრული, გვერდსა ლახვარიც ხებული,
ათრთოლდა, ზარით დაეცა, გახდა ვით დამარცხებული.

105

მოედვა მწარედ სახმილი, შეიქნა დადაგულობით;
დაეწო გული და ლვილი, ნაწლევნი გათანგულობით.
თქვა: დამეკარგა საწუთრო ჭირნახულ-დაკარგულობით,
დამიჭკნა გულის ყვავილი, გავხდი ვით გალი რგულობით.

106

იცემდა მკერდსა და გულსა, იტყებდა, ესრეთ ტიროდა:
ვით შტოზედ მორჩო ახალო, ფესვ-არსოანო ძირო და!
ვირემ შენს ჩრდილთა ქვეშ ვიჯექ, მე თავი არ მემწიროდა,
ახლაც გვ[ე]დრივარ, უშენოდ არ შემქნა, არ გა[მ]წირო და.

107

ვაიმე თვალთა ნათელო, სხიო მის მზეთა მზისაო!
სახით ვით ნორჩო, ნაყოფით ძირ-კეთილ, შრტოვ ვაზისაო,
გამარკეველო, გამწმენდო, მნათობო ბნელის გზისაო,
შენ იყავ ჩემი გამღები სამოთხის კართ რაზისაო.

108

და ესმა დედის ტირილი ძეს მიკრულს ჯვარსა ზედაო,
შაემულაბნა მშობელი და მისკენ გადმოხედაო.
გამოეძრახა, უბრძანა: ვჲა, ნუ მტირი დედაო!
მე წავალ, შენ ჩემ სანაცლოდ იონე გყვანდეს ძედაო.

109

და გაიგონა დედამა ხმა ტკბილი თავის ძისაო,
მოხსენდა მის ძის ხელო-ჭერა, ძუძუთ წოება სძისაო,
მსხვერპლად ისაკის სანაცვლოდ მოვლენა ცით ვერძისაო,
მით მისმან კერძმან ლახვარმან ჭრა უფრო მიპკერძისაო.

110

გამწოებული იტყოდა დაწვთა სისხლითა მღებარე;
არ ვიყავ მამაკაცისა მხურვალებისა მხებარე;
ვით გალს უთესლოდ უცხო ხე ებას ნაყოფის მღებარე,
ეგრეთ შენ მე ბნელს, ნათელო, აწ ვით მიშრტები მთებარე.

111

ძეო, შენს თავსა მნატრიდენ ყოველთა ძეთა დედები;
ბედნიერობას მიქებდენ, მოსწონდათ ჩემი ბედები.
აწ ჩემის ბრალით იწვიან დღეს შენი შემომხედები,
ხელ-ფეხთ დაგრჭმია ლურსმანი, ლახვრით დაგჭრია გვერდები!

112

ვაიმე ლახვარ-სობილსა და გულსა დანა-ვლებულსა,
შენის წყლურების ცეცხლითა დაგულსა, დანავლებულსა,
შენს უკან წუთის სოფლიტგან გულ-კვნესით ხან-წარებულსა!
ძეო, მეტკბობის სიკვდილი სიცოცხლე-გამწარებულსა.

113

ძეო, შენს უწინ გენუკვი ჩემს სულის ამორთმევასა!
გემუდარები, ნუ მიზამ შენ მე ამაზედ თნევასა;
მომქალ, წინაწინ წაგიდე, შენი ვახარო უგასა:
იქსო მოვა, დაგიხსნის, მორჩები პირველს წყევასა!”

114

სოფელს უხარის, მიიღებს აწ განთავისუფლებასა;
ჩემი იწვიან ნაწლევნი, ვხედავ შენს ჯვარზედ ვნებასა,
რომელსა ყოველთავისა დაითმენ, იქ მათს ნებასა.
შენ, ძეო და ღმერთო ჩემო, უფალო, გძლვნი დიდებასა!

115

ჯვარით გადმოხსნეს, წაგრაგნეს არმენაკითა წმინდითა;
დამარხეს, კარი საფლავთა დახურეს ქვითა დიდითა;
დაბეჭდეს, მხედართ უბრძანეს: საფლავს სამ დღემდის სცვიდითა,
მკვდარი არავინ მოგპაროსთ, მას დიდად გაუფრთხილდითა!

ზ. მოთქმა ხმითა თავ-ბოლო ერთი

116

ვაი, რა კარგი საჩინო რა ავად მიგიჩნიესო!
ბოროტისაგან კეთილი შურით ვერ განარჩიესო,
მაცხოვნებელი შენ მათი წამწყმენდლად მიგიჩნიესო,
დიდება მოთმინებასა შენსა, უფალო იესო!

117

ვაი, რა კარგი საჩინო რა ავად მიგიჩნიესო!
ლვთის საიდუმლო გაგტეხეს, გულში ვერ დაგიტიესო,
ოცდაათ ვერცხლად გაგყიდეს, ისიც კი დანაბნიესო,
დიდება მოთმინებასა შენსა, უფალო იესო!

118

ვაი, რა კარგი საჩინო რა ავად მიგიჩნიესო!
შეგიპყრეს თვისი დამხსნელი, საბელი მოგახვიესო;
მაგრა შეგიკრეს ხელები, უფალსა არა გონიესო,
დიდება მოთმინებასა შენსა უფალო, იესო!

119

ვაი, რა კარგი საჩინო რა ავად მიგიჩნიესო!
ავაზაკზედა გაგცვალეს, ბარაბა მათ ირჩიესო;
ურიგო სიტყვა შეგკადრეს, გაგლანდეს, გაგათრიესო,
დიდება მოთმინებასა შენსა უფალო, იესო!

120

ვაი, რა კარგი საჩინო რა ავად მიგიჩნიესო!
ფრჩხილთა გიყარეს ლერწამი, ნუნები აგატკიესო,
ყვრიმალს გცეს თვალებ-აკრულსა, გკითხეს: ვინ გცემა, თქვი ეხო?
დიდება მოთმინებასა შენსა, უფალო იესო!

121

ვაი, რა კარგი საჩინო რა ავად მიგიჩნიესო!
ბრალი ვერ გპოეს, დაგსაჯეს, პილატე მოგისიესო;
ბრალობის სისხლი თვაზედა შვილითურთ გარდინთხიესო.
დიდება მოთმინებასა შენსა, უფალო იესო!

122

ვაი, რა კარგი საჩინო რა ავად მიგიჩნიესო!
ხელ-დაბანილთა შოლტით გცეს, მსხვერპლს სისხლი შეურიესო;
დაგადგეს ეპლის გვირგვინი, გოლგოთას მიგიწვიესო,
დიდება მოთმინებასა შენსა, უფალო იესო!

123

ვაი, რა კარგი საჩინო რა ავად მიგიჩნიესო!
შესამოსელი გაგხადეს, ქლამინდი მოგახვიესო!
ჯვარზედ გაგაკრეს, ხელ-ფეხთა ლურსმანი გაგიწიესო,
დიდება მოთმინებასა შენსა, უფალო იესო!

124

ვაი, რა კარგი საჩინო რა ავად მიგაჩნიესო!
წყალი ითხოვე, მოგართვეს, ძმარში ნაფველი რიესო;
წმინდასა შენსა საღმროოსა გვერდსა ლახვარი მიესო,
დიდება მოთმინებასა შენსა, უფალო იესო!

125

ვაი, რა კარგი საჩინო რა ავად მიგიჩნიესო!
მოგკლეს უბრალო, ბრალითა ქვეყანა შეარყიესო;
მზე დანაბნელეს, მთვარეცა, ვარსკვლავნი დააფრქვიესო.
თავს კეტსაბმელი განაპეს, ბოლომდი შუა ხიესო.

126

ჯვარით გარდმოგხსნეს, წაგ[გ]რაგნეს, ტილოში წაგახვიესო:
დაგმარხეს, მკვდარსაც არ გენდვნენ, გარს მცველი შემოგხვიესო.
პქმენ სულგრძელობა მათზედა და დასთმე შენ ჩვენთვის ესო!
დიდება მოთმინებასა შენსა, უფალო იესო!

პქმენ სულგრძელობა მათზედა და დასთმე შენ ჩვენთვის ესო!

დიდება მოთმინებასა შენსა, უფალო იესო!

დიდება მოთმინებასა შენსა, უფალო იესო!

127

ვაი, რა კარგი საჩინო რა ავად მიგიჩნიესო!
არ ვიცი, რად ქნეს უგბილთა, ავი რა შეგაჩნიესო?
მკვდარს აღუდგენდი, კურნევდი კეთროანს, წყალ-მანკიერსო;
ბრმას თვალთ უხელდი, ცისცისად არჩენდი ეშმაკიერსო.

128

უტყვს ენას ძღვნიდა, ყრუს-სმენას, საპყართა-სვლას შვენიერსო,
პურს მცირეს დიდად, წყალს დვინოდ უქცევდი, ჭამე, სვი ესო.
ამის მეტს არას ეტყოდი: ესევდით დმერთს ზეციერსო!
მშვიდად ცხოვრებდით, ნუ იზამთ ერთმანეთს თქვენ უდიერსო!

129

გაიკითხევდეთ გლახაკთა, ასმეგ-აჭმევდით მშიერსო;
რასაც კეთილს იქმთ, დმერთი თქვენ მოგაგებსო მის მაგიერსო!
ორსავ გზას წრფელს წინ უდებდი: ხორციელს და სულიერსო.
ამის სანუფქოდ შენ მათა სიკვდილსა შეგამოხვიესო!
პქმენ სულგრძელება მათზედა და დასთმე შენ ჩვენთვის ესო,
დიდება მოთმინებასა შენსა, უფალო იესო!
პქმენ სულგრძელობა მათზედა და დასთმე შენ ჩვენთვის ესო,
დიდება მოთმინებასა შენსა, უფალო იესო!
დიდება მოთმინებასა შენსა, უფალო იესო!

ც-უკვდავების წყაროს იგავთ ახსნა

130

მან უცნაურმან საცნობლად თავისა ჩენა ინება;
ვით ვეშპის მუცლით იონას ხვდა მესამეს დდეს ლხინება,
ეგრეთ იესოს ქრისტესა საფლავით წამოდგინება.
მისგან ცხოვრების წყარომა ჩვენთვის დაიწყო დინება.

131

ცხოვრების წყარომ დაშრიტა ჯოჯოხეთს ცეცხლის ალები.
ზედ მიესხურა, დამოსა ხორციოვე მკვდართა ძვალები;
ჩაუდგა სული უკვდავი, მისცა აღდგომის ძალები.
ეშმაკო დაულპო წერილი, ადამს გარდუწყდა ვალები.

132

ეს ის წყარო არს, ძოდანას რომ მოგითხარეთ სუ რითა,
მოიღეთ წმინდა ჭურჭელნი, წაიღეთ, ვისაც გსურითა!
ვით საწამლავი გაქმნებისთ ჭურჭლითა უწმინდურითა,
გაფრთხილდით, ძმანო, არ მოკვდეთ მყრალ-ზნოანისა ჭურითა!

133

იესო ქრისტე ეჩვენა კართა ხშულთ მცნობთ მსხდომარესა,
გვერდ-ჭრილი, ხელ-ფეხ ნალურსმი იცნეს და განიხარესა.
მიბერა სული, ახარა მან მათსა საყნოსარესა,
კვლავ ქვექნით ზეცად ამადლდა, ჯდა მამის მარჯვნით მხარესა.

134

ქვექნად ძე მოკლეს უგბილთა, არ მამა ზესკნეთოვანი!
იგიცა ისევ განახლდა, ვითარცა ორბი ფრთოვანი;
ძემ ხორცით მოკლა კაცები, ცხოველ ქმნა სული მღვთოვანი,
ადამს სამოთხით განძებულს მით მუნვე მოურთო ვანი.

135

მამას და ძესა და სულსა სიტყვით აქვს განყოფილება,
მაგრამ ერთ ღმერთად ითქმიან, ამას არ უნდა ცილება.
მამა უვნებლად მაღლა ჯდა, ქვე ძეს ხვდა მოცაკვდინება,
სულს რაღა შაეხებოდა, თვალთაგან არ იხილვება.

136

ერთი არს ღმერთი ყოველთა ქმნულთა, მის მიერ ქმნულისა.
ბრძენიც არა ჩანს აღმრაცხი მის სარიცხველთა ნულისა.
ვითარ შესწვდების გონება უცებით ქვე დანოქმულისა!
აქეთ და გაქექთ ნუდარას, გესმოდესთ ჩემის თქმულისა!

137

ვითა ტორუა ქვექნითგან ცამდის შეიწყებს სტვენასა;
ვერ უწევს, ქვევ ძრუნდების, რომ ვეღარ შესძლებს ფრენასა,
ეგრეთვე კაცი რიტორი რაზომც ამჟერვებს ენასა,
დაშვრების, ვით ჰემას, ვერ აქებს მას ერთსა ღმერთსა ზენასა.

138

ღმერთი არის თვით ხელმწიფე, თვით უფალი, თვით მჭირველი;
არავინ ყავს მოზიარე, აქვს მპყრობლობა უცილველი.
ღვთისგან ნივთობს ყოვლი ნივთი, ხილული და უხილველი,
სუფევს ყოვლის სულისაგან ძვირ-უთქმელი, უკილველი.

139

მას აქებენ; ანგელოზნი, ცა, ქვეყანა, ბნელ, ნათელნი,
ზღვა, ხმელეთი, ხე, ბალახნი, მთა, ბორცვი, ტყე, მაღნარ, ველნი,
პირუტყვა-მხეცნი, მფრინველ, თევზნი, ვეშაპ, ყოვლნი

ქვემდრომელნი,
ცეცხლი, ქარი, წყალი, მიწა, კაცი ცხოვლად პირმეტყველნი.

140

მზე და მთვარე, გარსკვლაგები, ღრუბელ-ნისლი, ცისსარტყელი,
ზამთარ, ზაფხულ, ყინვა, სიცხე, თოვლი, წვიმა მწყურნებით მრწყველი,
ელვა-ქუხილ-მეხ-ტარანი, ხორშაკ-სეტყვა ხილთ მბერტყელი,—
ყოველი სული აქებდით უფალს იტყვის წინასწარმეტყველი.

141

ღმერთმან ქვექნად რაც მოპფინა, ყველა ჩვენთვის განაჩინა;
თვალ-მარგალიტ, ოქრო, ვერცხლი, სპილენძი, თუ ქვა და რკინა;
ჭიაც ჩვენთვის ამუშავა, ჭიჭნაური აპარკინა,
ჩვენცა გვმართებს ღმერთს დაუთმოთ, სწავლად გვემით რაც გვატკინა.

142

ვიდგეთ, ვიჯდეთ, ანუ ვიწვეთ, ხანსა ცუდად არ დავმზიდეთ;
გსტიროდეთ, თუ ვიცინოდეთ; ვლექსობდეთ, თუ ანუ ვზმიდეთ,
ღმერთს ვაქებდეთ, ღმერთს ვამკობდეთ, ღმართს დიდებას შევასხმიდეთ,
ღმერთს მივსცემდეთ მადლობასა, პურს ვშჭამდეთ, თუ წყალსა ვსმიდეთ!

თ. ქართველთა და კახთაგან თავიანთ უფალთან
შეორგულება

143

ორთა მათ ჩემთა უფალთა ერთად უხსენე გვარია.
თუმცა ძირთაგან შორს იყვნენ, შრტოდ ახლოს მონაგვარია;
ერთი დავითის ძედ თქმული, რომელმან ივნო ჯვარია,
მეორე ვახტანგ მეხუთე, ქართველთა მეფედ მჯდარია.

144

იყო ის ერთი უფალი გლახაკო ნუგეშის-მცემელი,
მეფესალმუნე და მეტყველი, დვთის ქებით ბობლნთა მცემელი,
შრტო ძირისაებრ თვისისა ნაყოფის გამომცემელი,
მწყემსი ცხოვართა დამხსნელი და მგელთა არ მიმცემელი.

145

მას მორჩილებდენ ქართველნი, ვით წესი იყო მონისა,
უმისოდ ჭირად მიაჩნდათ ცხოვრება სიამოვნისა;
მაგრამ კვლავ შესცდენ მის გზითა, რა ცოდვის ბურმან მონისა.
ჩაცვივდნენ ცოდვის მორევთა, გზა ვერ სცნეს მადლოთა ფონისა.

146

გულ-მანკიერად შეიქმნენ, ქმნეს სამსახურზედ კლებანი,
დაცაივიწყეს მათ მისი ურიცხვი მოწყვალებანი.
ზოგიერთს ვისმე შეუხდა ეშმაკის მანქანებანი,
დავით მამისა მისისა დამუსრეს ფსალმუნთ ებანი.

147

გაუორგულდა სპა-ჯარი, ერი მიმცემი ხარკისა,
ბაგით პატივ-სცეს, აჩვენეს გული მტყუვარი ზაკვისა;
უარყვეს მცნება უფლისა, ისმინეს თქმა ეშმაკისა,
რაც თესეს, ბოლოს მოიმკეს თავიანთ ნამუშაკისა.

148

სწავლიდიან რჩეულნი თავიანთ ქვეყნის მეფისა.
წაუკითხიან ბრძანება გამოთარგმნილი კეფისა:
იქმენით ხარკის მიმცემნი, აღმსრულებელნი სეფისა.
მოვიდა დიდი ძვირობა, დრო წახდა სიიეფისა.

149

დვთისმშობელმან პრქვა: იწამეთ, ვინ ცით გვიწვიმა მანანა.
ქვეყნად უმამოდ ქალწულსა ძე მარწებინა, მანანა,
პაპად, ბებიად ითნია იოკიმე და მან ანა,
შესანდობელად ყოველთა მით ცოდვა თქვენი მანანა.

150

არ დაიჯერეს, არა ქნეს სარწმუნო დასაჯერები;
დაყრუვდენ, ბრძანი შეიქმნენ, საქმე ქნეს გასასტერები!
თუმც იყვნენ ხუცეს-ბერები, მათაც კარგი ქნეს ვერები,
დამცირდენ მადლით მოყვრები, ცოდვით განმრავლდენ მტერები.

151

დაჯაბდნენ გულად მამაცნი მძლევთა მებრძოლთა მძლეველნი,
ნებით შეიქნენ უბრძოლლად თავისა მტერთა მძლეველნი;
ციხე განუდეს, შეუშვეს დამქცევი, დამამძლეველნი,

მტერი სამკვიდროთ მომშლელნი, ტრფიალთა წამართმეველნი.

152

განუცვდათ შმაგთა ხელობა, ტრფიალთა მიჯნურობაო,
ვერ სძლივეს მძლეთა მებრძოლთა, ვერა ქნეს გულ მაგრობაო,
შეშინდნენ, ტრფიალთ გაექცენ, შეჭკადრეს უარობაო,
წუთს მოყვარესა დამოყვრდნენ, მკვიდრსა დაუწყეს მტრობაო.

153

ვერ გაუმაგრდნენ, ოდესაც მტერთა დაუწყეს ბრძოლანი,
ნება ყვეს თვისთა მერჩოლთა, არვინ ინება რჩოლანი!
გვირგვინის ცოლი გაუშვეს, ხაჭასთან შექნეს რბოლანი,
ყმად წაუვიდნენ ისასა, იქმნენ მამადის ქოლანი!

154

შეიქნა დიდი მტერობა, თქმა ერთმანეთის ქვირისა,
ამპარტავნობა და შური, ურცხვად გატეხა პირისა;
ავაზაკობა, ქურდობა, გზებზე დასხდომა მზირისა,
ტყვეობა, მოკვლა, ტაცება—ქვრივთა, ობოლთა, მწირისა.

155

მან ბრძენთა ბრძენმან რა ეს სცნა, ბრძანა აღება ხელისა,
რისხვით გაშვება მის თემთა, გარდახდა საფარველისა.
მოუგო: რჯულთა გამრყვნელნ ახალისა და ძველისა!
თქვენცა იხილოთ ამიერ მოსპოლვა საფუძველისა!

ი.საწყაულის მოწყვა დვთისაგან

156

მათ ღმერთსა სცოდეს, ღმერთმან მათ პასუხი უყო ცოდვისა;
ცა რისხვით შუგა განიპის, ქვეყანა შეიძროდისა;
ვენახო უწვიმის სეტყვანი, მზგავსი ნახეთქი ლოდისა.
მკალია დასცის ყანებსა, ქარი უქროლის ოდისა!

157

მოუგის დიდი სიყმილი, შემუსრის ძალი პურისა;
აღარვინ იყვის ღვინითა აღმავსებელი ჭურისა.
შემცირდის ხართა ნახნავი, მოსწყდის ნაწველი ფურისა,
უვნის სასწაული, არ იყვის კაცი მიმგდები ყურისა!

158

უეცრად მეხთა დაცემა, იყვის ელვა და ქუხილი;
ნამი არ გასტყვრის; გოლვამან მოწვის ბალახი, თუ ხილი.
ჭმუნვიდენ, არად შესწევდათ ცოდვის უნანლად წუხილი,
ასე ჰხედევდენ ნიშებსა, ვით ნათელს თვალ-დაწუხევილი.

159

გამოუვლინის ნადირნი, მჭამელნი კაცთა ხორცისა.
მოთხარის მკვდარნი საფლავით, ცოცხალიც ბევრი ხოცისა:
ხმალ-კაპარჭო რიდი არ აქვნდის, არცა ხელმეხას ტყორცისა,
დედ-მამათ შეილი სალხინო წამზე საჭიროდ მოსცისა!

160

უცხო რამ აქვნდის მას მხეცსა ხერხი და მეცნიერება,
საცხოვარს არას აწყენდის, ვერ გსცნი რა აქვნდის ფერობა,
საცა რომ კაცსა შემოხვდის, მედგრად იხმაროს მტერობა,
ანაზდად ეცის, დაფლითის, მოკლის და შექმნის სერობა.

161

არც მით მოიქცნენ! შეჲყარა უცხო, უწყალო სენები;
ხოცა კაცნი და პირუტყვნი, ცხვარნი, ძროხა და ცხენები,

კვლავ შეაყენა, მახვილთა სისხლით აღივსო ხევნები,
სრულად აღსრულდა მათზეთა დავითის მონახენები.

162

ქორონიკონს ქრისტეს აქეთ ათას-შვიდას-ოც-და ერთსა
ცოდვა მათი უმეტესად ესმა, მოეხსენა ლმერთსა;
აღმოსავლით მტერი აღძრა, მოუწოდა კვლავ სამხრეთსა,
ლმერთმან მტერსა მოუგლინოს, რაც ქართლს უყვეს, ან კახეთსა!

163

ქართლის ჭირსა ვერვინ მოსთვლის, თუ არ ბრძენი, ენა-მჭევრი!
იფქლი დვარძლად გარდაიქცა, ზედ მობრუნდა ცეცხლის კევრი.
ერთმან მტერმან ათს მათსა სცის, ორმან წარიქცივის ბევრი,
მცირედ დარჩა ცოდვისაგან კაცი დგოთისგან შენაწევრი.

164

თურქი, სპარსილევკი, ოსი, ჩერქეზ, დლიდვი, დიდო, ქისტი,
სრულად ქართლის მტერნი იყვნენ, ყველამ წაკრა თვითო ქიშტი!
მერმე შინათ აიშალნენ, ძმამ მოუდვა ძმასა ყისტი;
თავის თავსა ხმალი იცეს, გულთა მოიხვერდრეს ხიშტი!

165

ვით მამალი სხვის მამალსა დაჳმტერდეს და წაეკიდოს,
მას ცემოს და თვით იცემოს, დაქოჩოს და დაეკიდოს,
რა ორნივე დადალულნი ძალლმან ნახოს, პირი ჰკიდოს,—
ეგრეთ ქართლი და კახეთი დარჩა თურქთა, ლეკთა, დიდოს!

166

ამ ამბის თქმა გარჩევითა გულმან ამად არ მინება,
ბევრი ავი გამოჩნდების ჩვენი, მაზე მერცხვინება.
მტერს შაესმის, იამების, მოყვარეს კი ეწყინება.
რასაც ახლა ვამბობ, ვგონებ, ამაზედაც მხვდეს გინება.

167

ტყუილი ვჰოქვა, ჩემი თქმული შეიქმნების რა სავარგი?
მართალი ვჰოქვა, მეშინიან, ვა, თუ გავხდე დასაკარგი!
კაცს მის მეტი არა აქვს-რა სიკვდილს უკან თან საბარგი,
სულს მიუძღვის ხორცო ნაქნარი: ავსა ავი, კარგსა კარგი.

168

აწ რომ ავი არ ვაძაგო, კარგი როგორ უნდა ვაქო?
ავს თუ ავი არ უწოდო, კარგს სახელად რა დაგარქვო?
კარგს კაცს ვითარ დაუკარგო, რაც რამ სიკარკაცე აქო?
ავს კაცს კარგი ვით უძებნო, ორმოს ჩამსვა, თავს დამარქო?

169

პირს- ფერობა, უკან ძრახვა არა თქმულა საფარსაგო.
სჯობს ტყუილით ქვე ყოფნასა ზე სიმართლით ავიბარგო;
გაზის მრგველთან ის არ ვაქო, ვინც მის ნაცვლად ძებვი დარგო,
მაზე სული არ წარსწყმინდო, რა გინდ ხორცით დავიკარგო.

170

მართალს ვიტყვი, შეეიქნები ტყუილისა მოამბე რად?
ვერას უქებ საძაგელთა, უფერულთა პირ-საფერად.
მე, თუ გინდა, თავიც მომჭრან, ტანი გახდეს გასაბერად,
ვინც არა ჰგავს კახაბერსა, მე ვერ ვიტყვი კახაბერად.

171

ამისთანას მკურნალს ვაქებ, მილესევდეს ფაზარ-ხუთოს,
არ თუ მასა, უწამლობით პირში სული ამამხუთოს.
ამისთანას ბატონს ვაქებ, მან ერთი ყმა განახუთოს,
არ თუ ხუთი აღარც ერთ-ქმნას, ასე საქმე თავს მოურთოს.

172

მართალია, მძრახველს ძრახნა თვით კი ავად მოუხდების,
მაგრამ ფარვა სიავისა ქვეყანას არ მოუხდების!
წამხდენელთა და მბაძველთა კიდევ სხვაც რამ წაუხდების;
ძრახვავე სჯობს საძრახავთა, ძრახვას კაცი მოუფოხვების.

173

ამად სძრახვენ ვინც ავს ჩადის, კულავ აღარ ჩაიდინოს;
სხვა გაფრთხილდეს, მისებრ ცრემლი თვალთა რვინ ჩაიდინოს.
კაცმან უნდა თავითგანვე საქმე კარგა მაიხდინოს,
თორემ ბოლოს ვით იქნების, ავზედ ძრახვა დაიცდინოს?

174

ვინც რომ ძრახვას თაკილობდეს, ნურასა იქს საძრახავსა:
თავის[ი]ცა განიმაგროს, ნუ აფოტნებს სხვის ნიფხავსა.
ჭეშმარიტად ცოდვა უძღვის კაცსა კაცის განმკითხავსა,
მაგრამ ავზედ ავი ითქმის, კარგს არავინ გაპკიცხავსა!

175

ამას ვსწყინობ: ავნი ავსა თვით იქმენ და სხვას კი სძრახვენ;
ბაძით მორცხვიც გაურცხვდების, უსირცხვილოს თუ არ არცხვენ.
ვინ დაჭვარავს მათ ნათესსა, თვით უმიწოდ ქვიშას ფარცხვენ,
ქვე საწუთოს ქვიტკირსა ზდგმენ, ზე სამკვიდროს ფიჩხით ფაცხვენ.

176

რა გინდ რომე კაცმან მალოს, ჭირი თავსა არ დამალავს,
ვერ გაუძლებს რაც კაცს სხინ გულსა უკოდს, სჩხვდებს და მსჭვალავს.
სხვის არ მკრძალავს რად ემდურის, ვინც თავის თავს არა ჰკრძალავს,
თვით ვერ ხედავს, სხვის საჭკრეტად, თუ არ უნდა, პირს რად ჰკალავს?

177

მე კი კვჭარავ, მაგრამ ჩემი სატკივარი არა ჰკვარავს;
მეტად მწარედ გული მტკივა, მაურულდებს და ტანში მზარავს!
ვერ მოვითმენ, რომ არ დავგმო, აღმა მხვნელსა, დაღმა მბარავს,
ჩემი ცოდვამც მისცემია ჩემს ამამთხვრელს, ამამბზარავს!

178

ერთი კაცი უკუღმართად ვნახე ერქვანთ ასხამს ფოებსა;
კვლავ მეორე მისებრ მრუდსა მისოვის კაბდოს აკეთებსა.
მხვნელსა ვკითხე:რად ეგრეთ იქ? თქვა: ძალა ხნავს აღმართებსა,
მფარცხნელმა თქვა: დაღმა ვფარცხავ, აღმა-ხნულსა ეს მართებსა.

179

ვინც რომ ისე უკუღმართად, მრუდათ ხნას და თეხოს, ფარცხოს,
ის მე ჰურსა ნუღარ მაჭმეუს, რაც იმ ფქვილით გამოაცხოს.
ვინც ძმის სისხლი გამოიცხოს, ან თვით ძმასა გამოაცხოს,
მისი სული სატანამა, თუ არ კუპრში, რაში გარცხოს?

180

რად გეშინის მართლის თქმისა, ფუ, შენ ჩემო ულვაშ-ბიდო!
ვინც არ გჯერა, ასე უთხრა: მიბძანდი და ნახე თიღო,
მე წილს ნუღარას დამიდებ, რაც შენ მუნით წამოიღო.
თუ გავმტყუვნდე ამაზედა, მე შენ შვიდეულად გიზღო.

181

აწ დავიწყო თქმა მართლისა, მომსმენელნო შემოკრებით,
ზოგნი შინა აქ ბძანდებით, ზოგნი გარეთ, შემო კრებით,
მოვიტიროთ ჩვენ სამკვიდრო თავში ხელის შემოკრებით,
ვით დაგარგეთ ჩვენ ქვეყანა ჩვენდა გარეშემო მტრებით.

182

კახელების აღმა ხნული ქართველებმა დაღმა ფარცხეს,

უწინდელი გათხუნვილი დარჩა კაბდო, აღარ გარცხეს;
მმამ მმას სახრე გარდუჭირა, მტერთ კობალი თავში დასცხეს,
ორნივ ერთად შეხრინჯულნი დასცეს ქვეყნად, დაანარცხეს!

183

უკუღმართად ხვნა და ფარცხვამ ეს ნაყოფი გამოიღო:
მოგვითხარა ქართლ-კახეთი, ძირ-ფესვიან ამოიღო!
თარჯ-თომრიან ჯიდოანნი გაგვიხადა, ქმნა უჯიდო!
მხამს გიტყებდე მეფის ბიღით, ვარსამისა სავსე მჯიდო.

ია. რუსთ ხელმწიფისაგან ქართველთ მეფის ვახტანგის
თავისთან მიპატიჯება

184

აქ ცხადად ითქმის ყველაი დასაბამ-დასასრულისა,
მეფის ვახტანგის ამბავი, მოწყალის, სიბრძნით სრულისა,
მეზედან ქართლის არაკი, მტერთაგან გაბასრულისა,
მერმე თვით ჩემის თავისა, დაკარგულ-დაბაწრულისა.

185

იჯდა ყაენად შახ-თამაზ, ძე ძისა შააბაზისა.
მან შექმნა ბილწად დრანჯობა, ბევრი ლვინო სვა ვაზისა,
აღარ ახსოვნდის სიმთვრალით ხელ ში მირთმევა არზისა,
მით სამართალი დაფასდის ცხრა ქანქრად ცხრა აბაზისა.

186

შეყვარებოდა ორივ მას-ლოთობა, მეძაობანი;
მით დაპბევეოდა, წართმოდა თავისი ჰქვა და ცნობანი.
მუდამ შინ იჯდის განცხომით, ვერ გასძლის გარეობანი,
მის გამო ვედარ შეიძლო მან ქვეყნის პატრონობანი.

187

მისგან წამხდარი საქმენი სხვა მოგახსენო რადანი?
სამხრეთით ადძრა ოსმალო, აღმოსავლეთით ავღანი:
ჩრდილოეთის მხარეს რუსეთსა გილანით მისცა დავდანი,
დაღისტნით ქართლსა, კახეთსა წაართო უუმაშ-ყავდანი.

188

მით გასახმილდა წინწალი, გირგლად გარდიქცა სიონი,
მისგან შეირყა მეტეხი, მისგან დაიქცა სიონი;
მან ვახტანგ, ძე ლევანისა, შეიპყრა ბაგრატიონი,
უპატიოდ ყვნა შვიდ წლამდის იგ დიდათ საპატიონი.

189

იყო ჩრდილეთის ხელმწიფე, თეთრის რუსეთის მჭირველი,
თვითმპყრობელობის მიმდები, პეტრე ცხებული პირველი,
პირველ-უმურ-ხრმალ-რბილ, პირ-ბლაგვთა მწოდელი, გამომპირველი
ადიდოს დმერთმან სულითა, ბევრი ყავს მლოცველ-მწირველი.

190

ვირემდის იყო ცოცხალი, რუსეთზე გარდამწვდარია;
ბრძენ-უხვი, მართალ-მოწყალე, სამართალ-დაუმცდარია;
მტერთა მებრძოლთა ყოველთა მან ყველას ხელი დარია,
მოკვდა და თვისის ანდერძით აწ ისევ საქმობს მკვდარია.

191

პეტრეს აქეთნი მეფენი, რომელნიც ტახტზე ჯდებიან,
პეტრეს ბრძანებას მოწმობენ, მის მცნებაზედა დგებიან,
გინდ, უჩნდესთ წინააღმდეგად, მას წინ არ აღუდგებიან,
არს პეტრეს თქმულნი უკვდავნი, მიდღეში არ მოკვდებიან.

192

პეტრეს ხელმწიფის ბრძანებას სრულყოფად არა ზარობენ,
წინ უძესთ მისი ანდერძი, მით დგანან, მითვე მგზავრობენ,
მითვე ლაშქრობენ, ვაჭრობენ, მოდუქან-მობაზარობენ,
მით ჰკვლენ და ჰკარგვენ, რომელნიც მათ წესზედ აბეზარობენ.

193

არს მოსაწონი მნახველთა გაწყობა რუსის ჯარისა,
ათას-ხუთას კაცო ერთფერად ტანთა ცმა, სხმა აბჯარისა,
მწყობ-რიგად შესვლა-გამოსვლა, ქცევა ვით ბრუნვა ჯარისა,
დამუსრვა ციხის მოქლოთა, მაგროვნად დანაჯარისა.

194

კურთხეულმცა არს ღვთისგან პეტრეს ხელმწიფის ხსენება!
რა საქმე ვახტანგ მეფისა სცნა, მისი შველა ენება;
ზღვა გავლო, დაჲკრა ავდანთა, სოლადს დაუწყო შენება,
დადისტანს მიხვდა ღვთის რისხვა, მრავალგზით განაწყენება.

195

ხრმლის სიფოლადეს სპარსთასა ჟამი რამ მიხვდა ლბობისა;
ხმა დაუმდაბლდათ, მოულბათ სიტყვის თქმა ამაყობისა,
რა ნახეს ცეცხლი ნაწვიმი ყუმბარისა თუ ბომბისა.

ვაიმე, კარგთა სათქმელთა ძალი არ შემწევს მბობისა!

196

ხელმწიფებ ვახტანგს მისწერა: მოდი, მიგიჩნევ მამადო,
იესოს ქრისტეს მიენდევ, ნუ მოგატყუებს მამადო;
გიჯობს, მე ზურგი მომყუდო, გულზედა გული მამადო,
მერმე შენს მტერზე მიმიძღვე, ვით თივას ცეცხლებ მამადო.

197

მდივანთ ხელმწიფის ბრძანება რა შეასრულეს წერითა,
დაბეჭდეს, შეკრეს, შეხვიეს ზარქაშის მონაჭერითა.
კვლავ ჩაფარ-ელჩთა უწოდეს სასწრაფოთ გულის ძგერითა.
უთხრეს: თუ ჩქარად არ ივლით, ვერ გასძღვოთ მზისა ცქერითა!

198

მათ ჰკადრეს “გოჩას სუდარი”, სიტყვის თქმა მათი სწრაფისა.
ცხენთა შესხდენ და გაქუსლეს, სიტყვა თქვეს რა მუქაფისა.
მესამეს მწუხერზედ, ხობათთა რა ცემა იწყეს დაფისა,
შევლეს ციხე და ქალაქი, კარები სეიდაბისა.

199

საღამოს ჟამსა ხალვათად მეფე თვით იჯდა მარტოდა;
ქვეუნის არევის მიზეზით გულს სევდა მას მიმატოდა.
მაღლითგან ნახა, სირბილით კიბეზე კაცი ახტოდა,
რასაც ის კაცი იტყოდა, გულითაც მას ინატროდა.

200

ვით სითბოთ ვარდმან ყვავილი, სუნი გამოსცეს იამა,
დაბუხებულმან, ნაზამთრმა მხარი აღისხას ჭიამა,
დიდის სიცხითა მაშვრალსა აამოს სიო-ნიავმა,—
ეგრეთ ხელმწიფის ბრძანება მეფეს რა ესმა, იამა.

201

რა მოეხსენა მეფესა ამბავი საამურია,
ჭმუნგა განაგლო, გარდუწმდა, გულს ეპრა რაც ჯანგ-მურია;
მალ-მალ იკითხის ამბავი, ბრძნად მას მიუპყრა ყურია.
კვლავ მოიტანეს ვახშამი, სუფრად გაშალეს პურია.

202

შეიქნა წვევა ჩუმ-ჩუმად ვაზირთა, თანგანმზრახისა,
გაგრძელდა სმა და ჰურობა, ხმა წინწილისა, ვახისა,

შაეტყობოდათ, განთიად ჩაცმა არ სწადდათ თაღხისა,
ეგონათ სწორედ ტრიალი მრუდის საწუთროს ჩაღხისა.

იბ. რჩევა ქართველის ბატონისა

203

შეკრბენ ქართველთ ბატონ-უმანი, ერთად თავი მაიყარეს,
დასხედენ რიგით, ივეზირეს, წინ წიგნები დაიყარეს.
ვინც ხედევდა ბოლოს საქმეს, იმათ არად განიხარეს,
თქვეს თუ: უფრო წავხდებითო; მაგრამ ზოგთ კი განიკმარეს.

204

გამკმარველთა უპასუხეს: გეტყვით, ძმანო, ვერ გეთნებით,
ვერა ბძანეთ ეგე რჩევა კაის ჭკუით, კაის მცნებით,
ქრისტიანის ხელმწიფისა ხელ-დებულნი შევიქნებით,
ჩვენ მაგაზე რად წავხდებით, თუ არ უფრო გავკეთდებით!

205

მათ მიუთხრეს: თუ უჭკო ვართ, ნახავთ, ბოლოს გამოჩნდების;
არც ჩვენ ვსწუნობთ, კარგი არის, თუ ეგ საქმე მაღლ მოხდების,
მაგრამ მტერნი შეგვიტყობენ, ყველა ჩვენზე წამოდგების.

ვირემ რუსნი გვიშველიან, მანამ ჩვენი გარდაგვხდების.

206

ვითარ ირემსა მაშვრალსა წყაროსა წყალი სწყუროდა,
ეგრეთ მეფესა რუსეთის ხელმწიფის ნახვა სუროდა;
ამჯობინებდა წასვლასა, თუმცა არ მიეშუროდა.
ვინც არ ემოწმის, მაზედა ერთგულად არ უყუროდა.

207

რა მეფის ნდომა შეიტყვეს, ყმათ რჩევა შექნეს სხვაფრადა,
შეპადრეს: რადგან არ იშლით, სჯობს რომ წაბრძანდეთ ჩაფრადა;
გარს მტერი გვადგას ამდენი, ასს მთას ეყოფის მკაფრადა,
ვინ იცის, ჩვენზედ მოვიდენენ, თქვენ მოგვეშველნეთ საფრადა.

208

თუ წაბრძანდებით, წაბრძანდით, ხანსა ნუღარას დაზმითა;
თან ცოტა ყმანი იახელ, ნუ გაეწყობი რაზმითა,
ფარვით იარე გზაზედა, არ მეფეთ მოსაკმაზითა,
მტერთა არ გიგრძნან საწადი აშკარად ანუ აზრითა.

209

მან ბრძანა: ვითარ ვიკადრო მეფემან საქმე ქურდული,
დავფარო ქრისტეს კვართი და ქნარი დავითის, შურდული;
თან არ ვიახლო სპაზარი, ჩაფრულებრ შევქნა ძუნძული,
ვითარ-და ვნახო ხელმწიფე, ან უცხო თემთა კუნძული!

210

სჯობს, შევიყარო ლაშქარი, ვქნა მისი ანგარიშები;
ჯერ ჩემთა წინააღმდეგომთა დავსცე ზარი და შიშები,
წავიდე, განჯის მომთხრელთა დავდვა მუქაფის ნიშნები.
და გამოვბრუნდე, კვლავ ვნახო რუსების შუბ-ფარ-შიმშები.

211

ყმათ ჰკადრეს: თუ ეგ ხდებოდეს, თქვენ რჩევას ვინ დაგცილდესა?
კარგიდ, თუ კაცს საწუთრო გრძლად საქმეს დააცლიდესა,
წაუბორძიკოს არ ფეხი გზასა, რაზომსაც ვლიდესა.
მაგრამ რაღა ვქნათ, თუ ლხინსა სწრაფ ჭირად შეგვიცვლიდესა!

212

მეფემ აღარა ბრძანა რა, ინება თვისი წადილი;
გულში დაესკვნა საქნელად იგი პირველი ქადილი.

გათავდა რჩევა, გარდასწყდა! ან მაითხოვა სადილი.
ბოლოს მხედველთა საცრემლედ გაშალეს ხელის მანდილი.

213

ტიროდენ, ამას იტყოდენ: ახლა არს ჩვენი დავსება!
ვერ მოგვიხდების კარგათა ამდენი წყვეტა, ტმასება.
მესამე კიდევ მოიბა, ორი საბელი თავს ება.
სამი ვეშაპი ერთს ლომსა აწ ვითარ მოეთავსება?!

214

მეფეს სძრახევდენ, იტყოდენ ეგევითარსა გმობასა:
სამს დიდს ხელმწიფეს პირს აძლევს, სამგან იკეთებს ყმობასა!
ყევნის სპასალარია, თავს ირჭვამს მის რაყმობასა!
რუსთ ხელმწიფესთან მამაობს, ხვანთქართან ჩემობს ძმობასა!

215

ჩვენს ჭკვაში ესე საქმენი არ არის მოსაწონარი:
რა სამთავ ცემა შაექნასთ, ჩვენზე მათ შექნან ონარი,
გარს მოგვეჭიროს მუხრუჭი, არსით ჩნდეს მოსაფონარი,
ვიქნებით შვილთა ჩვენთაგან გინებით მოსაგონარი!

216

ბევრნი ბევრს რასმე იტყოდენ, მაგრამ ვინ მოუსმინებდა?
მეფე იყო და ბრძანებდა, იქმოდა, რასაც ინებდა!
შემოიყარა ლაშქარი, თვალს ვერვინ გარდაწვდინებდა,
წავიდა, განჯის მიდამო[ს] სისხლის დვართ მოადინებდა.

იგ. მტერთაგან მეფის ვახტანგის ყევნთან შესმენა
და ყევნისგან ქართლის წარომევა და კახის
ბატონის მიცემა

217

რაგინდ კაცი სნეულობდეს, გვიან მოკლავს ერთი ჭირი,
რა მეორეც ზედ დაერთვის, მით საქმე აქვს გასაჭირი,
წახდენის დროს მამა-შვილთაც არა ჰქონდათ ერთი პირი,
არჩევდიან, არ მოსწონდათ ერთმანერთის ნავეზირნი.

218

ორთავ შუგა მტერს ეშმაკსა ჩამოეგდო რადაც შური,
მისგან წახდა, დაგვიანდა საქმე კარგი, დასაშური;
ვერა ნახეს რუსთ ხელმწიფე, ვერ აჩვენეს სამსახური,
ყევნზედაც ავად დარჩნენ, მათ დაკარგეს ორგნივ პური.

219

ერთმანერთის ნავეზირი მათ მოსწონდათ ამად არა:
მამა რუსეთს იზიდევდა, შვილი ყევნისა კარა.
მათმან სვემა და სოფელმა სხვა რიგად რამ მოაგვარა,
ვერც მამამ და ვერცა შვილმან მოსახმარი ვერ იხმარა.

220

ყევნის კარს მეფე ვახტანგს ბევრნი მტერნი უდგნენ მზირსა:
რასაც ავსა უნახევდენ, აძახებდენ მისთვის გზირსა;
ყევნს პკადრეს: გაგიარმებს ვახტანგ ახშამს და აზირსა,
პირი მისცა საღალატოდ ეთმანდოლეს—თქვენს ვაზირსა.

221

ესმა ყევნს რა დალატი, იქმნა გულში შენამკრთალი,
გამოძებნა და შეიტყო, ყოველივე სცნა მართალი;
დაიჭირა ერთმანდოლე, განუწესა სამართალი,

უსიკვდილოდ დანასაღა, აღმოსთხარა ორივ თვალი.

222

ხანი გამოჰედა მცირედი, დღე წავიდა არ მრავალი;
კიდევ პკადრებს: მუხანათობს ვახტანგ გურჯისტანის ვალი,
თქვენ გიჭირს და არას გშველის, არის რუსეთს წამავალი.
თქვენცა გმართებს აწ გარდახდა, თქვენზედ დადგა რაც მან ვალი.

223

აწ მეორედ მეფე ვახტანგ რა რომ ყენებს შეასმინეს,
თითქმის ასე განირისხეს, ჭკუვისაგან შეაცდინეს.
ვახტანგ ქართლში ბრძანდებოდა, სხვაფრივ ხელი ვერ აწვდინეს,
ჩამოართვეს ქართლი, მისცეს ერეკლეს ძეს კონსტანტინეს.

224

კონსტანტინეს თათრის ენიო ერქო მამად-უული-ხანი,
იყო სანახავად ვარგი, მკვეთელობით უჩნდა ფხანი,
ისპაანის ტარულადა მორჭმით იჯდა კარგა ხანი,
ავის კაცის თაგ-სავარცხლად აქვნდის კარგი მოსაფხანი.

225

ჯერ კახეთი, მერმე ქართლი, ორივ ერთად მას უბობა;
ყაენეს სახლი ექცეოდა, სვეტად, ბურჯად მას უბობა:
მოსწერა, თუ: ვახტანგ ჩემთვის რკინის ხრმალი დანაძონდა,
შენ გამოხსენ, განარჩივ, რაც რამ მათგან გამოკონდა!

იდ. რჩევა კახის ბატონისა

226

გაბრძანდა კახი-ბატონი, განიდგა კარავ-სევანი;
მიიხმო მდივან-ვეზირი, ბრძანა დიდებულო წვევანი.
შემოყორულებ ყაფიჩა, იმგრგვლივ მოავლეს დევანი,
დასხედენ და შექნეს საქმისა სამჯობინარის რჩევანი.

227

უბრძანა კახმან-ბატონმა ქმასა, ყმათა და მონათა:
“სიბრძნიო მიჰედეთ უღელთა ჩემთა სასწორის წონათა;
მე ერთი ხმელი კაცი ვარ, ძე არ მყავს, ვარ ბერწოვნათა,
რაც თქვენ გიჯობდეხსთ, არჩიეთ შვილთათვის მოსაწონათა”.

228

“მე ღმერთს წინაშე უცილოდ სიტყვის მთქმელი ვარ მართლისა;
სწორედ გარჩევა საქმისა წესია მოსამართლისა;
თუმცა მიბოძა ყენებმა, არ მხამს მიღება ქართლისა,
ამად რომ მტერთვან დამდნარნი ვართ, ვით ნაღვენთი სანთლისა”.

229

“მე ვახტანგს მეფეს შევრიგდი, პირობა მივეც ქმობისა,
შევფიცე, ვით-და ვიტვირთ ეს საქმე ფიცთა გმობისა?
თუ მე არ დავსთმობ, აწ მისგან უფრო არ დაითმობისა.
ვარჩევ, სჯობს ფიცთა გატეხას გატეხა ამ რაყმობისა!”

230

“ესეც ვიცი. შემიტყვია, ჭკუვა მიჭრის, გული მიგნებს;
მეფე ვახტანგ ამ რაყამსა არც ისმენს და არც იწიგნებს.
თუ ქართლსა ვსოხოვ, ამეშლების, ფიცხლავ იდებს ხრმალზედ იგ ნებს,
უნდა რომე ამ საქმითა ძაღლს აჭმევდეს მმა მმის შიგნებს!”

231

“მე კაცი ვარ ხორციელი, სულ ხომ ცას არ შავბერდები;
ვით ვეოფილვარ მიწა-მტვერი, ისრევ ისე გაპვმტვერდები.
მე მტრად სხვანიც მეყოფიან, ქმასა რად-და დავმტერდები?

იმას ისრევ ქართლი ქონდეს, მე ჩემს კახეთს დავსჯერდები?”

232

“მოვისვენებ სანამდის ვერ, სანამ ლეპზე ჯავრს არ ვიყრი;

მე ჩემს ძმაზე სამტეროდა არაოდეს ჯარს არ ვიყრი!

კახეთს კარგა განვამაგრებ, შემოვზეუდავ, კარს შავიყრი...

თქვენ რას ბრძანებთ ამისასა, ეს ასეა ჩემი ფიქრი!”

233

კახთ მიუგეს: “ვინც დაიკრას თვისის ხელით თავში ცული,

თავის ნებით წასაწყმენდლად ამოიძროს პირში სული;

რად გინდა რომ გაიბრუნო დვთის წყალობა კარს მოსული;

შენ რომ შვილი არა გყვანდეს, პა ძმა შენი და ძმისწული?”

234

“რაც დმერთს შენთვის მოუცია, რაღად ჰკარგავ შენის ნებით?

შენ რას გავნებს, რომ გასტეხო ფიცი ხელმწიფის ბრძანებით?

ჩვენ თუ იმის ბრძანებასა წინადგომად შავექნებით,

ვით თქვენ ბრძანეთ: “გართ დამდნარნი”, მაგით უფრო დაცავდნებით”.

235

“სჯობია, რომ აღასრულო ეგ ბრძანება, რაც წინ გიძე.

თეიმურაზ მიუგზავნო, თქვენი ძმაა, მისი სიძე,

მამი-შენის ერეკლესი მაზე დიდი ამაგი ძე,—

თუ გისმინოს, შეიძინე, თუ არა და, განიღვიძე”.

236

მან უბრძანა: “კახელებო! გამიგონეთ, ვიტყვი სწორად:

ყეენს შიშით თავითგანვე გაუხდივართ ერთი-ორად;

ახლა როდის შეგვაერთებს, საქმე გვიგდო მოსაღორად,

ქართლი მომცა ძმათ საჩხუბრად, ამხანაგთა მოსაშორად”.

237

“ერთსა კაცსა ცოლი, შვილი ყვანდეს ტვირთად; ზურგთ ეკიდოს,

არა ქონდეს სახლ-სამყოფი, ფეხი ვერცად მოეკიდოს,

უკანიდამ მტერი სცემდეს, წინ მოყვარეს წაეკიდოს,—

იმისთანას უგუნურსა უნდა ცეცხლი წაეკიდოს”.

238

“მართალს ვიტყვი, არ დავიშლი: მძულს ტყუილი, სიტყვა მრუდი.

მე მას მამად მოვიკიდებ, ვეშვილები, თუმცა უნდო;

გარს გვარტყია ვით სარტყელი, სულ სხვა-და-სხვა მტერთა გუნდი.

ჩვენ ერთმანეთს ხმალსა ვსცემდეთ, ეგ რჩევა არს დიად ცუდი!”

იუწიგნის მიწერა კახის ბატონისაგან
ქართველთ ბატონთა: მეგობრობის თხოვნა

239

მოსთხოვა გურგენს მდივანსა ქადალდი, საწერ-კალამი;

დახატა ცეცხლი გალავნად, შუვა ერთ გორად წალამი,

ზედ ორის ქვეყნის იგავი, მაზე თავდახრით ალამი,

ერთზედ დასწერა “ფეშქაშ-დურ”, და მეორეზე “სალამი”.

240

მისწერა ვახტანგს: “შენ მამა, ჩვენ ვიყვნეთ შენი შვილები;

თუმცა მიბოძა ყეენმა, მე ქართლსა არ გეცილები.

გარს მტერთგან ცეცხლი გვედების, შუვა ჩვენ ვსდნებით ცვილები,

სჯობს, რომ ჩვენ ერთნი შევიქნათ, აგებ გვედირსოს ძილები”.

241

“აწ გვიწყალობეთ პასუხი, თქვენგნით რა გვებრძანებაო.

თქვენი არ ჭვრეტა, შორს ყოფნა გონებით არ გვეთნებაო;

გვწადიან თქვენი გვერთ ხლება, თუმცა დაგვერთვის ნებაო,
მანდ გიახლებით, მოგვმადლეთ მამაშვილური მცნებაო”.

242

რაღას ვაგრძელებ სიტყვასა და ვამბობ ყენებ-ყენებით,,
მისცეს წიგნი და წაიდგეს წამლებთა ცხენებჭენებით;
მიართვეს მეფე ვახტანგსა მოციქულთ გამომჩვენებით.
აქ ნახეთ, საქმე კეთილი ვით გაბოროტდეს ენებით!

243

მეფემ რა წიგნი გაშინჯა, სცნა ტკბილად მიწერილობა,
ბრძანა დიდებულთ მოყმეთა ერთბამად თავ-მოყრილობა:
აჩვენათ ქვეყნის იგავი, დროშისა თავდახრილობა.
იესე მეფემ რა ნახა, ჯავრით ხვდა წარბთ შეყრილობა.

244

სალამს, ალამს, ცეცხლსა, წამალს, ფეშქაშ-დურს და ქვეყნის იგავს
სთარგმნიდიან ვეზირები, იტყოდენ, თუ: ეს რას მიგავს?
მეფემ ბრძანა: რაც ხილია, ეგ სუყველა ჩვენს ბაღში რგავს;
ყველა კარგად შემიტყვია, ვერას ვხედავ მაგაშიგ ავს.

245

ზოგთ მტრობით ნარმა დაფარეს, ჭოთი აჩინეს ნუქარად,
ათარგმნეს ნაფეშქაშევი თხოვნადვე, არ ნაჩუქარად;
სიმდაბლით დროშის თავდახრა თავის დაქნევად, მუქარად.
შუვა წალმად თქვეს ქართველნი, გარს ცეცხლად კახნი მუშქარად.

246

მეფე ბრძანებდა: “მაგაში არა არის-რა ფლიდობა,
ფეშქაშ-დურ ქართლის მოძღვნა არს: სალამ-ალამი მშვიდობა;
გარს გალავანი ცეცხლისა გარეშე მტერთა დიდობა;
წალამნი ჩვენ ვართ ორნივე, გვხამს ერთმანერთის მინდობა”.

247

“ამად გვისახავს ერთ გორად ორისავ ქვეყნის წალამსა,
მას დგარი ვეღარ შესწვდების, ვერც დაშლის, ვერცა წალამსა.
მშვიდობას თხოვლობს სიმდაბლით, ამად თავს უხრის ალამსა,
ქართლს ისევ ჩვენვე გვანებებს, კახეთით გვაძლევს სალაამს.”

248

“თუ ორად დადგას, იქნების ორივ პატარა გორები;
დაქროლებს ქარი, გარდაქცევს, ზღვას შერთავს ნიაღორები,
ტიალთ ვენახთა მოსჭამენ დათვნი, ძაღლი და დორები,
წარწყმენდილი არს, ვინც რა თქვას მმასთან მმის დასაშორები”.

249

მანვე ბრძანა: “სჯობს ვარჩიოთ, ჩვენ უბრალოდ არა ვბოდოთ:
მართალი ვსცნათ, რაც გვიჯობდეს, გულის ზღაპრით ღმერთს არ ვსცოდოთ,
მოუნახოთ წყლურთ წამალი, ზედ სალბუნი მას შემოვდოთ,
რადგან იმას მოსვლა უთქვამს, ჩვენცა გვმართებს მოუწოდოთ.

250

“აქ მობრძანდეს, ჩვენ გაგშინჯოთ, ის მოიქცეს რასაც სახით;
თუმცა გვმოყვროს, მდაბლად ბრძანებს; თუმცა გვმტერობს— ყადავახით;
ხილთა ტკბილთა და მწარეთა შაეტყობის გემოს ნახვით,
თუ ვერა გსჭამ ხილს სიმკგახით, დაგარბილებ, დავბეჟ ქვა-ხით”.

251

იგ რაც რჩევა მეფემ ბრძანა, დაემოწმენ მას ვეზირნი;
ერთმანეთის შესაყრელად დანამტკიცეს, შეკრეს პირნი.
მაგრამ მაზედ წინაღმდგომნი, ვით ერქვანთა ხისა ძირნი,
მათ კეთილთა მოგზაურთა გამოუჩნდათ გზაზედ მზირნი.

ივ. ჩხუბის ჩამოგდება ქართველის ბატონისა
კახს ბატონთან

252

ვახტანგს კონსტანტილეს წიგნი მოეწონა, რა გაშინჯა;
ბრძანა: კარგად გაუსაზღვრავს, თუ კი აღარ გარდაბიჯა.
მან მას კაცი გაუგზავნა,- მობრძანდიო- დაპატიჯა.
ეს იქსეს მეფის გულსა, ვით ლახვარი, ხვდა, დაღრიჯა.

253

იესემ თქვა გულსა შინა: “ჩემი მმა არს ჩემი მტერი!
პატიმრობით დამაბერა, დამითეთრა თმა და წვერი;
აგრე როგორ დავბრმავდები, შევიქმნები გიუი-სტერი,
მე იგ თრი შევათვისო, მე კი დავრჩე ვით ოხერი”.

254

“ჩემზედ იგი რად ვაცინო, ჩემი დდენი მისგან ვსტირი!
სამ წელიწადს ბნელში დამსვა, არ მაჩვენა მზისა პირი;
ერთი იყო, ისრე მიყო, მან იხსენა ჩემზედ ძვირი,
ახლა თრად გამიკეთდეს, რაღად მინდა მე სხვა ჭირი?”

255

იხმო ბერი დოდოველი, ვით მოწაფე მოძღვრად ინდობს;
უბრძანა, თუ: ჩემო ბერო, ეს ჩემი მმა ეშმაქ-ფლიდობს.
არას კაცსა არ კადრულობს, ამპარტავნობს და გულდიდობს:
მე მმა ვიყავ, არ დამინდო, კახ- ბატონსა ვით დაინდობს!

256

კახეთშიაც დიდათ წყინობს იმის გაბატონებასა,
აქ თუ მოვა, ფიცხლავ მოკლავს, მოხვეჭს იმის ქონებასა.
რადგან მადლის მოდგაწე ხარ, სთმობ ამ სოფლის ცხროვრებასა,
შენ ის სიკვდილს მოარჩინე, ღმერთი მოგცემს ცხოვნებასა...

257

რაღას ვაგრძელებ: გაგზავნა მან ეპიფანე ბერია,
მისწერა კახსა ბატონსა: „ჭკვა თუ არ გარდაგერია,
რომ მოხვალ, როდის დაგინდობს, მოგკლავს, ეს შენი მტერია
შენს სისხლსა ვინ-და მოჰკითხავს, კაცი ხარ ერთი ღერია.

258

თუ მაგას იტყვი, შენ რომ გყავს მმა, შენი ნახევარია,
ეგ სიძე არის ამისი, ქალი ყავს, მით მოყვარია.
შენ სავარცხელი შემწედ გჩანს, და მაგას ქრისტეს ჯვარია,
ამისთვის ეგეც ამისი საწადლის მომდევარია.

259

თუ ეგ ყეენმა შეგიტყო, წაგართმევს ბატონობასა;
შენს მმას ხომ არას მიგიცემს, მტერობს ქრისტიანობასა.
თავად თვით ბრძანებთ— „დავმდნარვართ, უფრო დავიწყებთ დნობასა”,
აწ რომ ყეენი დაჲკარგო, ვინ გიზამს მის ოდნობასა!

260

მე დამიჯერე, ნუ მოხვალ, თორემ გაებმი ბადესო;
ნუ მიეცემი ნებითა შენის წახდენის მწადესო;
მე შემიტყვია მართალი, რაც ამათ მოგიმზადესო,
მკვახეს ხილსავით ქვა-ხითა დაბეჭა დაიქადესო.

261

მიმავალსა წინ დაუხვდა კონსტანტილეს იგი ბერი,
გარდახდა და თაყვანი სცა, ხელში მისცა მინაწერი.
მან გაშალა, წაიკითხა, დაიქივა თავ-კისერი,

ფიცხლავ უკან გამობრუნდა, განამჟღავნა არაფერი.

262

მისთა ლაშქართა რა ნახეს უკანვე გამობრუნება,
უკვირდათ: “ნეტარ ბატონმა რაზედ იცვალა გუნება;
რად მოინდომა უწინვე, არ იყო მისი თუ ნება?
ჯერ კი თქვა, მერმე უკუ-თქვა, რასთვის იკადრა მტყუვნება?”

263

სძრახევდენ კახსა ბატონსა: საქმე ვერ მოყავს გზიანად,
უჯობდა ქართველთ ბატონსა შეყროდა თავაზიანად.
ძმა ძმისა საზიანოსა თუ არ მიიჩნევს ზიანად,
ორივ მტერთაგან დაიწვის სახლ-საბძელ-კალო ბზიანად.

264

მიმავალი მიუთხრობდა ამხანაგი ამხანაგსა:
დღეის იქით ამ საქმითა ნიშანს ვერა ვხედავ კარგსა;
ორს ეძიებს, მაგრამ ერთსაც ვხედავ მისთვის დანაკარგსა.
მის დროს ნახეს, ქართველები ხელს ატანდენ უკან ბარგსა.

265

დაუცარცვეს კახ-ბატონსა ჯორ-აქლემნი კიდებულნი,
დასჭრეს ზანდუკ-მაფრაშები, ამოიდეს შიგ დებულნი;
მიეშველნენ, ვეღარ მისწვდნენ უკან გამოკიდებულნი,
უამი შეხვდათ უჟამური, საღამო და ბინდებულნი.

266

კახ-ბატონსა კახთ აყვედრეს: “უდლით ტოლი გამოგეშო;
ვისიც გაქვნდა შენ იმედი, მისგან დარჩი უნუგეშო,
ტახტის ნაცვლად დორ-სუზანიც ქართველთ აგაცალეს ქვეშო,
თუ ამ საქმეს ვერ გაზრდიდი, გიჯობდა, რომ არც კი გეშო”.

267

მან უბრძანათ: “რას ნიშნს მიგებთ დიდის ვალის გარდამხდელსა?
ვინავარდე, საქმე ვსჩხოიკე, ვსცან და მოველ სახადელსა,
ახლა ყველას აღვასრულებ, მაგა თქვენსა საწადელსა!
ვიქ თქვენსა და მოგაგონებთ რჩევას ჩემსა აწინდელსა!”

268

„არ მინდოდა, გამარისხეთ, შემამყარეთ გულსა ჯავრნი;
მე მზასა ვარ, თქვენ მომზადდით, შეიყარეთ ახლავ ჯარნი.
მოირტყენით საომარნი საჭურველნი, ტანთ აბჯარნი,
წავიდეთ და დაუმტვრიოთ კარნი მაგრა დანაჯარნი!”

269

“მე მინდოდა ყოფილიყო ჩვენში სიყვარული ძმური,
ჩამომეგდო რიგი-წესი, სამართალი ბატონ-ყმური.
არ ინებეთ, არ მოჰშალეთ ერთმანეთში თქვენი შური,
ცოდვა-ბრალი თქვენს კისერთა, თუ რამ მოჰხდეს უწესური!”

იზ. კახის ბატონისაგან ბერების მოციქულად გაგზავნა
ქართველთ ბატონთან და ქართლის თხოვნა

270

პირველად ჯერ ეს მისწერა: “მე თქვენი ნახვა მსუროდა,
კიდეც წამოვალ, მოგმართე, სასწრაფოდ მამეშუროდა;
მაგრამ მომესმა, სასმელთა მასმევდი, რაც არ მწყუროდა.
ვეღარ გიახელ, ამაზედ ნუთუ შენ დამემდურო და?

271

ლმართმან იცის, ვაპირებდი საქმეს კარგა მონაგვარსა;
არ მიმინდევ, სახე უცან მახეს, შენგნით მონაგარსა;

განგერიდე, რად მომხვიდ გასაცრცველად მონა გარსა?
არას გთხოვდი, თუ დამხსნოდი სიყრმით ჩემით მონაგარსა.

272

ეგე ჩემი საქონელი გამოგზავნე, არ დამხუთო.
მორიელის ნაკბენარსა, სჯობს, მომასწრა ფაზარ-ხუთო.
შენ ოთხ რიგად გული დამწვი, არამც მე კი განვახუთო,
მერმე დამგმობ, დასაწვავად წამისვაო გაძრახ უთო”.

273

მათ მოეწერა პასუხი ადვილად მოსაშორები:
ვინ დაგიცარცვათ, არ ვიცით, ლარ-კიდებულნი ჯორები;
ეგ ჩვენს კაცს არვის უქნია, გხმენიათ მრუდი ჭორები.
რაც ოქვენში მგლებმან დაჭამოს, ჩვენ ვითარ გიზღოთ ლორები?

274

კახ-ბატონს ესმა რა მათგან გულს ლახვრად დასაძგერები,
კვლავ მოციქულად გაგზავნა ჩინით რჩეულნი ბერები;
მისწერა წიგნი მართალი და ფიცი დასაჯერები:
“ჩვენ ერთმანეთსა ნუ ვახდენთ, თორემ წაგვახდენს მტერები”.

275

“ორგულთა სიტყვას ნუ ისმენ, გაფრთხილდი, ნუ მოსტყუვდები,
გასწყერ, დასჭერ და დახივე მტყუვანთ ტყუილის გუდები;
თუ არ ლვთით, ვერას დააკლებს მკალიას ტარბის გუნდები.
თუმცა ლომი ხარ, ვეშაპთა ვერ სძლევ, გრძელი აქვთ კუდები”.

276

“გირჩევ, ნუ აქცევ ზღუდებსა, შენს ზურგის მისაყუდებსა,
ერიდე, ნუ შლი, ნუ ფუტკნი სახით არწივთა ბუდებსა;
იყავ, ვით ტრედი, უმანკო, უფრთხილდი შენსა ხუნდებსა,
თორემ კლანჭს გიკვრენ არწივნი, ჭირნახულს გაგიცუდებსა!

277

“ნუ ჰგონებ, კაცი თვით იყოს მდიდარი განაკეთია,
ანუ დარიბი წამხდარი, ვის ჩოხა ტანთ გასცვეთია;
ერთის ათასად გამხდელი, ბევრის მიმცემი ღმერთია,
ვისაც წაართმევს, უქნების ათასით აღარც ერთია”.

278

“კაცს მართებს დაბლაც დახედვა, რაგინდ მაღლამდის აროსა,
სიამპარტაცნით ხარისხსა ძირი არ განებძაროსა.
ბატონის უპატიურ ყმას არ შერჩების აროსა,
არც ღმერთი ბატონს შეარჩენს ყმაზე საუდიაროსა”.

279

“ბატონს აწყინე, გაგიწყრა, აბრალე შენსა წყენასა,
აწ ღმერთიც გიწყენს, იცოდე, არა იქ თუ მოთმენასა,
დამორჩილება უფალთა უთქეამს დავითის ენასა,
შენ თუ შენს უფალს არ უსმენ, ნურც შენს მონას ეჭვ სმენასა”.

280

“ყენს უმტყუვნე, გაგიწყრა, —აქ ზიხარ შემამწყრალია;
ქართლი წაგართვა, მე მომცა, ჩემი ხომ არა ბრალია.
თუ არ უსმინე, ვიქნები შენებრ ურჩების მთვრალია,
სულ მომყრალდების ქვეყანა, თავად მტერთაგან მყრალია!”

281

“შე თქვენა ქართლსა არ გთხოვდი, თუ ეს არ მაქნდეს რიდადო;
თუ არ უსმინე, ყენი მე გამიწყრების დიდადო;
შენ ხომ, ეგ არის, გიწყრება, არც ჩემზედ იყოს მშვიდადო.

რა ერთსაც ჩვენ მას მიუწყავთ, ის ჩვენ მოგვიწყავს შვიდადო”.

282

“ხელმწიფე დალატს მოსძებნის, ღმერთი არ დასომობს გმობასა, თუ გინდა, წიგნში გაჩვენებ, რაც მითქვამს, მის მოწმობასა:

იუდა ქრისტეს მონებდა, ჩემობდა კაის ყმობასა,

სიხარბით ცეცხლში ჩავარდა, მიხვდა სატანას ძმობასა”.

283

“იუდამ ქრისტე გაყიდა, ვერცხლი აიღო ფასადო;

კვლავ შეინანა, დაფანტა, დანაშაული თავს ადო:

“აწ სისხლი მიგეც მართალი, ახლა წავიდე, თქვა სადო?”

წავიდა, თავი დაირჩო, ეს მოუვიდა ნასადო.

284

“იტყვიან, სარწმუნოვებით პეტრეს იუდა სჯობდაო,

თუ თავი მას არ დაერჩო, სხვას ღმერთი შეუნდობდაო,

ამად რომ,— “სისხლი მართალი მივეცო”, მაღლა ხმობდაო.

პეტრეს პკითხევდენ ქრისტესა, “ვერ ვიცნობ”, ფიცით გმობდაო.

285

“აწ თქვენის სჯულის ამბავი თქვენ უმჯობესად იცითა,

მსმენია, ქრისტე შესულა ელუსარემში კვიცითა;

მუნ პეტრეს უვარს უყვია,— ვერ ვიცნობ,— უთქვამს ფიცითა,

მერმე კი შეუნანია, აწ მკვიდრობს კლდე სიმტკიცითა”.

286

“ვინც შეინანებს, შეუნდობს უფალი თავის ცოდვასა;

წადი და მასვე ევედრე, დაეხსენ ცუდსა ბორგვასა!

ნებით სჯობს გაცლა მძლავრთაგან ქვა-კრებით გამოლოდვასა.

ვერა გთხევ, თუ ტახტს არ დასცლით, მივხვდებით ჭრა და კოდვასა”.

287

“მე მოგახსენებ მართალსა, ტყუილად არა ვსჩმახაო;

გული მტკიცა და შეგკადრებ, ამაზე ნუ დამძრახაო:

გაქვს ნართი ავად დასთული მრუდის ტარებით მძახაო,

თუ ისევ შენ არ დასცერავ, სარგებელს ვერას ნახაო”.

288

“იტყვიან ერთსა ანდაზას: ნემს-მახაოს ნუ სცემ მღიჯებსა,

შეგერჭმის, ხელთა დანახევ, წაგიხდენ მკლავთა ჭილვებსა!

ნუ ეშუდლები ყენესა, თორემ მოგიშლის ჯიღებსა;

რუსეთისაკე გაგზავნის, იმოკლებ გრძელთა ბიღებსა!”

289

“მირჩევია ჭეშმარიტი: შენი საქმე დანაშურე,

თავსა ცოდვით შებდალულსა წმინდა წყალი შენ ასხურე!

ვის უვარ-ჰყავ სამსახური, წადი, მასვე ემსახურე;

ვინც მოგხადა თარჯ-თომარი, იმისგანვე დაიხურე”

290

“ნუ მრუდ-მრიცხლობ, სწორედ გაქვნდეს შენ ეგ შენი ანგარიში,

აგს ნუ იქ და აგისაგან, თქმულა, ნულა-რა გაქს შიში;

თავს თავითგან გაუფრთხილდი, არცად უპუ-აგდო ჭირში,

თორემ ბოლოს არას გარგებს სიმწუხარით კვნესა-ვიში”.

იტ. კახის ბატონის მოციქულების დაჭერა
ქართველის ბატონისაგან

291

მიუხაროდათ დიაკვნებს საქართლოდ გაჩაფრულებსა:
„გგაწირვინებენ ქართველნი, ვიშოვნით მრავალს ფრულებსა;
საქონლით სავსეს მოვასხამთ ჯორ-აქლემთ დაყათრულებსა!“
ეს არ ეგონათ, საკანში ჩაყრიდენ ხელ-შეკრულებსა!

292

ერომან იხუმრა: ვიბანებ თიფლის აბანოს ნურითა,
მეორემ – ოვეზით გავძღები ზურგიელ-გელაქნურითა,
მესამემ – მივიბრუები ღვინითა ატენურითა,
მეოთ[ხ]ემ – კიდეც დაგვთოკენ საბლითა მაზმანურითა!

293

ვით მდინარე ღვარ-შერთული ზვირთს ისვრიდეს, სჩქერდეს დიდად,
მას ქვეითამ ვერ შებედოს, გადოს რამე მაზე ხიდად;
გატყდეს ხიდი, ზედ მავალნი გახდეს ხაგსთა მოსაჭიდად,
ეგრეთ ბერებს მიუვიდათ, რაც მოგითხარ, მაგალითად.

294

მეფე დახვდათ ჯავრიანად, შესაზარი შესახედლად,
მისგან ბერებს გაუძნელდათ პირად სიტყვა შესაბედლად;
გამოილეს წიგნი წინა, მიიმდღვარეს საფარ-კედლად,
მიართვეს და ზოზლნად რასმე სიტყვას მოყვნენ ერთობ დედლად.

295

მეფე წიგნის კითხვას მოყვა, ბერებს აღარ უგდო ყური,
წაიკითხა, რადაც ნახა სიტყვა ყიფურ-ამაყური;
პირსა ოფლი მოედინა, თავს დაადგა სიცხის ბური.
თივა ცეცხლს ხვდა, ქარმან ჰქონდა, ალმან შექნა აწ გურგური!

296

გახდა ვითა ნაკვერცხალი, მეტის წყენით ექცა ფერი.
ბერებს უთხრა: „რად მოგქონდათ თქვენ ასეთი დანაწერი:
რისოვის იმას არ ურჩივეთ, ზედ თუ გესხათ ულვაშ-წვერი;
თუ არა და წყალს არ სცვივდით, თუმცა გაღონებდათ მწერი!“

297

„რად არა ხართ მონასტერში, არ ილოცავთ, დმერთს არ ესავთ?
გამოსულხართ და დასდიხართ, ენაობთ და ჩხუბსა სოესავთ;
ჩვენთა ხრმალთა გამახულთა მაგით უფრო თქვენ ადლესავთ,
დმერთი როგორ დაიღუმებს, არა გპითხავსთ მაგდენს თქვენს ავთ!“

298

გაწყრა, ბრძანა: „პხედავთ ბუში სიტყვებს მკადრებს როგორ მქისებს!
არ ვიცი, თუ რით მაშინებს, რა ხაზინა უძეს ქისებს!
მე, ვით ორბსა, მდევს კირკიტა, დამტრიალებს, დამკისკისებს.
ჩემგან იგი რას წაიღებს, მე მოვიტან თუ არ მისებს!“

299

უბრძანა თავის მოყმეთა: „მე ცეცხლსა ეს მიკიდებსა;
თვით გიჟი ჭავებას მასწავლის, უსჯულო მე სჯულს მიდებსა;
უყურეთ ცალ-გვერდ ჭიანსა, რა სიტყვებს ისვრის დიდებსა!
აწ ხელი პკიდეთ ციქვებსა, მაგ მატყუარა ფლიდებსა!“

300

„დაიჭირეთ და წაასხით, ჩაყარეთ დრმასა ხაროსა;
თავს დააყენეთ დარაჯა, არავინ გამოთხაროსა.
მომზადენ ჩემი სპასპეტნი, ლაშქარი შეიყაროსა,
წავიდეს, მოსპოს კახეთი, მტრის ჯავრი ამამყაროსა!“

301

აწ გ[ა]უმჟღავნდათ რჩევანი, რაც ქართველთ ივეზირესო;
მოხსენდა კახესა ბატონსა, ბერები დაიჭირესო.
მათ თქვენი მიწერილობა დიად შორს დაიჭირესო.
ემზადებიან სალაშქროდ, ნადარა დანაყვირესო.

302

კახ-ბატონსა წინა დღითვე მზასა ყვანდა თვისი ჯარი;
იგ რა ესმა, წამოვიდა, დაიჭირა ავლაბარი;
ნარიყალა მიმბაშს ეპყრა, შაის-ტახტი, ციხის კარი,
რა მივიდა, ფიცხლავ მოსცა, გაიკეთა მუნ-საფარი.

303

შემოებნენ, დაამარცხეს, მან მიმართა მუხრან-ჭარსა;
უთხრა: ქართველთ გამაწბილეს, არც მე შავჭამ იმათ ჯავრსა:
შეიპირა ჭარელები, სასყიდელი მისცა ჯარსა,
წაუძღვა და ხელმეორედ მიაყენა ჯარი კარსა.

304

ქართლს, კახეთსა გარდეხადა მაშინ დვთისა საფარველნი,
ოდეს გარსა შემოადგნენ თიფლის კახნი და ჭარელნი!
გაუთენდათ სომეხებსა დღე შაბათი საზარელნი,
ზოგი მოკლეს, ზოგი დასჭრეს, ზოგს წაგვარეს საყვარელნი!

305

სალხინოს დღეს მოქალაქე დიად ავად შეაქცივეს,
წამოუხვნეს საქონელნი, სახლ-დუქნები დააქცივეს,
დანამარცხეს ქართველთ ჯარი, ვახტანგ მეფე გააქცივეს.
თეთრსა მტკვარსა წითლად დებდა, რაც მათ სისხლი დააქცივეს!

ით. ოსმალოსაგან ქართლის დაჭერა და
ქართველის ბატონის რუსეთს წაბდანება

306

კახთ ნაჩინჩხლო წინწალთ დაერთო ქართველთა ქარი ალზედა;
რა იგი ორნი შეშუდლდნენ, ვით ქორნი გარიალზედა,
გამოეღვიძა არწივსა ჩხუბსა და მათს ყრიალზედა,
გარიელს კლანჭი მან უკრა, სხდენ ორნივ ცარიალზედა.

307

სჯობდა იდუმალ ენუკათ ქორთ თვისი სანუკარია,
წილად ერთს მხარი ეწიწკნა, მეორეს საწიწკარია:
სრულ არ მიეცათ მტრისათვის თავიანთ საკენკარია.
თუ ამას ავად ვამბობდე, პალური ამომკარია.

308

კახტანგს ძიმწარის უმწარე ეტკბილა ვითა შაქარი.
ძილ-გაკრთობილმან საზღაპროდ მძინარე შეძრა ხვანოქარი,
აღასაშენებლად სრა-ვანთა გაგზავნა ორი სარქარი,
წინ მოუმდგვარა ხუროთა იქსე-ძმა, ძე-ბაქარი.

309

მოტყუვდენ ხუროთმოძღვარნი, იხმარეს ავნი ხურონი:
ძველთაგან მკვიდრად ნაშენნი, საქართლო-საკახურონი
მოშალეს, ვედარ იშენეს სრა-ვანი საკვეხურონი.
ყმა და მამული მტრებს მისცეს, თვით დარჩნენ უმსახურონი.

310

... მეტად უზომოდ გაჯავრდენ, ვერ გასძლეს გულის ჯავრნია;
აჩქარდენ, ვედარ გასინჯეს მათ საქმე საშინჯარნია,
მტერთ ნებით კარნი განუდეს მაგროვნად დანაჯარნია,
კახთ იხმეს ლეკნი საშველად, ქართველთ – ოსმალოს ჯარნია!

311

ოდეს სცნა კახმა ბატონმა, ლაშქარი სარასკარისა
საქართველოსა მოადგა, ვით გოლსა ბრბო ფუტკარისა;
წინაღმდეგობა არ ეძლო, ქმნა მათის სანუკვარისა,
წინ მიეგება, მიართვა კლიტენი ციხის კარისა.

312

ოსმალო თიფლის შევიდა, კარები დახვდათ ლია რა,
იესე მეფე მათ შერჩა, მათს მოძღვარს მან აღიარა;
კახტანგ რუსეთსა წაბძანდა, რაჭაზედ გარდაიარა.
სხვას იმის ამბავს კვლავ გეტყვი, ჯერ არა გამიგია რა.

313

კახმა ბატონმა მიმართა ფშავ-ხევსურეთის კიდესა,
კახთა ცოლ-შვილით თვალივსა მძლივ ფეხი მოიკიდესა:
რაც ხანი იყვნენ, სარჩოსა ვერც სთესდეს, ვერცა მკიდესა;
რაც აქნდათ თვისი საუნჯე, სულ პურ-ღვინოზე ყიდესა.

314

შეწუხდენ კახნი-ქართველნი, მიადგათ რა ეს ჭირები.
შეინოქვნენ, შექნეს ფიცებით, ერთმანერთს მისცეს პირები,
არჩივეს: „გორის ციხესა გამოუთხაროთ ძირები“.
კახმა ბატონმა მომართა დაბდაბნი და საყვირები.

315

იესეს მეფეს მოხსენდა, გორს ადგას ქართველთ ჯარები.
მან შეიყარა ოსმალო, იქმნა თიფლისით მარები.
მოხვდენ ერთმანერთს, დაიქცა რაც მაშინ სისხლის დვარები,
აღაბრუნებდა ბეგრს წისქვილს, თუმცა სდებოდა დარები!

316

გაიმე, ამის სათქმელად პირი გამიხდა მწკალტეგით,
არ იმართოდა ლაშქარი ზედაველაზე დატევით;
მათ ჩვენმან ჯარმან აჯობა პირველ მისვლაზე შატევით,

მაგრამ ბოლოს კი დამარცხედა შინათვე ნადალატევი.

317

ვაი იმ დღეს! ოსმალონი ბევრს უბრალოს სისხლსა დვრიდენ.
საცა შეხვდისთ მუშა-კაცი, გლახა მწირსა თავსა სჭრიდენ;
გოდორს თავი აკლიაო, ცხრის ურმისა ზარში ჰყრიდენ,
ტანთ მარხველი არა ყვანდა, მელა-ტურა გამოხვრიდენ!

კ. დავით გურამისშვილის ლექთაგან დატყოება

318

ვაი იმ დღისა დამსწრებსა! აწ სათქმელადაც ძნელია,
კაცთაგან თვისი აუგი საზარლად საუბნელია!
ცოდვამ მოგვიცვა, ნათელსა გარს მოეხვია ძნელია,
ხელში ნაჭერი კეთილი შეგვექნა საძებნელია.

319

ქართველთ მადლს ცოდვამ დასძლია, რა აღმწონელმან აწონა;
წუნებულ იქმნენ დვაწლითა, თავი ვედარვინ აწონა;
მის გამო მტერთა მათზედა დანაცემინა აწ ონა,
აღარ სცა მტვერი მარილი, არც ლუკმა პური აწონა.

320

წაღმა მბრუნავმა დრო-ჟამმა უკუღმა შექნა ტრიალი,
ფრთა მოჰკრა ქართლსა, კახეთსა, შეაქნევინა ხრტიალი:
მამლები ტურამ დაჭამა, დედლები დარჩა ტიალი,
მიღგა ყოვი და ყორანი დანაწყებინა წკრტიალი.

321

მოისრა ხშირი ქვეყანა, გახდა ვერანად, ტრამლადა!
სულ წარიტაცეს, თუ ვინმე შამბში მოურჩა წამლადა;
დადედლებულნი შიშითვან აღარ ვარგოდენ მამლადა,
აღარვინ დარჩა ფარსაგი პატრონად, ქვეყნის მამლადა.

322

კახს-ბატონს ქონსტანტილესა საქმე მოუხდა ყალათი,
ტანთ ხვანთქრის ქურქი ჩაიცვა, დასთმო ყევნის ხალათი,
მტერს დამორჩილდა ნებითა, ვედარა ქნა რა ძალათი,
მიენდო, თავის თავზედა ახმარებინა ჯალათი.

323

რაც მოგახსენე, მოგგვარა ჩვენ ერთმანერთის ბრძოლამა!
ქართლი ოსმალომ დაიპყრა, კახეთი ლეკთა მოლამა;
მით ჩვენმა სისხლმან ნადვარმან ხევნები სულ ამოლამა.
სუნით მოიცვა მთა-ბარი ჩვენის მკვდრის მძორთა ყროლამა!

324

მე ვიყავ ერთი თავადი, მოსახლე გორისუბანსა;
ჯვარობას ჩვენი ქალ-რძალნი იცვამდენ არ ავს ჯუბასა;
მუნით გამტყორცნა საწუთრომ, გარდამაცილვა უუბანსა,
გაი, რა კარგა მოვსოქვემდი, მეტყოდეს ვინმე თუ ბანსა!

325

მო, ყური მიგდე, მოგითხრობ ტყვედ ჩემსა წამოყვანასა.
ქვეყნის წახდენის მიზეზით ვსცხოვრობდი სხვის ქვეყნასა,
სადაც უხმობენ სახელად, ქსნის ხვზე, ლამისყანასა,
მუნ მოყვრის მუშას თავს ვადექ, მკას უპირებდით ყანასა.

326

დილაზე ავდექ, წინაწინ წაველ კაცითა ორითა,
გსოქვი, მუშას სადილს უმზადებთ ძროხით, ცხვრითა და ღორითა;
არ შეყრილიყო ჯერ მუშა, იყვნენ მოსასვლელ შორითა,
ჩვენ თურმე გვნახეს, მოგვამართეს ლეკთა ირტოზის გორითა.

327

მუნ ახლოს წყარო დიოდა, მასთან ტყე იყო ხშირადო,
იქ მოგვეპ[ა]რნენ, დაგვისხდეს თხუთმეტი კაცი მზირადო;
ავიხსენ თოფი და ხმალი, მივყუდე მუხის ძირადო;
იმ წყალზე პირის საბანად მე მიველ თავის ჭირადო.

328

შემიპყრეს, წამომიყვანეს, ხელ-ფეხს მომიღვეს გენია,
გარდმომატარეს ასი მთა, მინდორი ცხრა იმდენია;
მუდამად თვალთა ნაკადი მდუღარე ცრემლი მდენია,
მაჭამეს დუმა და ხალი, მახვრიტეს ხინკლის წვენია.

329

მე დუმის ჭამას არ ვჩივი, ნეტავი მაძღრივ მქონოდა;
არ ვინადვლიდი, ცხიმითა რომ ტუხი გარდამქონოდა;
მე ეს მიმძიმდა, მხარ-შეკვრით მოვყვანდი ოსოქოლოდა.
ვაი, რად დარჩი ცოცხალი, შენ, თაო, ჩასაქოლადა!

330

მამიყვანეს, არა-დირსთა ღირსეულად მიმსახურეს.
არც მასვეს და არც მაჭამეს, არც ჩამაცვეს, არც დამხურეს.
უსასეყიდლოდ მიღებული გასასეყიდლად დამაშურეს.
გავეპარე, დამიჭირეს, რად წახველო, დამპადურეს.

331

მარტო ვიყავ, არვინ მყვანდა მე დვთის მეტი სხვა პატრონი,
არცა მაქვნდა საიმედოდ საჭურველი სამხედრონი;
ღმერთს მივენდევ, მან ისმინა იგი ჩემი სავედრონი,
ხელმეორედ გავიპარე, რაკი ჰვპოე ჟამი, დრონი.

კა. ოდეს დატყოებულმან ურჯულოს ქვეყანას
საყვარლის სახე და სურათი ვეღარ ნახა, იმისი
მოთქმა დავითისაგან

332

სახით სიტყვა-შვენიერო, სხიო, მზეთა-მზის სახეო,
ვეძებე და შენი მზგავსი მე აქ ვერცადა ვნახეო;
გეაჯები, ნუ გამწირავ, მოვჰედე, შენ კერძ დამმარხეო,
ჯოჯოხეთში ნუ ჩამაგდებ, მიწყალობე სამოთხეო!

333

ვამე ჩემო საესავო, ტკბილო ცხოვრებისა წყარო,
გავეყარე შენს სახესა, ვა, თუ ვეღარ შავეყარო!
აწ შენვე გთხოვ, შენ შემყარო, ვინც გარდასთენ ცა-სამყარო,
მასაც გვედრებ, ვინც გამყარა, მისი ჯავრიც ამამყარო!

334

საყვარელო, სახით თქმულო, უსასყიდლო მარგალიტო!
ვის გადარო, ჩემთვის მკვდარო, მზევ, მზეთა-მზის მაგალითო!
გევედრები შემიბრალო, თავს მომჭრიან მანგალითო,
ოდეს სული ამოგლიჯონ, შენკე მისწი მანგანითო!

335

მტანჯვენ, სომეო: აწ ვით დაგთმო, ვით უმანკოვ ტრედო, გვრიტო?
შენ, შარბათი, ვით დაგდვარო და ძიმწარის წვენი ვხვრიტო;
ბნელსა ვზივარ, გეაჯები სასინათლო ამიხვრიტო,
ამოვსძვრე და გამოვიქცე, მოვიდე და შენა გჭვრიტო.

336

შენ იქსო, წყემსო ჩვენო, ჩვენთვის სისხლის დამანთხეო!
ვით ცხოვარი ვარ წყმენდილი, ნუ დამკარგავ, მომნახეო;
ჩემზედ მხეცთა უხილავთა ნუ მოუშვებ შერისხეო,
მარცხნივ თიკანთ განმარიდე, მარჯვნივ კრავთან შემრაცხეო!

337

სამკურნალოს ცვარ-ცხებულო, სნეულთ წყლურების შემხვეო!
სნეულება განმიკურნე, მო, სალბუნი მომაცხეო;
გამაგონე ხმა საყვირთა, ამოიდე ხმა მჭახეო,
ვით ლაზარეს დამარხულსა „აღდექ“ – თავსა დამძახეო!

338

ჩვენ ცხოვართა, წყემსის კვერთხო, ძელო ცხოვრებისა ხეო,
შენზედ ბმულით შეიმუსვრის ჩემი წარწყმენდის მახეო;
შენს ჩრდილო ქვეშ დავჯდომილვარ, ჩემო სამოთხის დამრხეო,
განმაშორე მაგნეთაგან, ავსა ნურას შემამთხვეო!

კბ. ოდეს დავითს ტყვეობასა შინა სციოდა და მზე
ლრუბლის გამო თვალით არა ჩნდა, იმაზე თქმული

339

მსურის ქება და დიდება ნათლისა წარუალისა,
მზეთა-მზის ვახში თავს მაძეს, მმართებს გარდახდა ვალისა,
ჭირს საცნაურის მზისაცა სწორედ გამართვა თვალისა,
არამ-თუ უცნაურისა ცნობა გზისა და კვალისა.

340

სჯობს ვეტრფიალო მზეთა-მზეს, მზისათვინ თავი ვახელო,
ნათლისა გავხდე მიჯნური, რადგან თვალებსა ვახელო,
მის უკეთესი მოყვარე სად ვპოვო, სადა ვახელო?
მზე მიწყენს, თუ მზის სანაცვლოდ თინათინს ხელი ვახელო.

341

ვაი, თუ ქვეყნის გამსტრობად ვითა ქე დანი სად არი,
მზეს ღრუბლის გამო ვერ ვხედავ, აწ ბურმან დანისა დარი;
გულს მიკოდს სევდის ლახვარი ალმასის დანი(ს) სადარი,
დედ-მამა, ძმანი დავკარგვ, არ ვიცი დანი სად არი.

342

ზურგთ მძიმე ტვირთი მკიდია ცოდვისა, არ სუბუქია;
გზა-შეცდომილი ვრონინებ, მაზრობს ქარი და ბუქია;
მასხია ცივი ნაბადი, არა მაქვს თბილი ქურქია.
სჯობს ვეტრფიალო მზეთა-მზეს, მომფინოს მზისა შუქია.

343

მზევ, მზისა მამზევებელო, მე შენსას ვერას ვზარობა,
მიუწოდელო ნათელო, სად პირად მთვარობ, სად მზობა,
შენის ვერ ხილვის სევდითა სულსა რასთვისა მაძრობა?
მზევ, მომეშველე, განმათბე, სიცივით ნუ დამაძრობა.

344

ცად მომფენელი ნათლისა, რათ მელანდები ბნელადა!
ჩემ თვალთა ჩინის მპოვნელი შემქმნისარ საძებნელადა,
ცეცხლ-განმვლეველად მცხინვარებ, ცვარსა აპკურებ ნელადა,
ცვარით გამნკურნე, ვერ ჩავხე ბითეზდას საბანელადა.

345

მზეთა-მზევ, მზემან მომნახოს, მითხრას მშვიდობა, სალამი,
თავს საფარველად მომმადლოს თავის ალდგომის ალამი;
რომ მოვკვდე, ჩამდვან საფლავად, მაყარონ მე მიწა ლამი,
მიგრილოს, ცეცხლით არ დამწოს, ვით ჩალა ხმელი, წალამი.

346

განთიადისა ვარსკვლავო, მის მზეთა-მზისა მთიებო,
ვიკარგვი ბნელის დამითა, დღევ, რად არ მომიძიებო!
განმიადვილე გზა და სვლა, მეტად ნუ განმიძნელებო,
თინათინითაც განმათბე, ყინვით ნუ განმაცივებო!

347

ვაიმე! მე ვინ მაღირსებს მის მზის ყუდროში დასმასა,
მის ნათლით შვებას, სიხარულს, ართუ ჭამასა და სმასა,
მე ყინვით დამძრალს გულზედა სათბუნლად ხელის დასმასა?
რომელიც ქალი მაღირსებს, ძმას ვანაცვალებ, დას მასა.

348

მზეო, ყოველთა მნათობთა შენ სჯობხარ მანათობელად,
თუმცა ვერ გხედამ თვალითა, ხარ ძნელი დასათმობელად;
მე ყინვისაგან დამძრალი გენუკვი დასათბობელად;
გემუდარები, ნუ გამხდი ცეცხლზედა დასართობელად.

349

ისმინე ლექსთა მკითხველო, სიტყვა აგიხსნა წინადა:
ძეს ღმერთს კაცებით მზედ ვსახავ, სახით მზეს თინათინადა;
ღმერთთა ღმერთობით, მზეთა-მზედ მამას ვსახ თქმად სასმინადა.

მე მზესა ვეძებ, თინათინ ყოვლ-დღივ შუქს თვალის ჩინადა.

350

სახით იგავად სათქმელად მამა მზეთა-მზედ ითქოსა,
ძე ღვთისა მხოლოდ-მობილი მზე სიმართლისა იქოსა;
მისთვის საწუთროს მნათობმან მზემ თინათინი ირქოსა.
ეს წიგნი წმინდად სახმარი არავინ გამიჩირქოსა!

351

საწუთროს მზის ტრფიალობა მისთან არ განიხსენება,
ძისა მოგითხარ მზეობა, შენ მზისა ნუ გეჩემება:
ვინ საწუთროსა მზესთანა მიჩნს თინათინის შვენება,
ეგრეთვე ძესთან საწუთრო მზე მიჩანს და მის თენება.

352

რაგინდ მე ასრე გავგიუდე, თავი ვახალო ტინზედა,
მხეცნი, ფრინველნი ვასერო ჩემსა ხორცსა და ტვინზედა!
იგ მარგალიტი თაღლითზე, ოქრო გავცვალო სინზედა,
გგონებ არც მაშინ გავცვალო იგი მზე თინათინზედა.

352

საწუთროს მზის თინათინი მოგითხრა რაცა ფერია;
სარკის მზის შუქით ციალსა უწოდენ ქართველთ ერია,
ვერას ხორციელს სულდემულსა ბჭალში ვერ დაუჭერია,
ძე თინათინი მინათობს სახლო კედელ-ყურე, ჭერია.

კგ. მზეთა-მზის ვედრება დავითისაგან, მზის თხოვნა
დასათბობლად ტირილითა
თუ სიმღერის ხმითა
(ამის ხმას ეწოდების რუსულად მასონ)

354

მზევ! სიშორითა შენითა
ვსტირ გულზე კვნესით, ქშენითა;
ყინვა მკლავს და მარჩობს ბუქი;
განმათბე, მომფინე შუქი!“

355

მზეთა-მზეო, ამად ვსტირი,
სადღაც დაგიფარავს პირი.
საქებრად ხარ სასალუქი,
განმათბე, მომფინე შუქი!

356

მზევ, ნუ გახდი კარგს დარს ავდრად,
ნუ ჩამაგდებ ყინვით დადრად:
დამფუფქავს დადართა თუთქი,
განმათბე, მომფინე შუქი!

357

მზევ, შენ ხარ კარგი ნარუქი!
ბრძენთაგანა ხარ არ უქი,
ზეგარდმო ნიჭი ნაჩუქი;

განმათბე, მომფინე შუქი!

358

მზევ, მახარე შენსა მოსვლით,
ახლით მმოსე შესამოსლით;
არ მათბობს მე ძეელი ქურქი,
განმათბე, მომფინე შუქი!

359

მზევ, მომხედე პირის ბრწყინვით,
ნუ დამაძრობ ცივის ყინვით.
სხივთ სითბოს გიქებს ბარუქი,
განმათბე, მომფინე შუქი!

360

მზევ, საცნობლად შენსა მჭვრეტსა
თა(ვ)ბრუს ასხამ, შეაქ რეტსა.
გიმართაგს ვერ მართლა თვალსა,
ვერ სცნობს შენსა გზასა და კვალსა!

361

რაზომც ენამუსიკობდეს,
ბრძნად გაქებდეს და გამკობდეს,
გარდიხდის ვერ ახად ვალსა,
ვერ სცნობს შენსა გზასა და კვალსა!

362

მზედა გსახავს მზის დამსახველს,
მით შეგიმკობს სახით სახელს;
ფერს შენი საცა დავალსა,
ვერ სცნობს შენსა გზასა და კვალსა!

363

ვის უყვარხარ, მიაჩნიხარ,
თუმც არ იცის, სადაც ზიხარ,
შენთვის სწვავს ხორცსა და ძვალსა,
ის სცნობს შენსა გზასა და კვალსა!

364

ზე ანათობ ცა-სამყაროს,
ქვე ხმელეთსა, ზღვასა, წყაროს;
გიღრუბლავს ჩემ თვალთა ბნელად,
შემქნიხარ ჭკვით საძებნელად!

365

მე ეს საქმე დიდათ მიკვირს;
შენ მე მწყალობ, სად წვით მიჭირს;
ქარსა გრილს მიქროლებ ნელად,
შემქმნიხარ ჭკვით საძებნელად!

366

შენ შემქენ და შენ დამბადე,

თვალთა დამაფარე ბადე,
საჭვრეტლად შემექენ ძნელად,
შემქნიხარ ჭკვით საძებნელად!

367

თუმცა ვხედავ, დავალ ბეცად,
ჭკუვით გსაზრავ ქვეყნით ზეცად,
მეგულვი შენ ჩემად მხსნელად,
შემქნიხარ ჭკვით საძებნელად!

368

გეაჯები, მზეო, ღირს მყო.
ეს წყალობა შენ მე მიყო.
მიხილე მე ბრმასა თვალი,
მაცნობე სვლად გზა და კვალი!

კდ. მზეთა-მზის შესხმა და ჭეშმარიტის გზის
თხოვნა დავითისაგან

369

დიდება შენდა, დიდება, სახით მზეთა-მზეო,
მიუწდომელო ნათელო, გრძელო, ძველო დდეო,
უფალო უფლებათაო, მეფეთ მეუფეო!
უბერებელო, უკვდაო, მყოფო, შეურყეო, —
შენ გაქებ და გეაჯები დაკარგული ტყვეო,
მომიხსენე მონა შენი, ნუ დამივიწყეო!
ვით მე გთხოვე, ჭეშმარიტი შენ გზა მაუწყეო!

კე. სვინიდისის მხილება დავითისა, ოდეს
დატყოებულმან გამოპარვა გაივლო გულშია

370

გულმან მითხრა: ადეო! რაღათ მაიცადეო?
თუ არა იქ, ვით იქნას, რაც რომ დაიქადეო?
ჯერ რაც უფალო ყალანი გედვას, გარდიხადეო;
სთხოე, ძალა მან მოგცეს, ვისგანც დაიბადეო,
კვლავ წადი და განხეოქე მტერო მახე და ბადეო;
მას კაცს, დვოთისა საყვარელს, მიჰყევ, თავი ანდეო,
ვისაც დავით ხადოდეს, უფლად შენ მას ხადეო!

371

აადეო, ადეო! გულით მაიწადეო!
შორს ახლიხარ საყვარელს, ახლოს განემზადეო:
სახე მისი, სურათი თვალწინ მაილანდეო,
მის წინ ასე სტიროდე, იქ მას შაებრალდეო!
თუ გწადს, შენსა საყვარელს გულით შეუყვარდეო,
შენთვის ლახვრით დაჭრილსა სისხლსა ცრემლით ბანდეო:
ეგ რაც დავით გასწავლა, ზედ წამალი ადეო!

372

განაგდეო, დადეო, ნუ სულ ავსა გაზდეო;

დამორჩილდი უფალსა, ხადე, უდაღადეო;
სული, გული მუსკრილი დვთის წინაშე დადეო!
საყვარელი გიყვარდეს, სხვას ნურავის დაზდეო,
მის გაყრასა, ნუ იტყვი, რაგინდ თავს აწამდეო,
თორემ დიაღ გიძულებს, შენ რომ სხვასა ევანდეო,
დავითისა მცნებაზე დადექ, არ გარდახდეო!

373

აჰსადეო ბადეო, თვალთა მიეც ანდეო,
სცან ამ ლექსთა იგავი, თარგმნე, თუ გიყვარდეო!
ქრთილის პურის ქერქშია შიგ თათუხი ჩავდეო!
ქერქი გაფრცვენ, განაგდე, შიგნით გულს-კი სჭამდეო.
მე ეს ხიდი სავლელად დიაღ სწორეთ გავდეო,
შენ თუ მრუდად გაივლი, მე რა წყალში ვ(ვ)არდეო!
დავით სწორეთ მოგითხობს, თუ შენ შეიგვანდეო.

შენ თუ მრუდედ გაივლი, მე რა წყალში ვ(ვ)არდეო!
დავით სწორეთ მოგითხობს, თუ შენ შეიგვანდეო.
დავით სწორეთ მოგითხობს, თუ შენ შეიგვანდეო.

კვ. სწავლა თავის გაფრთხილებისა და შორს
წასვლაზე მზად ყოფნისა

374

სავარგონია, მგონია, ეს სიტყვა გასაგონია;
ბაღ-წალკოტისა მოქმედთა ვარდი დათესონ, რგონ ია.
თუ სნეულებას უფრთხოდე, ჭამე, სვი, შესარგონია;
თავს გაუფრთხილდი, არ უყო საქმენი ურიგონია;
დალივე საბრძონ წამალი, დაღვარე საშმაგონია;

დვთად ნუ გრწ(ა)მს გამობერილი დასია, ბილ, დაგონია;
ის გრწამდეს, ვინც რომ დაგბადა, მოგცა ჭკუვა და გონია,
მას სთხოვე, ყველა მან მოგცეს, არს შენი რაც სარგონია!
შორს წამსვლელი ხარ, მზად გაქვნდეს ნუზლი და საბარგონია,
დავითის მცნება ისმინე, განაგე გასაგონია!

375

ეს არ ჭორია, სწორია, რაც სიტყვა გითხარ ორია.
ქვად არა-წმინდათ (მ)ცონარი თქმულა კამბეჩის სკორია;
უქმად ბევრისა მჭამელი გაუმაძლარი ღორია;
უურ-მძიმე, ლაფ-ში დააფლული, ზანტი, უღონო ჯორია,
თუ ჩაწვა, ძნელად ადგების, თავშიც რომ სცემო ტორია.

გერ მქნელი, დიდთა მეტყველი ენითა, ვით რიტორია,
დაეზარების წასვლასა, რაგინდ არ იყოს შორია.
ძალ-მოკლებულ არს მცონარი, ვითა მდინარე მდორია:
მხენემან, ვით ჩქარმან წყარომან, განხევთქოს მთა და გორია.
მხენე იყავნ და განძლიერდი, დავითს რაც უთქვამს, სწორია!

მხენემან, ვით ჩქარმან წყარომან, განხევთქოს მთა და გორია,
მხენე იყავ და განძლიერდი, დავითს რაც უთქვამს, სწორია!
მხენე იყავ და განძლიერდი, დავითს რაც უთქვამს, სწორია!

კზ. ლოცვა, ოდეს დაგითს ტყვეობასა შინა მოშივდა და
ღმერთს პური სთხოვა

(იამბიკო)

376

მამაო, ყოვლის მპყრობელო, ღმერთო მოწყალეო!
ჩვენო გამაპაცებელო, შემქმნელ-დამბადეო!
რომელი ხარ ცათა შინა არსის საყდარზეო,
წმინდა არსი მაგალობე, შენი ეო-მეო.

377

იყავნ ჩემზედ მოწყალებით, შენ დამიფარეო;
სახელისა შენისათვის აწ მამებმარეო;
შენი უხვი მოწყალება შორს ნუ წამგვარეო,
მოვედინ მოწყალებითა, ისევ შემყარეო!

378

სუფევა წარმოავლინე, მადლი მომფინეო;
შენი განჩენილი ვარ და შენ დამარჩინეო!
იყავნ ნება შენი ჩემზე, ჩემო მეუფეო,
ვითარცა პირველ მამათა შენ უწყალობეო.

379

ცათა შინა ისრაელთა საზღო უწვიმეო,
ეგრეცა ნათლის სვეტითა დამე ავლინეო,
ქვეყანასა ვარ უცხოსა დაკარგული ტყვეო,
ზედა მთასა ავართასა, აწ მამეშველეო.

380

პური არა მაქვს, მიბოძე, მშიან, მაჭამეო!
ჩვენი შენგნით მოცემული, რად დამიმალეო?
არსობისა პურს გამყარე, შამბი მაძოე!
მომეც, გვედრებ, შენი ვალი გარდაიხადეო!

381

ჩვენ გცოდეთ და შენ შეგვინდევ სულგრძელ-მოწყალეო,
დდეს სადილად არა მაქვს-რა, გამომიჩინეო;
დავიკრიფე ყოვისფჩხილა და ისი ვსჭამეო!
მომიტევენ შეცოდება, თუ რამ შეგცოდეო.

382

ჩვენთანა შენი წყალობა ნუ განაქარვეო,
ნადებნი ძველნი სახმილნი ნუ განგვიახლეო,
ჩვენნი მსხვერპლი კაენისა ნუ მიამზგავსეო.
ვითარცა აბელ მართლისა შენ შეიწირეო.

383

ჩვენ მიუტევებთ თუ მმათა, შენც მოგვიტევეო!
თანამდებოა გარდავიხდით, მივცემო რაცა გვძეო,
მათ ჩვენთა აღნადგინებთა სხვათა ნუ აძლეო.

დამბადებელო მიბოძე, ეს რაც ვითხოვეო.

384

ნუ შემიყვანებ ღრმა ზღვათა, რომ არ დავინოქეო,
ჩვენ შენად სადიდებელად მთლად განგვარინეო,
განსაცდელსა მოგვარიდე, კარგო მენავეო,
არამედ მისენ, ვით მოსეს შუა განუპეო!

385

ჩვენო მოწყალევ! ეს ძღვენი გიძღვენ დავით მეო,
ბოროტისაგან დამისენ ყოვლად ავით მეო!

კმ. სამების ვედრება: გზის წარმართვის
თხოვნა დავითისაგან

(იამბიკო)

386

რამეთუ გცოდე, უფალო, ვითხოვ შემინდეო!
შენი ვარ მონა, წყალობა შენ მე დამმართეო.
არსადა მყავს მისამართი, მე შენ მოგმართეო,
სუფევა შენი მშვიდობით გამოავლინეო.

387

ძალი და ღონე მიბოძე, მტერთა ვეუო მრეო.
დიდება შენდა ნათელო, ერთო, სამ-სახეო!
მამისა აბრამისასა სტუმრად მსხდომარეო,
დაბერებულთა მათ ბერწოა შვილით ახარეო,

388

ძისა მათისა ისაკით ძე მოასწავეო.
დამმარხველს, დამტირებელსა ვითხოვ, მიბოძეო!
წმინდისა სამებისაო მადლო, დამფარეო,
სულისა ჩემის საოხად, რაც ვთქვი, მახმარეო.

389

აწ დავით იტყვის: დიდება, შენდა, მეუფეო,
მარადის და უკუნითი უკუნისამდეო!
ამინთე მე ბეჭლს სანთელი და მამინათეო,
დავით მე შენ გევედრები, გზა წარმიმართეო!

კთ. ძის ვედრება დავითისაგან

(იამბიკო)

390

დამბადებელის მამისა საყვარელო ძეო,
აღმიპყარ ხელი, რასაცა ვითხოვ, მიბოძეო!
ვარ ვით ცხოვარი წყმენდილი, აწ მომიძიეო,
იესო, წყემსო კეთილო, კაცთა მეცხორეო!

391

თიქნად ნუ გამხდი, მარჯვნით კრავში გამრიეო;

განმარიდე უხილავთა, მხეცთ ნუ შემაჭმეო.
უფალო ყოვლად ძლიერო, განმაძლიერეო,
რომელმან ქალწულისაგან ხორცი იგასხეო,

392

ადამიანთა ხსნისათვის ჯვარს დაემსჭვალეო,
მოჰკალ სიკვდილით სიკვდილი და განაქარვეო,
იხსენ ადამ საკვრელთაგან, უვას ახარეო;
საფლავთაგან აღადგინე მკვდრეთით ლაზარეო.

393

შენ გახსენ ჩემი კრულება და წარმავლინეო,
ვით გამყარე სამკვიდროსა, ისევ შემყარეო.
იხსო ძეო ღვთისაო, ეს შეისმინეო!
ლექსისა ამის შემწყობი, დავით, აცხონეო,
იმის სულს მიეც შვება და მეც განმისვენეო!

ლ. თხოვნა გამლექსაგისაგან

394

თომავ, დავით მეო, ამ წიგნს მოგარომეო!
წაიკითხე, შენ გაშინჯე, კარგად შეიტყეო,
რომელიც ხმა შენ შეგეწყო, მეც ის შევაწყეო.
თუ რამ შენთვის მამეპაროს, შენთვის გარდიწყეო.

395

ტანსა რაც გინდა უყავი, თავს ნუ შემირყეო.
უკაცრაოდ ნუ ვიქნები, ძმაო, ამაზეო,
რომ ეს სიტყვა შემოგადრე, ვერ გითავაზეო,
შენს ქალთა-მზეს ბევრითა სჯობს ჩემი მზეთა-მზეო,

396

ქვეყანაზედ არცად არის იმ სილამაზეო.
თუ ნახევდე, იყადრებდი მთხვევნას ფეხებზეო.
გამოვარჩივე მე იფქლი, შენ შახვეტე ბზეო,
ჩემს თეთრს თუდუნს არვინ გაცვლის შენს შავს არაბზეო.

397

გამოვარჩივ მე იფქლი, შენ შეხვეტე ბზეო,
ჩემს თეთრს თუდუნს არვინ გაცვლის შენს შავს არაბზეო.
ჩემს თეთრს თუდუნს არვინ გაცვლის შენს შავს არაბზეო!

ლა. სიზმარი დავით გურამიშვილისა
ტყვეობასა შინა

398

ხმა მესმა ძილსა შინაო: „რას ხვრივ, რასა ფშვინაო!
აქ რას უწევხარ საძილოდ, რატომ არ წახვალ შინაო!“
ფეხი წამომერა წყნარადა, ჯოხითა დამაშინაო:
„რატომ ვერ ბედავ წასვლასა, აგრე რამ შეგაშინაო?“

399

დამაწვენელმან აქ შენმან აქ ადარ დაგაწვინაო;
მასთან გიბრძანა დაწოლა, ვისთანაც გაქორწინაო,
ადექ, იარე, წავიდეთ, მე წაგიძღვები წინაო!
მასთან გიბრძანა დაწოლა, ვისთანაც გაქორწინაო.
ადექ, იარე, წავიდეთ, მე წაგიძღვები წინაო!
ადექ, იარე, წავიდეთ, მე წაგიძღვები წინაო!“

400

მძინარეს ასე მეგონა, ცხადია, – არ სიზმარია;
ვსოდე, თუ: ტყვე ვინძე მოსულა, ჩემსავით პატიმარია.
მე უთხარ: თუ რამ შაგეძლოს, შენს თავსა მოეხმარია,
არ გეშინიან, გზა იცი, შენ წადი, მე კი მარია!

401

მე მითხოვნია ღვთისათვის, რაც ჩემი სათხოვარია:
აწ ჩემი წინამდღომელი არს ქრისტე მაცხოვარია,
მან მწყემს-კეთილმან მომნახოს მე წარწყმელილი ცხვარია,
შენ ვერ გენდობი, ვერ გიცნობ, არ ვიცი ვინა ხარია!

402

მან მითხრა: ვისაც შენ ამბობ, შენზედ წყალობა მისია;
შენად ჯოხითა საცემრად მე იმან გამომისია.
მან ბრძანა: ფარეხთ გარეთა რად დაგდებულა ისია,
რად არ ეშინის მგელთაგან, დამეა, განა დღისია?!

403

მე უთხარ: თუმცა აგრეა, კაცი ყოფილხარ წმინდაო,
ოდონც ამდენი მაცალე, ვიშოვნო ქალმან-წინდაო,
ფეხთა ჩავიცვამ, წამოვალ, აქ ყოფნა მე არ მინდაო!
დუმნა, აღარა მითხრა-რა, დითხანს ხმა გაიქმინდაო.

404

ერთი ეს კი თქვა: არ ვიცი მე შენის ქალმან-წინდისა,
გზას გაძლევს ცრემლნი მოყვასთა, უკან ძმისა და წინ დისა;
ჩემგნით ეგ იყო მოთხრობა, ნიშნად მოცემა წინდისა!
თუ მიენდობი, დაგფარავს მადლი სულისა წმინდისა!

ლბ. ტყვეობითგან გაპარვა დავითისა

405

გულზედ მქონდა მოხაზული ცხოვრებისა წყაროს დარი,
ვიტირე და გარდვადინე მე იმაზე ცრემლთა ღვარი.
ღმერთსა ვსოხოვ: მიწყალობე შენ ასეთი წინამდღვარი,
უვნებელად გარდმატარო ქრისტიანთა მტერთ სამდღვარი.

406

ვახსენე ღმერთი, წამოველ სითაც ხსნა მეგულებოდა,
გული ტიროდა, ცრემლითა თვალები მეგულებოდა,
აღარ მეგონა, მე თუ-და გული-და მეგულებოდა,
ვიტყოდი, ვაი, მოყვასნო ჩემთვის დაკარგულებო, და!

407

დღისით წიმანძღვრად მზე მყვანდის, ლამით უჭვრეტდი მთვარესა,
მივენდევ შვიდთა გარსკვლავთა მას ჩრდილოეთის მხარესა;
ლამით შიშველს მთას მოვადექ შუვა დაღისტნის არესა,
მუნ ჟამსა რასმე შევესწარ სიცოცხლის დასამწარესა.

408

ასტყდა ქარი და დაიწყო სეტყვა, ელვა და ქუხილი,
წამ-და-წუთ ელვის ზარითა თვალებმა შექნეს წუხილი;
არცად ჩნდა თავის საფარი, მაზედ შემექნა წუხილი,
თავს დავიხვივე სარტყელი, წავსწევ, ტანს არას უფოხილი.

409

სეტყვისა თავში დაცემის შიშითა პირქვე მხობილსა,
გულმან მთქვა: ადექ, იელვებს, იპოვნი გამოქობილსა.
ავდექ; იელა, მივად(ე)გ კარს მთა-ხვრელს ლოდ-გაძრობილსა,
მიველ და მაშიგ უკუცსძვერ, ვმადლობდი მხოლოდ-შობილსა.

410

დამედვა დიდი იმედი, ვთქვი, თურმე ღმერთი მფარავსა;
თუ ჩემთვის კარგი არ სწადდეს, არ დამადგამდა კარავსა;
დამისხნა წვიმა-სეტყვასა, ქარსა სასტიკად მბზარავსა,
რაც კაცი ღმერთსა ენდობის, ღმერთი კარგს უზამს, არ ავსა.

411

ვსოქვი, თუ: ვჲ, ღმერთო, შენა ხარ ჩემებრ ცდომილთა მხსნელია;
თუ არ შენგნითა, წინასწარ საქმის შეტყობა ძნელია;
თვალებ-დახუჭვილს მწოლარეს გარს მერტეა ღამე ძნელია,
გულით მაცნობე წინა-გზა და ვპოე საძებნელია.

412

სეტყვამ გარდილო, გამოველ. უფალსა მსხვერპლი შევსწირე:
არ მყვანდა საღმოოდ ზვარაკი, მხურვალეს გულით შევსტირე;
არც მაქვნდა სამდოო წერილი, ცოდნაცა მაქვნდა მე მცირე,
„ღმერთო, დამისხენ მტერთაგანს“, ეს ლოცვა გავიზეპირე.

ლბ. ოდეს დავით ავის დღისაგან შეწუხებული
სვინდისის მხილებით ელვისაგან გამოქობილი
კლდე იპოვნა და იმას შაეფარა, იქიდამ
გამოსულმან ილოცა

413

შენ, ღმერთო ერთო, ხილულთა მე ვერას დაგადარებო,
არ ვიცი, ზიხარ, თუ სწევხარ, ფრინავ, თუ ფეხზე დარებო.
ნათლად ვთქვა, ძველ-დღედ ხელმწიფობ, მზით დღესაც შენ ადარებო,
უკვდავხარ, გნებავს ვისიცა, აცოცხლებ და ამკვდარებო.

414

მამა ხარ დაუსაბამო, არა გაქვს დასასრულია,
სიტყვა გაქვს ძედ მოთხრობილი, გვსმენია აქ მოსულია.
არა ხარ ღმერთი მტყუარი, გაქვს ჭეშმარიტი სულია.
ერთი ხარ, მაგრამ ამ სიტყვით სამად ხარ გაექსულია.

415

მზე და სხივი და ნათელი ვით სამად გალექსულია,
იგ სამივ ერთი მზე არის, არ ცალკე გაქსაქსულია;
ეგრეთ მამა და ეგრეთ ძე, და ეგრეთ წმინდა სულია,
ვისაც სამება არა სწამს, სჯულთაგან გარდასულია.

416

ღმერთო, ცათა და ქვეყნისა მპყრობელო, შემამკობელო,
მამავ და ძეო და სულო, წინასწარ საქმის მცნობელო!
ჩვენად ხენად, შენად საქებრად მის მთით მის ლოდის მძრობელო.
ძე, დავით, მიხსენ მტერთაგან, მამის დავითის მთნობელო!

417

სახით, ვითარცა საწმისზედ, ცვარო ზეგარდმო წვეთილო,
აგარაკთაგან უთესლოდ ძირო მორჩადა ხეთქილო;
გამოუთქმელად ნათქვამო, მთით ლოდო გამოკვეთილო,
მიხსენ ცხოვარი წყმედილი, იესო მწყემსო კეთილო!

418

მეხო, ქუხილის ისარო, მტერთ გულზე დასარჭობელო,
დავითის ვარდო, აბრამის ყვავილო დაუჭკნობელო.
განსჯად ცხოველთა და მკვდართა სამართლის გამამბჭობელო,
მარცხენით თიკანთ მარიდე, მარჯვენით კრავთა მხმობელო!

ლდ. ვედრება დვთის-მშობლისა დავითისაგან,
ოდეს იმ ზეით თქმულს ლოდ-გამოკვეთილს კლდეს
შაეფარა ავის დღის მიზეზით

(ბოლო ერთი)

419

მთავ დვთისავ, მთაო პოხილო, დავითის საგალობელო,
ვით აგარაკო ზეგარდმო ცვარისა შემატკბობელო,
აღმოგვიცევნე უთესლოდ ნაყოფი, შესამკობელო.
მომეც ნაყოფი კეთილი, იესოს ქრისტეს მშობელო!

420

სიტყვა ძლიერთა მსმენელო, უცნაურისა მცნობელო,
სარწმუნოების ხარისხო, სჯულისა მტკიცედ მპყრობელო,
ქრისტიანეთა ზღუდეო, მფარველო, გარსა მღობელო,
შენ დამიფარე, დამიცევ, იესოს ქრისტეს მშობელო!

421

სახით აბრამის კარაო, დვთის ტევნით გულთა მყრდნობელო,
სჯულთ კიდობანო, მოსიანთ დვთის მცნების ჩასაწყობელო,
ვით შეუწელო მაყვალო, საღმრთო ცეცხლ-განუქრობელო,
მიხსენ, ნუ დამწვავ სახმილით, იესოს ქრისტეს მშობელო!

422

ქუხილო მტერთა მკვეთელო, ელვავ სულო მანათობელო,
ელისაბედის მომკითხო, მის ყრმის მის მუცლით მკრთობელო.

ვით სამოსელო უხრწნელო, შიშველთა დამათბობელო,
შემმოსე მადლით შიშველი, იესოს ქრისტეს მშობელო!

423

ბარბაროზთ სჯულთა დამხსნელო, სპ(ა)რსთ სიწმინდისა მთხოვობელო,
ცეცხლთა თაყვანისცემისა დამშრეტო, დამაცხობელო,
ღვთის ს(ა)მსხვერპლეო, ფურნეო, ცხოვრების პურთა მცხობელო,
განმაძე მადლით მშიერი, იესოს ქრისტეს მშობელო!

424

ცხოვრების წყაროს ენბაზო, მბანელთა არ სამზნობელო,
კანას წყლის ღვინად მსმეველო, მექორწილეთა მთრობელო;
კვლავ კლდეო წყლისა მომცემო, ისრაელთ ცრემლთა მშრობელო,
მასვი მე მადლით მწყურვალსა, იესოს ქრისტეს მშობელო!

425

ნაყოფიერო ვენახო, ვით ვაზო მორჩ-უჭკნობელო,
უკვდავებისა მტევანთა მოკვდავთა მოსართლობელო,
მაჩრდილებელო ნერგო და კეთილთა შრტოთა მყნობელო!
მიგრილე ცოდვით საწვავსა, იესოს ქრისტეს მშობელო!

426

სიტყვისა მღრთისა ხორცითა მტვირთველო, დამადგნობელო,
ღვთის ძისა კაცად აღმზრდელო, მით კერპთა დამადნობელო,
ადამის მხსნელის დედაო, ძით ევას მახარობელო,
შეწუხებულსა მახარე, იესოს ქრისტეს მშობელო!

427

სიბრძნისა ღვთისა სავანევ, ტახტ-საყდარ-დასაჯდომელო,
კეთილმორწმუნე მეფეთა გვირგვინად მოსახდომელო;
ხიდო წიაღ-მყვანებელო, კიბევ, ცაოამდის მწდომელო,
გზა სიმართლისა მასწავე, იესოს ქრისტეს მშობელო!

428

მის სიძის მღვიძრად დამხდომო, შუაღამ ძილთა მფრთხობელო,
გაუქრობელის ლამპრითა ქალწულთა წინა მსწრობელო;
სულელთა ლამპარ-შრეტილთა მრეკელთა კართა მხშობელო,
მოწყალებისა კარ-მიღე, იესოს ქრისტეს მშობელო!

429

ზეცით ღვთის სიტყვის საყვირო, ქვეყნად კაცო მოსათხობელო,
არსის საყდრისა სასანთლევ, ლამპარ-გრძლად-გაუქრობელო;
მის მთიებისა ღედობით ბნელ ქვეყნის მანათობელო,
შენ განმინათლე გონება, იესოს ქრისტეს მშობელო!

430

ვით მამათ-მამის შურდულო, მთავ, ლოდის გამამტყორცნელო,
დამამტვრეველო კერპთა და საწუთოს ღმერთთა მხოცელო.
პირველ წყევისა წერილთა ბრალისა აღმამხოცელო,
მიხსენ დედაო ღვთისაო და ჩემო ხატ-სალოცველო!

431

დაურღვეველო ზღუდეო, გოდოლო შეურყეველო,
ცათაგან დაუტევნელთა წიადთა დამატეველო;
მარიამ ქრისტეს დედაო, ასულო სიონეველო,
შენ მეოხ-მეყავ ცოდვილსა, ქალწულო, დვთისა მხეველო!

432

შენ გევედრები, ცისკარო საიდუმლოსა დღისაო,
ნათელო შარავანდედო საცნაურისა მზისაო,
დედაო მუცლად მღებელ[ლ]ო გამომხსნელისა ტყვისაო,
ტყვეობისაგან დამისხენ, მშობელო დვთის სიტყვისაო!

433

ნათელო და ბრწყინვალეო, თქმულო აღდგომისა ხატო,
სიტყვიერთა ცხოვართ ქნარო და უხილავთ მხეცო დამსხარტო;
ტარიგის და წყემსის დედავ, მე ნუ დამიტევებ მარტო,
ძალი მომეც, გარდმახტუნე, სადაც დამხვდეს ცოდვის ფლატო!

434

შენ საქებრად რიტორიცა არს, ვით თევზი, უხმო, უტყვი;
მე ვით ვიტყვი, შენს ქებასა, ნაწვართი ვარ ვით პირუტყვი,
მიჭირდა და ჩემს მავნეთა შენგნით კვერთხი გარდაურტყი.
ვით ენბაზო, განმიწმინდე მე ცოდვისა ბრალთა ტუტყი!

ლე. ოდეს ზეით ხსენებულის გამოქობილ კლდიდამ წამოსულს
დავით გურამიშვილს უცხონი შეხვდენ და
მათის შიშით მუხლი მოეჭრა

435

რომელმანც მთამან დამფარა, მას მთაზედ იმ სეტყვებითა,
მეც იმ მთას მსხვერპლი შევსწირე, რაც გითხარ იმ სიტყვებითა;
მერმე ავდექ და წამოველ ტირილითა და ტყებითა;
სულ გავანედლე გამხმარნი შამბნარ[ნ]ი ცრემლთა რწყებითა.

436

კოჭამდის სეტყვას ვაპობდი, ფეხები მაქვნდა შიშველი.
ყველაზედ გული მაგრობდა, არაზედ ვიყავ მშიშველი.
ვსოჭვი თუ, რას მიზამს მაცდური, ან მგელი, ან დათვი, შველი?
შავეპოვები არავის, თუ, ღმერთო, შენ კი მიშველი.

437

აწ ყველა წვრილად ვერ მოვსთვლი, რაც მაშინ გარდამხედია,
სამი დღე შამბში ვსწოლილვარ, მაღლა არ ამიხედია,
წინ გზისა შეკვრის შიშითა წასვლა ვერ გამიბედია,
შიმშილისაგან მუცელი მიმკვრია ფერდზედ ფერდია.

438

ჩემს უკან მდევართ გარდვურჩი იმ წოლით დღითა სამითა,
ხუთი დღე-დამე ვიცხოვრე შვიდის ტყემალის ჭამითა;
დღისით ჯაგნარში ვსძვრებოდი, მინდვრად ვიდოდი დამითა,
დღე თერთმეტამდის ვიარე ყოფა-ქცევითა ამითა.

439

თუმც არ მეჭამა მე პური თბილ-თაჯა ჯავახურია,
არც მესვა ღვინო კახური, არ ვიყავ ნაბახურია;
ათის დღის მშიერს მომერთვა სადილი საკვექურია,
მოუწევარი კვინჩხი და მკვახე მე კოწახურია.

440

პერანგი მეცვა ახალი, არ ძველი მე ტანზე ნარმა,
მუხლო ქვეით გავხდი შიშველი, შემომეცვითა ზე ნარმა;
დიდთა ჭირთაგან ვნებული ოდეს მცნა მამამ ზენარმა,
მან გამომირწყო წყლული და მიშვა მგრგენმა და მზრზენალმა.

441

მეთორმეტეს დღეს მოვადექ წყლის პირსა მე უჭალოსა,
შამბში ვსძვერ ვითა ნიბლია, ვსოქვი, არვინ არ ამბჭალოსა.
შავხედე, გაღმა ლეწევდენ მათრახის ცემით კალოსა;
ვსოქვი თუ, აგების უფალმან აქ მიხსნას საკანკალოსა.

442

ცოტას ხანს უკან მომადგა მე ორი კაცი ნავითა,
მეგონა, ამას მკითხევდენ: „მანდ რას აკეთებ, დავითო?
ისევ გაბრუნდენ, შეშინდენ, ჩემის უქოჩროს თავითო,
მე მუნვე დავრჩი, დავდონდი, ვსოქვი, თუ: წავიდე საითო?

443

რა მნახეს, მათის შიშითა მეც ამეშალა ბალანი,
მუხლი მომეჭრა, წამერთო ტანში ღონე და ძალანი,
შორს ვეღარ წაველ, უაუვსწევ, მუნ ახლოს იყო ჩალანი.
გარდავიხადე იქიცა, რაც ღვთისა მედვა ყალანი.

ლგ- უცხოთ ნახვის შიშით მუხლომოჭრის დროს
დავითის ლოცვა და გალობა

444

ღმერთო, მომხედე, ვედრება მისმინე, გამიგონეო!
მუხლ-მოდებულგარ, არ ძალმიცს აქედამ დაძვრის ღონეო;
ცოდვის მუხრუჭით შეკრულსა მომიშვი, მომიფონეო,
მერმე შენ გზაზე მიმიძედვ, სად გინდეს, წამიფონეო!

445

იესო წყემსო კეთილო, ჩემებრ წარყმენდილო მპოველო.
ჩავარდი ცოდვის ხნარცვშია, ვსცადე და ვერ ამოველო
ბრძანე: „ძის თხოვნით მამასა სთხოვე, რაც გინდეს, მოხოველო“,
ვითხოვ, შემინდევ ცოდვანი, როს მკვდარი განმაცხოველო.

446

აწ ნება შენი ჩემზედა აღსრულდეს აღსასრულითა.
მინდა და ვედარ დავძრულვარ ძალთაგან განასულითა;
თუ მიხსნი, ისევ გმსახურო ქრისტიანისა სჯულითა,
თუ არა, მომკალ ხორცითა, ოღონდ ნუ წამწერნდ სულითა!

გალობა

447

მამავ, შენი ძეო, ვითხოვ, მიბოძეო;
ვიქცევი, ქვესკენეთს ვარდები, მისვეტ-მიბოძეო,
რად გძინავს, ადდეგ, უფალო, აწ განიღვიძეო,
მოდი, გამმართე წელ-გულში, სულ დავიბლუნძეო.
ლმერთო, დავითის მთნეველო, მამაო და ძეო,
ის მტერნი ჩემი მდევნელნი დევნე, განაძეო,
შენ გამირკვიე დავითსა, რაც წინ გზა მიძეო!

448

მჭამეო, მსმეო, ჩემო ტანთა მცმეო!
ვერ მოგეშვები ცოცხალი, თუნდა მაწამეო,
მიბოძე საზდო სულისა, მშიან, მაჭამეო,
კიდეც შემმოსე, სიციით სულ ვკრკი ამ ლამეო,
ბალა-ჩალაში დაგსძვრები, ვითა ლალდა, მეო;
მივხვდი, ვით მწყერი ალალთა დღეს მტერთა ლარმეო,
დავითის ძევ, დავით მისესნ მე აქადალმეო!

ლზ. შეელა დვთისაგან დავითისა, ტყვეობიდამ
გამოსვლა სარუსეთოში

449

დაღამდა, სხვა დდე გათენდა, არვინ ჩნდა ჩემი მდევარი,
დილაზე ადრე წამოვსდეგ უძილო, დამის მთევარი;
წამოველ, გზაზედ უფალმან მიბოძა საზდო მდდევარი,
ორი კიტრი და საზამთროს ნაჭერი მე ნახევარი.

450

საზამთრო სიცხით დამჭკნარი ხელში მეჩვენა მე ცხლადა
წყალი ახლოს მხვდა მდინარე, ვიკაკვე გასარეცხლადა;
კიტრი უბიდამ გამცვიდა, გულზე მამედვა ცეცხლადა,
რომ მომეყიდა მიღირდა ას ოქროდ, ათას ვერცხლადა.

451

წყალმან წაიღო, მივდივა, ვეცადე, ვერ დავიჭირე;
ბეწვი მწყდა მისის დევნითა, მეც წყალში არ დავიძირე,
დვთისაგან გულსა შემაკლდა, ვაყვედრე, ასე ვიტირე:
თუ მომეც, რადათ წამართვი, აწ ასე რად გავიწირე?

452

შენის წყალობით იზდების ყოველი დაბადებული,
აწ მე შევქნილვარ რასათვის მე შენგნით გარდაგებული?
თუ არ გინდოდა ჩემთვისა, რად დამხვდა განმზადებული;
თუ არა, რასთვის წამართვი საზდო უბეში დებული?

453

მერმე რა მოველ გონებას, მასვე დაუწყე ვედრება,
შემინდვე ესევითარი უმეცრებითა ყვედრება;
რაც ავი მიყო, დაგითმო, აწ იმას რა შაედრება,

მაგრამ ასე მშიერსა არ ძალმიც გრძლად გზაზედ რება.

454

თავს დავგმე, უთხარ შიმშილით რა გული დაგიყმედია?
მარხულობა და სასჯელი გონების გასაწმენდია;
მემთვრალეთათვის მაცდურნი მახეთა დაარწყმენ დია,
ნებიერობა ხორცისა სულისა წარსაწყმენდია.

455

მოვიდოდი და ვსტიროდი, მოვსოქვემდი ჩემსა ზიანსა,
დვთის საბოდიშოს სიტყვებსა ვიტყოდი თავაზიანსა;
უეცრად ალაგს მოვადექ ტურფასა, ლამაზიანსა,
მსხმოიარესა ბაღნარსა, ატმიანს და ვაზიანსა.

456

დავდუნე თავი, უკუვსძვერ ვაზნარსა შინა ბურვილსა,
ადმოვირეხვე უურძნითა, მოვრჩი შიმშილსა, მწყურვილსა;
მაგრამ დვთისა კი მრცხვენოდა მე ცოდვით პირ-შემურვილსა,
ვეტყოდი, რად არ მივენდევ შენის საყვარლის სურვილსა?

457

კიტრი მომეც და წამართვი, ვერ მოვითმინე თმენითა;
შევსწუხედი, მაზე გაყვედრე, გცოდე პირითა, ენითა.
შენ, ლმერთმან, იგი დამითმე სულგრძელებითა შენითა.
აწ უმჯობესიც მომაგე პილპილად საგსე ტენითა.

458

რით გარდვიხადო მე, ლმერთო, ეგევითარი ვალობა,
რაც შენ მომაგე სავსებით ურიცხვი შენი წყალობა?
უწვრთნელ ვარ, არა ვიცი რა დავითის ფსალმუნთ ვალობა.
გთხოვ, უმეცარსა შემინდო ჩემი ცოდვა და ბრალობა!

459

თურმე წინასწარ ხედევდი შენ ჩემსა გზასა, კვალებსა;
შვების წყალობას უზემდი ჩემსა ხორცისა და ძვალებსა;
მე ვერ ვხედევდი, გცოდევდი, ლიბრი დამკროდა თვალებსა,
აწ ხორცმან გცოდა, ხორცს ჰკითხე, სულს ნურასა სთხოვ ვალებსა.

460

ხორცისა აქვს დანაშაული, სულისა არა ბრალია;
სულიდ დვინო კეთილი, ხორცი ჭურჭელი მყრალია;
ხორცი ამ სოფლის გემოთი ნებიერობით მთვრალია,
სული იმ სოფელს დასჯისთვის, შიშითა სულ გამქრალია.

461

ეს სიტყვა ჩემთვის სხვას უთქვამს, ახლა მიუთხობ მეც სხოსა;
უნდა მეღვინემ სადვინე კარგარად გამორეცხოსა,
განეყრევინოს, გაწმინდოს, რაც შიგნით მწიკვლი ეცხოსა,
თუ მისგან წახდეს დვინო-და, მე თავში კეტი მეცხოსა.

462

ეჲ, ლმერთო, შენა ამღერე ეს ჩემი სატყებ-სატირი,

ჭურსა ზნოვანსა მახმარე საძელ-მაწაწურ-ხაპირი;
აღმომიწმინდე მწიკვლთაგან გული, გონება და პირი.
ცოდვით ნამტვრევთა ნაბძარნი მადლით გახიზი, შაკირი.

463

აწ შეისმინა უფალმან ხმა ვედრებისა ჩემისა,
დაღონებულსა მომაგო უამი ნუგეშის ცემისა;
ხმა სამდერალთა მასმინა, არა თუ ზართ დაცემისა.
საყდარს დარექეს, გამოხდა ზრიალი ზართა ცემისა.

464

რა შემომესმა ზარის ხმა, გულმან დამიწყო ძგერანი,
ზეზედ წამოვდეგ, დავიწყე ბურვილით გამომზერანი;
შევხედე, საყდრის კარზედა პირჯვარს დაიწყეს წერანი.
ვთქვი, თუ: უცილოდ აქ არის ჩემი ბედი და წერანი.

465

გარდაიხადა უფალმან, ჩემი ემართა რაც ვალი,
მკრა სიხარული გულისა, ანაზდათ ჭავაზედ შამცვალი,
ასე მიამა, პირიდამ გავყარე ყურძნის მარცვალი;
საჩქაროდ წასვლა მომინდა, არ ვიყავ ხანის დამცალი.

466

კიდევ შევხედე, გავშინჯე, გარჩევით დავინახეო;
თავთ იალქანი ქალთანი დევთა რქად გამოვსახეო;
ვთქვი, თუ: ვაი, თუ მაცდურმან დამირწყო რამე მახეო,
მუნ მისვლა ველარ გავბედე, შორს წასვლა განვიძრახეო.

467

მას ბაღში ხილი დავგრიფე, საგრძალი მოვიმზადეო;
ზოგი უბეში ჩავიწყევ, ზოგი კალთაში ჩავდეო.
კვლავ სვინიდისმან მამხილა: ბინდამდის მოიცადეო,
დღისით ნუ წახვალ, არამცა მოგიდგას ვინმე ბადეო.

468

წაველ, უკუვსწევ ჩალასა, სად უფრო იყო ხშირია,
ლმერთმან თქვენს მტერთა შეყაროს, რაც მე ამიტყდა ჭირია,
წამოდგა კოლოს ლაშქარი, რა შეგსძარ ჩალის ძირია,
მე დამარჩობდენ უცილოდ, თუ არ დამეცო პირია.

469

რა შემაწუხეს მეტადრე, ვიტყოდი გაჯავრებული:
ვინც უნდა იყოს, მივიდე სიცოცხლე გამწარებული.
აღარ დავდიგე, წამოვხტი, წამოველ გაჩქარებული,
მუნ ახლოს კალოს ლეწევდენ, მიველ ვით დაბარებული.

470

მიუცხოეს და შემოკრბენ მუნ ჩემი გამშინჯვარები,
შემომეხვივნენ გარშამო კაცთა და ქალთა ჯარები;
მარტო პერანგით მოსილთა ყელზედ ეკიდათ ჯვარები;
მიველ და ჯვარსა ვემთხვივე, ვიწერე ზედ პირჯვარები.

471

ერთმან მიუთხრა მეორეს: „დაი ხლებაო, ლაზარი!“
„ხლება“ რა მესმა, დამეცა მე სიხარულით თავზარი;
მუხლებმა რყევა დამიწევს, ზე ტანმა შექნა ზანზარი,
ვეღარ დაიგნეს სვეტებმა და გარდაიქცა ტაზარი.

472

რუსულად „ხლება“ პურს ერქვა, უწინვე გამეგონაო;
სანამდის ის არ ახსენეს, მე რუსი არ მეგონაო,
რა რომ თქვეს პურის სახელი, მე იმან მომიფონაო;
ამ სიხარულმან დამშალა ჯავრით შეკრული კონაო.

473

როგორც რომ ერთმან ყაზახმან მე მაშინ მამიარაო,
როცა რომ მყვანდა, მივლიდა მეტს მამაჩემი არაო;
შევბრალდი, გულზედ მიმიქვა, მკოცნა და ცრემლი ლვარაო,
სწრაფად მოენედ მომგვარა ფხოვლელი იანვარაო.

474

წყალს გამიყვანეს ნავითა, საყდარში შემიყვანესო,
დამაწერინეს პირჯვარი, ხატებსა მათაყვანესო;
კვლავ მიხმეს სამდივნოშია, მაყვირეს, მაყაყანესო,
მკითხეს: „ვინა ხარ, სად მიხვალ, რად იყავ ლამისყანესო?“

475

შევამოკლო აწ, რა მერგო, რაც ვიუბენ ამდენს ხანსა?
თერგიდამე სოლალს წაველ, სოლალიდამ აშტრახანსა;
მუნით მოსკოს მეფე ვახტანგს, ბაქარს – შან[ა]ოზსა ხანსა –
ვიახელ და თაყვანსა ვეც; ბრძანეს: „სჭვრიტე ჯაბახანსა“.

476

მიწყალობეს მათ სახელო, მომცეს ჯაბადარბაშობა,
ღმერთამან ბევრჯელ გაგითენოსთ ხარებობა, ქრისტეს შობა!
კარგი იყვის ადდგომასა მეფეთაგან მეჯლიშობა:
ზმა, შაირი, გალობანი, ჩანგო კვრა, მღერა, თამაშობა.

477

ჯავახიშვილს გამალექსეს, მოშაირეს ჩემებრ ცუდსა,
პირად მჭლესა, ტანად ხმელსა ვით ნუერიანს ხესა მრუდსა;
რაც მე უთხრი, მას მიაჩნდის ვით ნარცეცხლა უკან კუდსა,
ბევრჯელ ასე იმწვიტინის, კოტვით ძირს დასცემდის ქუდსა.

ლც. მეფის ვახტანგისა და მისა მისისა ბაქარისა
დარუბანდს წაბრძანება

478

ექვსის წლით წინათ ჩემს უწინ ქართლიდამ წაბრძანებულნი,
რა მიველ მოსკოს, ვიხილე მეფე და ქართველთ კრებულნი;
რომლისაც ხელმწიფისაგან მუნ იყვნენ დაბარებულნი,
იმისთვის გელარ მიესწრათ, მით იყვნენ გამწარებულნი.

479

ერთს – დიდს პეტრეს – და ორს სხვასა მოშლოდათ წუთისოფელი:
წართმოდათ მოკლედ სამყოფი, ეშოვნათ გრძლად სამყოფელი;
მით სევდა ვახტანგ მეფესა გონების დასაყოფელი
სცემოდა გულსა, განეჭრა გრძლად ფილთის შასაყოფელი.

480

ამაზედ იყო მგლოვარე, ცრემლი ამისთვის ზდიოდა:
სამი ხელმწიფე ზედი-ზედ მოკვდენო, – გული ხტკიოდა;
თავისას, თავის ქვეყნისას უბედურებას ჩიოდა:
გაგრძელდა საქმე, გაძნელდა, რაღა ვსოქვა, რა ვარჩიო, და?

481

ოდესაც ანნა ხელმწიფე რუსეთზე გარდამწდომარე,
ბრძენ, უხვი, მართალ, მოწყალე, სამართალ-დაუცდომარე,
გვირგვინოსანი გახტზედა მეფემ იხილა მჯდომარე,
მაშინ შეიქნა საქმისა მოხსენებისა მდომარე.

482

მეფე წადგა ხელმწიფესთან, ცრემლით დაწვნი დანასველა,
მოახსენა: – თქვენგნით ვარო არც შშიერი, არც შიშველა.
ამასა გთხოვ, შემიწყნარო, ბრძანო ჩემის ქვეყნის შველა!
– შეისმინა ხელმწიფემა, რაც მან სოხუმი, მოსცა ყველა.

483

მან უბრძანა: მე მიჰირავს ზღვის მიდამო გაღმა მხარი,
სოლადსა და დარუბანდსა, ბაქოსა დგას ჩემი ჯარი;
მუნ მიბრძანდი; საჭურჭლისა მუდამ მზა არს ლია კარი,
ლაშქარი და ხაზინანი, ვით გენებოს, მაიხმარი!

484

მივსცემ ყველას ბრძანებასა ჩემთა სპათა, სპის მართავთა,
ამირთა და ამილბართა, ათასის-თავთ, ასის-თავთა:
თქვენს ბრძანებას მორჩილებდენ, კარგთ იქმოდე, გინა ავთა;
თავს საკვდავად არ ზოგვიდენ, საცა მოიქნევდენ ხმალთა!

485

მეფემ მდაბლად ხელმწიფესა თაყვანი-სცა, ჰეკადრა პირად:
ღვთაებრ უხვი მოწყალება ჰქენით ჩემზე, არა ძვირად;
ვმადლობ თქვენსა წყალობასა, მე-და მინდა სხვა განძი რად?
დღეის იქით ენა ჩემმან ქება თქვენი წართქვას ხშირად.

486

წინ წადგა და გახტზე მჯ[დ]ომსა ხელმწიფესა ხელს აკოცა:
ხელმწიფეცა წამოუდგა, გზა მეფესა დაულოცა:
„ღმერთმან ასე გაგიმარჯოს, რომ არ იყოს ბევრი ხოცა“.
– სადღეგრძელო დაულივა, თვით ბრძანა და მასაც მოსცა.

487

წამოვიდა პეტრებუხიო, მეფე მოსკოს ჩამოვიდა.
მოემზადნენ მამა-შვილნი, ქართველნი ყვა ვინცა-ვინ და,
წასვლა წყლითა დაამტკიცეს, ბრძანეს: „ექვსი ნავი გვინდა“.
შექნეს ნავის შენებანი, მით ერთი თვე გამოვიდა.

488

ნავში ჩავსხდით და წავედით თოკებისა ხელის წევით:
ხან ჩქარა და ხან წყნარადა, ხან ვერც დაძვრით, ხან კი რყევით,
წინ ეტიკი მიგვიძღოდა, ედილისა წყალს დავყევით.
ჩვენი აგად სიარული სამს თვეს უკან შევიტყევით!

489

ვირემდის ზღვათა ბაგემდის ჩვენ ჩავიდოდით ნავითა.
გარდატრიალდა საწუთრო მრუდისა საბრუნავითა;
წინ სვიმონ აბრამისშვილი დაგვხვდა ამბითა ავითა,
ალავსო გული მეფისა მრავლითა საჭმუნავითა!

490

მოახსენა: „შამახია თამაზ-ხანმა დაიჭირა!“
მეფეს ესმა, თავში ხელი შემოიკრა და იტირა:
ესრეთ მოთქვა: „ჩემი ბედი ასრე როგორ გაიწირა,
გზა არცაით წარმემართა, წინ ერთი რამ ამეხირა!

491

ახლა რა ვქნა, სად წავიდე? გზა შემექნა დახლათული,
ქარი ქრის და აფრა-გაშლით ვარ ხომალდით ზღვას შერთული.
ბრძანებანი წინ წასულა ხელმწიფისა ხელ-ჩართული
ღმერთმან თქვენს მტერს წარუმართოს, ვით მე გზა მაქვს წარმართული.

492

დღეს რაც საზარელი სიტყვა მაისმინა ჩემმა ყურმა,
ეს სულ წყალში ჯდომამ მიყო, სიარულმა ბაყაყურმა!
პირში ლუკმა გამამაძრო თარაქამამ ნადი-ყულმა,
რადა ვქნა და რა ვიგარგო სევდით გულ-ლვიძლ დანაყულმა?

493

— თუ დავბრუნდე უბრძანებლად, მკითხონ, რა მაქვს მე სათქმელი?
თუ წავიდე დარუბანდსა, მე ვიქნები რიდას მქნელი?
ღმერთო ჩემო, ეს რა მიყავ? მომივლინე საქმე ძნელი,
სულ სიცოფედ შემირაცხე, რაც ვისიბრძნე მე საბრძნელი!“

494

კვლავ ბრძანა: „გავალ დარუბანდს, იქივ სჯობს სხაგან დგომასა,
იქ მოუყურო, თუ საქმე რა მოხდეს შამადგომასა;
რაც უწინ საქმე წამხდარა, წუხილით რა ვარგო მასა,
სჯობს მომავლისას უფოხილდე საქმისა არ წახდომასა!“

495

გაბრძანდა მეფე ხომალდით დარუბანდისა კიდესა,
მღდელი სამღდელოდ მოსილნი მოვიდნენ, ხელი პკიდესა,
ციხიდამ თეთრი ალამი გაშალეს, გარდმოპკიდესა,
რუსთა ზარბაზნის შილინგით გარს ცეცხლი მოუკიდესა.

496

ლაშქარნი თოფთა ისროდენ, ხუცები რეკდენ ზარებსა,
ასე გვეგონა, ხმისაგან ცა იძვრის, მთა ზანზარებსა:

არ ვგვანდით აბუჩის სტუმართა, არცა უბრალოს მგზავრებსა,
ცოტად მით გვეცა ნუგეში მუნ მისვლად დანაზარებსა.

ლო. თამაზ-ხანისაგან შამახიისა და განჯის აღება და
ოსმალოსაგან თიფლისის დაცლა

497

აწ მოგითხრა ნადი-ყული ან ვინ იყო, რისა მქნელი;
იყო ერთი თარაქამა ელთა თავი ხვარასნელი,
იმის გამო შაპ-თამაზმა მიიყენა საქმე ძნელი,
თვისის ნებით, მისის ხელით გარდაიცვა ყელზე წნელი.

498

ასე რომე შაპ-თამაზმა საქმე ასე მოიგვარა,
ლოთობა და მეძაობა მეტად დიდად შეიყვარა,
მისად წამლად ნადი-ყული, ვით ბრმამ, წინა აღიმძღვარა,
ბეჭედი და სახელმწიფო, ჯარი სულ მას მიაბარა.

499

თვით იმ საქმით ნებიერად ჯდა განცხომით, ამო შვებით, –
მოიფონა ხრმალ-კაპ[ა]რჭი, მშვილდო საბელი ქმნა მოშვებით,
მისგან ხნარცვში უკუ-ვარდა, აღარ იქმნა ამოშვებით.
მაშინდელნო სისხლთა ტბანო, აწ როდის-და აღმოშრებით?!

500

ეს გაუშვათ, იგივე ვსოქვათ, რაც გაეწყოს ბოლო თავსა,
კარგი წვითგან დავანელოთ, ცეცხლი მოუბოლოთ ავსა.
ღმერთი კარგსა რად უზემდა მას ბილწს, მეძაგს და მლოთავსა?
ავის მქნელსა ავის საქმით ღმერთი საქმეს მოურთავსა.

501

რა ნადი-ყულ შაპ-თამაზსა საქმის თავი ვერ უნახა,
დაიჭირა, დაპატიმრა, დარაჯას ქვეშ შეინახა;
გათამამდა ნადი-ყული, თოფი მართა, ხმალი ჩალხა,
მოუქნივა წინადმდგომთა, გან[ა]დინა თავში ჩახა.

502

ნადიყულობა განაგდო, მან დაირქო თამაზ-ხანი:
დაიმონა ყიზილბაშნი, ვითა მგელმან ცხვარნი, თხანი;
განიმრავლნა ბეგლარ-ბეგნი, ყულ-ნოქარნი, უზბაშ-ხანი,
გაიკეთა მეტად კარგი მან თოფხანა, ჯაბახანი.

503

რა თამაზ-ხან შაპ-თამაზსა ამისთანა საქმე უყო,
იმისთანას დალატითა ყელზე გარდააცვა გულყო;
ორმო-ბეჭელში ჩაგდებულსა თავი აღარ ამოუყო,
ყოვლს ხელმწიფეს აცოდინა, თავი თვისი საცნაურ-ყო.

504

რუსეთს გაგზავნა დესპანი, სიტყვა მისწერა ასეთი:
„ჩვენ თქვენის ტახტედ დაჯდომით თვისის წყალობით გვცავს ღმერთი,
მოკვდა შაპ-თამაზ ყეენი, მას შვილი დარჩა არც ერთი,

სახელად ვირქვი თამაზ-ხან, მე დავიჭირე სპარსეთი“.

505

მას, თამაზ-ხანის დესპანსა, სახელად ერქო ხულუფა,
მისცეს მას დიდი პატივი პეტრებუს, კარგი ულუფა,
იმან სცნა ვახტანგ მეფისა საქმე და განძრახულობა,
ვინც უთხრა, კარგად ვერა ქნა იდუმალთ დამარხულობა.

506

ხულუფას უთხრეს: – ვახტანგ თქვა – „მე წავახდინო სუხავი,
ის არის ჩემის ქვეყნისა დამწვევლი, ცეცხლით მხუხავი;
შამახიაში უუმბარა ვყარო მეხისებრ მქუხავი,
თუ ღმერთმან ეგ კი მაღირსა, სხვა რა მაქვს შესაწუხავი!“

507

მეფე რომ გაღმით წაბრძანდა, ხულუფამ გზავნა ჩაფარი;
მისწერა წიგნი თამაზ-ხანს, გაიმაგრეო საფარი,
აწ ვახტანგ მეფემ საომრად აიღო ხმალი და ფარი,
განძრახულობა არს მისი შამახიაზე ფარფარი.

508

თამაზ-ხანს ესმა, ეოცა, იქმნა მკბენელი ნეკისა,
სუხავის ჯარი მან შექმნა, ვით ისომ ამალეკისა,
ჯერ შამახია დალაშქრა, ქვეყანა მოსპო ლეკისა.
ავლავ ხმა ასმინა განჯასა ოსმალოს კართა რეკისა.

509

ერთს დდეს თამაზ-ხან თავის ჯარს მიუძღვა ასე ხერხითა
ათი-ათასი ათასთა განასრესინა ფეხითა:
განჯის კარები დამუსრა ზალაყინისა ჯეხითა,
თიფლისი ნებით დაცალეს, გავლეს ბეცებით, ხეხითა.

გ. თამაზ-ხანისაგან რუსთ ხელმწიფის ფერთმაშალთან
წიგნის მოწერა და თავისის ქვეყნების თხოვნა

510

თამაზ-ხან სოლადს მისწერა, ვის აქვნდა ამილბარობა:
„თუ მეგობარი ბრძანდებით, ჩემზე არ გმართებსთ ძალობა;
გარდმახდევინეთ სხვა-რიგად, თუ რამ მემართოს ვალობა,
თუ არა, ჩემის ქვეყნისა ხელმწიფემ მიყოს წყალობა.“

511

სოლადს, დარუბანდ არმოანს, თქვენ რა ხელი გაქვსთ ბაქოსა?
დასაბქეელი მბაქეელმან არც აგრე უნდა ბაქოსა;
რადა ხნავთ, ანუ რად სთესავთ თქვენ ჩემსა სათამბაქოსა,
ანუ ბაჟს, დავდას, რად იდებთ სადუქნეს, საქულბაქოსა?

512

თუ არ დაუთმობთ ერთმანერთს, ის ჩამოაგდებს მტრობასა;
დასცალოთ, თქვენთვის მიბძანდეთ, ისი სჯობს მანდ მაგრობასა.
მე რომე ვსინჯავ თქვენგნითა მაგ ჩემის ქვეყნის პყრობასა,
მაგდენი ბოლო არა აქვს ჩემსა და თქვენს მოყვრობასა“.

513

მას ამილბარმა მისწერა: „თქვენ ჩემგნით ნუ გეწყინება,
ვინემდის კარზე მივსწერდე, თქვენ ქენით ეს მოთმინება.
რაც მე იქიდამ მომესმის, თქვენ ჩემგნით მოგესმინება;
მე სიხარულით დაგიცლი, თუმცა ხელმწიფემ ინება“.

514

მალე მოვიდა კარიდამ ხელმწიფის გვამანსარია
„სოლადის ციხე მოშალეთ, დასცალეთ გაღმა მხარია“.
სანამდის თვითონ ამილბარ ციხეს არ დასცა ბარია,
მანამდის დასაქცეველად ხელი ვერავინ გარია.

515

თამაზ-ხან თამაზხანობა გარდირქო, მან ინაჯიშა,
თამაზ-ხანისებრ სეფური შაპ-თამაზ ვერ ივარჯიშა;
ნადიყულობის ძალითა სახელად ირქო ნადი-შა.
ჯერ არცადა ჩანს სპა]რსეთში ნადი-შასთანა ფადიშა!

516

მან, ნადი-შამან ყევნმან, შაპ-თამაზს ხნარცვი უთხარა:
ხლმით შეაშინა თურქეთი, დაღისტანი და ბუხარა.
რუსთ ხელმწიფესაც მოსწერა: – „გამეცა, ბაქოს ნუ ხარა“.
ინდოეთისა ხელმწიფე დადრკა, მას თავი უხარა!

517

ვახტანგს მეფეს მოუვიდა ამ ნადი-შას ჩაფარ-ელჩი.
ებძანა, თუ: მობძანდიო, შენს ქვეყანას არას ვერჩი;
მე გიჩვენო შენის მტრისა თავი შუვა განახეჩი,
დამიჯერე, არ დაკარგო, რაც მე ხელში ჩაგაჩეჩი.

518

არ წავიდა, არ მიენდო, მისი ყმობაც ითაკილა,
სიტყვა მისი მას გულს ეცა, თვალთა ქაცვი, ვით ასკილა;
ვითა სმოდა პირველითგან, მით იხსენა, მითა კილა,
თქვა: „მეც უნდა დამბორკილოს, ვით შაპ-თამაზ დაბორკილა“.

მა. რუსთაგან გაღმა მხრის დაცლა და მეფის
ვახტანგის აშტრახანს გაბძანება

519

რუსთ დარუბანდი დასცალეს, ყიზლარისაკე არესა:
მეფე ვახტანგცა მიბრძანდა აშტრახნის არქ-მარესა,
იქ უვარესად შაესწრა ამბავსა საწყინარესა,
მაშინ თქვა: წუთო სოფელო, ფუ შენ და შენს მოყვარესა!

520

წყეულო, ცრუო, მაცდურო, ასე რად დამემტერეო?
ცხრა რიგი ჭირი შემყარე, ერთსა არ დამაჯერეო;
გულს მქონდა ხმალი გაჩრილი, აწ შუბიც დამაბგერეო,
არც მამკალ, არც დამარჩინე, მატარე ზერე-ქვერეო.

521

მეფემ უბრძანა თავის შვილს: „შენ, შვილო ჩემო ბაქარო,
ისმინე ჩემი ნათქვამი, ტკბილო, ვით თაფლო, შაქარო:
ვეღარცად წავალ აქიდამ, ვიქნები, რადგან აქ ვარო,
ჩვენს დაქცეულსა ოჯახზედ უნდა, რომ შენ ისარქარო.

522

არ ვიცი რაღაც ეტლზედა შევიქენ, დავიბადეო:
მე ბევრს ვეცადე, არ იქნა, აწ ახლა შენა სცადეო,
ვეღარ შევიძელ მოწევა, დავბერდი, მშვილდი დავდეო,
რაც უნდა წახდეს, გაკეთდეს, მე მას აღარას დავდეო.

523

რომელიც კახნი, ქართველი ქართლიდამ გარდმოგყოლია,
ზოგს ქართლშივე ყავთ ცოლ-შვილი, ზოგს აქ შეურთავს ცოლია;
ქართლურად მიეც ნება და რუსულად „დაი ოლია“,
როგორც უჯობდესთ, ისე ქნან, მითამ არც ერთი მყოლია.

524

მთხოვენ და მივსცემ ვერავის, მე ვერ ვიტვირთავ ამასა:
მე წაუხდინე ქვეყანა, შვილიც გაუცე მამასა?
მე ღმერთი მიზამს რას კაის, ორმო უთხარო, ჭა მასა.
სჯობს უჭმელობით სიკვდილი საყვედურითა ჭამასა!

525

მე ყველას დავსცემ დასტურსა, შევიქ თავიანთ ნებასა,
ამას კი ვიტყვი რჩევითა, დაუგდებ ერთსა მცნებასა:
კაცი ხომ ვერცად წაუა სიკვდილსა, დვთის ბრძანებასა,
მაგრამ ნურავინ შეიყრის თავისის ნებით სნებასა.

526

შვილმან შეკადრა მამასა: „შენ რა გაქვს აწ საჭმუნავი,
რაზედ შექმნილხარ, არ ვიცი, შენის ცხოვრების მწუნავი?
რა ახლა იცან საწუთო დასაბამითგან მბრუნავი,
მიბრძანე, მისი შემხები ვინ დარჩა გაუთხუნავი?!“

527

კაცი თავს ვერას გაუვა ცრუის საწუთოს მდურვასა,
უნდა, რომ კაცმან გაუძლოს, ჭირს შეყრის ცხრასა თუ რგასა.
სჯობია ისევ მოლხენა წუხილსა, ჭმუნვა-ურვასა,
გირჩევ, დაეხსენ მაგდენსა ცრემლსა და ოფლში ცურვასა.

528

ერთს მოგახსენებ რჩევასა, მაზე ნუ გამიწყრებითა;
ისი სჯობს, მოსკოს წავიდეთ წყნარად, ნებივრად რებითა;
იქივ ვიცხოვროთ, ვით უწინ ვსცხოვრებდით ჩვენის კრებითა,
ჯავრს დაივიწყებთ, ოდესაც ხელმწიფეს შაეყრებითა.

529

უბრძანა: ადარ ვიქნებით როგორც ვიყავით ჩვენაო;
მისთვის ვიმალვი სირცხვილით, არ მინდა გამოჩენაო,

მრავალის ცრემლის დენითა დაგჰკარგე თვალთა ჩენაო,
ასეთი სენი შემყრია, ძნელია გარდარჩენაო.

530

წამაიხოქეს ქართველთა, თავს წაიშინეს ხელია,
იტირეს ბევრი მეფის წინ და ლვარეს ცრემლი ცხელია;
შეკადრეს: „რასთვის შექნილხარ ვით ველად მრბოლი ხელია,
ბრძანებთ: „ვემალვი სოფელსა,“ ეგე რა გასამხელია?

531

ჩვენ გაგვიშვია ქვეყანა თვრამეტ-ცხრამეტი წელია;
სამსახურითა ოქვენითა გვტკივა ზურგი და წელია,
ნამსახურობის ჩვენისა ეგე რა სასყიდელია?
თქვენ მანდ დაბრძანდით და ჩვენზედ ასე აიღე ხელია!“

532

მეფემ უბრძანა ტირიდით: „თქვენ მართალს ამბობთ ყველასა;
გიმსახურიათ ოქვენ ბევრი მშიერსა და შიშველასა,
მაგრამ რას მიზამო, ვეცადე მე ჩემის ქვეყნის შველასა,
არ იქნა, რით-და გარდვიხდი მე თქვენსა სასყიდელასა?

533

ვითხოვ, შემინდოთ, ჩემზედა თქვენ პქენით რაც საქნელია,
ენით დაგლოცავ, მის მეტი სხვა რა მაქვს საქონელია?
ღმერთმან მოგაგოსთ მუქაფა, ჩემგნით გარდახდა ძნელია,
სადაც კრულ იყვნეთ მტერთაგან, მუნ ღმერთიც თქვენი მხსნელია!

534

ერთი ამბავი მომესმა, მე გასაგონლად მენასა,
დიდათ მერჩივნა სიკვდილი მე ცოცხალს იმის სმენასა;
ამაზე ვსტირი, ცრემლითა ვაკებზე ქვევრსა და მენასა.
მე თქვენი სხვათა მიცემა ვერ ვათქმევინე ენასა!

535

რაცა ვსთქვი, ჯავრით ეგე მკლავს, მაჩივლებს, ეგ მატირებსა,
წყეული წუთი-სოფელი, რაც არ მწადს, მას აპირებსა.
არ ვიცი, როგორ გარდუჩჩე მჭვალს გულზე დანაჭირებსა,
თუ არ მდომოდით, გაგცემდით, არ შევიყრიდით ჭირებსა!“

536

რა ეს ისმინეს ქართველთა, კვლავ უფრო შემოსძახესა,
თავს იქით-აქეთ აწყვეტდენ, ახლიდენ ქვასა და ხესა;
პკვირობდენ ჩვენი მჭვრეტელნი, მგონია, კიდეც გვძრახესა!
მათ არ იცოდენ, თუ ჩვენა გავებით რაგვარს მახესა.

537

მეფემ გვიბრძანა: „ქართველნო, კაია, ნულარ სტირითა,
თქვენ გაიგონეთ ყურითა, რაც მე მოგითხრა პირითა:
რაც საიდუმლო გსმენოდესთ, ხმა-მადლა მას ნუ პყვირითა,
ნურც თქვენ სწუხო, ნურც მე მაწუხებთ, გული მაქვს საგსე ჭირითა.

538

გულს ნუ იჩვილებო, იყავით გულისა გამაგრებითა,
ჩემს შვილს ბაქართან მიბრძანდით ხელიერთპირად კრებითა;
თქვენ ის წაგიძლვესთ საითაც, უკან მიყევით რებითა,
მის უკითხავად წინა-წინ თქვენ ნურცად წაეჩრებითა!

539

ასრე მოგვითხრობს თარგმანსა ამ იგავის ხის მრგველია:
არს მორჩილება საქები, ურჩება საძაგელია.
მწყემსი უფოსილი სამწყსოსი ადგილად დამკარგველია,
სამწყსოს უმწყემსოდ მავალთა შეშჭამს ტურა და მელია“.

540

გამოესალმნენ მეფესა ქართველნი მუხლზედ ხვევითა,
მდაბლა თაყვანის-ცემითა, ხელსა და ფერხზე მთხვევითა;
წინ დაუყენეს ტბორენი ცხელის ცრემ[ლ]ისა ნოხევითა,
იმათი თავის რახუნი ისმოდა ქვა და ხე ვითა.

541

წავიდნენ, ბაქარს შესჩივლეს: „მეფემ რაღაც ქნა იჭვია,
ნამსახურობის სანაცლოდ მოგვაგო ესე ნიჭია;
აწ თქვენა ხედავთ თვალითა, რაც ჯიდა თავთა გვირჭვია,
სულ გამოგვყარა ქართველნი, დარჩა ათი-ლა ბიჭია.

542

აწ მამა-თქვენი თუმცა რომ ღრმად საქმის გამჩხებელია,
წერილთა თარგმნით ვით როგორც იონე დამასკელია,
მაგრამ ეს ავად იფიქრა, აქ გაიკეთა კელია.
თვითან აქ დგების მარტოკა, ჩვენი შორს გამრეკელია“.

543

ბაქარ თქვა: „ეგ შემიტყვია მე თქვენგან უფრო ადრეო,
ნუ მომიკვდების შვილები ლევან და ალექსანდრეო,
ბევრი მიუთხარ მამა-ჩემს, ეგ საქმე რად იკადრეო?
არ დამიჯერა, ავად ქნა აქ დგომა მან მეტადრეო.

544

ვერა ვნახე რა მაგისი ღრმად საქმე მინაწდომარე,
რაზედაც მიდგა, არ დარჩა ის საქმე წაუხდომარე!
მე შვილი ვარ და ეგ მამა, არა ვარ წინაღმდგომარე.
მე მოსკოს წავალ, თქვენც მოხვალთ, ეგ იყოს აქა მჯდომარე!“

545

გვიბრძანა: მალე წავიდეთ, არა სჯობს აქ გრძლად დგომაო,
გზა წაგვიხდების, მოგვასწრობს, ახლოა შამაღლომაო;
ცარიცინამდის წყლით წასვლა მიგვაჩანს, ნავში ჯდომაო,
ცარიცინს იქით მოსკომდი ეტლებ-უნებით ხლდომაო.

546

ყოველმან კაცმან საგზაოდ შეგქენით მომზადებანი,
თავ-თავის საჯდომს ნაგშიგან ნუზლოთა და ბარგთა დებანი.
გსწუხდით მეფისა გაყრისოვის, გვწვევდა სახმილთა დებანი;
ბევრმან დავსწყევლეთ მას დდესა ჩვენ ჩვენი დაბადებანი.

547

ჩვენ წავედით, იგ მუნ დადგა, საქმე მოხდა არეული;
ათიოდე კაცი დარჩა, ხაბაზი თუ მზარეული;
სხვა იმან ყმა არ ინდომა, არ მემკვიდრე, არ ეული.
ვითა გოდოლთ მშენებელნი, გავხდით ენა-შარეულნი.

მბ. დავით გურამისშვილისაგან საწუთოს
სოფლის სამდურავი

548

ნუ მიენდობი, საწუთო მტყუვანი არს და უპირო!
არ დაიჭირვის ხელშია, რაგინდ რომ ბჭალი უჭირო;
დღეს რომე ლხინი მოგაგოს, ხვალ ვერ მოურჩე უჭირო,
ამად სჯობს, ხორცი უვარჲყო, სულსა ულოცო, უწირო.

549

ნათობს და ბინდობს საწუთო, ქცევადი, მობრუნავია!
წამს მყუდრო ქარი აქროლის, წუთზე დამუსრის ნავია,
ყოველი ლხინი მუხთლისა კვლავ ისევ საჭმუნავია,
ერთი დრო გრძლად არ შეგრჩების, კარგი სოქვა, გინა ავია.

550

ვიცნობ, მეც ვიყავ სოფელსა განცხომასა და შვებასა;
მიყვარდა, კარგად მიმაჩნდა, ვცდილობდი არ გაშვებასა.
ახლა თქვენც ხედავთ აწ ჩემსა მის გამო პირქუშებასა,
გული დაუწვავს სახმილით სულთქნასა და უშებასა.

551

მოკლეა ესე სოფელი, კაცს არ შერჩების წამ ერთო,
რაც მომებობა თავიდგან, ბოლო-უამ ისევ წამერთო!
მან დამიკვანდა, მუხთალმა, მე რაცა მეხვეწა-მერთო,
მის გამო სევდით მე გული, ვით შემა, ცეცხლზე წამერთო.

552

წყეულმან, ცრუვმან, მაცდურმან, ფეხთ ქვეშ ილინჭა მომიგო:
პირველად მოყვრად მეჩვენა, ტკბილი რამ სიტყვა მომიგო,
გამეთამაშა, მაცდინა, საცხოვრებელი მომიგო,
რა წამახდინა, გამკიცხა, „რად ჰქენო“, ნიშნიც მომიგო!

553

ამად ვემდური საწუთოს, თორემ სხვა რა მაქს სადაო?
სად მომიყვანა სად მყოფი, კიდევ მივყევარ სადაო!
მამა, დედა, ძმა თვალითა ვეღარა მხედაგს, ა დაო,
ძეთა და ასეულთაგანაც გამხადა უდირსადაო.

554

მე საწუთომან მიმიღო, რაც საბადისი მებადა,
მისგან დარწყმული მახენი თავსა ზე გარდმომებადა.
ორგზით კრულ შემქნა მტერთაგან, ხელთა საბეჭი მებადა,
მით ვსტირ, თვალთ ცრემლი მიბნელებს, დღენი მჩანს მე დამებადა.

555

მშვილდს მომიწივა მუხთალმა, ისარი გულში მამასო,
არ მომცა ქე, არც ასული, არვინ მიძახის „მამასო“.
მან დამიჩაგრა გონება და მტერი თავსა მამასო.
დავჯექ და ლექსვა დავიწყე, ვსთქვი, თუ: ვიშვილებ ამასო.

556

ამაზედ არის ჩემი და ცრუის საწუთროს ჩეუბია,
სად კაცს არ უნდა, წარიყვანს, ყელზე საბეჭი უბია;
მისთვის ვსტირ ცხელის ცრემლითა, სველი მაქვს კალთა-უბია.
მე მსურდა ერთი, არ მომცა; ვის არ სურს, მისცა ტყუბია.

557

სამ-ოთხ რიგად მუხანათმან გულს ლახვარი მამაღერა.
სულ მაგირა ჩემი დლენი, არაოდეს არ მამდერა.
ვით ბოლოკი მქნა ავრე[ხ]ი, ამაყოჩა, ამაღერა.
თესლ-აშრეტით გამახმო და უნაყოფოდ დამაბერა.

558

შემქნა უშრტო, უნაყოფო, ვით ხმელის ხისა გალია;
გულს დამასვა სამჭედურად, ლახვრად სევდის საგალია;
ზდიან ცრემლნი თვალთა ჩემთა, სწვავს, ვით თევზთა საგალია.
ასე მიჩანს სრა სამყოფლად, ვითა მფრინველსა გალია.

559

ორგემაგე არს საწუთრო: ხან ნოტიობს, ხან კი გვალავს;
დლეს რომ კარგი წინ გიმძლვაროს, უკან მოგადევნებს ხვალ ავს.
ნუ ენდობი, მოგატყუებს, ისარს ისვრის, მშვილდს კი მალავს.
მას დავნატრი, ვინცა სწორედ სვლად საწუთროს გზას გაჰკვალავს.

560

ორს მიაგებს კაცს საწუთრო, არა ერთსა დანაჯერებს:
ხან მოაწყენს, აატირებს, ხან მოალხენს, ანამდერებს.
ერთნაირად განატაროს, ასე არვის დანაბერებს.
ვით უქმნია მიწა ჭურჭლად, ისევ მიწად განამტვერებს.

561

მიდის-მოდის ეს სოფელი, ქარტეხილთა ზღვისებრ დელავს!
უკან დასდევს დრო და ჟამი, მის ნაქსელავს ქსოვს და სოელავს.
ის მჭლე კაცი ცელს რას აქნევს, რასა სთიბავს, რასა სცელავს?
ამად ესწუნობ საწუთროსა, სულ ბნელია, რასაც ელავს!

562

ამისთვისა ვარ ფაციცად, ვითა თავს მტერდანასხამი,
მისის ცეცხლით გული ჩემი ვალს ჭირისოფლდანასხამი.
მოწყვეტილა მოსაგრილად წყლურზე წყალი დანასხამი:
გული ასე დაუკუწივს, ვით გალესილს დანას ხამი.

563

ნაღვლით დრენი შემიმოკლდა, ადარა მაქვს, დამელია;
ყველა მწარედ გარდამექცა, რაც რამ ტკბილად დამელია.
მძორთა ჩემთა შესაჭმელად მზას არს ტურა და მელია.

აწ წამოვალ მეც თქვენთანა, სად ძმა მიცდი, და მელია.

564

ვით თავს მივსცე მოსვენება, ვით მივაგო ამო მრბოლსა? სასიკვდილოდ მივსწურვილვარ, ყელში სული ამობოლსა. ახალდაბას ნულარ ხარო, მეძახიან, ამო ბოლსა! აწ რომ მე იქ წამიყვანონ, ვინ გამიზრდის ამ ობოლსა?

565

მითხარ, მტერო, დავის თხოვნით დავითისგან მოიგე რა? რად უკვედრე უშობელსა, ბერწობ, ვერა მოიგე-რა? იმას შვილად ვერვინა სჯობს, დავით ვინც ძედ მოიგერა, ვინც გამოთქვა, ის იშვილა, მტერი იმით მოიგერა.

566

მე რაც ვშობე, შვილად ვსჯერვარ, ეს თუ მზრდელმან გამიზარდა, ვზრდი მომდერლად, მე თუ ჩემი სიმდერა არ გამიზარდა. თუმცა ენა გასარეკლდა, გული მისთვის გამიზარდა, მაგრამ მეფეთ სამსახურით ეს საზრდელად გამიზარდა.

მგ. მეფის ვახტანგის ამიერ სოფლით მიცვლა და ქართველთ თავადთა და აზნაურთ რუსთ ხელმწიფის სამსახურში განწევება

567

აქ ნახეთ წუთის სოფლისა, ცრუ, მატყუარა, ფლიდისა, მისგან სიბნელე ნათლისა, ზედან გარდაკვრა ბინდისა! ყმანი ვიყვენით კეთილნი მის ცხებულისა დიდისა, გვწყალობდის, უხვად გვაძლევდის, სწავლით შვილურებ გვზრდიდისა.

568

მას მოგვაშორა მუხთალმან, გზა დაგვიბნელა სავალი, სად რა გვეშოვნა მუდრებად, სარგებლით გვთხოვა სავალი! რაც მან მოიღო, არ ითქმის ჩვენს თავზე გარდასავალი, თუ გეტყვი, მწარედ გულს დამწვავ, შემხუხავ, შემტუსავ ალი!

569

ვაი, რა ბოძი წაიქცა, სახლ-კარი თავს დაგვექცაო! ლხინი, შვება და სიამე სულ ჭირად გარდაგვექცაო. ჩვენ ყმანი დაკრჩით, პატრონი წავიდა, შორს გაგვექცაო, გაფოხილდი, შენც არ დაგვექცე, დვთის მაცა, მაგრა დექ ცაო!

570

მეფე მოგვიკვდა, ვიქმენით ჩვენ მწარედ ოხერ-ტიალი! მით დაგვიბნელდა საწუთროს შუქთა ბრწყინვა და ჭყრტიალი; მოგაწყდა წელ-გული, შეგქენით, ვით უმხროდ ჩიტმან, ფრტიალი, დავიწყეთ, ვითა წიწილთა უკრუხობითა, წკრტიალი.

571

მის დროს რუსთა თქვეს: ქართველნო, ეს თქვენცა გაგეგონება, თვით ქრისტე ბრძანებს: „ძნელია ორთა უფალთა მონება“

იწამეთ ერთი უფალი, თუმცა გენებოსთ ცხოვნება,
ან წადით, ანუ დადექით, თავს ნუ მიეცით დონება.

572

ჩვენ ოც წელს იქით სტუმარსა ვერ უზამთ თავაზასაო,
შემოგვეწევის თუ არას, მუდამ ვერ ვაჭმევთ მზასაო.
თუ რომ დასდგებით, ჩვენ თქვენთვის მოვმზადებთ კარგს მაზასაო;
თუ არ დასდგებით, დრო არის მიბრძანდებოდეთ გზასაო.

573

ქართველნი სცდენ და გატეხეს მეფის ვახტანგის მცნებაო:
წინ წაუარეს ბაქარსა, საქმე ქნეს თავის ნებაო.
სწორეთ იმ გზაზედ წავიდნენ, საითაც იყო სნებაო.
არავინ უწყის, მუნითგან ცოცხალი ვინ იხსნებაო!

574

იფიცეს კახთა, ქართველთა: „ჩვენში არ იყოს შურია,
ჩვენ სულ დიდთა და პატარათ ცხოვრება გვაქვნდეს ძმურია;
დავსდგეთ, თუ საღმე წავიდეთ, ერთად ვიძებნოთ პურია“.
მეც გავერივე, მეკეთა, რაკი მას მოვკარ ყურია.

575

რა იგი ფიცი გარდასწყდა, გულში არ ქონა შურისა,
ხელმწიფეს არზა მიართვეს: „ჩვენ თქვენი ყმობა გვსურისა;
ლაშქარში წასვლა გვებძანოს, დრო არის სამსახურისა!“
ხელმწიფეს ესმა, იამა, ბრძანა მოგდება ყურისა.

576

თავის ვეზირებს უბრძანა, საყმო გარიგდეს მათიო:
თავადთა ოცდაათი და აზნაურთათვის ათიო;
თუ არ ადსრულდენ, კიდევე ათ-ათი მაზე სართიო,
მიეცით თანასწორადა, არა იყოს რა ხლათიო.

577

შურსა რა ესმა სისწორე, ერთობა მან იწყინაო:
რკინა რბილი და ფოლადი, თქვა, განასწორა ვინაო?
მართებელთანა დაგვჩეუბა, ავრიგად შეგვასმინაო,
ათ-ათი ისევ მოგვიჭრეს, სხვა კი მოგვიგდეს წინაო.

578

შური უგარყო, ვისაც რომ ჭავა ქონდა ნატამალია,
შეჯდა და გარდაეხვეწა, იხმარა ცხენი მალია.
მე მყვანადა ცუდი ჯაგლაგი, მით ვერცად დაგემალია,
გაჯაგრებული მომიხდა, გარდმომიჭირა ხმალია.

579

შურმან დაჩაგრა და მოკვდა ყაფლანისშვილი ტეტია,
შურმან ციციშვილს ადამას დაარტყა თავში კეტია;
დაშავებული მეც შურით დავიარები ხეტია;
დამბნელებია გონება, თავზე მეხვევის რეტია.

580

შურმან მე დიდათ დამკოდა, ხმალი შემომკრა მისრისა,
მსხვილს შვილებს ყელი დამიჭრა, წვრილები ფეხით მისრისა;
ცეცხლით დამიწო სახლ-კარი, ვამე, ჯავრი მკლავს მის სრისა!
ვით აღლესილი ლახვარი, მით სევდა გულსა მისრისა.

581

მას მეშურნესა პირველად არა აქვნდა-რა ძალები,
გამოაჩინა ბოლოს დროს ფარული დანაკრძალები;
გვიმტყუვნა, ხორცი თვით ჭამა, ჩვენ მოგვიყარა ძვალები,
ხე ვარჯოვანი დაგვახმო, აყოვნა ნაკუნძალები.

582

განაბოროტა კეთილი, შურმან აუბა თვალები.
წინა ადუძდვა ბრმა ბრმათა, არივა გზა და კვალები.
დაბენძლა, დაარიოშა, ოქროს მორივა რვალები.
გარდახდევინოს უფალმან, რაც ჩემი ედვას ვალები!

583

ვით თხასა ცხვარი, მივენდევ უპიროს, მოდალატესა.
წამიძღვა, სამჭმო მიჩვენა, თავს წამაყენა ფლატესა.
მითხრა, თუ: „აგერ საფოთლი, კარგია, ვინც იქ გახტესა“.
თვით გახტა, მე შიგ ჩამაგდო, ჰგავს ეშმაკობით ანტესა.

584

შევსცდი და მწყემსსა წ[ა]უველ, გაუდექ მრუდათ ძოვნასა.
აწ დაფჲკარგულვარ თავთაოვის, აღარ მოველი პოვნასა.
უძღებებამან რა მიყო, ხედავთ ამ ჩემსა შოვნასა
სიმსუქნისათვის დავიკვლი, ძალანი შესჭამენ ქონასა.

585

ავად მომიხდა უმხროდა გაფრენა, ქმნა ნავარდისა!
სად ამოსული ხნარცვითა კიდევ მეორედ ვარდისა;
ვაიმე, მამა-დედისა, მმის დამკარგავი ვარ, დისა,
ვეღარ მნახავი მოყვრისა ტან-ლერწამ, პირად ვარდისა.

586

ჩვენი გითხრა სამსახური, სხვა რა გვექნა ამის მეტი;
ათას-შვიდას-ოც-და-ცხრამეტს ხოთინის კარს ვთხლიშეთ კუტი,
ოროც-და-ორს ფინდრიდავანს ცეცხლით გამოვბუგეთ შვეტი.
ოროც-ჩვიდმეტს ბრუსის კოროლს შეურყივეთ ტახტის სვეტი.

587

ორმოც-თვრამეტს ბრუსმან დაგვკრა, თავსა დაგვახვივა რეტი.
მე ჩემს ძმებსა დამაშორა, ლუწისგან დავრჩი კენტი.
მაღდებურხის ციხეშიგან დამსვა კარებ-დანაკლეტი.
მუნით ვიხსენ, შინ წამოველ, ქერი ვხან და ყანა, ფეტი.

588

ფეტვი ბევრი მოვიყვანე, მაგრამ ვერა ვშჭამე მჭადი.
მე მომითხრეს: „მანდედამე ახლა ადექ, სხვაგან წადი!“
ძალ-უნებრივ წამიყვანეს, სადაც არა ვიყავ მწადი,
ვამე ტებილო სიცოცხლეო, რომ შენ ასე გამიმწარდი!

წიგნი ბ

მდ. სიმღერა დავით გურამისშვილისა,
ტყვეობიდამ გამოსვლის დროს
დავითის შესხმა

1

ვინც რომე სახლში შემიშვა, გამათბო, გამამშუშაო,
დამიღება კარგი სადილი, წინ დვინით სავსე შუშაო,
მან შემიკვეთა: იმღერე, დავით, ის „ჩემო ყურშაო“.
კვლავ შენ მე რასაც შემიკვეთ, ვიქნები შენი მუშაო.

2

ამად მე ესრეთ შევაწყევ ქება დავითის შესხმითა,
ესე შაირი ბოლო-ერთ ერთმანერთზედა შესხმითა.
„ჩემო ყურშაოს“ სანაცვლოდ ჩახრუხაული ეს ხმითა
მიუთხარ, გამხიარულდენ დვინისა თასებზე სხმითა.

დავითის შესხმა პირველი

3

მოიქცა დავით კაის სადავით,
დვითის უდლისაკე მიიღო ქედი.
მაღლით დასწივა, მდაბალთ აწვივა,
ერთად შეყარა ვაკე და ქედი;
ადიდა მამა მის ქნარის ხმამა,
ძე – სიტყვა მისი – ძალთა მოქმედი.
ძე დავითს რქადა ღმერთმან უქადა:
რქა აღგიდგინო, მით მტერთა რქენდი.

4

მამას ვსახ ძირად და ძეს შრტოდ პირად,
ვით უსახევდა მას მამის გვერდი,
დავით ახევდა და მას არხევდა,
შრტო მაიწოდა ზეიდამ ქვემდი,
ითვის-იტომა დავითის შტომა,
რქად აღამორჩა თვისი გამრქედი:
მოება ზედა, აღზარდა ძედა
მან მზრდელი, თვისი, მით მიხვდა ბედი.

5

ვითა ნამყენი, გამოსაყენი,
უკვდავებისა ხილთ მოსართლვედი,
უგბილთ იხილეს, არად იხილეს,
მოჰკვეთეს, ჰკადრეს: „ავს ხილს იბემდი“.
იგ მოკვეთილი, ნაყოფ-კეთილი
ისევ განცხოვლდა, მე მით ვილხენდი,
მტრით დაცემული, ცეცხლს მიცემული
საგრილ-საჩრდილად მე მას ვირხევდი.

6

მან დამაყენა, წამოაყენა
მან მზეთა-მზემან შარავანდედი,
ბნელ-ში მგდებარე გამოვედ გარე,
ვითა დავღამდი, ისევ გავსთენდი!
ძე მოგვებოძა, გვესვეტ-გვებოძა,
მე დაქცეული მისგან ავშენდი,
დავითხ, დავითო, მიხამდა ვითო,
ეგრეთ ნუგეშსმცა და მად ვაქებდი.

7

დავით არ ვაქო, მკითხონ, რა ვარქო;
კაცო, შენ იყავ გიჟი თუ ბრძენი?
ვაქებ მიტომა, დავითის შრტომა
ზედ გამოიბა კარგი ყურძენი.
ვინც იგი ჭამა, ლმერთი იწამა,
ბერთა და ბერწთა მისცა სულ ძენი;
მით აღიშენეს და დაიშვენეს
სახლ-კარ-მიდამო, გარე ფუძენი.

8

დავითს უროკავს, მე არ მიროტავს,
მართალი მითქვამს, რაც მსმია თქმული;
მის სანუფქადა, რაც მას უქადა,
ლმერთმან უბოძა, აღხდა აღთქმული;
მას მისცა ძენი, ჭკვიანი, ბრძენი,
ქვეყანაზედა ქებით განთქმული,
მის შრტოთა ხილი, ბრმათ თვალთ ამხილი,
სვიმიონისა მკლავთა აღქმული.

9

დავითს მროკავსა შეუმკობ კავსა,
რასაც კავითა ქვე იგ იწოდა,
მისოვის ფუნდრუკი, ვითა გუნდრუკი,
სთხდა, დვთის წინაშე მს[ხ]ვერპლად იწოდა.
სულო ცოდვილო, ხორცო დაკოდილო,
გიჯობს მალამად შენ იგ იწო, და,
შენ მან გაგურნოს და არ დაგკრულოს,
ვინც შენს ნაქნარსა სასწრით გიწონდა.

10

დავით ისამა, მან განისამა,
არამთუ იგი ერთი დაკარგა;
ბობლნით, ებნითა, ჰპოვა ძებნითა,
სამად ერთი მზე მოგვფინა კარგა.
როკვით-სამებით, ცხონდა სამებით,
თქვა თუ: დასია ლმერთად არ ვარგა!
სანამდის რეკა, კერპნი გარეკა,
თან განატანა თავიანთ ბარგა.

11

დავით რჩეულმან, დვთის მიჩნეულმან
მტერთა სარქენლად ძე რქად ქადაგა;
იგ დაიხარა, მისგან იხარა,
ვით ძირი თვისი შრტოზე რქად დარგა!
ბეთლემს დაბადა, კანას დაბა, და,
ვინ წყალი დვინოდ განაბადაგა,
ღმერთი გვაცნობა, კერპთა თქვა ჯმნობა,
ილეკრო ადნო, ხე წვა, ქვა დაგა.

12

დავით დვთის ქებით, შურდულის ქვებით,
იქმნა შეჭურვილ, გმირთა მჯობნელი,
ფსალმუნთ გალობით და დვთის წყალობით
მტერთ საქმე უყო, დასაჯა [ბნელი];
ქნარ-წინწილ-ებნით მან პოვა ძებნით,
რომელიც გვაქვნდა ჩვენ საძებნელი,
მოგვინა მზედა დვთის სიტყვა ძედა,
მან განგვინათლა სავანე ბნელი.

13

დავით ქნარებით ბუქნა ქნა რებით,
სჯულის კიდობანს უროკა წინა:
მელქოლამ ნახა, დაგმო, დასძრახა;
მეფე ხლტის ვითო ყრმა პაწაწინა;
ცოლმან გაკილა, ქმარს ეთაკილა,
წყრომით რქვა: ვროკე მე იმისთვინა,
ვინც უმეტესად, მე უკეთესად
მამის-შენის წილ ტახტზედ მაჯდინა.

14

და კურთხეულ არს უფალი, რომელმან გამომირჩია,
უფროს მამისა შენისა ღირს მყო და მე მიმიჩნია
დაცადგინებად, მფლობელად ერისა ისრაელისა.
ამად გმდერ უფლის წინაშე, ვარ შუშპრად მშლელი ხელისა.

მე. ოდეს დავით გურამისშვილი
კისტრინის ომში ცხენითურთ ლიაში დაეფლა,
იმის მონასიბად დვთის-მშობლის შესხმა

1

ჩემ საყვარლის მოყვანელო ძედ, მარიამ ქალო,
სახით ოქროს სასანოლეო, ლამპარ-განუმქრალო,
ზმირინ-გუნდრუკო საკმეველო, საყნოსელად ალო,
ქალწულო გვირგვინთ სამკაულო, თავ-ჯიღოანთ ალო,
უსასყიდლო მარგალიტო, ძვირფასისა თვალო,
ანთრაკ-ალმას-საფირონო, იაგუნდო-ლალო,
ცხოვრების წყლის იათულო, ოქროგ, არა რგალო,
მასვი წყალი და მაპკურე, ცოცხალ-მკვდარი ვალო!

2

ზეცად გესავ, ერთო ღმერთო, ქვეყნად ერთ-უფალო,
ყოვლად წმინდავ დვთის-მშობელო, დიდო დედოფალო,

ცოდვის ლიას უკუვარდი ღრმად შიგ დავეფალო,
თუ შენ მე არ აღმომიყვან, მნელად აღმოგალო,
თაყვანსა გცემ, გეაჯები, ვითხოვ შემიწენარო,
მიმკვდარებულს მამაშველო უკვდავების წყარო;
მასვა, მკვდარი განმაცოცხლო, შენს ძეს შემამყარო,
ვით წესია საყვარლისა, ტრფიალს შემაყვარო,
მავნე-მაცდურს განმარიდე, ძელო, ქრისტეს ჯვარო!
ჩემი ცრემლი ზედ იდინე, ცხოვრების წყლის დარო,
გაუფთხილდი, ცუდ-უბრალოდ არცად დამიღვარო,
დავითს წინ ძღვნად წარუმძღვარე, დვთის ძღვენთ წინამძღვარო!

სხვა ხმა

მოწყალების კარო, შენს ზღურბლს მოვეკარო,
უსახლკარო ვარო, ვითხოვ, შემიფარო!
ვით მოწყალე ხარო, ცოდვილთ მეოხარო,
რაც მე მოგითხარო, შენ მით განმახარო,
მახუმრ-მამასხარო, მაცინ-მახარხარო,
დავითის მტერთ ხარო ძირით აღმოსთხარო!

მვ. ხარებობის დღის შესხმა:

„ახა წმინდა კოპალეს“ სანაცვლოდ სამდერალი

ქალ-ქალწულმან მარიამ წმინდად თავი ატარა;
ყოვლის კაის საქმითა თავი ღმერთსა აყვარა.
ოცდახუთს მარტს გაბრიელ ანგელოზმან ახარა,
ზეგარდამო მოკითხვა ჰრევა: ყრმა შვაო პატარა!
ქალწულს ძნიად აღუჩნდა, შეკრთა, განასაღარა:
„მამაკაცი არ ვიცი, ეგ მოხდების რაგვარა?“
მან რქა: „სულის წმიდითა ძალ-მაღლისამ დაგვარა!“
კვლავ ქალწულმან მადლობით ღმერთსა ხელი შეეკრა:
„სიტყვისაებრ შენისა მეყავნ“, – სხვა არა თქვა რა.
გსოქვათ იმ ყრმისა შობითა დაგვემართა სარფა რა.
გაიზარდა აწ ყრმა რა, სცა და კერპნი გაყარა,
თვით შეგვექნა ღმერთადა, დაგვიცო და დაგვფარა,
განიყიდა, ჯვარს ეცვა, ჩვენთვის სისხლი დაღვარა.
რასაც ვალით დაგვიხსნა, მის ვახშს გვთხოენ აღარა.
განიყიდა, ჯვარს ეცვა, ჩვენთვის სისხლი დაღვარა,
რასაც ვალით დაგვიხსნა, მის ვახშს გვთხოენ აღარა.
რასაც ვალით დაგვიხსნა, მის ვახშს გვთხოენ აღარა.

მზ. დვთის-მშობლის მიცვალების
დღის შესხმა

1

გიხაროდესთ ანგელოზთ დასხო
და წმინდანო თქვენ ბევრად ასხო!

2

დედოფალი მეუფის დედა
ქვეყნით ზეცად აღმოგალს თქვენდა!

3

მოციქულნი ტყებით, გოდებით,
მგლოვარენი სახმილთ მოდებით,

4

ცრემლოვანი უძღვიან წინა
ალტაცებულს დრუბელთა შინა!

5

დედამ სული ძეს მისცა ხელთა,
მეშინისო პაერის მცველთა:

6

ძემან დედა პაერთა შინა
არავისგან არ შეაშინა.

7

ადახვენით, მთავარნო, ბჭენი,
მოვალს ნუგემთ-ცემანი თქვენი,

8

სანატრელი აწ თქვენ მიერი.
პატიოსან და სახიერი!

9

ვით მოსიანთ დასაქადები
კიდობანი სჯულთა სადები;

10

ვით კარავი იგ წამებისა,
სახლ-სავანე არს სამებისა;

11

დედოფალი დვთისა-მშობელი,
მოწყალების კართ არ მხშობელი,

12

ვით აბრამის ვანი, კარავი,
ეგრეთ მცველი, ჩვენი მფარავი.

13

დვთის დედა არს სჯულთ კიდობანი,
ძისა მიერ აქვს წმინდობანი!

14

მისოვისა გვაქვს ჩვენ მინდობანი,
ქვეყნად მისგან არს მშვიდობანი.

15

მისგან დამცრდა გულთ-დიდობანი,
მით განწესდა ძმობა-დობანი;

16

აგის საქმის ჯმნა. რიდობანი;
უშერთ სიტყვის ხმის კმინდობანი!

17

უგალობდით მას მგალობელნი
ბობლნით მწყობრით, ტკბილად მხმობელნი!

18

დავით მეფე ქნარ-წინწილითა,
როკვით, ცეკვით, წინა-წინ ვლითა,

19

უგალობდეს სჯულთ კიდობანსა,
ქნარს ეტყოდეს აწ თვითონ ბანსა!

20

დვთის-მშობელო, ვადიდებთ შენსა
მიცვალების შენისა დღესა!

21

ჩვენ გამოვსთქვით შენი გალობა,
შენ ყავ ჩვენზედ შენი წყალობა;

22

გვითხოვე შენს ძეს საყვარელსა,
ნუ აგვხდის ჩვენ დვთის საფარველსა;

23

ცოდვა ჩვენი შესცვალოს მადლად,
წაგვიყვანოს ჩვენ მანდ პირ-ნათლად!

მშ. თავისის ცოდვის მოგონება და
სასინანულო სიტყვები
დავით გურამისშვილისა

1

ვამე ცოდვილს და უნანელსა,
კეთილთ საქმის მე უქონელსა,

2

მიქცეულ ვარ სამდვოოს გზისაგან
ჩვეულებით ავის ზნისაგან:

3

ცოდვის მყვარ ვარ, არა მადლისა;
ბნელისა და არა ნათლისა.

4

ვითარ წარვსდგე სჯად დვთისა წინა,
ვით დაგმავიდრდე წმინდათა შინა,

5

ვით იქნების ჩემი ცხოვნება
ზაკვით სავსე მაქვს მე გონება!

6

მე საწყალი დაღონებული,
ცოდვისა ვარ დამონებული;

7

ტკბილად მიჩანს ცრუი სოფელი,
წუთი ანაზღისა მყოფელი.

8

გამე, ვამე, სულო ცოდვილო,
ხორცით დაჭრილ და დაკოდვილო!

9

არა გაქვს რა შენ მოსაწონი,
ქრისტეს სასწორით შენ ასაწონი.

10

რაც იმრუშე, აქ შენ ისიძვე,
მუნ სასწორსა ზედა ისი ძე.

11

აწ ნუ გძინავს, ადექ, იღვიძე,
შუვალამეს მოვალს ის სიძე;

12

არ დაგიშტრეს შენი ლამპარი,
სამეუფოს დაგეხშას კარი;

13

თვალთა ცრემლი შენ აწანწკარი,
ნუ ხარ[ო] გვეს-გლისპის მზაკვარი,

14

თუმცა გსურის სულის ცხოვნება,
დავით რაც გრძევა, გხამს გაგონება!
თუმცა გსურის სულის ცხოვნება,
დავით რაც გრძევა, გხამს გაგონება!
დავით რაც გრძევა, გხამს გაგონება!

მთ. აღდგომის დღეს ყრმათაგან სამღერელი

1

აღდგა ქრისტე და აღმოიყვანა აღამიანი!
ბრალეულები, ბნელშიგან ბმულნი, ბორგლინიანი!
ალილუია, ალილუია, ალილუია!

2

გვერდ განგმერილმან გვაპკურა სისხლი, გვყვნა გრილოვანად,

დამდერდეთ დაბდაბს, დავითს დურდუკს, დიდ-დიდროანად,
ალილუია, ალილუია, ალილუია!

3

ევას ელხინა, ეროდიასა ელდანი ეცა:
ვამე, ვიწვიო, ვერას ვიტყვიო, ვიხსნები ვერცა!
ალილუია, ალილუია, ალილუია!

4

ზრუნავს ზარგანხდით, ზარობს, ზუზია ზატიკობასა,
ცერნი [ც]ეტყოდენ ცეროდიასა ცეშმაკობასა!
ალილუია, ალილუია, ალილუია!

5

თამაშ-თულობით, თავის თხოვნით შენ, თავხედო, ბრიყო,
ირონო ირო, იონე, მოჰკალ, იმან ეს გიყო!
ალილუია, ალილუია, ალილუია!

6

კაპას-კახხობით, კაის კაცის კვლად, კადნიერებით,
ლექს-ლვინით მთვრალსა, ლხინად მჯდომარეს ლმობიერებით,
ალილუია, ალილუია, ალილუია!

7

მეფეს მოსთხოვე: „მოჰკვეთე თავი მართლის მეტყველსა“.
ნუ გიკვირს, მის წილ ნაცვლად მიეცე ნავთო ტბას, ცეცხლს მწველსა!
ალილუია, ალილუია, ალილუია!

ობოლნი

1

დიდება შენდა უფალო, შენ[ა] ხარ კაცთა მოყვარე,
გეაჯები, რომ შემინდო, მე ვისაც რამე მოვპარე!
თუმცა გვარდუცი ვერცხლითა ვავსე, ყელამდინ მოვყარე,
ისევ ცუდ იქმნა ჩე[მ]თვისა, გვარდუცით ვერ წამოვყარე.

2

ცრუვმან საწუთრომ რაც მომცა, ისევ იმანვე წამართო,
ვით ხმელი შეშა საწვავად მე ცეცხლსა ზედან წამართო;
აწ რითდა უნდა კეთილად მე ჩემი საქმე წარვმართო.
ან ისრაელად რით გავხდე, ან რითდა მე ვიწარმართო?

3

ღმერთო, შემინდევ აწ ჩემი ნაქნარი ცოდვა და ბრალი;
სორს განმარიდე ურიგო მე საქმე ფინთი და მყრალი,
შენ დამიმშვიდე მე გული ღრძუვი, ფიცხელი და მწყრალი,
რომ არ შევიქნა ღვინითა მე ჭირვეული და მთვრალი.

4

გაი, თუ მოვჰკვდე ცოდვილი კაცი ავის ზნით მე ზრდილი,
წამერთოს დღენი მზიანი, დამენი ცა-მოწმენდილი;

მდგომარეს ზღვისა ჭვრეტანი, ცა ვარსკვლავ-მთვარით ჭედილი.
უკეთეს ვნახავ ველარას ხორც-მკვდარი, სულ-წარწყმენდილი.

5

ვაი, თუ მოვკვდე უმადლო, შევიქნა ცოდვის ზიერი,
დაგპარგო ხორცის სიმაძლე, სულითაც ვიქნა მშიერი;
მისთვის მომადგეს რისხვანი ზეგარდმო, ღვთივ ზეციერი,
სრულად წამერთვას ქვეყნადა, მე მაქვნდეს რაც ნივთიერი.

6

ვამე, თუ შორს გზას წავიდე, საგძლად ვერა-რა წავიდო,
წინ მებაჟენი დამიხვდენ, რაც მთხოონ, ის ვერ გავიდო,
ქრისტეს წინ წავდგე ქედ-დრეკით, თავი ვერ მაღლა ავიდო;
სასწორში ცოდვა დაჭარბდეს, უმადლომ ვერ გარდავიდო.

7

ვამე, თუ ჩემი სიკვდილით გული არავის სტკიოდეს,
გულ-უმხურვალოდ ტიროდეს, განგებ ხმამადლა კიოდეს,
უბრალოდ იწირპლებოდეს, ცრემლი არ ხარბად ზდიოდეს,
რა მნახოს თვალებ-წუხილი, ჩემზედ ავს რასმე ჩიოდეს.

6. სიმღერა ქალ-კახეთის ჯვარობას სანაცლოდ სათქმელი

ყრმავ, გონება უგუნური აგონიარეო,
თავს ნუ გახდი უღონოდა, აღონიარეო;
იქით-აქეთ მიიხედე, ათვალიარეო,
სცან საწუთო მუხანათი, სალმობიარეო.
არს გზა ვიწრო, ორმო-ხნარცვი მოგანიარეო,
გაუფთხილდი, არ ჩავარდე, ამოდ იარეო,
ნუ გახდები უფალთანა გულმანკიარეო.
გულლმობილად ენა-პირი ალმობიარეო,
შეიყვარე საყვარელი, ანებიარეო,
არაფერი მიაყენო საუდიარეო;
რაც გეცოდოს, შეინანე, მდრდელს აღიარეო;
ილოცე და იმარხულე და ეზიარეო,
არ შესცვალო უბედურად საბედნიარეო,
დავით რაც გპრქვა შვენიერად, აშვენიარეო.

არ შესცვალო უბედურად საბედნიარეო,
დავით რაც გპრქვა შვენიერად, აშვენიარეო,
დავით რაც გპრქვა შვენიერად, აშვენიარეო.

ნა. სიტყვა ესე ღვთისა

სიტყვისა-სიტყვად შეწყობილი და სწავლა საყვარლისა,
ღვთისა და კაცისა ძისა, ყრმათათვის სიმღერად – „ეეო,
მეო, ქალო ქალთა-მზეო“-ს სანაცლოდ სათქმელი

1

ეეო, მეო, აქეთ მომხედეო,

რას მომითხობს საყვარელი, უური დაუგდეო!

2

არავინა არს უფროსი დვთისგან უდიდეო,
დვთის სიტყვასა – კაცთა ძესა – სიტყვას მისმენდეო.

3

გზასა რომელსა ხვიდოდე, წინ დაიხედეო,
ფათერაკიანს საფრხესა არცად ჩავარდეო.

4

თავს ასეთზედ ნუ იხარებ, ბოლოს ინანდეო;
ასეთს ნურას მოივაჭრებ, რომ დასზიანდეო.

5

მცან, მე ვარ შენი მოყვარე, შენ მე გიყვარდეო,
ნურაოდეს დამივიწყებ, მუდამ გახსონდეო.

6

ვინც გირჩევდეს ჩემს გაყრასა, ჰკარ და განაგდეო,
ვინც მე მომდევს გაუყრელად, მეც იმასა ვზღდეო.

7

მე სულ ყოველთვის შენი ვარ, თუ შენ გინდოდეო:
ვარ ჭირნანახი შენზედა, თორემ რას დაგდეო.

8

თუ არ იცი, რაც მიქნია, გეტყვი, იცოდეო,
რომ შენც იმის სანუფქოდა საქმეს იქმოდეო.

9

ოდეს მამით და სულითურთ ძემ ვიმოქმედეო,
მიწა-წყალი და ქარ-ცეცხლი ერთად შევმზადეო.

10

ჩავბერე სული ცხოველი, კაცად გავხადეო,
ქვეყნად ყოვლი ნივთიერი, რაც რომ დავბადეო,

11

კაცის სახმარად გავხადე, სულ წინ დაუდეო;
ყველას მოვრივე სიბრძნითა, რასაც შევსჭიდეო.

12

ავლავ დედაკაცი შემწედ მას უქმენ, უმზადეო,
დავარქვი ორთავ სახელი, განუზოგადეო.

13

კაცსა ადამ და დედაკაცს ევა უწოდეო,
დავსხი სამოთხის ბაღშიგან, მცნება დაუდეო.

14

უთხარ, ყოვლის ხილისაგან იმ ერთს არ სჭამდეო;

თუ შეშჭამე, უსაცილოდ სიკვდილით მოკვდეო.

15

მცნებას გარდახდა, შეჭამა; გავსწყერ, განვაგდეო,
ადამ დავსწყევლე: ჭირით და ოფლით პურს შჭამდეო;

16

კუროსთავთა და ბალახის თესლით რჩებოდეო,
მიწა იყავ და მიწადვე იქცე, გამიწდეო.

17

ევა დავსწყევლე: შენ, შვილთა კვნესითა შობდეო,
ქმარს აქვნდეს შენზედ უფლება, შენ უმცროსობდეო.

18

რა საფარველი ნათლისა გარდავეხადეო,
თავიანთ ნება ვამყოფე, ყური დაუგდეო.

19

ადამ მიუთხრა სატანას: თუ რამ იცოდეო,
ევასა სტკივა მუცელი, წამლად დანადეო.

20

სატანამ უთხრა: მაგისი ჩემზედ მააგდეო,
მე შენ რაც გთხოვო სახსრადა, იმას მომცემდეო:

21

სული გირაოდ მომეც და ამას დასწერდეო,
თავით, ცოლითა, შვილითა ნათესავამდეო,

22

სანამდისინ უშობელსა შობილად ვსცნობდეო
და უკვდავი მოკვდებოდეს, მანამ შენ გყვანდეო –

23

ადამ მიუგო: ეგრეთ ვყო, ვით შენ ითხოვდეო!
მიჰყიდა სული, ჩავარდა ჯოჯოხეთამდეო.

24

შემბრალდენ, გული გამწყრალი მე დავიმშვიდეო,
ქვეყნად წყალობის თვალითა გარდმოვიხედეო.

25

მო[გ]ლინდი სიტყვა მამისად, ძედ დაგიბადეო,
განვკაცდი, ქვეყნად ვიარე და განვიყიდეო;

26

ვისაჯე ნებსით, ჯვარზედა გარდმოვეკიდეო!
მოვჰვდი, სისხლითა ჩემითა ბრალი განვსწმინდეო!

27

მამამან ჩემან მადიდა, ვით ძემ ვადიდეო,

ადამის აღნადგინები გარდავისადეო.

28

საფლავით აღვსდებ, სიკვდილით სიკვდილი ვსოურგნეო,
ჯოჯოხეთშიგან სატანა რისხვით მივბიდეო;

29

დაგაბი მაგრის ჯაჭვითა, ცეცხლსა, ნავთში ვსდეო,
მარჯვნით დაუსვი იუდა, მარცხნივ ეროდეო;

30

მიველ, ადამს და ევასა ხელი მოვკიდეო,
აღმოვიყვანე სხვანიცა, არვინ დავაგდეო.

31

აწ შენც ადამის ტომი ხარ, მით შემეცოდეო;
სოფელსა შინა პატარა ხოჭიჭით ეგდეო.

32

მიგიდე, ძიძას მიგგვარე, ძუძუს მოგკიდეო;
გასვი, გაჭამე, ჩაგაცვი, ჩჩილი გაგზარდეო;

33

გასწავლე, გაგაოსტატე, კაცად გაგხადეო,
მოგირთევ ზე-ქვე სავანე, ცოლიც გიბედეო..

34

ჯერეთ ქვეყანად ცოცხალი, გითხარ, ცხოვრებდეო,
მერმე რა მოკვდე, ზეცადა განისვენებდეო.

35

რასაც მე შენთვის გავსჯილვარ, ვითარ მოვსოვლიდეო!
აწ მე როგორ არ მეწყინოს, წახდე, გასცრუვდეო?

36

მე დამთმო, ადარ მინდომო, სხვას მიუხვიდეო,
ან მტერმან სადმე დაგთრუგნოს, მოჰკვდე, წამირწყმნდეო!

37

აწ ნუ ხარ გაუბედავი, გიჯობს, გაბედეო,
გაქსუებული ნუ ხვალ შორს, ახლოს მამენდეო.

38

ნუ გრცხვენის ჩემთან მოსვლისა, ნუ დამერიდეო,
თუ ჩემს საწყენსა რაშიგმე თავი ჩანაგდეო.

39

ან გემთხვა რამე სოფლისა, მით დაიკოდეო,
აწ ეს არს მისი წამალი, წყლულზედ დაიდეო:

40

ჩემს სახლამდის მოაწიო, ამდენს ეცადეო,

რაც მაწყინე, მისი მითხარ: გცოდე, შემინდეო!

41

თუ გულ-მხურვლად ეს ბოდიში შენ მაიხადეო,
მერმე შენი განსვენება ჩემზედ მოაგდეო.

42

თუ ვითარ გაგაყმაწვილო, აღარ დაბერდეო,
არა გაქვნდეს რა საჯავრო, სულ იხარებდეო,

43

თუ არ სხვას ვისმე უცხოთა, მარტო მე მხადეო,
ეს ყველა შენთვის მზა არის, რაც რომ გიქადეო.

44

მე შენ სხვას არას გენუკვი, ღმერთი ადიდეო:
მე შენთვის ნებით მომკვდარსა მამიგონებდეო,

45

მაგ ჩემს წერილსა წიგნებსა წაიკითხევდეო.
რაც რომ ანდერძად დამეგდოს, აღასრულებდეო:

46

დარიბს აჭმევდე, მშიერსა მწყურვალს ასმევდეო,
შიშველს შემოსდე უძლურსა, სნეულს ნახევდეო.

47

საპყრობილეში მჭმუნვართა ნუგეშსა სცემდეო,
პატიმარს, ტყვესა, უცხოსა შეიწყნარებდეო.

48

შეიმსუბუქე ცოდვანი, ვირემ ავსწონდეო,
ასეთის სახით მეჩვენე, გნახო, მამწონდეო.

49

ასეთს ცოდვილს ნუმცა გნახავ, რომ გაგირისხდეო.
მაქვს საპყრობილე ასეთი, თუ შიგ შეგაგდეო,

50

დაუშრებელის ცეცხლითა უნდა იწოდეო.
გჭამდენ გველნი და ბაყაყნი, მატლში ეფლოდეო,

51

ეშმაქნი ცეცხლის მათრახთა გცემდენ, მიძახდეო:
გამე დავიწვი, მიშველე, ღმერთო, მომხედეო!

52

ნუ გონებ, კიდევ ხელახლა ვიშვა და მოვკვდეო,
ან მისებრ ჯოჯოხეთშიგან მედა მოვიდეო;

53

ან, ვით მამა-შენს ადამსა, ხელი მოვგიდეო,

ისე შენ ხელი მოგკიდო, ან შამებრალდეო.

54

უნდა იყო და იტანჯო უკუნისამდეო,
დავით, მისთვის მოგახსენებ, ამას უფრთხოდეო!

55

ისევ ხორცით შეინანე, რაც ხორცით სცოდეო,
თორემ სულით ვერას ირგებ, შენ ეს იცოდეო!
დავით, მისთვის მოგახსენებ, ამას უფრთხოდეო!

56

თორემ სულით ვერას ირგებ, შენ ეს იცოდეო,
დავით, მისთვის მოგახსენებ, ამას უფრთხოდეო!
დავით, მისთვის მოგახსენებ, ამას უფრთხოდეო!

57

ადექ, ადექ, ნუდარ სწევხარ, ზეზედ წამოჯეო;
თაგს გევლების ქურდ-მპარავი, მას უდარაჯეო.

58

გაუფრთხილდი, არ დათხაროს შენი საუნჯეო,
მდილთ საჭმელად რად ინახავ, გახსენ, დახარჯეო;

59

ორი გივის სატრფიალო, ორივ გასინჯეო,
რომელიც ჩნდეს უფრო მკვიდრად, მას ებდაუჯეო.
რაც რომ დავით შენ გასწავლა, მაგრა დაბდუჯეო.

60

რომელიც ჩნდეს უფრო მკვიდრად, მას ებდაუჯეო,
რაც რომ დავით შენ გასწავლა, მაგრა დაბდუჯეო.
რაც რომ დავით შენ გასწავლა, მაგრა დაბდუჯეო.

61

ადე, ადე, არ დახზარდე, რაც დაგპატიჯეო.
ადე პირი ღვთის საქებრად, ნუ გაიმუნჯეო.

62

ნუ აჭმუნვებ მკვიდრს მიჯნურსა, წუთი დაღრიჯეო,
თუ სულით გსყრს განსვენება, ხორცი გასარჯეო.

63

რად განშორდი შენსა მხსნელსა, რად დაიხვანჯეო?
ნუ ხვალ გზასა უკეთურსა, ნუ გარდიქაჯეო!
რაც გზა დავით წინ დაგიდვა, მაზედ აბიჯეო!

64

ნუ ხვალ გზასა უკეთურსა, ნუ გარდიქაჯეო!
რაც გზა დავით წინ დაგიდვა, მაზედ აბიჯეო,
რაც გზა დავით წინ დაგიდვა, მაზედ აბიჯეო!

ნბ. სიმღერა ფერხისული „აგერ მიღმარ ახოს“ სა[ნა]ცლოდ სათქმელი

ეშმაკეულთ ახოსა ანგელოზმან მნახოსა,
მწეროს ჯვარი ქრისტესი, გულზედ გამომსახოსა;
თვისი მჭრელი ლახვარი ლესოს, გაიმახოსა;
ჩემს მტერს გულზედ აძგეროს, არა წყნარად ახოსა.
შეურისხდეს, დათათხოს, მჭახედ შეუძახოსა,
განეცალე, განშორდი, ნუ ხვალ დავითს ახლოსა,
ნურაოდეს გაივლი, სადაც ის ესახლოსა.
კაცმან უნდა სიწმინდით თავი შაინახოსა,
არაფერი ბოროტი გულით განიძრახოსა;
თვით ერიდოს საძრახავს, სხვასა არა სძრახოსა,
ვით სწადს სხვამ არ უმარცხოს, თვით სხვას არ უმარცხოსა,
რაც თვით ეხნას-ეთესოს, ანუ დაეფარცხოსა,
ის მოიმკოს, გალეწოს, დაიფქოს და აცხოსა.
უნდა კაცმან კეთილად სწავლა შეირაცხოსა,
ათის მცნების სიტყვები გულში დაიმარხოსა,
გულთმოდგინედ ისმენდეს, დავითს რაც ეჩალხოსა.
ათის მცნების სიტყვები გულში დაიმარხოსა,
გულთმოდგინედ ისმენდეს, დავითს რაც ეჩალხოსა,
გულთმოდგინედ ისმენდეს, დავითს რაც ეჩალხოსა.

ნგ. ოდეს დავით გურამისშვილი
ბრუსიაში დატყოვდა და თუ რამ
აქვნდა თავისი საცხოვრებლი,
ისიც დაეკარგა, იმისთვის
ტირილი

1

ვითა ცხოვარი გზა შეცდომილი
მგელთ წარსატაცად ფარეხთა გარე,
ეგრეთ შენ, თაო, ხარ გახდომილი,
ასეთი საქმე მე მოგიგვარე!

2

გავხდი გლახაკი და დავრდომილი,
თუმცა საწუთროს მოვიანგარე;
გარ ცარიალზე მე დაჯდომილი,
საუნჯისაგან კარს გარეთ მდგარე.

3

დავპარგე იგი ოქროს ბეჭედი,
რომლით ნიშნულ არს ჩემი შვებადი,
აწ მექცევიან ვანი გებადი
მე საუგუნო განსვენებადი.

4

სიზმრად ვიხილე, კარს გარეთ ვრეკდი,
ქორწილში შესვლად შიგნით ვიწევდი,

ქრისტე, მიბოძე ასეთი ბედი,
შენსა მას ქორწილს მეცა მიწვევდი!

5

მტერმან განმპარცვა მე შესამკელი,
ტანთ საქორწინე შესამოსელი,
ვა, თუ მით ვიქნა გარეთ მრეკელი,
ქორწილსა შინა ვედარ შემსვლელი!

6

შენ ხარ, უფალო, აწ ჩემი მშველი,
ქრისტევ, შემმოსე მადლით შიშველი,
პეტრე და პავლე, სამოთხის მცველი,
ნუ მექნებიან კართა დამხშველი!

7

ნუ გძინავს, სულო, აწ განიღვიძე,
რომ არ შეიქნა ლამპარ-შრეტილი,
შუალამისას მოვიდეს სიძე,
გარეთ არ დარჩე კარ-დაკლეტილი.

8

ნუ ხარ სულელი, ზარმაც-უდები,
არ დაგეპარგოს ქრისტეს ქორწილი,
ნუმცა იქნები წილდაუდები,
საინახისა არ ირგო წილი.

9

ვამე, ცოდვილსა და უბ[ა]დრუკსა,
მე ვინ მაღირსებს ასეთს მაზმანსა,
რომ დამიგრეხდეს სანთლის პატრუქსა,
ან ზეთს მისხემდეს ჩემს მქრალს ბაზმანსა!

10

ვარ მე მტერთაგან მწარედ გაცრცვილი,
ტანთ საქორწინე საცმელო ხეული:
სულ დამკარგია ზეთი და ცვილი
და საკერასე გორგლად ხვეული.

11

ქრისტევ, განმკურნე ბრმა-ყრუ-საპყარი,
რომ მე აგინთო ბაზმა-ლამპარი,
მომეც ლოცვაში თვალთ ცრემლთ წანწკარი,
რომ შენ განმიღო ქორწილთა კარი!
მომეც ლოცვაში თვალთ ცრემლთ წანწკარი,
რომ შენ განმიღო ქორწილთა კარი!
რომ შენ განმიღო ქორწილთა კარი!

ნდ. მეორე დაგითის შესხმა

რუსულის სიმღერის ხმა: ნე დამ პოკოიუ,

პოიდუ სტაბოიუ.

1

აბრაჟ[ა]მის ღმერთი, საბაოთი ერთი,
მოქმედი ყოველთა მკვდართა და ცხოველთა,
ყოვლისა მპყრობელი,

2

არს ჩემი გამჩენი, შემნახავ, დამრჩენი,
მე იგი მრწამს მამად, არ ქაჩალი მამად.
დამბადებელს ვესავ!

3

სასოებას მამას დავით სოხოვდა ამას:
მამა, შენი ძეო, ვითხოვ, მიბოძეო
შესავედრებელად;

4

სული-წმინდა ფარვად თაგს მადგიო კარვად!
ღმერთს სონდა დავითისა, იხმა სიტყვა დვთისა
ზეგარდამო ქვეყნად.

5

მოსცა სათხოვარი, ქრისტე მაცხოვარი,
სადიდებლად დვთისა, ძე იგ დავითისა,
ჭეშმარიტი ღმერთი.

6

ფრიად საყვარელი, მცველი და მფარველი.
მან დაგვიდვა სჯული, დახსნა დახვანჯული,
ჯვარს ეცვა ჩვენთვის!

7

მე მისთვის თაგს ვიდებ, ვაქებ და ვადიდებ,
მრწამს და აღვიარებ, ვდგები თუ ვიარებ,
უგალობებ მე მას!

8

მდიდარ ვარ თუ მწირი, ლხინი მაქვს თუ ჭირი,
ვიმდერი თუ ვსტირი, ქნარი მაქვს თუ სტირი,
ზედ დაგმდერი ამას!

ნე. რუსულის სიმღერის ხმა:

ჩო ზა პრიჩინა, ვსედდა კრუჩინა.

1

ისმინეთ ერნო, გულთ მეცნიერნო,
მე დავსძრავ ბაგებს, მოგითხობ კარგებს;
მიგდევით ყური.

2

სიტყვავ ძლიერო, დვთივ ზეციერო,

თხრობილო მაღლით, სმენილო დაბლით
ძედ წოდებულად;

3

კურთხევად ჩვენდა, არ შესაჩვენად,
ღმერთად ცნობილო, კაცათ შობილო
ქალწულისაგან;

4

უმამოდ ქვეყნით, უდედოდ ზეცით,
რომელ მოვლინდი და ქვეყნად ვლიდი,
იესო ქრისტე.

5

მწყემსო კეთილო, ნაყოფ-კეთილო,
გარ გახდომილად ცხვარი ცდომილად,
აწ მომიძიე!

6

მოდი საძებრად, ვგდივარ სად მთხრებლად,
გამკურნე ჭირი, მთხრებლს ახსენ პირი,
აღმომიყვანე!

7

დამიხსენ ბნელით, ტანჯვითა ძნელით;
ნუ მიმცემ მგელთა, მატლთა და გველთა,
ძელთ შესაჭმელად!

8

ამად გადიდებ, მავნეს მარიდებ,
ხარ ჩემი მყვარი, მრწამს შენი ჯვარი
სარწმუნოვებით.

9

ამად გიგალობ, მე შენა მწყალობ,
ჩვენთვის ჯვარცმულო, საყვარლად თქმულო,
აწ შემიყვარე.

10

აღმიპყარ ხელი, მწვავს ცეცხლი ცხელი,
მაპკურე წყალი, დამშრიტე ალი, –
წვა დამინელე;

11

ტკბილო იესო, მხამს განვილესო
წამლად სასმელად, წლურზე სასმელად
მე სისხლი შენი!

12

შენგნით ვიკურნო, არ დავიკრულო,
არ გავხდე წბილად, ეშმაკთა შვილად, –
ვიყო მე შენი.

13

შენგნით ხმობილად, კეთილ-შობილად
ვიხსენებოდე, შენ მამად მყვანდე
განუშორებლად.

14

ქრისტეს მაცხოვარს, გთხოვ ამ სათხოვარს,
მარიდე ცხოვარს, საცა მგლის ხრო არს,
მიხსენ მათგანა.

15

მე დავით ესე ვხან და ვითესე,
ვინ ხართ ჭკვა[თ]მ[ყო]ფნი, ესე ნაყოფნი
ბრძნად მოიმკევით.

16

„არანანინას, თარანანინას“
ესე სჯობია, ღვთის სამკობია:
ალილუია!
ესე სჯობია, ღვთის სამკობია:
ალილუია, ალილუია,
ალილუია!

ნვ. მესამე დავითის შესხმა
პოლშის სიმღერის ხმა

1

აწ მე აღვიძრავ ენასა,
ვადიდებ ღმერთსა ზენასა;
ვიწყო მე გალობა,
მიყოს მან წყალობა.
მან ქმნა ვაჟ-ქალობა,
მისცა ტრფიალობა.

2

მე ჩემს საყვარელს შამყაროს,
არ შემაძულოს, მაყვაროს.
მაქვს ტრფიალთ წილდება,
მწვავს სახმილთ კიდება;
ამისთვის მინდება
ქება და დიდება.

3

დავით ოქვა ღვთისა ქებანი,
უკრა ქნარ-წინწილ-ებანი,
ღვთისაგე ნებითა
კარგისა მცნებითა
იპოვა ძებნითა!
ადიდა ებნითა!

4

ათბალს ალყანი აუბნა,
უკრა, დვთის ქება აუბნა;
ორდანოს დაბერა,
ქნარზედა დამდერა,
ფსალმუნი აღწერა,
ღმერთს გული აჯერა.

5

აქებდა ღმერთსა ცათაგან,
ყოველთა მისთა ძალთაგან,
იროკა, ისამა,
საბაოთ იწამა,
მამის და ძისამა
და სულის თქმისამა.

6

სთხდა ღმერთსა ქნართა ხმობანი,
დავითის კარგი ყმობანი.
წინასწრ თქმულია,
ყურითა სმულია,
ვითარ აღთქმულია,
ძედ სახელ რქმულია.

7

მოსცა ძე ბრძენი, ჭკვიანი.
შეიქნა მეფე სვიანი.
ქალწულსა ახარა,
ძედ მუცლად სახა რა,
მადლითა დაფარა;
ყრმა იშვა პატარა.

8

„დიდება მაღალთა შინა
ღმერთსა“ – გალობდენ მაშინა.
ზეგარდმო თხრობილი,
ქვეყნადა შობილი,
კაცთა ძედ მკობილი,
ღმერთადა ცნობილი.

9

იესო ქრისტე სახელად
ეწოდა დასაძახებლად, –
გამოჩნდა მხსნელია,
განათლდა ბნელია!
სახმილი ნელია,
აღარა ძნელია!

10

ხმა გვესმა გასახარელი:
მოგვეცა ძე საყვარელი!
აწ ერნო იხარეთ,
სიბრძნენი იხმარეთ,

რაც მოგცათ, იქმარეთ
ეს ნუ გაიქმარეთ.

11

ძედ სიტყვა ღვთისა მოვლინდა;
კაცთა ძედ ქვეყნადა ვლიდა:
სნეულთა ულხენდა,
ბრმათა თვალს უხელდა,
მკვდართა აღუდგენდა,
წყალს ღვინოდ უქცევდა.

12

გერ იცნეს, ვეცხლზედ გაყიდეს,
ზურგზედა ჯვარი აჰკიდეს,
გალანძეს, გაპიცხეს,
თვალ-აკრულს თავში სცეს:
ვინ გცაო? – მას კითხეს,
მათ სისხლი თავს იცხეს.

13

საჯეს, ბრალეულ გახადეს:
ტანისამოსი გახადეს.
უბრალო დასაჯეს,
გოლგოთას ჯვარს აცვეს,
ეკალი თავს ადგეს,
ნაღველი მას ასვეს.

14

უგმირეს გვერდსა ლახვარი,
გამოხდა სისხლი და წყალი.
შეიქნა მშობელი
თვალ-ცრემლ-უშრობელი,
გულითა მლმობელი,
ლახვართა მსობელი.

15

დაჯდა სატყებრად, გოდებად,
თავთა ხლად ხე-ქვა-ლოდებად,
გულსა სახმილის მოდებად,
შესაბრალ-შესაცოდებლად.
ვაი, რა შესაზარია
მისი მოთქმა და ზარია!
გოდება ანუ არია,
მთქმელთათვის ყველა მწარია!

ნზ. არია
რომელ არს გოდება,
რუსულად: ახ კაკ სკუშნო.

1

ვა, რა მაქვს დიდი მოწყენა,
სადა არს ჩემი მოლხენა!

მწარედ სახმილით დაგულსა
ლახვარი დამსმია გულსა.

2

ნაწლევნი, დვიძლი და გული
შემქნია ცეცხლით დაგული;
პირი შემკვრია წყენითა,
ვერა მითქვამს რა ენითა!

3

მომიხდა მე საზარელი,
სატირი დასაზარელი;
მით დღე მაქვს არ სახარელი,
მომიკლეს მე საყვარელი!

4

სიტყვა – ძედ დვთისად თხრობილი,
ქალწულისაგან შობილი,
ურიათაგან გმობილი,
შეიქნა ლახვარსობილი!

5

მშობელსა თვისი შობილი,
დაჭრილი, გვერდგაპობილი,
წინ ედვა მუხლზედ მკვდარია,
ზდიოდა სისხლის დვარია.

6

თავს დასტიროდა მშობელი,
დაწვთ არ ცრემლითა მშრობელი.
ეჭირა ხელით ხელია,
საწყლად გარდეგდო ყელია.

7

ტიროდა: დვთივ დიდებულო,
შენ ჩვენთვის თავდადებულო,
გიხილე ჯვარზედ ვნებული,
ხელ-ფეხი სისხლის დებული.

8

ვაი ჩემს თვალთა ჩენასა,
შენს უკან ჩემს დარჩენასა!
ვაი მე ამ დღის დამსწრებსა,
შენს გულზე ხელის დამკრებსა!

9

ძევ, რად გამხადე თხრადა,
სატირლად და საოხრადა?
ოდეს გიჭვრებდი შენ პირსა,
უკუვიყრილი მე ჭირსა!

10

შენ, საყვარელო აწ ჩემო,
სახითა, მზეს მიგაჩემო,
მზევ, ჩახე, შეიქნა ბნელი,
მე საქმე მომიხდა ძნელი.

11

მზევ, წარუალი ნათელი
დამიშრტი, ვითა სანთელი;
დღე დამიდამდი მზიანი,
მით მომივიდა ზიანი.

12

მზევ, შენის პირის სახენი
აწ ჩემი იყო მამლხენი,
შენის პირისა სახითა
გამოხსნილი ვარ მახითა.

13

თავს დამცემია აწ ბადე,
შენ გეაჯები: ამხადე,
ბრმას აღმიხილე თვალები,
მაცნობე გზა და კვალები!

14

ძეო, მე გულით მენება
შენის სახელის ხსენება;
მაგრამ ვერ შესძლო ენამა
და თვალთა ცრემლთა დენამა.

15

ვაიმე, ეს რა ვნახეო,
შენ მიწაშიგან გმარხეო!
შვიდს მახვილს გული ვახეო,
გსჭრი და იმაზე ვახეო.

16

ადამის წყლურთა შამხვეო,
მისთვის სისხლისა დამთხეო!
წადი, სალბუნი მას ცხეო,
ევა იხსენ და მნახეო.

17

ევა ტირს: ვამე, წავხეო,
მომიხდა ეშმაკო საფრხეო!
ღვთის მცნებას მე გარდავხეო,
მით ჯოჯოხეთში ჩავხეო.

18

მაქვს სატანჯველი ძნელია;
სახლ-სამყოფელი ბნელია;
ხორცს მჭამენ მატლი და გველნი:
სულს მიწვენ ცეცხლი მდაგველნი.

19

ტკივილით ვიღრჭენ კბილსაო!
ვესავ იქსოს ტკბილსაო,
რომელმან იგნო ჯვარია,
დანსთხია სისხლის დვარია.

20

ზეგარდმო სიტყვავ დვთისაო,
და ქვეყნად ძევ კაცისაო!
მიფონე, გახსენ კრულება,
განკურნე ჩემი წყლურება.

21

უფალო ტკბილო იქსო!
გამოთქვა ვინც ლექსი ესო,
შეუნდევ შენაცოდარი,
ნაშფოთი დანაბორგარი!

ნშ. სიმღერა

რომელ არს ამისის ხმის სიმღერა რუსულად:
ნეოუ ზლოსთი ნადომნოიეუ, უმენშით მნე პეჩალ მოიუ.

1

რქვა: დიდება, დმერთო, შენდა, ცად და ქვეყნად რაც აღშენდა!
დავით ხმითა ნესტვს აფშენდა, გიგალობდა ვითა გშენდა:
დმერთო, მიყავ წყალობა, მე შენი ვსოქვა გალობა;
შენ გაქებდა ყოველი, შენგნით რაც ა ცხოველი, სულს აქშენდა.

2

ჩემსა კაცად მხატველს, მსახველს, რაც მე ძალმიცს, გიქებ სახელს,
შობითგან ბრმის თვალის ამხელს, ის მე მამხელს ჩემსა სამხელს,
არსის საყდრად მჯდომელო, ქება მიუწდომელო,
მზგავსი შენი სადარი ვსძებნე, აქ არცად არი, ვერც ვხვდი მნახველს.

3

გამე, სიბრძნე არა მაქო! ვით შენ გიხამს, ვითარ გაქო?
შენსა სახელს რაც დავარქო, მტერი ჩემი მითა ვბაქო;
არს ჩემის დვთის სახელი: მამის თანამდრახველი
ძე, მწე ჩემი არს, ქრისტე, მტერი მიწა დავქიშტე, ხრმლად ის მაქო!

4

მე დამწვარსა და დაგულსა, სახლ-სამკვიდრო დაკარგულსა,
სევდის მჭვლიტა გათანგულსა, წასაწყმენდლად გაბარგულსა,
ის მყავს ნუგეშთ მცემელი, მტერთა არ მიმცემელი:
ქრისტე ჩვენთვის ჯვარს ეცვა, მით ნუგეში ჩვე[ნ] გვეცა საწყალს გულსა.

5

გზას მატარე კარგს სატარელს, ნუ ამხდი მე შენს საფარველს;
შემამყარე მე საყვარელს, ჩემის გულის გასახარელს.
ზე სიტყვაო დვთისაო, ქვე ძევ დავითისაო,

ტკბილო იესო ქრისტე, გაუყორდად მაჭვრიტე ჩემს საყვარელს.

6

შენ ხარ ჩემი ამგებ-მშენი, სიყვარული მე მაქვს შენი;
ამად მინდი: ტურფად შვენი, სუნი გიდის კარგ საფშვენი,
აწ მომფინე სულია, მამით გამოსულია;
მიხსენ საყნოსთ კარია, მტერთგან შენაკარია, დანახშენი.

7

მჭირს მე საქმე საკიცხელი, ვერას ვითმენ გულ-ფიცხელი,
მე შენ გცოდე ურიცხელი, მისთვის დამწვავს ცეცხლი ცხელი,
შენ დამასხი წყალია, დამიშრიტე ალია,
მხსნელო, კაცომოყვარეო, სევდა უკუმყარეო! ვარ ჭკვა-თხელი.

8

მე ამ წიგნის გამლექსველი, ტვინთა მფანტველ-გ[ა]მქსაქსველი,
ამად ვსტირ, ვარ ცრემლით სველი, საწუთოს კარგს არას ველი;
ცრუ არს წუთისოფელი, ანაზღისა მყოფელი,
მმობელი, თუ მდობელი, – არის დაუნდობელი და მძმაცველი.

ნო. სიმღერა დაგითისა: ზუბოვკა
რომელ არს რუსულად ამისი ხმა: კაზაკ დუშა პრავდივაია

1

ზუბოვკიდამ მომავალმან ვნახე ერთი ქალი,
მეტად ტურფა, შვენიერი, მაზე დამრჩა თვალი.
შავ თვალ-წარბას, პირად თეთრსა ასხდა შავი ხალი,
მისმან ეშხმან დაცამლეწა, შემიმუსრა ძვალი.

2

ვკითხე: მზეო, სიდამ მოხვალ, ხარ სად წამავალი?
გეაჯები, მაცოდინე შენი გზა და კვალი;
შენთვის გული ქვათ გარდმექცა, გახდა, ვით კლდე სალი,
მასხი წყალი, დამიშრიტე, მე შენი მწვავს ალი.

3

ხმა გამომცა, გაგულისდა, სიტყვა მითხრა ავი:
„ავო კაცო, ვით გაბედე, შენ მე მოხოვე თავი?
ბულბულთ ნაცვლად ვარდ-კოკობმან რად დაგისვა ყვავი.“
მით ავსტირდი, ცრემლი ვღვარე ზღვათა შესართავი.

4

ასე მითხრა: „ჩამომეხსენ, გამეცალე, მარი,
არ მინდიხარ, არ მიყვარხარ, სხვა მყავს კარგი მყვარი, –
შენგან თვალად უკეთესი, ვაჟი-კაცი ქმარი“.
რა ეს მესმა, ჯავრით ცხვირსა წამედინა მმარი.

5

მითხრა: „შენგნით ნუმცა მსმია სიტყვა მაგის მეტი“.
აიღო და დამიშინა თავში დიდი კეტი.
დავრეცრეცდი, გარდავიქეც, დამეხვია რეტი;
შავ[ვ]ებრალდი, თავს დამადგა, ვით ბნელს, ნათლის სვეტი.

6

რა მოვბრუნდი, დაიხარა, ხელს მომკიდა ხელი;
ამაყენა, ასე მითხრა: „რად შექნილხარ ხელი?“
მე მიუთხარ: შენთვის გავხდი ასე ჭკვაზე თხელი,
შენ რომ მწუნობ, მით მედების გულსა ცეცხლი ცხელი!

7

მერმე ტკბილად დამიყოვა, კიდეც გამიცინა;
ასე მითხრა: „აქ ნუ ვსხედვართ, გვნახოს არავინა.
ახლა ავდგეთ, ჩვენ წავიდეთ თავთავისთვის შინა;
კულავ სადმე ამოივლი, მე დაგხვდები წინა“.

8

სად წავიდა, ვერა ვნახე, ჩემი საყვარელი,
მან დამიგდო საიმედო სიტყვა სახარელი.
მე მის მონას ნუმც ამხდია მისგან საფარველი!
სად მიჭირდეს, მამეშველოს, სხვას აღარას ველი.

9

დამპირდა, თქვა: „კიდევ მოვალ“. აწ მე იმას ველი:
მისთვის გსტირი, ცრემლითა მაქვს უბე, კალთა სველი.
სიკვდილის დროს მე მის მეტი არავინ მყავს მშველი.
მან გამიღოს სამყოფისა კარი შესასვლელი.

10

იმ ჩემისა საყვარლისა სამსახური მსურსა,
აჲა, მისთვის გამიჯნურდა, გული მისთვის ხურსა,
იმედი მაქვს, რასაცა ვსოხოვ, მომცემს, არა შურსა,
უკვდავების წყალს მიბოძებს, ცხოვრებისა პურსა.

11

ლვთისგან ვითხოვ, არ გამყაროს მე მის სიყვარულსა,
სხვას უკეთეს[ს] ვის ვიშოვნი სილამაზით სრულსა?
ჩემის სიყვარულისათვის სცემებს ხელშეკრულსა,
სახით ვხედავ ჩემთვის მკვდარსა სისხლით გაბასრულსა.

12

აწ, შენ, ჩემო საყვარელო, იმყოფები სადა?
ქვეყნად შენგან უკეთესი მე არავინ მყვანდა.
ქვესკნე[თ]სა ვარ, ვერა გხედავ, მეგულვები ცადა;
გეაჯები, ნუ გამწირავ, წამიყვანე მანდა!

ქვესკნე[თ]სა ვარ, ვერა გხედავ, მეგულვები ცადა;
გეაჯები, ნუ გამწირავ, წამიყვანე მანდა!
გეაჯები, ნუ გამწირავ, წამიყვანე მანდა!

ვ. სიმღერა

ამისი ხმა რომელ არს რუსულადა: ჩუვსთუიუ სკორბი
ლუტი ვსიაკაო მინუტი

1
საყვარელმან სიტყვა ავი მითხრა, გულსაწვავი:
ნეტა რად ვიყო შენია,
სახით ავრიგად შვენია!

2
მე ვარდი ვარ ბულბულთ მრთავი, ყვავს რად მოგცე თავი?
მე მისთვის არ მიკადრა მან,
შეირთო სხვამ. პირ-ბადრამან.

3
მითხრა: მძულხარ, არ მიყვარხარ, ზინზლის სუნად ყარხარ;
მე არ მიყნოსე, ვარდია,
ანძალას ზედ შეგარდია.

4
გამიწყრა და მცემა ჯოხით, გამამაგდო ქოხით.
ვეღარ მიგსულვარ შინაო.
მან ასე შამაშინაო.

5
კარის-კარად დავალ გლახად, ტანთ მაცვია თალხად;
შევიქენ გლახა-მწირია,
საყვარლის განაწირია.

6
მისგან დამწვარ-დადაგული ჩემი გახდა გული;
მწვავს მისის ცეცხლის ალია,
გამოყრჩის ნატუსალია.

7
მე მისთვისა ვსჭმუნავ, ვსტირი, მარიდა მან პირი;
ჩემზედ აიღო ხელია,
მამიდვა ცეცხლი ცხელია!

8
რით დავკარგე გახარება, გითხრა აღსარება:
მიბრძანა რაც ბრძანებანი,
ვერ დავიმარხე მცნებანი.

9
მიბრძანა: თუ მე შენ გინდი, გაქვნდეს ჩემი რიდი,
ერიდე ჩემსა წყენასა,
ავს ნუ აუბნებ ენასა!

10
თუ შენა ხარ ჩემი მყვარი, ნუ ხარ გულმზაკვარი,
იყავ შენ გულმართალია,
როგორც რომ სამართალია.

11

ჩემი მცნება დაიმარხე, თავი შაინახე
თუ ჩემი თავი გინდაო,
იყავ ყოვლისფრით წმინდაო.

12

თუმცა გნებავს შეგიყვარო, გხამს არ გამეყარო;
გვერთ მახლდე გაუყრელადა,
მიგაჩნდე საყვარელადა.

13

რაც მე იმან შემიკვეთა, მე ის არ მეკვეთა;
მომითხრა რაც საქნელადა,
ყველა მეჩვენა ძნელადა.

14

შენც დამგმობდი, თუ იცოდე, რაც მე იმას ვსცოდე;
შევიქენ მისი ურჩია,
მე აუბზუე ტუჩია.

15

გვიდრს საყვარელს გავეყარე, წუთი შევიყვარე;
შემემთხვა დიდი ცოდვანი,
მისთვის მაქვს შფოთვა-ბორგვანი.

და. რეული

ეს რუსულად: პოლნო, პოლნო. ნე პრელშჩაისა.

1

კმარა, კმარა, ნულარა სცოდავ, სულს აგების მიხვდეს შვება,
აწ დასწყნარდი, ნუ შფოთავ-ბორგავ, ნუ გაქვს ზმირინთ ზინზლად ფშვება!

2

ჩუმად იყავ, ნუ გამაგონებ, მაგ საქმეს იქს არცა სტერი.
საძულს ალხენ, საყვარს აღონებ, შექნილხარ შენ თავის მტერი.

3

საძაგს საქმეს კაცს ვერას უქებ, კაცი კარგ საქმით იქნება.
სულს კი ამჭღობ, ხორცს კი ასუქებ, აწ ცხოვნება ვით იქნება!

4

მოკლე არის ეს ცრუ სოფელი, კაცსა გრძლადა არ შერჩე[ბის],
არს კაცთ სული უკვდავმყოფელი, ხორცი სიკვდილს ვერ [მორჩების].

და. რეული

ახალი შემოღებული ქართულად

1

ხორცია მიწა ტალახი, საწუთროს ფეხით ნალახი;
სული უსხეულ მყოფელი, აქვს საუკუნო სოფელი.
ხორცი მკვდარ-ხმელი ბალახი, აყოებულად ნანახი:
სული ცხოვრების მპყრობელი, ვით ბაზმა გაუქრობელი.

2

ხორცთათვის დღისა საგალსა საგრძალს წაიღებ მრავალსა;

არ გებრალების სულია, უსაგძლოდ შორს წასულია.

ხორცს აცმევ ვახშესა და ვალსა, სული შიშველა დავალსა,

ხორცს გიფშვნის მუშკის სუნია, სულს აგდის ნატისუნია.

ვგ. დინარი

„პატარა ქალო თინაო“-ს სანაცლოდ სამდერალი

1

ვაქოთ, ვადიდოთ ვინაო? – ლმერთი მაღალთა შინაო,

ვინცა შეამკო ქვეყანა, დამე დღედ განაბრწყინაო;

ზღვით, ხმელით, ხითურთ, ბალახით მთა-ბორცვი აღმოფინაო,

ყოველი ნივთისაგანი მაშიგან განაჩინაო;

ჩვენ, კაცი, მიწა და წყალი შეგვზილა, აღგვადგინაო,

მოგვცა სიბრძნე და დაგვიდვა ქმნული ყოველი წინაო.

ჩვენც გვმართებს მსხვერპლი შევსწიროთ – დავით თქვა – იმისთვინაო.

2

აქე, ადიდე შენაო, ვინცა შენ აღგაშენაო,

შენ – შავი მიწა, ტალახი – რომ აგრე დაგაშვენაო:

ჩაგიდგა სული ცხოველი, დაგაწყვებინა ქშენაო,

გალაპარაკა, გასმინა, მოგცა პირი და ენაო;

დღე გაგითენა ნათელი, გიბოძა თვალში ჩენაო,

ნდომა ცოლ-ქრმობის სურვილით, საჭმელ-სასმელით რჩენაო;

მას დმერთსა მსხვერპლი შესწირე, დავითმა მოგახსენაო

ნდომა ცოლ-ქრმობის სურვილით, საჭმელ-სასმელით რჩენაო,

მას დმერთსა მსხვერპლი შესწირე, დავითმა მოგახსენაო,

მას დმერთსა მსხვერპლი შესწირე, დავითმა მოგახსენაო.

ვდ. ზმიანი შაირი დავით გურამისშვილის თქმული

1

მეფეო, ლმერთმან ნუ მოგცეს წუხილი, ჭმუნვა, ვი[შობა].

ნუ მოგიშალოს ნადიმი მუდამ დღეთ სულ მეჯლი[შობა];

ლაშქარი მოგცეს ურიცხვი, არ ჰქონდეს ანგარი[შობა],

მან მოგახმაროს, სად გინდეს, ვინც დღეს ქალწულთვან ი[შობა],

2

[მოგვნი]ჭა ლმერთმან ძე თვისი და იშვა დღეს უშობელი,

რ[ქვა ბი]ნდის ფერად მცნობელნო, მიცანით მე უცნობელი!

ა[ბა გა]შინჯეთ ვარსკვლავით, მოგვნთა სცნეს რა საცნობელი,

ში[შობა] ხელის წერილთა განაგდეს გამამპჭობელი.

ერთს დღეს აღდგომაც იყო და ხარებობაც; დიადაც
ციოდა მოსკოს და იმის მონასიბათ თქმული

მოსკოს ქალაქს მზეს ვე[ლოდი]თ და ვერ გნახეთ აქ[სუ დარო]!

სოლ[აღ დგომა] გვირჩევნ[ი], აქ სიცოცხლე გაგაქ[ს უდარო];

კა[პას ქა]რ[სა მჭვალი] ეკრას, რას გვიშველი, ვთქვათ, სუდარო;

შენ გაჰკურნე მწუ[სარება] ადგომავ, და ქვავ-სუდარო!

ერთმა ქართველმან თავადის-შვილმა მოსკოს ქორწილი ქნა
და ცოტად მდადს პურის ს[ა]უჭმელო დაუგვიანდა; აგრევე
მანამდის ქორწილს იქმოდა, ორს დაბალს აზნაურთან
იდგა ფსონათა იმათზე მეტსა ხარჯევდა, იმის
მონასიბათ თქმული.

დადა[მდა, დი]ლა გათენდა, მდადს პური არ უჭამია,
[ეჯიბი]ს პირი გახსენით, ხელზედ აღირსეთ ნამია;
ი[ქ] ორწილი[ანს კაცთანა დახარჯის თვალის წამია;
ეგ მეც არ[მეფე]რებოდა, რაც მაგას დაუწამია.

ერთ დღეს ბატონებმა დავით გურამის-შვილის ხალათის
ბოძება განიძრახეს, იმის მონასიბად თქმული
სიუხვის კო[კა ბა]ტონსა წინ უდგას, ვითა კულადა,
ი[ქ] უდი[ს მოწყალებანი დარიბთა გასაკ[უ]რნადა;
[ახალ უხი]ლავს, ძველთ მცმელთა გულს არ გაუხდის წყლურადა
ა[ქ] ათი ბი]ჭი ვახლავართ, მარტო მე გულნაკლულადა!

ამიცანა ზმიანი

1

აწ ზმობს მლე[ქსელი]; მზა[სა ვარ, ცხელი] [მაქო] მწვადები, დარბაზს წაიღით.
მე[ფე იქ არი], სადაც ტახტ[ზედა] ზის დედოფალი მორთული ჯიღით.
[მას ტიკი]ს დვინო წინ უდგი მი[ნით, [მას რა] სვამს მეფე დაიწყებს დიღინო,
ასწევს ფეხებსა, შეყოფს და გაყოფს, გულზედ მი[ი]კრავს ორისავ მჯიღით.

2

ცოცხალნი შობენ მკვდართა და მკვდარნი ცოცხალთა ბადებენ!
ამას არ ავხსნი, სანამდის მე სოფელს არ მიქადებენ;
ასე თქმისათვის მსმენელნი რად დანაშაულს მადებენ?
თვითანაც მალე ახსნიან, თუმცა რომ მაიწადებენ.

ვე. სიმღერა

რომელ არს რუსულად ამისი ხმა: ულებელა ზაზულინკო
ჩერეს დუბინუ

1

გსოქვათ, რაც ვარდმან თავის თავზედ | ქნა საქმე ავი:
შეიძულა მან ბულბული, | იყვარა ყვავი.

2

ბულბულმან სცნა, ბადს შემოსწყრა, | მთად ქნა ნავარდი,
ასკილზედა დაიბუდა, | განაგდო ვარდი.

3

ვარდმან უთხრა: მე, ბულბულო, | აკი გიყვარდი;
რატომ აგრე განმეშორე, | ხომ არ გიყვარდი?

4

ბულბულმან პრქვა: ვარდო, თუმცა | გაქვს კარგი ფერი,
ჩემთვის იყავ უფერული, | არ შემიფერი.

5

შენი კარგი სილამაზე | არს ჩემთვის ურგი,
გულს საკონლად რომ მიგიკრი, | მაქცივი ზურგი;

6

საკოცნელად მოხვეულსა | მარიდი პირი,
სხვას ახარი შეხვევნითა, | მე კი მატირი.

7

მე გაჭმევდი, მე გასმევდი, | მე გაცმევდი ტანთ,
შენ დახარბდი მცირეს ძღვენთა | სხვისგან მონატანთ.

8

მე ესე მკლავს, მით ლახვარი | გულს გამიყარე;
ჩემგან თვალად უვარესი | შენ შეიყვარე.

9

რაც მოგითხარ, მით წამიხდა | მე შენზედ გული,
შენს საცოლქმროდ მე სურვილი | მაქვს დაბარგული.

10

აწ მე წავალ, დავიკარგვი, | აღარ მინდიხარ,
წადი მასთან, განისვენე, | მყვარი ვისიც ხარ.

11

რადგან ასე მომიგვარე | მე შენს შესართავს,
ის თუ გინდა, ქრმად შეირთევ, | ნება დამირთავს.

12

ფუ შენ ცრუო საწუთროო, | ხარ არაფერი!
გარდს ყვავს შერთავ, ასკილს ბულბულს, | არს რა საფერი?

ღვ. სიმღერა

რომელ არს ამისი ხმა რუსულად: ახ, სკოლიკო
ცველა ვლეტახ მოლოდიხ!

1

ვა, რამდენი ყვავის ზაფხულს ახალნი,
არ ვიცოდი ჯავრი დროთა, ავთ ხანი;
ყოველთვის მე ვიყავ მისის იმედით,
არასა ვპყრობდი ჩემთა სითავხედით,
სასმენლად არ მინდოდა.

2

ბალად ვიჯდი მასთან, ვისაც ვყვარობდი,
ვარდთა სუნით, ყვავილთ ჭვრეტით ვხარობდი;
არა მაქვნდა კვნესა, ვაი და ვიში,

არცა წარწყმენდისა რიდი და შიში,
ვნაღლობდი არასფერსა!

3

ცხოვრებასა ჩემსა მით ვატარებდი,
მოყვარესა ჩემსა თაგს ვაყვარებდი,
განვსცხებოდი, ვიშვებდი, ვიხარებდი,
ჯავრთა და სევდათა მე ვიქარვებდი
მას ბალში შექცევითა!

4

შამადგომამ მოუწოდა ყინვასა,
სიყვითლესა და ფოთოლთა ცვივნასა;
მამეშალა მე მით წუთი-სოფელი,
გამიცუდდა ყველა მაში მყოფელი,
წამიხდა ჭირნახული.

5

აყრევინებს ზამთარი ფოთოლთ ხეთა.
უხდენს სიკვდილი კაცთ კარგთა სახეთა!
აწ გაფთხილდით, ვისაცა ჭკუვა გქონდესთ,
რომე არა წარსწყმნდეთ, – სულითა სცხონდეთ, –
ჩემსავით ნუ მოსცდებით.

6

ვაი მოკლებულსა სიბერით ბრმასა,
ნეტავი მატებულს მოზარდსა ყრმასა!
ბერიკაცი დაღმა მიდის გორვითა,
ყრმა აღმართზედა ყინულზედ ცორვითა,
ბერს უმძიმს, ყრმას მსუბუქ ჩანს.

ვზ. ამიცანად იგავი, ასახსნელად ადვილი

1

ვირემდის განახლდებოდა ძველი დდე-ლამე მზიანი,
იფქლი კალოზედ ეყარა განურჩეველი, ბზიანი;
ახალმან დღემან განწმინდა დვარძლიან ნაგმაზიანი,
მის დღითგან მოჩანს გარჩევით სარგებელი და ზიანი.

2

სანამ დდე ძველი დდეს ახალს ჩვენ დდედ არ გაგვითენებდა,
მანამდის ჩვენსა დაშლილსა ვერავინ აღაშენებდა;
რა დდე გათენდა ახალი, ქვეყანას დანაშვენებდა,
უურითაც კარგსა გვასმენდა, თვალითაც კარგს გვაჩვენებდა.

ვმ. ანბანზედ თქმული დაგითისაგან
პირველი თავიდგან და მეორე ბოლოდამ

ადამ ბრმა გველით და ვებ ვერ[ა] ზოგგენ ვე თმენასა,
იმ კრულმან ლახვრად მიაგო ნებით ორ-პირი ჟღერასა;
რაც სიტყვა ტკბილად ურჩივა, ფერხთ-ქვეშ დალატობს ყველასა,

შიგ ჩანს ცდებ ძნელ წყვლად ჭმუნვარნი, ხსნილ კნარცვს ჯდებ პე შიებსა.

ში ჰი ჯოჯოხეთად გდებ, ხვდათ ჭრა, წყვლა ძნელ ცეცხლ ჩენით;
შიგან ყრიან დადართ ქვეშე, ფუფქავს უყო ტბა, სულთ რჯის უენით.
პირს ოხრევდინ ნადვლით მისთვის, ლხინი კვნესით იწვართენით,
თაყვანს ცცით, ზენარს ვედრეთ, ეს დიდ გვემით ბმა ახსენით.

* აშიაზე წითურით: „ეს ბოლოს სტრიქონი ორჯელ უნდა“. სტროფის ბოლო
ტაქტებს ყველგან უზის ციფრი 2.

* დანარჩენი ტექსტი ჩამოგვაქვს სქოლიოში: „რომელიც რომ ზეით ხსენებული
სამი საუფლო ლოცვანი არიან იამბიკო, რომელიც რომ ყოველს სტრიქონს
თავად წითლურით უწერია, ის არავინ შესცვალოს ამისთვისა, რომე იმას სხვა
მოქმედება აქვს – ცალკე წითლის თავდაღმა ჩამოკითხვასა“. (წითურით ნაწერი
გამოცემაში დაბეჭდილია შავი შრიფტით).

* ავტორი შენიშნავს: „ეს ბოლოს სიტყვა ორჯერ უნდა“. ქვეითაც ყველგან
სათანადო ადგილას მიწერილია ციფრი 2.

*

ყოველი სტროფის პირველი ტაქტის მეორე ნახევარი სამჯერ მეორდება (რედ.).

* ახლა იქნება რომ წამკითხველმა საჩქაროდ წაიკითხოს და რაზედაც
ნათქვამია, ის ზმა, ვერ შეიტყოს; ამისათვის წითელი ხაზები ჩამიტანებია; რაც
ხაზსა და ხაზს შეა სიტყვა არის იმაზედ არის ნათქვამი. (შენიშვნა ავტორისა).

¶ 0 ბ 6 0 ბ

ოთ. გოდება დავითისა, საწუთოს
სოფლის გამო ტირილი

1

გული ღონდება, ვიწყო გოდება:
ვაი საწუთო, ცრუო სოფელო!
ბორგნა-ბოდება, რაც მაგონდება:
ვაი საწუთო, ცრუო სოფელო!
სული მშორდება, ხორცი შმორდება:
ვაი საწუთო, ცრუო სოფელო!
რად მშვა დედამან, შავმან ბედამან,
ვაი საწუთო, ცრუო სოფელო!

2

გამზარდა ჭირით, ძუძუთ და პირით,
სხვას მიმცა ქირით, ფასითა ძვირით,

პევრჯელ მატირით მუცლისა მშივრით,
მაშინვე გიცან, რაც შიგან გიძცან!

3

რასაც ჟამ გნახე, ვსცან შენი სახე,
შენ ჩემთვის საფრხე დაგერწყო მახე;
თავს ვიყც ქა-ხე და შემოვსძახე,
მოყევ ტირილსა, კივილ-ყვირილსა!

4

ხარ სატირალი, არ საცინარი:
ხარ საჭირალი, არ სალხინარი,
გაქვს საწყინარი ჩანადინარი,
მოსულხარ ქურდად, მატყუებ ცუდად!

5

ვინც შენ მოგენდოს და არ დაგხედოს,
— ვიტყვი, უბედოს, უმამ-უდედოს,
სწავლა-უხვედროს, გარდაუხედოს, —
წაიყვან მრუდად, არ ნათლად, ბუნდად!

6

მე ამად ვსტირი, არა გაქვს პირი,
შემაქენ ჭირი, საჭმე საჭირი.
მე შენგნით მწირი, ვარ განაწირი,
რაზომც ან[ა]თობ, სულ მუხანათობ!

7

ხარ საძაგელი, არად სარგელი,
დასაკარგველი, გარდასაგელი,
კარგს არას გელი, ცხვარსა მჭამ მგელი,
მიმმობ თუ მიდობ, მაინც არ მინდობ!

8

ამად გემდური, ვარ უბედური.
მიდგი საცუდრი, მქენ უწმინდური;
მაქვს თავხედური მე საყვედური,
რაც რომ მაჭამე, სულ ჩამაშხამე.

9

მაცინ-მატირებ, მალხინ-მაჭირვებ,
ნათელს მაბირებ, ბელს მიმაღირებ:
რასაც აპირებ, ვერ გამაკვირებ,
წუთო და უნდო, არ მართალ, მრუდო!

10

ამად შემძულდი, ყოფილხარ ცუდი,
მტყუანი, მრუდი, მპარავი, ქურდი;
ვისაც შენ უნდი, ყელს აძეს ხუნდი,
ზურგთა პკიდია ტვირთი დიდია.

11

გული არ მაგრობს, ამაზე ჩაგრობს,
მზე-მთვარე ბადრობს, დარი კი ავდრობს:
ყინვა ხორცს მაზრობს, სიცხე სულს მაძრობს,
სული და ხორცი ორიგ დახოცი!

12

მე ამად ვჰყივი, ვჰყვირი და ვჰკივი,
ვერ განვარკვივი შენი კიგვივი;
თბილი და ცივი ორივე მტკივი,
საით გავიქცე, რომ არ წავიქცე?!

13

დამივსე განი, კარავ-სევანი,
ბალო ხეივანი, გარს გალავანი,
დედ-მამა, ძმანი, გამყარე დანი,
საცა რომ შამქენ, მუნ აღარა მქენ!

14

როცა დავკაცდი, ჭკვას მაშინ შავსცდი,
ლამაზ ქალს შავხვდი, მიჯნურად გავხდი.
ამაზე წაგხდი, მცნებას გარდავხდი,
როგორც ვიგემე, ეგრეთ ვიგვემე!

15

ამას ვსჩივი, ვერ განვარჩივი,
რაც შენ მირჩივი, მე მივიჩნივი
ზედ დამაჩინივი, რაც დამაჩვივი,
თუ მაჭმევ ტკბილთა, ჩამამტვრევ კბილთა.

16

მაჭამე მწარე, გზა სწორეთ წარე,
აწ ნუ გამყარე კაი მოყვარე.
მისოვის მწუხარე აწ გამახარე,
თვალით მაჩვენე, ნუ შემაჩვენე!

17

ამად არ მშვენი, არასფრად შვენი,
იქცევის შენი ნაგებ-ნაშენი.
მყავს მოვახშენი, თავში წამშენი,
მოდის სიკვდილი ხმალ-ამოწვდილი.

18

თუ ხარ დვიძილი, რადა არს ძილი?!
თუ ხარ სიმაძლე, რა არს შიმშილი?!
თუ ხარ სიცოცხლე, რა არს სიკვდილი?!
იყავ ერთ-ერთი, იწამე დმერთი!

19

რაც ჩამოვსოვალე, შენ შემოგთვალე,
დღესა, თუ ხვალე ჩემი მოვალე
მომასწრობს მალე. ვერცად ვემალე,
სიკვდილი ცელსა მკრავს გულ-მიცელსა.

20

უმზგავსო მტილო, კარ-დაკლეტილო,
ნეხვით გავსილო, არ გახვეტილო,
მომზადე ტილო, საკრწყილ-სატილო,—
შემგრაგვნენ ტანსა, თან წარსატანსა.

21

ეს არს ქადილი, შენი წადილი:
ვახშამ-სადილი, ხვარბლის წანდილი!
გამატან საგრძლად, გამგზავნი სად გრძლად,
იმასაც სხვანი შესჭამენ ძმანი!

22

ესე გაქვს კარგი შენ ჩემთვის ბარგი:
საბრალოს სულსა, ხორცით გასულსა,
მიმიცემ ხელთა პაერის მცველთა,
შემაბმენ ყელთა ცოდვის საბელთა!

23

შემკვრენ, შემკონენ, არ მომიფონენ,

მყის წამიყონენ, არ დამიყოვნენ;
მაღლს ამიწონენ, არ მამიწონენ,
ცოდვანი სძლევენ, ცეცხლს მიმაძლევენ!

მაღლს ამიწონენ, არ მამიწონენ,
ცოდვანი სძლევენ, ცეცხლს მიმაძლევენ!
ცოდვანი სძლევენ, ცეცხლს მიმაძლევენ!

ო. ისევე ბოდება, სხვა რიბი ხმა

თუმცა სიტყვა და ძალ[ი] ისივ არის,
იქნების კაცი ამ რიგს ხმას უფრო გაეწყოს.

გული ღონდება, ვიწყო გოდება!
ბორგნა-ბოდება, რაც მაგონდება.
სული მშორდება, ხორცი შმორდება!
რად მშვა დედამა, შავმა ბედამა?
წუთო სოფელო, ცუდ სამყოფელო,
ვამე, სიკვდილო, სულთა მძრობელო!

გოდება გამეორებაა წინარე ლექსისა, ოდონდ უმოძახილოდ, რის მაგივრობას აქ
ახალი, მეხუთე და მეექვე ტაეპები ასრულებს. ნიმუშად პირველი სტროფი
იძეჭდება.

ოა. სიკვდილისა და კაცის შელაპარაპება და ცილობა

1

ეველას გვეწვევის სიკვდილი, გვმართებს დაუხვდეთ მზათაო,
ის ჩვენებ მოდის, ჩვენ მისკენ, ვერცად აუქცევთ გზათაო.
ვიგონოთ ოთხი საქმე ეს, არ უთქვამთ უმეცართაო,
სიკვდილ, სასჯელი, გენია, სასუფეველი ცათაო.

2

ამისთვის მწყდების წელი და უკანა ზურგის მალები,
მოვა და მომკლავს სიკვდილი, მას ვერცად დავემალები,
გავექცე, ვერცად წაუგალ, ცხენებიც მყვანდეს მალები,
შავება, ვერას დანაკლებს ჩემნი თოვნი და ხმალები.

3

სიკვდილი ქრთამს არ აიღებს ოქროს, ვერცხლს, არცა რვალებსა;
არც არას გვისმენს ხვეწნასა, არც არას შეგვიბრალებსა;
გარდგვახდევინებს ვახშითურთ მამა-პაპისა ვალებსა,
დაგ[ვ]ხოცს და მატლთა შეგვაჭმევს, გვამგზავნებს თავის ძვალებსა.

პასუხი კაცისა

4

სიკვდილო, მიკვირს მე შენი, ნეტა რაში გაქვს ძალები?
ტანზედა ხორცი არ გაკრავს, ხარ ცარიალი ძვალები;
თაგვის სოროებს მიგიგავს ცხვირი, პირი და თვალები.
ამდენის სულის ხოცითა რატომ არ დაიღალები!

პასუხი სიკვდილისა

5

სიკვდილმან უთხრა: ბერკაცო, ვისმინე რაც იტარტარე,
ყმაწვილნი ვხოცე წვრილები, პატარა არ ვაპატარე;
შენ ბერიკაცო ცოცხალი მაგდენს ხანს ფეხზედ გატარე,
აწ ჩემიც ნახე მხატვრობა, რაც ჩემზედ შენ იმხატვარე.

6

გაუწყრა, უთხრა: ბერკაცო, სიტყვებს რად მკადრებ ავსაო!
ჯერ შენთვის არა მცალიან, ცელს უსვამ სალესავსაო;
როცა გავლესავ, თავს მოგჭრი, შენ ცოლს ჩავაცმევ შავსაო;
სულ ამოგიწყვეტ მოყვასთა, გვარსა და ნათესავსაო.

პასუხი კაცისა

7

სიკვდილო, დიდად გემდური ათთათვის, განა ცხრისათვის,
ბარსა და ნიჩაბს ამზადებ ჩემის საფლავის თხრისათვის.
მატლი, გველნი და ბაყაყნი, მიმელის გამოხვრისათვის,
რომ არ გაძაგო, რად გაქო ცელით თავისა ჭრისათვის!

8

სიკვდილო, მე შენს ძაგებას წიგნად ვხწერ სამს-ოთხს ფურცელსა;
ვალალა შენსა მაქებელს, შენის სიკეთის მფუცველსა!
კაცს რომე სენი შეყარო, ბრჭვალი ჰკრა გულსა, მუცელსა,
განა იმ სენით ვერ მოკლავ, რადად უმზადებ მუნ ცელსა?

9

სიკვდილო, შენი იგავი არა გავს ფარსაგს იგავსო,
ძვლები ხარ, მკვდარი, უსულო, ცელი კარგს მთიბავს გიგავსო;
თუ შენ გვთიბ, შენ გვჭამ, შენს ნაჭამს ვინ გიხვეტს, გიწმენდს, გიგავსო?
თუ არვინ გიხვეტს, უთუოდ ნეხვით ნიფხავი შიგ ავსო.

პასუხი სიკვდილისა

10

კაცო, არა ვარ მთიბავი, არც მე მჭამელი თივისა.
იამებიან საჭმელად, არ ვიცი, ის ფინთი ვისა?
კაცსა დაუკოდს გულ-ღვიძლსა სასმლის სმა მეტად ცივისა,
უდროოდ მუცლით ვინც კვდების, ტყუილად ჩემზედ ჩივისა.

პასუხი კაცისა

11

ღვთისგან წყეულო სიკვდილო, ამდენის საკლავთ ხოცითა
კიდევ მჭლე ხარ და მშიერი, ვერ გამაძლარხარ ხორცითა.
რაც შენ მე ცრემლნი მადინე, ვიწმინდე ხელსახოცითა,
იმდენი მეხი თავზედა დაგეცა ზეგარდმო ცითა!

პასუხი სიკვდილისა

12

არა ვარ ხორცის მჭამელი, არც თივის მთიბავ-მხვეტელი,
სული ვარ, დვთისა ბრძანებით სამსახურისა მჭვრეტელი;
[გარ] ხორციელთა ყოველთა მხოცელი, ამომწყვეტელი,
არვინ დარჩების ქვეყნადა თვალთ ნათელდაუშრეტელი.

პასუხი კაცისა

13

სიკვდილო, თუ ხარ მარტოკა, ქვეყანას როგორ უხვალო?
აღმოსავლეთს და დასავლეთს, სამხრეთს, ჩრდილოეთს სულ ხვალო
აგრე ანაზღად მქცეველი რისაგან გამოსულხარო,
გამაგებინე მართალი, არ ვიცი რა, გსწუხვარო.

პასუხი სიკვდილისა

14

კაცო, არა ვარ მარტოკა, ბევრნი მახლავან სენები,
სხვადასხვა ჭირნი ურიცხვნი, ვერ მოსთვლის კაცის ენები;
არს ბევრნი მოკვდავთ მომკვლელნი ცალ-ცაპე გასახსენები,
მრავალნი ხოცენ ერთმანერთს მე ჩემთვის განვისვენები.

პასუხი კაცისა

15

ახლა კი გაქებ, სიკვდილო, მამწყინდა შენი ძაგება;
სენები სოჭვი და გამხსენდა ცივებით აძაგძაგება;
ეგ მეც ვიცოდი, მაგრამე მე გამოგკითხე განგება,
სიკვდილ-სიცოცხლე, ორივე, არიან დვთისა განგება.

16

სიკვდილო, შენად საქებრად ჩამაგდე გულისხმაშია.
ტურფა ხარ თვალად, ტანადა, სულად ერჩევი ჯარშია;
ტანზედა დიბის ქათიბი, გიხდების კაბის არშია.
ფეხზედ წითელი ჩახჩური, მწვანე კემუხტის მაშია.

პასუხი სიკვდილისა

17

კაცო, რად შენს თავს ვერ ხედავ, თვით გონჯო დაბრეცილო, და,
რომ დასჯექ ჩემად საკიცხრად, წიგნსა სწერ სასაცილოდა,
აწ მეცა მაგის პასუხად თავს მოგჭრი უსაცილოდა,
მის ამარ გაგხდი, ვინც გივის სანუგეშ-საგენცილოდა.

18

კაცო, თვალთ გიჩანს, არ გიჭირს ნემსზედა ძაფის აგება,
ჩემის იგავის საცნობლად რად შენ თვალები აგება?
ვითარცა მხატვენ მხატვარნი ისე გეგონოს აგება,
რომ შენ მოიღე ჩემზედა გამოხრულო მკვდართ კაცო ძაგება.

19

კაცო, როდისაც მოკვდები, შენ ჩემებრ სახე გეცვლების,
ძვლებ-გამოხრული გახდები, ტანთ ხორცი შემოგეცლების.

სანამ ტვინი გიძს, ძვლებიდან მატლი არ გამოგეცლების,
მის დროს კი ვედარ მაძაგებ, შენ ჩემთვის ადარ გეცლების.

პასუხი კაცისა

20

რას მეპარები, სიკვდილო, განა არ ვიცი, მოხვალო!
ყოველთვის მზათა დაგხვდები, თუნდა დღეს, თუნდა მო ხვალო;
რა გინდა ჩემგნით, რად მდევნი, შენ მჭლეო, ტანთ ჩამომხმარო!
ვეჭობ, შენ ასე გგონია, არავინ მყვანდეს მომხმარო.

პასუხი სიკვდილისა

21

გაწყრა, განრისხდა, სიკვდილმან გონება გაიფიცხაო,
კაცს შეუჭეხა ხმამაღლა, დათათხა, რადა მკიცხაო!
ვიც უნდა გყვანდეს მომხმარო, მე იმას არ გიკითხაო,
აწ მე შენ ასე გაგხადო, მშიერმან მგელმან ვით თხაო.

პასუხი კაცისა

22

სიკვდილო ჩემის შეჭმითა ვერ გასუქდები მწავადა,
შენ ღმერთი ცეცხლის ტბაშია ჩაგაგდებს დასაწვავადა,
ეს ჩემი სული ზეცადა უკვდავის ხორცით წავა, და,
წამოგიჯდება ზეიდამ წაკულვად, საპრაწავადა.

23

ამ სიტყვაზედა გარდაწყდა მათი პჭობა და ცილობა;
საბრალოს ბერს-კაცს არ შერჩა სიკვდილის თავს აცილობა,
რას წამს გალესა, შემოქრა, არა სცა ხანთ-დაცლილობა,
სიკვდილის მზგავსად გაუხდა კაცს ტანთ ხორცი შემოცლილობა.

ობ. კაცისა და საწუთოსაბან ცილობა და პჰობა,
ერთმანეთის ძვირის ხელება

1

ჰაი, ჰაი, ეს საწუთო რას ტყუის და რას უპირობს:
თავს რა უყო, ა, იმ კაცსა, ნახეთ, ბოლოს რას უპირობს!
ოდეს ადამ იქმნა კაცად, ცვად სამოთხე მოებარა,
მისმან ხილმან ამოგვწყვიტა, ნეტამც არა მოება რა!

2

მას დღეს აქეთ ვალად გვაძეს, ჩვენზედ არის რაც ეს სესხი,
ნეტამც ვინმე ძირით გჭრიდეს, ჩემთვის, შხამო, რას ხეს ესხი!
თუმცა სესხი შვილს დასჯიდა, რად იღებდა მამა ვალსა?
ჰედავთ ხოფლის სიმუხროლესა, ამ კაცისკენ მამავალსა?

3

ნახეთ, სესხმან მამისამან შვილს მოჰვევარა მოვალე სით!
ცელი ხელთა უჭერია, პირს მოუწყობს, მოვა ლესით.
ცუდი რამ ხარ, საწუთოვო, შენ ზნეთა გჭირს რადგან ასე,

მე ეს მიკვირს, რომ ვერა გთმობ, თუ კარგი ხარ, რად განასე?

პასუხი საწუთოსაგან

4

საწუთომ უთხრა: შენ, კაცო, რადა მწერ სამასხაროდა?

შენ მე სიცრუის ხმას მიყრი, შენ უფრო ცრუვი ხარო, და;

შენ ჩემის ძვირის ხსენებით ჩასაგდები ხარ ხაროდა,

თვით ცულდო, ცუდი რადა ვარ, უჩემოდ რა გიხაროდა?

5

დასაბამითგან მოგითხრა რიცხვი ჩემისა ხნისაო:

შვიდ-ათას-ორას-ოთხმოც-და ორისა მე ვარ წლისაო,

შენ მე საწუთოს მექახი, წლისა სამოც-და-ცხრისაო,

მე კიდე ბევრს ვძლებ, დრო არის შენი საფლავის თხრისაო.

6

რას მედავები, რა გინდა, რა მმართებს შენი ვალია?

რად ცრუდ საწუთოდ მახსენებ, რად დაგბრმობია თვალია?

თვით შენ ხარ ცრუი და წუთი და ადრე წამაგალია.

შენც იმ გზაზედ ხარ წამსვლელი, სად მამა-პაპათ კვალია.

7

შენ მეტად გული მატკინე უმსგავსოს საუბარითა,

აწ რას გიშავებ, რადა მგმობს პირითა საგმობარითა?

მე დვთისაგან ვარ მკობილი, ცით, ქვეყნით, მთითა, ბარითა,
შენ მიწა-წყალო, ქარ-ცეცხლო, მჯობიხარ, თქვი, აბა, რითა?

პასუხი კაცისაგან

8

კაცმან პრქვა: დმერთმან დამბადა თავის მზგავსებით მეფედო,

მე შენი თავი ყმად მომცა, მოსამსახურედ, სეფედო.

შენ მგრად შემექენ, არ მინდობ, შემქნიხარ სისხლთა მჩქეფედო.

სადაც იდუმალ გავივლი, დამდევ ძაღლივით მყეფედო.

პასუხი საწუთოსაგან

9

საწუთომან პრქვა: რაც ბრძანეთ, ეგ სიტყვა სულ მართალია;
მაგრამ თქვენ ვერა ხელმწიფობო, როგორც რომ სამართალია.

ავი და კარგი გაშინჯოთ, ამისთვის გქონან თვალია,

მე რა ბრალი მაქვს, გარდაგხდესთ თქვენ მამის-თქვენის ვალია.

10

თუ კი ვარ თქვენი ორგული, მტყუვანი დაუნდობელი,
რადად მენდობით, რადა ხართ მოყვარე, მმმობელ-მდობელი?

გეჭობ, ის იყოს ორგული, ვინც გახლავთ წინამდღომელი,

თვალ-გული ხარბი, ანგარი, მუცელი გაუძღომელი.

11

შენ თვალები დმერთმან მისთვის მოგცა, – ხედო სახედარი,
სულ გამოსცნა ავი-კარგი, რაც ნასახი სახედ არი.,

დაიხსოვნო, რაც გარდაგხდა აწინ გარდასახედარი,

გზაზედ ასე ფრთხილად ვლიდვ, ვით ვიდოდეს სახედარი.

12

თუ გწადს, ამ იგავს აგიხსნი წასულსა, წინასწარებსა:

სადაც რომ ვირი დაეფლვის, იმ გზაზედ აღარ წარებსა;
ერთხელ რომ გემოდ გენახოს, მეორედ რად შპამ მწარებსა?
ქნამდის გხამს შიშით წანწარი, იქ რადა გაწანწარებსა?!

პასუხი კაცისაგან

13

კაცმან მიუგო: მე შენმან ქმნულებამ მამაწყინაო:
ხან დაბრელდები ლამისებრ, ხან დღესავითა ბრწყინაო:
ხან სიცხით დამწვავ, დამდაგავ, ხან სიცივითა მყინაო,
ნეტარ, ეს როგორ შენ მკადრე, ხვიდოდე ვით ყროფინაო!

პასუხი საწუთროსაგან

14

საწუთრომ უთხრა: რად წყინობ, რაც გითხარ ეგ იგავია!
დაეხეტები ურიგოდ, აგიმჩერია თავია;
წინ არ იხედავ, არ შინჯავ, გზა კარგია თუ ავია,
ქვას ფეხს წამოკრავ, წაგაქცევს, ჩემი რა დანაშავია?

15

არ ასცილდების დაცემა უფთხილოდ გზაზედ მარებსა;
უზომოთ ბევრის მჭამელსა სიმაძლრით გულს დასძმარებსა.
მე კეთილად ვარ ნაზავი, ვინც ზომით მომიხმარებსა;
მისთვის ვარ ავი უძღები, ვინც საკმარს არ იკმარებსა.

16

აწ, მითხარ, შენ რომ ჩემთანა ჩხუბობ და სულ კამათობო;
მლანძლდავ და მათრევ, მაყვედრებ: „რატომ ბინდობ და მნათობო“.
რა ზიანი გჭირს, არ ვიცი, შენზედ რას მუხანათობო,
როცა დაგცხების, გიგრილებ, როცა შეგცივა, გათბობო.

17

რაც გიამების, გაამებ; გემრიელს გაჭმევ, გასმეო;
მრავალს რიგს ფერად-ფერადსა თავს გხურავ, ტანზედ გაცმეო.
მოგიწვენ თვალად ლამაზსა ქალსა თუ დედაკაცს მეო,
ახლა თქვენ ბრძანეთ, მეფეო, თქვენ მიწყალობეთ რაც მეო!

პასუხი კაცისაგან

18

კაცმან მიუგო: ვალალა შენსა ცივსა და თბილებსა,
ახლა მეც გეტყვი პასუხსა მაგ სიტყვის გასაწილებსა;
თუმცა შენ მაჭმევ საჭმელთა კარგსა, გემრიელს, ტკბილებსა,
სულ ჩამაშხამებ ბოლოს დროს, ტკივილით დამგლეჯ კბილებსა.

19

მაკეხებ ფერად საცმელთა, ოქროსა, ვერცხლის ლილებსა;
აწ დაგდგომია თვალები, შეუჭამია მღილებსა;
სულ დაგლეჯილა, გამცვდარა, გვანან ძალლო დადერლილებსა,
სულ დამიხოცე მოყვასნი, ერთიც არ დაღინდილებსა.

პასუხი საწუთროსაგან

20

საწუთრომ უთხრა: საწყალო, ყოფილხარ მეტად ბრიყვია,

არ შინჯავ ავსა და კარგსა, უმზგავსოს სიტყვებს იტყვია!
მხცოვან ხარ დედის მუცლითგან, რა თავი გამოგიყვია,
მას აქეთ გმონებ, ჯერაცა ვინა ვარ, ვერ შეგიტყვია.

21

ჩემი კაცისა მკვლელობა შენთვის ვის ულაყბებია,
ნეტამც ვნახავდე, ცემითა შემოვამტვრიო ყბებია!
ვეჭვობ, შენ არა გსმენია, ყოფილა რაც ამბებია:
არს კაცთა მკვლელი პირველი პაპაშენი და ბებია.

პასუხი კაცისაგან

22

კაცმან უწყინა: რად მითხარ შენ მე ურიგო პაპასი?
არა მსმენია, მყოლოდეს, ბებია აგრე კაპასი.
მათ ეწყალოდათ საკეჭნლად ცხვარი დუქარდით ნაპარსი,
ისინი კაცს არ მოჰკლევდენ? – სცა, ხმა გამოხდა ტყაპასი!

პასუხი საწუთროსაგან

23

საწუთროს თავი გაუტყდა უბე აევსო სისხლითა.
კაცს უთხრა: ჭკუვით იქცევი წონით არც ერთის მისხლითა;
ბებიაშენი გამოძღვა ვაშლითა, ედემის სხლითა,
მით მოგვლენიათ სიკვდილი. შენ ჩემზედ რად ხარ რისხვითა?

24

ღმერთმან მოგაგოს მუქაფა, არ კარგო კაცო, შენ ავო;
გკითხოს, შვიდწილად მოგიწოს ჩემს თავში ჯოხით შენაო,
დაგაგლახაკოს, დაგშალოს, როგორც რომ აგაშენაო,
წაგართოს პირში სული და სუნთქვა, ფშვინვა და ქშენაო.

25

რა დავაშავე შენზედა, რა საქმე წაგიხდინეო?
გამომიცხადე, მამხილე, არ ვიცი, მაცოდინეო.
გაუშინჯავად, ანაზღად თავს სისხლი გარდმადინეო.
ბეწვი მიწყვიტე, უბრალოდ კინალარ მამაკვდინეო.

პასუხი კაცისაგან

26

კაცმან პრქვა, თქმულა ბრძენთაგან: საწუთრო კაცს არ ინდობსო;
თუ მაინდომებ სამოყვროდ, არც გიმმობს, არცა გიდობსო.
სიტყვით ანგელოზს ემზგავსის, გულით კი ეშმაგ-ფლიდობსო.
თავს მოგაჩვენებს სიწმინდით, ძაღლივით არაწმინდობსო.

27

გაბასრული ხარ მწიკვლითა, აროდეს განირეცხები,
ვინც რომე შენა გეხების, ფისივით ზედა ეცხები.
სადებლად კაკანს მოჰკვები, როცა არ დაიკვერცხები,
მაგრამ კი დასდებ ვერა რას, მუცლითვე დაიფერცხები.

28

ვინც მოგენდობის, არ ინდობ, არა გაქვს ერთი პირია;
სხეთის საქმის მქნელი ხარ, ხან ვიმდერ, ხან კი ვსტირია.
ბევრს მისდგომია შენგნითა ლხინის მლოდნელთა ჭირია,
შენი ვარდისა კონები გულზედ მჭვლად დანაჭირია.

პასუხი საწუთროსაგან

29

საწუთრომ უთხრა: რა გცოდე, რატომ არ მეტყვი პირსაო?
რადა მცემ, ანუ რად მლანძლავ, თავზე რად მასხამ მწვირსაო?
არ ვიცი, მე თავს რად მადებ ქვეყნის ლხინსა და ჭირსაო!
თავიანთ ნებით შვრებიან, ვინცა მდერს, ან ვინც ტირსაო.

30

რამდენიც უნდა გამიწყრე, მე ვერ დავფარვ მართალსა;
მოციქული ვარ, მოგითხრობ ბრძენთაგან შემონათვალსა.
მეფე ბრძანდებით, თვალრებით ნუ შვებით ავს სამართალსა,
გაფთხილდით, ხნარცვს არ ჩავარდეთ, ბრძნად გარდავლებდეთ გზას თვალსა.

31

ერთხელ ხომ დამეც ლახვარი, ახლა მეორე დამ[ე]ც სხო?
მართლის თქმისათვის მე თქვენგნით თავში კომბალი დამეცხო.
თქვენმან მძამ მოკლა მძა თვისი, მე სისხლი მისი დამეცხო,
თუ რომ თქვენ წმინდა ბრძანდებით, კარგსა იქთ, თუ გარდამრეცხო.

პასუხი კაცისაგან

32

კაცსა რა ესმა ეს სიტყავ, ეოცა, გაუკვირდაო;
უფრო ძალიან გარისხდა, თავს ცეცხლი მაიკიდაო;
თქვა თუ: ეს ცრუვი საწუთრო ნეტა რას გარდმეკიდაო?
კაპა-ბებია მიხსენა, ახლა ძმებს მაეკიდაო!

33

საწუთროს ხმალი უღერა: თქვი, თორემ გაგჭრი ორადო,
ტანსა ძალებსა შევაჭმევ, თავს დაგიგორებ გორადო;
ბებიასი და პაპისა, ძმებისა, რაც სთქვი, ჭორადო,
ნუ მეუბნები იგავით, გამომიცხადე სწორადო!

პასუხი საწუთროსაგან

34

საწუთრომ უთხრა: მოგითხრობ, შენ ყური მიგდე აპაო;
არს ევა შენი ბებია, კაინ – ძმა, ადამ – პაპაო,
ვა დვითის მცნებას გარდახდა, ვაშლი ჭამა და ყლაპაო;
კაინ ძმა მოკლა, აბელის სისხლით ქვეყანა თხაპაო.

35

შეგასმენ, შენი ყურებით თუ ბანა გამოდებულა,
თავითგან კაცის სიკვდილი კაცოაგან შემოდებულა;
აბელის სისხლის დაღადი ცათამდის აღონებულა,
მას შეხებია ირისე, წითლად მის გამო დებულა.

პასუხი კაცისაგან

36

კაცსა რა ესმა, დაფიქრდა, თქვა: ასე იყოს აგებო
არ შემომაკვდეს უბრალოდ, ხრმალსა ქარქაშში ვაგებო;
ბოდიშს მოვიხდი თავმდაბლად, მასთან დაგებას ვაგებო,
კვლავ ვკითხავ წვრილად ამბავსა, ვაუბნებ, ვაქადაგებო.

37

ხრმალი ქარქაშში ჩანაგო, თავს ქუდი მაიხადაო;
საწუთროს თავი დაუკრა, ბოდიში მაიხადაო:
თუ რომ ეგ სიტყვა ჩემთვისა უწინვე განგეცხადაო,
რაც მე შენ მწიკვლი გაყვედრე, ქმარდა მის სარეცხადაო.

პასუხი საწუთროსაგან

38

საწუთრომ უთხრა ბაყითა: რაღა არს ბოდიშთ ხდილობა?
ნუ გეწყინებისთ, არ გიჩანს მეფური ზნე და ზრდილობა.
მეფეს არ მართებს უსჯელად კაცის კვლის სიადვილობა.
არ გხამდათ აგრე ადვილა ჩემზედა ხრმალ-მოწვდილობა.

პასუხი კაცისაგან

39

კაცმან პრქვა: ვითხოვ შემინდო, რაც მე ვქენ ყია-მყრალობა:
ნუდარ იქნების ჩვენ შუვა ერთმანეთისა მწყრალობა,
შენ რომ მომითხარ ყვედრებით ცეცხლ-ქარ და მიწა-წყალობა,
რა იგავია, არ ვიცი, მიყავ თარგმნისა წყალობა!

პასუხი საწუთროსაგან

40

საწუთრომ უთხრა: თუ კი შენ იცი ხრმლით, ჯოხით შენაო,
სამოც-და-ცხრის წლის კაცი ხარ, ეგ რად არ იცი შენაო?
ღმერთმან რომ კაცი დაბადა, ოთხ ნივთით ადაშენაო,
მიწით, წყლით, ცეცხლით, ქარითა, ჩაბერვით მისცა ქშენაო.

პასუხი კაცისაგან

41

კაცმან პრქვა: მიმძიმს ის სიტყვა, გულზედ დამაჩნდა დაღადა,
შენ რომ სოქვი: „ქვეყნით ცათამდის აბელის სისხლმა დაღადა“
ორს ძმასა მთელი ქვეყანა სახნად, სათესად, ბაღადა
რატომ არ ეყოთ, ეს მიკვირს, ერთმანერთს ხოცდნენ რაღადა?

პასუხი საწუთროსაგან

42

საწუთრომან პრქვა: ჯაბანს კაცს გულს უკლავს სხვის მამაცობა:
თვით კარგქაცობა არ ძალუცს, სხვისა შურს კარგი კაცობა,
კაინის ამბის სმენასა სჯობს ყურში თითის დაცობა.
აბელის მსხვერპლი ღმერთსა სონდა, კაინ ქმნა ამად ძმაცობა.

43

კაინ ღმერთს მსხვერპლი შესწირა, თავისი ნამუშაბევი,
ხეთა, ბალახთა ნაყოფი, ნახნავ-ნათესი, ნამკევი;
მსხვერპლში ურივა ნაკმაზი, თვით იპრიანა ნარკვევი,
ღმერთმან შეუტყო, უგარყო ნალალატ-ნაეშმაპევი.

44

შესწირა მსხვერპლი აბელმან დვთის მოსაწონი, ქებული,

თავის სამწესოში პირველი, რჩეული, გასუქებული.
შეიქმნა კაინ შურითა დამწვარ, გულჩათუთქებული,
სიმწუხარისა ოფლისა დენითა თაგხვითქებული.

45

ღმერთმან უბრძანა: კაინ, რად შეიჭვნა შენი პირია?
გულის წყრომისა ოფლითა სველხარ, ჩამოგდის მწვირია;
სცოდე, მართლიად არ განჰყავ, არც მართლა შემამწირია,
აწ შენსა შენვე მსთავრობდე, შენთვისვე დაიჭირია!

46

კაინ მიუთხრა აბელსა: ერთად გავიდეთ ველადა,
რომლისა რისმე საქმისა ერთმანერთისა შველადა.
აბელ უსმინა, მმას წაუვა გულმართლა, უზაკველადა,
კაინ მხარს კეტი გაიდვა აბელის დასაკვრელადა.

47

კაინ ჰრქვა აბელს: შენ ღმერთსა რად უძღვენ ჩემზედ მეტია?
– მოუქნივა და დანარტყა უეცრად თაგში კეტია.
აბელის თავის ნახეთქი ცას მოხვდა ანასხლეტია,
მისგან ცის მშგლიდზედ სისხლი სწვეთს, ჯერაც არ შესწყვეტია.

* სათაურის ზემოთ ხელნაწერში ცარიელი ადგილია დატოვებული შენიშვნით:
„ზამთარი დაიხატოს“. პოემის პირველი გქვსი ხანის მესამე, მეოთხე და მეხუთე
ტაქტებს უზის ციფრი 2, ხოლო აშიაზე ავტორის ხელით მიწერილია: „ეს ციფრი
არის, რომ რ[აც] გასწვრივ ლექსი[ა], ორჯელ უნდა ი[თ]ქვას ბოლომდის“.

წიგნი დ

წიგნი ესე მხიარული ზაფხული*
რუსულად ამის ხმის სიმღერას ეწოდების „ვესელა ვესნა“,
ოქმული მისივე, დავით გურამიშვილის.

ა. ზამთარ-ზაფხულისა და ქარების ბრძოლა

ერთს ქალს რუსული „ვესელა ვესნა“
ჩემთვის სახმილად ჩამოეკვესნა.

იმით ჩემი გული
იქმნა დადაგული,
მედების ალი!

2

ვიწვი, ვიდაგვი მწარედ საწყალი;
არავინა მყავს, დამასხას წყალი.

ღმერთო გეაჟები
წყლით სავსე გეაჟები
შენ მომაშველე!

3

უცებით ბრმასა მიხილე თვალი,
შენი მაცნობე მე გზა და კვალი.
მომეც მე შეტყობა,
კარგ-სიტყვით შეწყობა
შემაძლებინე!

4

იჯდა ზამთარი ბროლის ტახტზედა;
ხელი ხედ ედვა ფარ-ხმალ-ლახტზედა,
მზად ყვანდა ლაშქარი –
თოვლ-ყინვა, მას ქარი –
მოსწონდა თავი!

5

ჯართ მყვანებულად, ევროს ამირად
ყვანდა კეკიად მოპირდაპირად;
შემდეგად მას ლიფსი,
ზეფიროს ფვინქსი,
ბორია, ნოტოს.

6

ზაფხულს ამირად ჰყვანდა კეკია,
სად ევროს იდგა ნაცარქექია,
შემდეგად არგესტი,
აპილი ერდასტი,
თრასკე ლიგონტოს.

7

არგესტიმ უთხრა: დრო არის, ლიფსი,
ადე, გამეცა, რა ქვეშა იფსი!
ეს ლიფსმან იწყინა,
უფროსად გაყინა
ლილო-ლედმანი.

8

ლიფსსა და არგეტს შაექნათ ჩხუბი,
არგესტ საჯდომთა ლიფსს შასცა შუბი, –
დაიჭრა რა ლიფსი,
იხმო მან ფვინქსი,
მიუთხრა მასა:

9

არგესტს შავები, ნაცზე დავიჭერ.
უკაცრაოდ ვარ, შარდს ვედარ ვიჭერ!
აწ ახლა შენ იცი,
ვით გაქვნდეს შენ ფიცი,
შენ გაისარჯე!

10

არგესტ დაყუჩდსა, ქროლისგან დადგა,
ფვინიქსის ბრძოლად ერდასტი ადგა.
გარდაუდგა წინა,
ლაშქრად ახლდა წვიმა,
ფვინიქს[ს] ყვა თოვლი.

11

ფვინიქს ერდასტის წამოუქროლა,
თოვლის ხორშაკით დაუწყო სროლა.
ერდასტიმ მას თოფნი,
წვიმა და ქარ-ჭყოპნი,
მას შეაყარა.

12

გატყდა, ამოსწყდა ფვინიქსის ჯარი,
ვერ მოიხმარეს თვისი აბჯარი;
ჩაუსველდათ თოფნი,

თავს დაესხათ ჭყოპნი,

დელგმა-დოლფონი.

13

ერდასტს ეტყოდა ზეფიროს გმირი:

კმარა, დაჩუმდი ნუ მაღლა ყვირი.

ნუდარ ჰქრი თბილადა,

თვარ გაგხდი წბილადა!

დალაშქრა თრთვილით.

14

რა ზეფიროსმა შექმნა მუქარა,

აპილიოტმა ფეხს მოუჩქარა:

დაპბერა მან თბილი,

განუგდო მას თრთვილი,

მზეც მოეხმარა.

15

ევროსთან იყვნენ ბორია, ნოტოს

და კეკიასთან თრასკე ლივონტოს,

მუნ შუამავლობენ,

მშვიდობას ცდილობენ

ერთმანერთშია.

16

ამ ქარებს გარდა სხვანი ქარები

დაუნდობელნი, არზაქარები,

იყვნ[ენ] შორს წასულნი,

ქვეყნად დაქსაქსულნი,

მუნ ვერცად ვნახე.

17

რა ესმა ევროს[ს] ჯარის გატეხა,

ბორიას, ნოტოსს შემოუჭეხა:

თქვენ აქ რადა ხართო,

რატომ არ წახვალოთ?

ჩვენს ჯარს უჭირსო!

18

ამას წყინობდა ევროს ამირი,

აგად სებმულა ზეფიროს გმირი.

აპილიოტიო,

ქმნილა მეოტიო

ზეფიროზისა.

19

აღდგა ჩრდილოით ბორია ქარი,

გულით ფიცხელი, ხელ-ფეხით ცქარი,

მძლაფრადა გაყინა,

სუსველას აწყინა,

ვისაც სემოხვდა.

20

სად ზაფხულისა ვლიდა თარეში,

სულ გაუყინა მაღლა ჰაერში;

ასეთი ციოდა,

მკვდარი ძირს ცვიოდა

მაღლითგან დაბლა.

21

თრასკემ ბორიას კარგათ უმტერა,

წამოუგირგლა, სულ განუმტვრა;
პაერში ახვეტა,
დაუწყო მან ჟლეტა
ბორიას ლაშქარს.

22

ბორია დადგა, წამოდგა ნოტოს,
თრასკეც დაყუჩდა, აღდგა ლევონტოს.
ხვდა ლომსა ლომია,
შეიქნა ომია

მეტად ძლიერი!
23

ნოტოს დაჭყვირა ლევონტოსს მჯახედ:
ლევონტოს დახვდა გულმაგრა, მკვახედ;
დგენ გაბოტებითა,
სცემდნენ ტოტებითა
ერთმანერთს თავში.

24

ამირ კეკიამ იხმარა ხერხი,
ევროსს მოსტეხა ზარბაზნით ფეხი;
ასეთი შაშქეხა,
ევროს ქნა ტანთ გრეხა
შიშისაგანა.

25

იპყრა კეკიამ ხელთ ევროს ქარი,
სრულად დამარცხდა ზამთრის ლაშქარი!
გაიქცა ჩაფარი,
სად იყო ზამთარი,
ხელთ იპყრა ხრმალ-ფარი.
შეჯდა რაშედა!

26

ოდეს მოხსენდა, სიტყვა ჩაფრისა,
ჯარის სიმარცხე, მოშლა საფრისა,
წამოდგა ზამთარი,
ხელთ იპყრა ხრმალ-ფარი.
შეჯდა რაშედა!

27

სადაც ბანაკად დება გაზაფხული,
ხრმალგალესილი, შუბგამახული,
მიმართა ზამთარმან,
ჯავრით, ვით აფთარმან,
მას შეუტივა!

28

ზაფხულს მიუგო ავი სიტყვანი,
გარდააყარა თავსა სეტყვანი.
ზაფხულმან თოფხანა
სტყორცნა, თავს მოპფხანა
მეხით ზამთარსა.

29

მზემან მსახურა ზაფხულს კეტილად,
ზამთრის სიცივე შესცვალა თბილად.
გაიქცა ზამთარი,
რაშს სტაცა ფაფარი:

დასცეს კიუინა!

30

შეჯდა კეკია, იყო ცხენ-ჩქარი,
დააწყებინა შუბსა ზანზარი;

გამოუდგა მდევრად,
უკან მოსაწევრად
მიყვა ზამთარსა.

31

არ ჩამოეხსნა კეკია ქარი,
სანამ არ ჩაძვრა ქვესკნეთს ზამთარი.

აიღო ალაფი,
გარდასხა ღავს ლაფი
და გამობრუნდა!

* ამ სათაურის ზემოთაც შენიშვნაა: „აქ უნდა ზაფხული დაიხატოს“.

პ. ზამთრის დამარცხება და ზაფხულის
ბამარჯვება და ყყემსი პირობის დება *

32

ზამთარს წაუხდა აწ ჭირნახული;
ზურმუხტის ტახტედდაჯდა ზაფხული.
შემოკრბენ ყოველნი
მუნ სულნი ცხოველნი
და მიულოცეს.

33

გაცვდა, გაძველდა ცივი ზამთარი,
შემოეცარცვა ტანთ საფარი.
ზაფხული განახლდა.
საცმელი თან ახლდა
ფერად-ფერადი.

34

ზამთრით გაცრცვილნი, შიშველ-ტიტველნი
ახლით დამოსა, გახადა ძელნი.
მისცა მან ბრძანება,
დასრთო სვლად მან ნება
პატიმრად მყოფთა.

35

ტანთა ჩანაცვა მწვანე კაბანი,
არა აქვთ სიცივით ორთოლა-ბაბანი.
თბილნი ქარნი ჰბერვენ,
ხმით მფრინველნი მდერენ,
განაქვთ ჭიპჭიკი.

36

ამბობს ტორუა, გალობს ბულბული,
ტკბილად მოსძახის ოფოფს გუგული;
შაშვი ამბობს ზილსა,
მსმენი იკრთობს ძიღსა,
დვრინავს ქედანი.

37

სხვანი მფრინველნი ამბობენ ბანსა:
ქვემდომთ ხმა ესმისთ, სახლს ხდიან ბანსა:
ჩყრილნი ხაროდა
ზე გასახაროდა
ამოძვრენ ველად.
38

მზგავსად- მზგავსადმან იპოვა ტოლი,
ყველამ დანერბა თავისი ცოლი.
გამოვიდა დოლი,
გაიზარდა მოლი,
ხეთა ფოთოლი.
39

მხიარულს ზაფხულს მოყავს ყვავილი;
მოწყენილ ზამთარს თან გაყვა თრთვილი.
აშ წყემსნი ხარობენ,
ვინ ვისა ყვარობენ,
პირობას სდებენ:

40

„ვინ ვის გვინდოდეს, ერთად ვაძოოთ;
საერთო იყოს, ვინც რამე ვპოოთ“.
სამთ ქალთ სიხარულით
ცხვარნი სიარულით,
წანასხეს ჭალად.
41

მირეპეს ჩიგვთან. სად ვარდის ფერად
ყვავილნი ნახეს, მუნ დასხედენ მღერად.
იმდეროდენ ტკბილად,
კარგ-ხმა-გაწყობილად
შაქცეოდენ.
42

ყვავილთ გაჟქონდა გაშლილს ბიბინი;
დაგლიჯეს, დაწნეს მისი გვირგვინი.
რაც ქალი იქ იყო,
ყველამ თვითო იწყო
თავისათვისა.
43

მარტოს ვერ სწნევდა თეთრს ვარდიანსა,
წავიდა ჭალას შორს, ბარდიანსა,
ყვავილთა საძებრად,
კარგისა საკრეფლად
თავის კონისთვის.
44

მოესმა შორით ნესტვთა ხმობანი,
ეგონა ქალთა თამაშობანი.
სითაც ესმა სტვენა,
მიყვა იქითკენა
ყვავილთ კრეფასა.
45

ალმართი ავლო, რა გარდიხედა,
მუნ მწყემსი დახვდა და წყალი სჩქერდა.
შეშინდა, შაჟყვირა,
გაქცევა აპირა,

ვეღარ გაბედა.
46

მალ-მალ შაჰუმირა: ვამე, ვამეო!
რა დღე მექნების, ან რა დამეო!
მას მწყემს[ს] გაუკვირდა,
თქვა „რა გაუჭირდა?“,
სწრაფ გამოიქცა.

47

მივიდა, პკითხა: „ვინ ხარ, რა მოხდა?
რა შეგაყვირა; წინ რა შემოგხვდა?“
ხელი ხელს მოჰკიდა,
თვალთ ცრემლი მოსწმინდა,
სცა ნუგეშინი.

48

ქალმან რა ნახა იმ წყემსის პირი,
სულ დაავიწყდა, რაც ჭირდა ჭირი;
მწყემსი შეუყვარდა,
ფეხთ ქვეშ შეუვარდა,
შესცინა პირსა.

49

ქალმან მიუთხრა წყემსს: „საყვარელო,
დღეს ჩემო მცველო და დამფარველო!
მეც სიტყვის დასტური;
რაც ვსოდგა, მიგდე ყური,
მისმინე თქმული.

50

რადგან შენ გახდი ჩემი ძალ-დონგ,
რაც მოგახსენო, ეს გამიგონე;
დღეს შენგნით მეფონა,
ხსნა აღარ მეგონა
ჩემის თავისა.

51

ეს კონა წნული იყოს შენია,
მე ვარდი შემქენ, იყავ შენ ია;
გაშინჯე, შენც ნახე
ჩემის პირის სახე,
თუ გთნდეს, მითნიე!“

52

მწყემსმა ქალს უთხრა: „ნუ ასჩქარდები,
ჯერ შენვე გაქვნდეს შენი ვარდები;
ცოტა მოიცადე,
საქმე გამოსცადე,
შეიტყვე მართლა.

53

ჯერ დაივიწყე კვნესა და ვიში,
თქმულა: „სიყვარულს შე[ი]ქსო შიში“;
ხარ გულით შემკრთალი,
არ ვიცი მართალი,
გიყვარვარ თუ არ!

54

ცოტას ხანს საქმეს დაუგდოთ ყური:
ღვთიური არის თუ ეშმაკური;

დღეს შევიყვარენით –
რად შევიყარენით,
გსცნათ ერთმანერთი.

55

თუმცა მთნავს, მსურის შენთან დაწოლა,
მაგრამ შიშითა გულში მაქვს ძრწოლა.
ვინც რომ დაგვინახავს,
დაგვგმობს, დაგვიძრახავს,
უწესურს საქმეს“.

56

ქალმან მიუთხრა: „რამ შეგაშინა?
ჩვენ ორთ ხშირს ტყეში გვიყურებს ვინა?!“
მწყემსმა რა ისმინა,
გულით გაიცინა
ამ სიტყვაზედა.

57

ქალმან მწყემსს პკითხა: „გასაცინარი
ჩემგნით რა გესმა? მითხარ, ვინ არი
აქ ჩვენი მნახავი,
რომ იქნას მძრახავი?
ვისგან გეშინის?“

58

მწყემსმა ქალს უთხრა: „თუ შენ მომისმენ,
სანამ ვიტყოდე ჩემს თქმულს, მოითმენ,
ვისიცა მაქვს რიდი,
ან მე შიში დიდი,
გეტყვი ყველასა.

59

შენ ყური უგდე ჩემს ლაპარაკსა,
მე მართალს გეტყვი, არ თუ არაკსა:
ყოველს ხორციელსა
ვერ ნახავ ტიელსა,
არ ყვანდეს ტოლი.

60

ოდეს ქმნა ღმერთმან ადამ და ევა,
სჯულად უწესა ერთად შექცევა,
ერთად დაწოლა,
შეყოფით წულთ ყოლა
არს მიერითგან.

61

ვინც უნდა ნახოს ლოგინზედ მწოლი,
არგინ დასძრახავს, გვერთ უწვეს ცოლი.
აქვთ უშიშრად ძილი,
შეყოფა მათ ტკბილი
სჯულიერებით.

62

ქმარნი და ცოლნი შეყვარებულინი
გულით არიან გახარებულნი,
თავის სახლ-კარადა
სხედან აშკარადა,
არ დამალულად.

63

შესაქცეველად დადიან ბაღად;
უშიშრად, ურცხვად ხუმრობენ ლაღად
ხელი-ხელო კიდებით,
თამაშით, ჭიდებით
ხეთ ქვეშ მწვანეზე.
64

უშჯულოებით შეყვარებულნი
ტყეში დადიან შეპარებულნი,
ჯაგებში ძვრებიან,
ავს საქმეს შვრებიან,
აქვთ დიდი შიში.
65

საქმის შიში მაქვს ოთხის-ხუთისა,
ჩხიკვ-შავ-ეკლისა, კაცისა, დვთისა.
ამათ შეაშინეს,
კიდეც შეარცხვინეს
დედ-მამა ჩემი.
66

რაც მათ უნდოდათ, ვერც ის ქნეს კარგა,
მრავალი ქრთამიც მათ დაეგარგა;
რაც მათ მაეპარათ,
არც ის დაეფარათ,
გამოუმჟღავნდათ“.

67

ქალმან მწყემსს უთხრა: წვრილად მითხარო,
ეგ როგორ ქმნილა, ან შენ ვინ ხარო?
შენ შემატყობინე,
მე გამაცნობინე
შენი თავიო.

გ. მოყენება თავისის მამისა და დედის ამბავის
თქმა და თავისის სახელის გამოცხადება

68
იყვნენ ერთს დაბას მოსახლე ორნი,
გლეხნი, სიმდიდრით, საქონლით სწორნი.
ორნივე ჭკვიანი,
მართალნი, დვთიანი,
კაცნი კეთილნი.
69

ორთავ სამძახლოთ ეჭირათ ოვალი,
მაგრამ არც ერთსა არ ყვანდა ქალი.
სურდათ მათ მოყვრობა,
არ ავად მოპყრობა
ერთმანერთისა.
70

ყვანდათ ორთავე საცოლოდ ძენი,
მომზადებულნი, ჭკვიანი, ბრძენი,
მამათა მორჩილნი,
დედათა — ვით ჩჩვილნი,
დვთის მორწმუნენი.

71

ამათ მოუხდათ ერთს დღეს ქორწილნი,
ორთავ მიეცათ ერთს დამეს შვილნი:
 ერთს ვაჟი, ყრძა წული,
 მეორეს ასული
 დმერთმან უბოძათ.

72

მათ ქნეს პირობა, ვთხოთო დმერთსა,
თუ დაიზარდნენ, ვრთოთ ერთმანერთსა.
 უფალმან ინება,
მათ ლოცვის სმინება,
 დაზარდა დიდნი.

73

იყვნენ ქალ-ყრმანი სახით შვენიერ,
მშვიდ, მდაბალ, კეთილ, გულით მეცნიერ,
 ერთისა ხნისანი,
თექვსმეტის წლისანი,
 ერთად შეზრდილნი.

74

რა ბიჭს დაუწყო გულისთქმამ ბრძოლა,
მაიწადინა გოგოსთან წოლა.
 გოგომ თქვა უარი!
 უთხრა თი: „ნუ არი
 ჯერ შენსა გულსა.

75

ჯვარ-დაუწერლად ეგე საქნელი
ნუ გჩანს ადვილად, ცოდვა არს ძნელი.
 ღმერთსა ეწყინება
საწოლთ შეგინება
 უშჯულოებით.

76

აწ რომ დამიწვე და მუცლად ვიდო,
ქვეყნად როგორლა ხმა ამოვიდო?
 თუმცა ვარ საცოლო,
შვილი რომ მაყოლო
 მერმე რადა ვქნა?!

77

ჩვენ დაგვარქმევენ ბოზო, მექავთს, მრუშებს,
და ჩვენ შვილებსა ნაბიჭვრებს, ბუშებს;
 სახელი გატყდების,
ქვეყნა ასტყდების
ჩვენს საძრახავათ.

78

იტყვიან, რასთვის არ იქორწინეს
და წარიმდვარეს მათ წინაწინ ეს;
 საქმე ქნეს ურცხვადა,
გვირგვინით უბურთხადა
 შვილი იყოლეს.

79

თუ ვისმე ვეტყვი მე სიტყვებს მკვახებს,
ის ფიცხლავ ამას მე წამომძახებს:
„მე ვით მკიცხავ, ურცხო,

თვით საქმე ჰქენ უცხო,

საუნამუსო!

80

გვარი მოსთხარე და ნათესავი;
სირცხვილით დასჭერ სუსკელას თავი;

საქმე ჰქენ კახპური.

შენოანა ქალთ პური

აღარ ეჭმების!

81

მცირე ხანს თავი ვერ შაინახე,
სჯული და მცნება არ დაიმარხე;

თავ-დაუჭერლადა,

ჯვარ-დაუწერლადა

ბუში განაგდე!

82

მე ეს მაქვს ზითვად და ასე მინდა,
შენ მოგიტანო მე თავი წმინდა.

მის დროს ვინცა მნახოს,

არა რა მე მძრახოს,

ურიგო საქმე.

83

სჯობს ქალი მოკვდეს და დაიმარხოს, –
ურიგო საქმე არ დაიძრახოს:

ქალთ სახელთ გატეხა

არს თავთ მეხო დაჭეხა

მშობელთა თვისთა.

84

ნამუსიანად მქცეველი ქალი
არს მარგალიტი, ძვირფასი თვალი;

უნამუსო ქალი –

ქვა ფიქალი, მქრქალი,

ქრმის საფლავთ ლოდი.

85

ქალს გასათხოვარს საქმროდ მოწეულს
უჯობს სიწმინდე საცმელს ძოწეულს;

უწმინდურთა ქალთა

ოქრო-ქსოვილთ კალთა

დაჰყარაგს ვერა.

86

ქალთ დანაშვენებს პირთ კალვა-ხალვა
და უმეტესად ფარვა და კრძალვა,

თავის მთლად შანახვა,

მცნებათა დამარხვა

სჯულთა და წესთა.

87

სჯობს მარგალიტსა, ოქროსა, გერცხლსა,
კაცი არ ვარდეს სირცხვილის ცეცხლსა.

გთხოვ, არ შემარცხვინო.

და შემანახვინო

თავი დრომდისა.

88

ქვეყანა დაგმობს ჩვენს დედ-მამათა:

„რად დაანებეს თავი ამათა,
უდაბურს ჭალასა,
ხშირ ბალახ-ჩალასა,
არ მოარიდეს!

98

რად არ იცოდენ, არ აქვნდათ იქვი:
თექვემეტი წლისა გოგო და ბიჭი
რომ ერთად შეყარეს
ერთმანერთს აყვარეს,
ამას იქმოდენ?!”

99

მეხსენ, ნუ გავხდით ჩვენ უბედურად
ჩვენს დედ-მამათა, მას საყვედყრად
ნუ დაგადებთ თავსა,
ნუ ვიქთ საქმეს ავსა.
მტერთ ნიშთ საგებსა.

90

ოდეს დავსხდებით მეფე-დედოფლად,
პირზედ დაგვეხმის ჩვენ ჭირის ოფლად,
თავთა შერცხვენითა,
არ ჩვენ მოლხენითა
გვაქნების სხდომა.

91

დედ-მამა გვეტყვის: „რად შეგვარცხინეთ?
ქვეყანას თავი დააძრახვინეთ.
რასთვის მაიპარეთ
თქვენ არ დაიფარეთ
ქალწულებანი?”

92

მე, შენს საცოლოს, შენს შესართავსა,
ნუ იქ, სირცხვილით ნუ მამჭრი თავსა!
სჯობს, გამომჭრა ყელი
და არ მახლო ხელი
ჯერ საიმისოდ.

93

თუ შენ მე გამხდი სასაცილოდა,
მე მოგიკვდები უსაცილოდა.
შენ წაიშენ თავსა,
ტანთ ჩაიცვაძ შავსა
შეიქ ნანვასა!”

94

ბიჭმან არ უგდო გოგოს თქმულს ყური,
სიტყვა შეწმასნა მან ეშმაგური.
[პრქვა]: „ჯვარის დაწერა
არცადა ჩანს ჯერა,
მოვიცდი ვერა.

95

ბებია მოკვდა, პაპაც მიკვდება,
მით ჩვენ ქორწილი გვიგვიანდება.
მოწყენით არიან,
არავის სცალიან

126

ჩვენს საქორწილოდ.

97

მართალს მოგითხობ, მე ვერ მოვითმენ;
შენ მალე დაგთმობ, თუ არ მომისმენ!

შენ ქალი ხარ წმინდა,
მოლოზნობა გინდა,
მე სხვას მოვნახავ!“

98

ბიჭი შემოსწყრა, წავიდა განგებ:
თქვა, შეშინდესო ეს გოგო აგებ.
სხვის გოგოს სტუმრობით,
თამაშით, ხუმრობით
აჩვენა თავი.

99

გოგომ რა ნახა სხვასთან მისული,
ჯავრით ამოხდა მას თითქმის სული.
მეტადრე ეწყინა,
გული მას ეტკინა,
შეშინდა დიდად.

100

იფიქრა: „ვაი თუ, სხვაზე სცდესო.
მისგან ცოლ-ქმრობა ჩვენ წაგვიხდესო;
მან სხვა შაიყვაროს,
მე გულს გამიყაროს
სევდის ლახვარი!

101

ბიჭს უთხრა: „მწადდა, გექნა დვთის რიდი:
შჯულთ უწესურად ქალწულთა ხიდი
ჯერ არ დაგეშალა,
მცირედ დაგეცალა,
და არა ჰქენი.

102

სხვასთან ცოდვაში შენს ჩაგდებასა
ესევ სჯობია, ვიქ შენს ნებასა.
ჩამოეხსენ სხვასა,
მაგით დვთის რისხვასა
ნუ მიიყენებ.

103

რადგან არ იშლი, შენ მატან ძალას.
ხვალ ერთად ცხვარი წავასხათ ჭალას.
იქ ნება შენია,
რაც გინდა ქენია!“
დართო ნებანი.

დ. ლოცვა ბოგოსი და
ოხოვნისა[უ]ბრ საჭმის მოსვლა

104

შუვალამ ადგა, გოგომ ილოცა,
ჩოქით მიწაზე მუხლით იცოცა,
მან თქვა: „ღმერთო ჩვენო!

ცოლ-ქმრობის გამჩენო,

შენ გეაჯები!

105

ღომელმან შექმენ ადამ და ევა,
აბრამს და სარრას მიეც პურთხევა,

ყავ ჩვენზედ წყალობა,

ჩვენი ვაჟ-ქალობა

შენ დაიფარე!

106

ჩვენც თუმცა მცნება ვერ დავიმარხეთ,
შჯულთ უწესურად ჩვენ განვიძრახეთ

ხვალ ერთად შაქცევა,

შებმა თუ გაქცევა,

ყავ ნება შენი.

107

უკუთუ ჯერ-არს ესე საქნელად,
ნურას გაგვიხდი საქმესა ძნელად;

შენის მიშვებითა

გვახარე შვებითა

ჩვენ ერთმანერთთან.

108

უპუეთუ არა ჯერა-არს ესე,
შიში, სირცხვილი ჩვენს გულში თესე;

მცნება არ-მარხული,

ჩვენი განძრახული,

შენ მოგვიშალე“.

109

ბიჭი გულისთქმით გაცხარებული
ადრიან ადგა გახარებული;

ცხვარი გამორეკა,

გოგოს კარს დარეკა,

დრო არს, ადექო!

110

ოდეს მირეკეს ცხვარი ჭალაკად,
ბიჭმა გახადა გოგო მალაყად.

რა რომ დააღირა

და ქნა დააპირა,

ჩხიკვმა შეყვირა!

111

ასე შეუკრთო მათ ჩხიკვმან გული,
ნდომა შაექმნათ მათ დაკარგული.

თრთოლით, ცახცახითა,

მოშლილის სახითა

წამოხტნენ ჩქარად.

112

ცოტას ხანს უკან ნდომას მოვიდნენ,
სხვას ხმელს ფოთლიანს ტყეში შეგიდნენ.

იქ ესმათ ძრიალი,

ჩაჩუნი, შრიალი,

ხმელის ფოთლის ხმა.

113

როგორც უნდოდათ, ვერც იქ შაექცნენ;

128

კაცი ეგონათ, შაშვთა გაექცნენ.
ის გოგო და ბიჭი,
სადაც იყო ლიჭი,
წავიდნენ, შაძვრენ.

114

არ დაიხედა მან ნდომით წინა,
საჩქაროდ გოგო წამოაწვინა;
სადაცა ეყარა
მრავლადა ეკალა,
დასცა მაზედა.

115

საბრალომ გოგომ ტიტველი ნაცი
ზედ დანახივა, სად იყო ქაცვი.
რა რომ ის იტკინა,
გოგომ იმწვიტინა
გამწოებულმან.

116

ბიჭსა ჰკრა წიხლი, შორს გარდაგორა;
იქ იმ ბიჭს დახვდა ქვეშ ეკლის გორა.
ორთავე ტირილი,
დაიწყეს ყვირილი,
მეტის სიმწოვით.

117

მუნ თურმე კაცი შეშასა სჭირდა;
ყვირილი ესმა, „ოქვა რა გაჭირდა?!“
მივიდა, მან ნახა,
მათ თავსა დასძახა:
„რა გაყვირებსთო?“

118

მათ ვერა თქვეს რა, ჩავარდათ ენა;
შიშით, სირცხვილით გულს მიხვდათ წყენა.
მან კაცმან რა ნახა,
დაგმო და დასძრახა,
ორნივ დალანძღა!

119

კაცი უძანვე გაბრუნდა ჩქარა,
ორთავ დასთხოვა დიდი მ უქარა:
„რაც მიგიპარავთო,
ვერ დაგიფარავთო
ქურდობა თქვენი.“

120

თქვენს დედ-მამასთან გკითხავ მაგასო,
ორთავ ეკალი მანდ რამ დაგასო?
თქვენ რადა სძერებოდით,
მანდ რასა შვრებოდით,
იქ გათქმევინებოთ“.
მიუგო ბიჭმან: „ეს სჯობს მაგასო,
მე შენ კარგ-გვარად სასმელი გასო;
დაგიდლა ჭედილი,
წინ ვერცხლით ჭედილი
დაგიდგა კულა.“

122

129

ქრთამად მოგართვა ოქრო და ვერცხლი,
რომ არ მოგვიღვა სირცხვილის ცეცხლი.
აგავსებ ძღვენითა,
ჩვენის შარცხვენითა
შენ რა გერგების?
123

ის კაცი იყო მათი მოყვარე,
იმავ სოფლისა, არ შორს მოსამძღვრე.
ახლო ნათესავი,
ერთად მხვნელ-მთესავი
განაყოფობით.
124

გულით უყვარდა ბიჭის მამასა,
მამა ბიჭისა აგრევ კაცს მასა.
მის გამოვისადა
საქმე ქნა ღირსადა
იმ ბიჭისა.
125

ასე თქვა გულში: ქრთამს რომ დამპირდა,
მოდი გამოვსცდი, ვსცნობ, როგორ ღირდა!
უთხრა: „არ გაგცემო,
თუ რასმე მამცემო“;
იამა ბიჭსა.
126

ბიჭმან დაუკლა მსუქანი ცხვარი,
პური იშოვნა მან გამამცხვარი:
გოზაურით ღვინო,
გულთა საღილინო
დაუდგა წინა.
127

მამას მოჰპარა მან ვერცხლის თასი, –
იყო წონითა დანგი ათასი, –
მისცა მას ფასადა,
შენ სთქვაო არსადა
ჩვენი საქმენი.
128

გაძლა, დაითრო, წამოდგა კაცი,
დალოცა ქაცვი, ტიტველა ნაცი:
„ვინც ეკალზედ დასცი,
ახივე, ზედ აცვი.
ღმერთმან დაგზარდოსთ!
129

მე დღეს ეკალამ კარგს ბედს შემყარა! –
მღვდელმან აკურთხოს, სადაც ეყარა! –
მას აშოროს ცეცხლი
მაშოვნინა ვერცხლი,
დამათრო ღვინით!
130

ამ ჯამს წავიდებ, ქალაქს გავყიდი,
კარგა გამივა, თასიდ ღიდი;
ბევრს მამცემენ აბაზს,
ცოლს უყიდი კაბას
130

შვილთა ჩოხებსა“.

131

აიდო კაცმან ცხვრის ტყავი შავი,
ნარჩომი ხორცი მოუხარშავი,
რაც რომ ედგა წინა,
თქვა: „წავიდებ შინა“,
სულ წამოხვეტა.

132

თქვა: დავპატიჯებ ჩემს მეგობარსა,
ჩემგნით ადგილად არ საგმობარსა;
ამ ბიჭის მამასა
შეუგბობ ამასა,
დაუდგამ წინა“.

133

იპყრა ხელო კაცმან ის გოზაური,
მან ბიჭმან შექმნა აურზაური:
„თუ კი არ გვინდობო,
ეშმაკობ-ფლიდობო,
ეგ რად მიგაქვსო?“

134

კაცს წაეკიდნენ გოგო და ბიჭი:
„რად გაპლექსეო ნაცი და ლიჭი?
ამად დაგქრთამეთო,
გასვით, გაჭამეთო,
რომ დაგეფარა!

135

რადგან შენ აგრე გამოგვაცხადე,
ეკალზე დაგვსხი, ნაცს წამოგვხა[დ]ე,
ჩვენ რად მოგცეთ ფასი,
მოგვეც ჩვენი თასი“
კაცს დაეჭიდნენ.

136

კაცმან თასი არ დაანება;
მათ კაცს დაუწყეს ლანძღვა გინება.
ბიჭს ჯოხი უცხუნა,
სისხლით უთხუნა
თავი და პირი.

137

ბიჭი მოჩივრად გაგზავნა წინა,
თვით უკან მიყვა, მივიდა შინა;
დაწვა, დაიძინა,
აღგა, მაიწყინა,
დაპგიდა თავი

138

ცოლმან მიუთხრა: „რამ დაგაფიქრა,
შენ შეგემთხვია: ან აქ, ან იქ რა?“
კაცმან თქვა: „მიკვირსო,
სათქმელად მიჭირსო,
რაც ვნახე სიზმრად.

139

მიცვალებულნი მამა და დედა

131

ორნივ ჯავრობდენ მე და შენზედა:
შვილმა და რძალმაო
გვტანჯა, გვაწამაო
სიძვირითაო.

140

აღარ მოგვიგდეს თვალი და უური,
მათ არ გვაჭამეს ჩვენ ლუქმა პური,
ხმა-მაღლა ყიოდენ,
სიკვდილთან ჩიოდენ,
სამართალს სთხოვდნენ.

141

განესამართლა მათთვის სიკვდილსა,
ჯერ რძალსა ვჰკითხავთ, მას უკან შვილსა;
იმათ თქვეს საჭმელი,
ანუ თუ სასმელი
რათ დაგიჭირესთ?

142

მე შავეხვეწე, უთხარ: ნუ სჩივით,
გამოგიგზავნით წყლით, ნავით, ტივით.
სამის დღის ბორჯლითა,
დიდისა სასჯლითა
მძლივ დავეხრწივე.

143

ამ სამს დღეშია ჩემს დედ-მამასა
ჩვენ თუ არ უზამთ აღაპს, ჭამასა,
წამოვა სიკვდილი,
ცელ-ხმალ ამოწვდილი
შინ მოგვიხდება.

144

ჯერ შენა გკითხავს მას საკითხავსა:
პასუხს ვერ მისცემ, შენ მოგჭრის თავსა,
მას უკან მე მკითხავს,
ვიმართლებ მე კი თავს,
შენ დაგაბრალებ!

145

ცოლმან მიუგო;, შენ საქმეს ვჰკვირობ.
შენ მისოვის სიკვდილს რისოვის მიპირობ?
ცხვარ-ძროხა გყავს ბევრნი,
სავსე ღვინით ქვევრნი,
გიდგს ფქვილი ბედლით.

146

რატომ აჩივლებ შენს დედ-მამასა,
რატომ არ უზამ აღაპს, ჭამასა?
მაქვს პური დამცხევარი,
აწ შენ დაკალ ცხვარი,
მოხადე ქვევრსა.

147

მალე ქენ საქმეს ნუდარ აყენებ,
კარზედ სიკვდილსა ნუ მამაყენებ;
თუ არ კმარა პური,
დამეც შენ დასტური,
მე გამოვაცხობ“.

132

ქმარმან ცოლისა სიტყვა გაკმარა:
 „ოცი პური გაქვს, ეგ რასა კმარა!“
 ცოლი ადგა ჩქარა,
 მან ადარა თქვა რა.
 შექნა პურს-ცხობა.

149

წამოდგა ქაცი; რაც რომ ინითა,
 ტიკნი დატენა კარგის დვინითა,
 ყვანდა ნაჩუქარი,
 კარგად ნასუქარი,
 დაკლა ფურ-ბერწი.

150

ორი ცხრა ცხვარი, ოცი ბატკანი,
 გასწყვიტა ბატო ხმა, ქათამთ კაკანი;
 სასმელი, საჭმელი,
 სანთელი, საკმელი,
 ჩანაწყო ნავში.

151

მდვდელო უთხრა: „საქმე მზად დაიჭირეთ,
 როცა მოვიდეთ, მაშინა წირეთ“.
 ჩასხა ნავს ხარჯთანა,
 ატანა მას თანა
 მზარეულითურთ.

152

სადაც იმ ბიჭის საქმე მან ნახა,
 მის ახლო საყდარს მამა ემარხა;
 იქა გაისტუმრა,
 ყველა იქ ისტუმრა,
 ვინც რომ უნდოდა.

153

მან დაჲპატიჯა სულ მეზობელთა,
 ბიჭის და გოგოს შემქმნელ მშობელთა
 მან დაუკრა თავი,
 უთხრა: მზაო მაქვს ნავი,
 მეწვიენითო.

154

ბიჭის დედ-მამამ კაცი გალანძღეს,
 ოქვეს: „მტრის აღაპში ვინ ძაღლი გაძღეს!
 შენ მოგვპარე ცხვარი,
 პური გამომცხვარი,
 დვინო და თასი.

155

თასი გთხოეს და შენ არ მიეცი,
 შვილსა და სარძლოს ორსავ გვიეცი;
 ნაცზედა ეც ლიჭი, ეკლით გოგო-ბიჭი
 შენ დაგვიხივე!

156

ჩვენ ვერ მოვითმენთ გულის ტკივილსა,
 ხვალ ჩვენ ვაპირებთ შენზედ ჩივილსა,
 არცადა წახვიდე,
 უნდა შენ მოხვიდე

133

სამართალშია!“

157

კაცმან გონება არ აღაჩქარა,
წინააღმდეგომი მან არა თქვა რა,
ხუმად თავის წინა
გულში გაიცინა
ბიჭის ტყუილზედ.

158

მან კაცმან უთხრა ბიჭის მამასა:
„გთხოვ ყური უგდო, რაც ვსოდეა, ამასა.
ჯერ ნუ ასხქარდები,
შენ ნუ გასჯავრდები
გაუშინჯავად.

159

ყველას მოგითხობ ჩემის პირითა,
ჭირში ჩავარდი რასაც ჭირითა,
რასაც მიზეზითა,
ან რასაცა გზითა
მე ვქენ ქურდობა.

160

მე სხვაგა ვიყავ, რა მოველ შინა,
სახლში დამიხვდა მეარავინა.
მე ასე მშიოდა,
რომ გული მტკიოდა.
მეტის შიმშილით.

161

მე შენს სახლშია სმისა, ჭამისა,
აგრევ ხმარება ჭურჭელ-ჯამისა
მაქვნდა ჩვეულება,
ხშირად წვეულება
გარდამხდომოდა.

162

წამოველ შენსა, შემოველ შინა,
ავადმყოფ მამას შენსა ეძინა;
მე დამიხვდა შინა
აქაც არავინა
მარტო მის მეტი.

163

მას გადვიძება ვერ გაუბედე,
მიველ კიდობნად, უკუვისედე,
თასსა და სამს პურსა,
საღვინისა ყურსა
დავავლე ხელი.

164

გამოვიტანე, ჩავდგი ურემში,
შევაბი ხარ, მე წაველ ტყეში;
შეშისა საჭრელად,
ღვინის სმით თვალ-ჭრელად
მიველ ჭალასა

165

რა რომე ღვინო თავში შემიჯდა,
პურით რომ გავძეხ, ხორციც მამინდა;

134

ხორცისა ნდობითა,
აღგომ-დაჯდომითა
ლონე წამერთვა.

166

მაგ შენს შვილს ყვანდა მუნ საცხოვარი,
მიგელ და გსთხოვე ეს სათხოვარი:
„აგრემც გაგზრდის დმერთი,—
ნაჭერი მე ერთი
მაჭამე ხორცი!“

167

გუდა მიჩვენა და ხელსახოცი,
მითხრა: „წაიღე, თუ მაქვნდეს ხორცი“.
დაუკარ მას თავი,
მე უთხარ: მაშ, შავი
ჭედილი დავკლათ.

168

ცოტა რომ ჩვენ აქ მწვადად შევიწოთ,
სხვა სულ საღამოს შინა წავიდოთ.
ოქვა: ვერ გავბედაო,
მამა და დედაო
გამიწყრებაო!

169

ადარა ვსოქვი რა, ჩემთვის დავსჩუმდი,
სად შეშას ვსჭრიდი, იქავ გავბრუნდი;
სად სძოვდა ჭედილი,
ხორცით დაყმედილი
წავაწყდი ზედა.

170

წამოვეპარე, დავავლე ხელი,
მაშინვე დანით გამო[ვ]სჭერ ყელი;
რა გაეხადე ტყავი,
კაჭკაჭი და ყვავი
სულ ზედ მომატყდა.

171

რა გამოვშიგნე, ცეცხლი ავანთე,
მწვადი დაუდევ, შენს შვილს მივმართე.
მას უთხარ: წამოდი,
ჩვენა ვსჭამოთ მწოდი;
მითხრა: „ვინ მოგცა?“

172

გამოუცხადე, არ დაუფარე;
უთხარ: მე შენა ცხვარი მოგპარე,
მწვადი წამოვაგე,
მე მაქვს სახოვაგე,
მოდი შავექცეთ.

173

შემომიძახა: „რას მეხუმრები,
მე დასაკლავნი სად მყვანდა ცხვრები?“
შექნა მან ტირილი,
თავს ცემა, ყვირილი:
„მამას რა უთხრა?!”

174

135

უთხარ: მაგაზე შენ რა გაწუხებს?
მამა-შენს თვით მე გავსცემ პასუხებს.
მივიყვანე, დავსვი,,
ვაჭამე და ვასვი,
განვაძლე კარგა.

175

როცა დაითრო, აიღო თასი;
მითხარა: „ამ თასში მოგვეც რა ფასი?
ამდენი ქურდობა,
და არ დაუნდობა
შენ არ შეგრჩება“.

176

მე უთხარ: ძმაო, რაც მამიპარავს,
თვალით ჩანს ყველა, არ დამიფარავს.
თუმცა მამეპარა,
მხამდა დამეფარა
შენთვის ესენი.

177

რაც მე მიუთხარ, არ დამიჯერა,
საცემრად ჯოხი მან მამიდერა!
მით მე ამიჩქარდა,
გული გამიჯავრდა, კერ მოვითმინე

178

თასი წავართვი, სახრეც უცხუნე,
თავპირი სისხლით გარდაუთხუნე;
მოეშველა ცოლი,
ჯერ არ თანამწოლი
სჯულიერებით

179

იმას ნაცზედა დავპარ ეპალი,
უთხარ: შენ რა გრჯის, ჯერ შენ ხარ ქალი,
რად არ გრცხევნიან,
როდისა გშვენიან
ჯერ ეგ საქმენი?!

180

შენ შვილს მიძახდი, მე მჩანდი მამად,
ამად მოგექეც ასე თამამად.
შენს უკითხავადა
საქმე ვქენ ავადა,
დაგიპალ ცხვარი.

181

ბევრჯერ მიცოდავს, შენ შეგინდვია,
ღიდს საწყენზედაც თავს არ გიდვია;
გთხოვ, ესეც შემინდო
და არა გამყიდო
ცოტას საქმისთვის

182

უპატიური რაც შვილს გიკადრე,
ბოდიშს მოვიხდი ხვალ დილას ადრე;
გიზდაგ მე შენ ცხვარსა,
პურსა გამამცხვარსა,
თასსა და ღვინოს.

136

აშ წამობრძანდით ნუ მალოდინებთ!
თქვენის გაყრითა ცრემლს ნუ მადინებთ!“
მიუთხრა ტკბილადა:
„ნუ გამხდით წბილადა
თქვენ ამისთვისო“.

ბიჭის მამამ თქვა: „დღეს დაგვაცალკ,
ჩვენ მოვიფიქრებთ, წამოვალთ ხვალკ.
შევიტყობთ მართალსა,
შვილს ვკითხავთ და რძალსა
მაგ შენს ნათქვამსა.

რასაც შენ ამბობ, თუ მართალია,
შენი ყოფილა ჩვენზედ ვალია;
ჩემს შვილს უმტკუვნია,
რაც შენთვის უვნია.
რად არ გისმინა?

ხარიც დაგეპლა, არას გეტყოდი,
თუ არ მიზღვევდი, მე არას გთხოვდი,
არამ თუ შენ ცხვარსა,
პურსა გამომცხვარსა
არ დაგითმობდი.

ეს საქმე ავად მე გამაშინჯეს,
სიმართლის სამძღვა [რ]ს მათ გადაბიჯეს,
მომითხრეს მრუდადა,
მაჯავრეს ცუდადა,
ამას არ დავსომობ.

შვილსა და სარძლოს ორსავ გ[ა]ვჯოხავ,
მათის ცემითა გულს მოვიოხავ!
რად არ დაგიჯერეს,
ჯოხი რად გიდერეს,
რად შემოგპადრეს?“

კაცი წამოდგა, დაუკრა თავი.
უთხრა; რაც გცოდე, თუ შენ ხარ მონავი,
სუყველა გადადევ,
ნუდარასა დასდევ!
ადექ წავიდეთ.

თუ მათ დალახავ მიზეზით ჩემით,
გული დამეწვის მე მათი ცემით;
რა იცის საკადრი,
ექნების რა ყადრი
კაცისა ყმაწვილს?

მე მისთვის შენს შვილს არას გემდური,—
არცა რა მაქვს რა მე საყვედური,—
საქმე ვქენ ავადა,

მე ვარ პირშავადა
შენთან და მასთან.
192

შვილსა და სარძლოს ტკბილად ხმა გაეც,
იქ წამოსვლისა დასტური დაეც;
სარძლოს დედა-მამა,
სადაცა მაქვს ჭამა,
იქ იქნებიან.

193

თქვენის ჯალაბით, ვითხოვ, მობრძანდეთ,
ამისგან უფრო არ დავგვიანდეთ,
ხეალ მღრღელნი გვიცდიან,
რიგს არ გარდიხდიან,
სანამ არ მივალთ“.

194

ბიჭის მამამა აღარა თქვა რა,
ხელიერთპირად კაცს გაყვნენ ჩქარა;
ნავითა, ტივითა,
კარგის პატივითა
წავიდნენ წყლითა.

195

მეორეს დღესა ნავით გადახდენ,
მომზადებულნი მათ მღრღლები დახვდნენ;
კაცი მღრღელს გაენდო,
გულშია რაც ედო,
ყვალა მიუთხრა.

196

რაც რომ ენახა გოგო-ბიჭისა,
ეკალზედ გორგა, შერჭმა დიჭისა,
მალვითა, ფარვითა,
სიტყვისა პარვითა
გამოუცხადა.

197

მღვდეს შაეხვეწა: „ნუ ეტყვი ერსა,
ნურც მოყვარესა და ნურცა მტერსა,
მარტო შენ იცოდე,
ეს საქმე იცოდვე,
უშველე რამე!

198

ბიჭის მამასა არა სცალიან;
დედა მოუკვდა, გლოვობს ძალიან.
მამაც ყავს ავადა,
გახდა ძვალ-ტყავადა,
მალე მოკვდების.

199

რაც მერგებოდა აწ მე ჩემ წილად,
მე დღეს მზაობ ვარ მის საქორწილად,
მე მისოვის ვქენ ხარჯი;
რასაც თქვენა გაგრჯი,
მოგართმევ ფასსა.

200

მე კი ნუ გამცემ, რაც მოგახსენე,
138

წირვას უკანა თვით განახესენ:

ჩემი არა სთქვა რა;
მოსწრაფებით, ჩქარა
თვით ბრძანეთ სწავლა.

201

საყდარს წირვაზე შემოკრბებიან,
მათი დედ-მამაც აქ იქნებიან.
ბიჭს, გოგოს მდომარეს,
ერთადა მდგომარეს
ნახავთ თვალითა.

202

მის დროს უბრძანეთ მათ დედ-მამათა:
„რად ჯვარს არ დასწერო აწ თქვენ ამათა?“
მიზეზსა იტყვიან,
არისო მით გვიან
მათი ქორწილი.

203

თუ მოგახესენონ სიმგლოვიარით,
მისად პასუხად თქვენ ეს უთხარით:
„საქმეს ვიქ ამგვარსა,
დღეს დაგსწერ მათ ჯვარსა,
შორს ნუ დაიჭერთ“.

204

მღრღელმან მიუგო მას კაცს მოძღვრულებ:
„მაგ შენს საწადელს სულ აღვასრულებ.
ჯერ ჩვენ დაფარვითა,
მალვით, გაპარვითა
ამას ვეცადნეთ;
205

იქ წავიყვანოთ გოგო და ბიჭი,
სადაც შერჭმიათ ქაცვი და ლიჭი.
იმათაც ვჰკითხავ,
წიგნსაც წაუკითხავ
შეგინებულსა“.
206

კაცმან მიუგო: „აქ მომიცადეთ,
ბიჭს შემოვგზავნი, მას ჰკითხეთ, სცადეთ.
მას უბრძანეთ ყველა,
რაც იმისთვის შველა
გწადიან თქვენა“.
207

კაცმან იდუმალ ბიჭს აცოდინა:
„მღრღელი გიძახის საყდარსა შინა“.
ის ბიჭი წაგიდა,
საყდარში შავიდა
მარტო მღრღელთანა.
208

მღრღელმან ბიჭს უთხრა: „მე შენ ბედსა გწევ,
დღეს ჯვარსა დაგწერ, შენს ცოლთან დაწევ“.
ბიჭი ხელს ემთხვია,
მუხლსა მოეხვია],
მღრღელს მოახესენა:

139

„ვით აღსრულდების თქვენი ბრძანება?

ჯერ სამაგისოდ დედ-მამათ ნება

არ ჩანს ჩვენთვისა,

რომე შეგვეთვისა

ჩვენ ერთმანერთი“.

210

მღრდელმან მიუგო: „დედ-მამათ ნებას
მე გამოგიტან, ვამცნებ მათ მცნებას.

შენ შენთვისა იყავ,

პირიცა დაიყავ,

ნურავის ეტყვი.

211

ნურცა დედასა, ნურცა მამასა,

ნურავის ეტყვი საქმეს ამასა;

შენ ნურაზე სწუხარ,

საცოლოს კი უთხარ

მალვით უერშია

212

თქვენ ეს საქმენი ნუ გაქვთ საეჭვოთ!
გაიპარენით, სადაც შაგ[ე]რჭოთ

ქაცვი და ეპალი;

შენა და გგ ქალი

ორნივ იქ დამხვდით!

213

ჯერ თქვენ ლოცვასა იქ წაგიკითხავ,
უნდიხარ თუ არ, ქალსაცა გკითხავ,

მასუკან კი ვსწირავ;

საქმესა გავპირავ

თქვენს დედ-მამასთან“.

214

როგორც რომ მღრდელმან ბიჭს დააბარა,
ბიჭმა საცოლო მუნ განაპარა.

მღრდელი და ის კაცი,

სად იყო ის ქაცვი, ოთხნივ მუნ შეკრბენ.

215

ოდეს თქვა მღრდელმან, ურთხეულ-ა-ა-არს“,
კაცს გაეცინა, მღრდელმან თქვა: „რა არს?

რა მწამე შენ ცილი;

რადა გაქვს სიცილი,

რა მაინახე?“

216

კაცმან მიუგო: „ვით აღუთქვენი,
ამ ალაგს მიხვდა კურთხევა თქვენი,

იყო დალოცვილი;

გამახსენდა, სიცილი

მით მომიჯიდა“.

217

როცა რომ მღრდელმან ჩამოილოცა,
ბიჭსა და გოგოს ბრძანება მოსცა;

უთხრა: „წადით ფარვით,

წირვას დაესწარით

140

ორნივ ერთადა.

218

თქვენს დედ-მამასთან საქმესა თქვენსა,
მე გავარიგებ სუყველას დღესა“.

ბიჭი, გოგო ჩქარა,
მღრდელი, კაცი წყნარა
წავიდნენ საყდარს.

219

ბიჭმან გზაზედა გოგოს მიუთხრა:
„ჩვენ ხომ გვირგვინი, მღვდელმან გვიკურთხა,
წავიდეთ ჭალასა,
უკუგსძვრეთ ჩალასა, წირვას რას დავდევთ?“
220

გოგომ მიუგო: „რადა ხარ ბრიყვი?
„რას დავდევთ წირვა“ მაგას რად იტყვი?
რამან გაგასტერა,
შეიტყვე შენ ვერა
რაცა ქნა მღრდელმან?
221

წიგნი უკითხა ჩვენს ქაცვზედ ხევას,
შენ მას უძახი გვირგვინთ კურთხევას?!“
— შორს დაუჭირა.

მაჯა დაუჭირა
ბიჭმა გოგოსა.

222

გოგომ უხრინკა, ხელიდან დასძვრა,
ხელ-ფეხიანად მან ტანი დაძრა,
უკან გამოექცა,
მღრდელს ფეხთ ქვეშ მოექცა,
ესრეთ მიუთხრა:
223

„იმ ბიჭს უგონა, ჯვარი დაგვწერე,
ბეგრი მიუთხრ, ვერ დავაჯერე:
დამეჭიდა ძალად,
მიმათრევდა ჭალად,
მე გამოვექცე!“
224

მღრდელმა სიცილით გოგოს პრქვა: „წადი,
მალე იქნების, რისაც ხართ მწადი!
ნუ გეშინიანო,
არ არის გვიანო,
ეს საქმე თქვენი!“
225

მივიდა, მღდელმან ზარებს დარეკა
ყოველი ერი საყდარს შარეკა;
წირვა ისმინეთო,
დგომა ითმინეთო,
გარეთ ნუ დასდით!
226

როდესაც რომე მდგდელთ ჟამი წირეს,
კვლავ ქადაგებას მოყვნენ, გაპირეს;
იწყეს იგავადა,

141

არა იგ ავადა
დედ-მამათ პკითხეს:
227

„ერთს უდაბურსა მთასა, დელეში
მშიერსა მგელსა წინ ედვას ლეში,
იქნების, დაინდოს
და პირი არ პკიდოს?“
მათა თქვეს: „არა!“
228

აგზებულს ცეცხლზედ რომ თივა იდოს,
მორჩების, რომე არ წაეკიდოს
სახმილს მგზებარესა,
თივას მდებარესა?“
თქვეს: – „არ მოარჩენს?!“
229

მღრღდელმან მიუგო: თუ ეგ კი იციოთ,
თქვენ რად არა ხართ სშჯულის სიმტკიციო?
რად თავსა არ იდებოთ,
და არა არიდებო?
გოგოებს ბიჭებს?
230

მინდვრად, მთად, ჭალად ერთად დადიან,
ვინ იცის, თუ რას ცოდვას ჩადიან,
გარჩეულსა სჯულსა
რად ხდიოთ დახვანჯულსა
და არას ნაღვლობოთ?!

231

დროთ მოსულს ქალ-ვაჟთ რაღას აყოვნებოთ,
რად ჯვარს არა სწერო, აწ რად აღონებო?
რასათვის წაახდენთ,
სჯულთა გადაახდენთ,
არა გჩანსო ცოდვად?
232

რად ემსგავსებით ქისტსა და დიდოს,
გერპთა მსახურთა, სჯულით უწმინდოს?
უშიშრად, ურცხვადა,
გვირგვინთ უკურთხადა
ცოლ-ქრმობას შვრებით“.
233

ბიჭის მამამ პრქვა: საქმე ამგვარი
ჩვენ მოგვიხდაო, მისთვის მათ ჯვარი
გედარ დავსწერეთო:
შავი შავკერეთო;
გართ მგლოვიარე.
234

დედა მომიკვდა, მამა სულზედა
მიძეს და ვსტირი მუდამ სულ ზედა.
წინ მიდგას გუბენი,
მაქვს კალთა-უბენი,
ცრემლით დამპალი!
235

სევდით გონება მაქვს დაგარგული,
142

ჭირში ვარ, ლხინსა არ მაძლევს გული;
ამისთვის დამდგარა
და ადარ მამხდარა
მათი ქორწილი“.

236

მღრღელმან მიუგო: „ჯვარის დაწერას
უქორწილობა მოუშლის ვერას.
დღეს დავსწერ მათ ჯავრსა,
მოგარჩენ მათ ჯვარსა,
ადროეთ ქორწილს.

237

დღევანდელს ქორწილს ეს კაცი ცდილობს,
რომ დაულახავს, ბოდიშსა ხდილობს,
მზათა აქვს მას ხარჯი,
თავისი ნახარჯი,
შემოსაწევრად“.

238

ბიჭის მამამ თქვა: „ამ საქმეს ვკვირობთ,
გერ გაგვიგია, როგორ აპირობთ;
ჩვენ თუმცა გვეთნება,
ვასრულოთ თქვენთ ნება,
როგორ მოხდება?

239

მას მასპინძლობა აქვს ადაპური,
აწ გადარჩების მას რაღა პური,
რომ მისის ხარჯითა,
მოყრულებ გარჯითა
ჩვენ ის გავსარჯოთ?“

240

იმ კაცმან უთხრა ბიჭის მამასა:
„ოდონც ნუ მოშლი საქმეს ამასა,
აღაპსა, ჭამასა
მე უზამ მამასა
მასუკან, სხვა დროს“.

241

დაიყოლივ[ე]ს, დართო ნებანი,
შვილს დაულოცა ქორწინებანი . . .
რა დასწერეს ჯვარი.
კაცთა, ქალთა ჯარი
შეგრძენ ქორწილად.
242

მის დროს იმ კაცის ცოლი ატირდა;
„რა ატირებსო?“ – ერი გაპკვირდა!
მღრღელმან იმ კაცს ჰეთხა.
გალანძღა, გაკიცხა,
რადა სცემეო?
243

კაცმა შეფიცა; „არ მიცემია,
მიმოწმებია, რაც აქ თემია!
თქვენ ჰემს ცოლ ლელასა,
თუ მისთვის მეცეს“.

143

მღრღელმან მიუგო: „თუ არ გიცია,
რაზედაც ტირის, მე არ ვიცია.
შენ გეცოდინება,
მისი ცრემლო დინება,
მითხარ, რად არის?“

მიუგო კაცმან: „თვით მოგახსენოს,
ჰქითხე, თუ მისთვის მე რამე მეგნოს.
რად მას აქვს ყვირილი,
თავს ცემა, ტირილი,
არცა მე ვიცი“. 246

მღრღელმან დედაკაცს ჰქითხა: „დედაო,
მითხარ შენ სტირი აწ რაზედაო?
მან მღრღელს რქვა კანკალით:
„რასათვის დაგვკალით
თქვენის ხელითა?“

მღრღელმან მიუთხრა: „როგორ დაგვკალი?
გამაგებინე მე გზა და კვალი,
ასეთი რა ვქენი?
საწყენი აწ თქვენი
შემატყობინე!“ 248

უთხრა: „ადაპი რომ მოგვიშალე,
ორნივ ცოლ-ქმარი მოვკვდებით ხვალე.“
შიშით წანწარევდა;
სიტყვასა წარევდა
ხანდახან სხვასაც.

მღრღელმან დედაკაცს მიუთხრა, ჰქითხა:
„ხვალ თქვენ მოპკვდებით, მითხარ, ვინ გითხრა?
მან თქვა: „ჩემი ქმარი
ძილად წვა, სიზმარი
ნახა მან ეგრეთ“. 250

მიუგო მღრღელმან: „მოტყუებულხარ,
შენ მაგაზედა ნურასა სწუხარ.
არ არის ეგ სწორი,
გსმენია შენ ჭორი;
ჭორს ნუ აჟყვები!
251

რაც სწადებია შენს ქმარს საქნელად,
არა ნდომია ქვეყნად სათქმელად.
მისთვის დაუფარავს,
საქმე მოუპარავს,
ვერა გნდობია.
252

რაც შენგან ქმარმან დღეს საქმე კარგი
ქნა, სულისათვის არს დიდი მარგი.
ადაპსა, ჭამასა

შენის ქრმის მამასა

ეს ურჩევნია

253

დღეის აღაპად აწ ესე ქმარა,
რომ ჭირთა შინა ძმას მოქმარა;

ნუ ხარო თქვენ უცები,

ზოგნი ტუტუცები

დღდაკაცები.

254

აღექ, წავიდეთ, დავსხდეთ, ვილხინოთ,
დავლიოთ დვინო და ვილიდინოთ;

რას ქვიან სიზმარი,

ტყუის შენი ქმარი,

განგებ უქნია!“

255

ეფიცებოდა თავის ცოლს ქმარი:
„ტყუილად გითხარ მე ის სიზმარი;

თუ გამჟღავნდებოდა,

აღარ მოხდებოდა

დღეს ეს საქმენი.

256

თუ შენთვის მეთქვა, სხვაგან გამცემდი,
არც არა მაგდენს ხარჯსა მამცემდი,

საქმეს წაახდენდი,

აღარ მაახდენდი,

გამაჯავრებდი.

257

მე შენ ტყუილი ამიტომ გითხარ,
მე კარგად გიცნობ, შენ როგორიც ხარ;

რასაცა მაისმენ,

წამზედ ვერ მაითმენ,

მაშინვე იტყვი.

258

აღექ, წავიდეთ, ნუდარა სტირი,
შენ დაიბანე ხელი და პირი.

ჩვენ მიგველიან

ერითურთ მდვდელიან

ქორწილად სხდომას.“

259

წამოაყენა და წარიყვანა,
საჩქაროდ ცრემლი მან მაიბანა.

მივიდნენ ქორწილად;

მაყარს ხრმალ-მოწვდილად

შეასწრა თვალი.

260

ცოლმან ქმარს უთხრა: „აგერ სიკვდილი,
როგორ მზად გვიდგას ხრმალ-ამოწვდილი!

გეჭვ, შენ ვერა ხედავ,

შენ მისოვისა ბედავ

აქ შექცევასა.“

261

მას კაცს უპანვე გაექცა ცოლი,

145

ქმარი უძახდა უკან გამყოლი:
„რამ გარდაგრიაო,
ეს მაყარიაო
ხმალ-ამოწვდილი“.

262

ცოლმა ქმარს უთხრა, „წავალო შინა,
ვინც უნდა იყოს, მან შემაშინა,
გული მიღონდება.
სულ ის მაგონდება,
რაც ნახე სიზმრად“.

263

კაცი მობრუნდა, გულს მიხვდა წყენა;
თვისი სიდედრი გამოუყენა.
დედამ ჩაგონა,
იქავ მაიყონა
ის დედაკაცი.

264

დასხდენ სადილად ჩირდილოთ ქვეშ გრილად,
მოყვნენ ლხინს წყნარად, დვინის სმას წვრილად.
შადა შაპარეს,
სევდა განაქარვეს
მგლოვიარეთა.

265

გამართეს ლხინი ზმითა, შაირით,
გალობით, მღერით, ჩანგით, დაირით;
ფუნდრუკ-ხუნტრუცებით
ქალ-ვაჟნი ხუცებით
იქმოდენ სამას.

266

ოდეს ახადეს ქალს პირბადია,
პირთ სანახავად ვერცხლის ბადია,
ოთხის წლის ჭედილი,
რქებ თქროთ ჭედილი,
მიართვა კაცმან.

267

ადგა, წავიდა მალვით მუნ კაცი,
სადაც შეტჭმოდათ ქალ-ყრმათა ქაცვი,
მან გათიბა მოლი,
მათი დასაწოლი
მუნ განამზადა.

268

როცა დრო იყო, წაუძღვა წინა,
ორივ საძილოდ იქ დანაწვინა.
მდადი, ძმა, მაყარი
არ იყვნენ გამყარი,
გვერთ უდგნენ მცველად.

269

მან მეფემ ციხეს აღარ ახანა,
თავს წანაყვირა ნაღარა-ხანა;
სტყორცნა ზარბაზანი,
გაუხდა ზათქანი,
დაჩეხა კარი!

146

270

ის ზარბაზანი რომ მან დასცალა,
მაგდენი ხანი აღარ აცალა;
ხელახლა გატენა,
განიშნა კართკენა
ზარბაზნის ტუჩი.

271

დაადგა ცეცხლი. რა შაიფეთქა,
გასტყვრა, გაუხვდა ზემო თავს ხეთქა.
ღმერთმანი აუწვა,
რასაც წამს დაუწვა,
მუცელ-ქმნულ შექმნა.

272

ის გოგო ჩემზედ გახდა ორსული,
რა დრო შეიქმნა შობად მოსული,
მე ვიშევ; სახელად
მათ დასაძახელად
მარჯვეს „ქაცვია“.

ე.მწყემსისაბან იმ ქალის უკანვე ბაბრუება და
ბაჟრისათვის სიმუშხარე და ჭირილი მწყემსისაბან

273

თქვა მწყემსმან: „ვთქვათ, რომ კაცი დაგქრთამოთ,
მას მიეცეთ ვერცხლი, ვასოთ, ვაჭამოთ,
იმით დაგიფაროთ,
რაც რამ მოვიპაროთ,
იმისგან მოვრჩეთ.

274

ვინც რომ არც სმითა, არცა ჭამითა
არ მოიგების მისებრ ქრთამითა
იმას რადა უყოთ,
პირი რით დაუყოთ
რომ დაგვიფაროს?!”

275

ქალმან მწყემსს კითხა: „ვინ არს აგეთი,
რომ არ მიიღოს მან ს[ა]მში ერთი:
ვერც მოვიგოთ ქრთამით,
ვერც სმითა და ჭამით?”
მწყემსმან თქვა: „ღმერთი!

276

დვთისა მეშინის, ჯერ ყრმა ვარ წმინდა,
მას ვეკრძალვი, თუმცა რომ მინდა;
მიშითა, ძრწოლითა
შენთანა წოლითა
ჯერ ვერ ვიხარებ!

277

წადი, სადაც გყავს შენ მეგობარი,
ნუ შეიქნები მათი მგმობარი!
პირობით იყავით,
ნაპოვნი იყავით,

იყარეთ წილი.

278

თუ ღმერთი ჩემს თავს შენ გარგენს წილად
მშობლით ვიკურთხვით ჩვენ საქორწილად.

შეგირთავ ცოლადა,
გვერთ დასაწოლადა.
ვყოფ სჯულიერად”.

279

ქალმან გაშინჯა, არ იყო ავი:
წამოდგა, მწყემსსა დაუკრა თავი,
მწყემსმა პირს აკოცა,
კარგ სიტყვით დალოცა
და გაისტუმრა.

280

წავიდა ქალი, გზას განეშურა.
დასაღამოვდა, მზეც ჩაეწურა.
სიდამეც მოვიდა,
იქითვე წავიდა
სირბილ-ძუნძულით.

281

მწყემსმან იფიქრა, მეტად შეწუხდა.
თვალნი საწვიმრად მას აუქუხდა:
თქვა: ჭკვა წამივიდა,
ეს რა მამივიდა,
რამ დამაბნელა!

282

ასე შევიქენ უცოდინარი,
გერ მოვიფიქრე სამჯობინარი.
გაუშინჯავადა,
საქმე ვქენ ავადა
აჩქარებულად!

283

ღვთისა წყალობა განვაგდე ბედი,
ხლოს მოსული შორით მორბედი.
მე ბედი და წერა
შევიფერე ვერა,
განვაგდე ნებით.

284

ჩემის გაყრისა არ იყო მწადი,
მე კი მიუთხარ, „უკანვე წადი“.
ჭალას უდაბურში
მარტოკა გაუშვი
მე საყვარელი!

285

რად საცხოვარი არცად გავყარე,
მას თან არ გავყევ, რად გავეყარე,
ეს რად არა ვქენი,
რასთვის შევიქენი
ასე უცები?

286

ვიქმენ ზარმაცად, დაძვრა დამზარდა,
მას თან არ გავყევ, საცა დამგზავრდა

გავხადე ოხრადა,
საკვნეს-საოხრადა,
ჩემ სატირლადა.

287

ვამეთუ ღმერთმან მე ეს მიწყინოს,
მე დასაწვავად ის აღმიტყინოს,
რომ ჩემი ტრფიალი
გავხადე ტიალი,
მე განვეშორე!

288

ხორცს ვესათნოე მცონარებითა,
სულს კი არ გავყვ უკან რებითა,
შევიქენ უდებად.
სახმილთა უდებად
ვით გარდავრჩები?

289

ვამე თუ, სულო, გისწრას დამემა
და შეგაშინოს გზაზედ რამემა!
დაგიხვდეს გზის მცველი,
ავაზაპ, მზირ-მძარცველი,
არ გყვანდეს მშველი!

290

ვამე, თუ, სულო, ღვიძესა ბნელსა
ჩავარდე სადმე შენ ხნარცვსა მნელსა,
ხვეწო შენს მხსნელსა,
შენ აღმომყვანელსა
და არ გისმინოს!

291

გაჯავრებულმან არ გიგდოს ყური,
იძიოს რამე მან შენზედ შური;
აღარ გაგიკითხოს,
საქმე გაგიკიცხოს,
ნიშნიც მოგიგოს.

292

ვამე თუ, სულო, გიყარონ წილი,
სხვას ვისმე ერგოს შენზედ ქორწილი!
შევიქნა მე წბილი.
შენ, — სული მე ტკბილი —
მით დამეკარგო?!

293

შენ ასეთს ვისმე ხელთ ჩაუვარდე,
რომ იმას გულით შენ არ უყვარდე.
მან არა გახაროს,
ჩაგაგდოს დრმა ხაროს,
მოგიდვას ცეცხლი.

294

ვამე თუ, სულო, არ გაჰქვნდეს მადლი;
მრუდად მეხმაროს კოდ-სასწორ-ადლი,
მან გზა აგირიოს,
ცოდვა მოგირიოს
ჩემს ნაქნარს მადლსა!

295

ვამე თუ, სულო, არ მოგიწონონ!
ჩემგნით მოწყული, რაც მოგიწონონ!
ცოდვამან დასძლიოს,
სახმილს მიგაძლიოს,
დაუშრებელსა.

296

ვამე თუ, ხორციც, არ დარჩეს მთელი,
მოკვდეს, დაუდგეს თვალთა ნათელი;
ყურებითა სმენა,
სასაუბროდ ენა,
მას მოეშალოს.

297

ვამე თუ, ხორციც უძრავად, ტანი
გახდეს ვანიდამ მალ გასატანი
აყროლდეს, ასუნდეს
საყვარელს არ სურდეს,
მისიდა ჭვრება.

298

აღარა იამოს დასანახავად,
მალე წაიღოს დასამარხავად;
მიწას მიაბაროს,
მინიჩბ-მიაბაროს
და გამობრუნდეს.

299

ვამე თუ, ხორციც შეჭამოს მგელმან,
ანუ მიწაში მატლმან და გველმან.
რად ვქენ საძაგელმან,
საწვავ-სადაგელმან,
არ გავყევ სულსა!

300

ხორცს გვერთ დაუდექ ტიალად სული;
მშივრად გაუშვი შორს გზას წასული,
არ გაყვა საგძალი,
ექმნების რა ძალი
სიარულისა?

301

ვამე თუ, სულო, შენა გციოდეს,
ანუ გწყუროდეს, ანუ გშიოდეს;
ან რამე გტკიოდეს,
მით ცრემლი გდიოდეს,
ჩემგნით გულს გაკლდეს!

302

დმერთო, ნუ მიზამ ცოდვის პასუხსა,
ნურას მომიշლენ საქმეს საწუხსა;
შენ, ჩემო გამჩენო,
მომკვლელო, დამრჩენო
შენ გეაჯები!

303

იესოს ქრისტეს, დმერთს მაცხოვარსა,
თაყვანს გცემ და გთხოვ ამ სათხოვარსა:
იმ ჩემს საწყალს სულსა,
შორს გზას წასულსა,

შენ მაეხმარე!

304

მას ჩემს საყვარელს, ღმერთო, მოყვარე;
დავშორებულვარ, აწ შამამყარე

გულითა მართლითა,

პირითა ნათლითა

შეურცხვენელად!

კქალის მშვიდობით მისვლა თავის
ამხანაგებთან და ნაპოვნზედ წილის ყრა

305

ქალი მივიდა, სად ყვავილს ჰკრეფდენ
არ წასულიყვნენ, მას ქალს ეძებდენ
მოსთქმიდენ, ტიროდენ,
ხმა-მაღლა ყვიროდენ,
სახელს უძახდენ.

306

მირბოდა ქალი, შორიდამ ნახეს,
აგერ მოვაო, მათ დაიძახეს.
იმათ გაუხარდათ,
დიდათა უყვარდათ
მათ ერთმანერთი.

307

მივიდა პკითხეს: „სად გაიპარე,
ამდენს ხანს პირი რად დაიფარე?”
თქვა: „ყვავილო საკრეფლად,
კარგისა საძებრად
გავყევ ჭალასა”

308

როგორც შორიდამ სტვირთა ხმა ესმა,
ან რაც ამბავი მას უთხრა მწყემსმა,
თავთ გარდასავალი,
ვითარ ვლო სავალი,
მიუთხრა ყველა.

309

მათ პრქვეს: „გვეგონა, გიკბინა გველმან,
ანუ შეგჭამა დათვმა და მგელმან;
გსტიროდით, გსჩიოდით,
ტყეში დავსდიოდით,
შენ დაგეძებდით.

310

შენს ძებნაშია ვპოვეთ მუტრუკი,
გასუქებული კარგი ტუტრუკი:
ხვალ ჩვენ წილი ვყაროთ,
ერთადა შევყაროთ,
ვინც რამე ვპოვეთ”.

311

მეორეს დდესა წილთა საყრელად
ცხვარი გარეკეს ჭალითგან ველად;
ჯვარედინთა გზათა

წილს იქმოდენ მზათა
უცხოს მგზავრთათვის.

312

მწყემსის მაგიარ ჯოხი დანასვეს,
ქუიდ დახურეს, ჩოხა ჩააცვეს;
მათ თვალთა სამხელად
უწოდეს სახელად
„ქაცვია-მწყემსი“

313

ზედ გამოაბეს ნაპოვნი ვირი,
მას აოუდვეს პირში ადვირი.
თვით განდგნენ განზედა,
ჯვარედინს გზაზედა
დანაწყვეს წილი.

314

ვისაც ეპოვნა სულ არაფერი,
მან წილად დადვა კოჭბითა ფერი;
მუტრუკის მპოვნელმან
წილში გამოხოვნელმან
ტარ-კვირისტავი

315

მან ქალმან დადვა ნემსი და ძაფი,
გარდაზღიულოდა თავს ოფლის ქაფი
ქნა შიშით კანკალი,
თქვა: „დმერთო, მამკალი,
თუ სხვას ხვდეს მწყემსი.

316

ღმერთო მომხედე მე უბადრუკსა!
მწყემსის სანაცლოდ ვირის მუტრუკსა
ნუ მარგენ წილადა
მე გასაწბილადა,
არგინე სხვასა!

317

არ განვაშორებ შენს უდელს ქედსა,
ოდონდ ნუ გამყრი მას ჩემსა ბედსა,
მე იმისთვის ხელსა
გულს სახმილსა ცხელსა
ნუ მამიკიდებ!

318

სადაც რომ იყოს ის ჩემი სული,
იყოს დაფარულ შენგნით დაცული;
საცა იყოს ბნელი,
გასაძლისი ძნელი,
მას განაშორე!

319

ქალებმა შორით შეასწრეს თვალი,
ნახეს, რომ მგზავრი არს მამაგალი;
გარდაუდგნენ წინა,
წილის ყრისათვინა
დაუკრეს თავი.

320

მოვიდა კაცი ჭკვათამყოფელი;

პეითხა: „რა გაქვსთო გასაყოფელი?“
ქალთა ჯოხი ცმული,
ვირი ზად დამბული,
აჩვენეს კაცსა.

321

უთხრეს: „ჯოხზედ რომ ჩოხა აცვია,
სახელად პქვია „მწყემსი ქაცვია“
ვირი ხომ ვირია,
უძეს აღვირია,
ორივ ჩანს თვალით“.

322

კაცმან ქალთ უთხრა: „წადით სამთავე,
ერთად დანიშნეთ ჩხირნი საცნავე;
ქუდშიგან ჩაყარეთ,
თვალთ ხელი მაფარეთ.
მე კი ამოვკრეფ“

323

ქალებმა უთხრეს: „მზათა გვიწყვია,
შენ ხომ დაწყობა არ შეგიტყვია?
თვალთ რად დაიფარავთ,
ხომ არ მაიპარავთ,
გვიცნობ ვერც ერთსა“.

324

მან ცარიალი ქაღალი ხელთა
ქალთ მისცა, უთხრა: „წილთა საყრელთა
ნიშნებზედ მოუსვით,
ხანი გამოუშვით
მუნ ერთი წუთი.

325

რაც მაგ ქაღალდზედ დაიწერება,
თქვენგნით ის უფრო დაიჯერება.
ვის რა ეფერების,
მაში ეწერების,
აქ მომიტანეთ.

326

მე წავიკითხავ, თქვენ გაიგონეთ;
გინდ დაიწუნეთ, გინდ მაიწონეთ“.
ხმა ვერ ამოიდეს,
ქაღალდი წაიდეს
სამთავ ქალებმან.

327

თავიანთ ნიშნებს ზედა მოუსვეს
ცოტა რამ ხანი მათ მაგოუშვეს.
ქაღალ[დ]ზედ დააჩნდა
ბეჭდისებრ დაასხდა
მათი ნიშნები.

328

კაცს მოუტანეს წერილი ქალთა.
კაცმან გაშალა თავისი კალთა,
უთხრა, დადევითო,
გური უგდევითო.
აიდო ხელთა.

329

„ცარიალს ქადალდს თქვენს ხელში ნაჭერს
ზედ ეტყობიან, თქვენც ხედავთ ნაწერს;
უგდევით ყურია,
არ გმართებთ შურია
ერთმანერთისა.

330

ვისიც წილად ძეს მუნ კოჭბით ფერი,
მან ქმარი ძებნოს თვისი საფერი!
თუ ვერა იპოვნოს,
მან სული იცხოვნოს,
ქმნას მოლოზნობა.

331

ვისიც წილად ძესტარ-კვირისტავი,
იმისი იყოს ტან, ვირის თავი.
ასე ამბობს მწერი:
„მას შეუსხდეს მწერი,
ოდეს ზედ შეჯდეს“.

332

ვისიც წილად ძეს ძაფი და ნემსი,
იმისი იყოს „ქაცვია მწყემსი“,
უწოდოს აქ მასა,
ნუ გასტებ აღთქმასა,
რაც ღმერთს აღუთქა!

333

ნახეთ ცოლ-ქმრობის ბიდი და წერა,
საფერს საფერი როგორ აფერა
მათ შუვამავალი
არ ყვანდათ მრავალი,
თვით ხვდნენ ერთმანეთს.

ზ. ქაცია-მღვემსისაბან მამასთან მოციქულის
ბაბზავნა და ცოლის შერთვისა დასტურისა და
მამობრივის პურთხევის თხოვნა და მამისაბან
პურთხევა

334

ოდეს ქაცვიამ ამბავი წვრილად
შეიტყო, ქალი მას ერგო წილად,
გულითა ლმობილად, ხელთა აღპყრობილად
მაღლობდა ღმერთსა.

335

მამასთან გზავნა მან მოციქული:
„კაცი შევქნილვარ მე მოწიფული,

გთხოვ, კურთხევას მამურს; ცოლის შერთვის
დასტურს
თუ დამცემთ, დრო არს“.

336

მამამ უბრძანა: „ცოლის შერთვისა
ჯერ დრო არა გაქვს, იყავ შენოვისა;
შენ ხარ ოცი წლისა, ვერ გიზამ ქორწილსა
მე შენ უდროოდ“.

337

შვილმან მიუგო: „ერთს სიტყვას ვიტყვი—
გთხოვ, არ მიწოდო მე მისთვის ბრიყვი—
შენ ქენ სამართალი სწორე და მართალი,
ნუ სჯი თვალდებით“.

338

შვილმან დაუწეო მამასა პჭობა,
„რად არ გახსოვნსო შენი ბიჭობა,
ჩხიკვ-შაშვ და დიჭობა, ქაცვ ნაცვთა მირჭობა,
წელთ თექვსმეტობა?!“

339

შენ რატომა ქენ, რად მაიხდინე,
თექვსმეტი წლისამ რაც ჩაიდინე?
საცოლო აცდინე, ნაცს სისხლი ადინე
ეპალზედ ხევით.

340

ბევრი გეხვეწა და არ ისმინე,
ასე გახურდი, ვერ დაითმინე!
მე როგორ გისმინო და როგორ ვითმინო
ოცი წლისამა?!”

341

თავი დაუკრა მძიმედ მამასა:
„შენ ნუ იწყენო, რაც ვსოდე, ამასა;
მე ვსოდე ხუმრობითა, არა გულწყრომითა,
რაც მოგახსენე“.

342

მამამ უბრძანა: „შენ შვილო ჩემო,
შენ მაგისთვისა მე არა გცემო;
არ არის ჭორია, სუყველა სწორია
შენი ნათქვამი.

343

ნუ გეშის, შვილო, წამოდექ ახლო,
გლოცო, გაკურთხო, თავს ხელი გახლო!“
შვილმან ხელს აკოცა, მამამან დალოცა
ამ სიტყვებითა:

344

„ღმერთმან გაკურთხოს დამბადებელმან,
ცათა და ქვეყნის ამაგებლმან;
გიწვიმოს ციერი, არა გქმნას მშიერი
პურ-ლვინით, ზეთით!

345

ესრეთ მოგრიოს შენ შენთა მტერთა,
ვით ერეოდეს ქარი ბზეთ, მტვერთა;
მამამან და ძემან, ვით დედისა სძემან
გზარდა, მან გზარდოს!

346

სულმან წმინდამან დაგცოს, დაგფაროს,
გიძღვეს, სიმართლის გზაზედ გატაროს:
კაი ბედს შეგყაროს, საყვარელს გაყვაროს,
გულით გახაროს!

347

ცოლი მოგცეს და ასულნი,ძენი,

გითა სოლ[ო]მან, ჭკვიანი, ბრძენი;
მისებრ გაგამდიდროს, მკვიდრად დაგამკვიდროს
სახლით და კარით.

348

ლმერთმან გაცოცოცხლოს მრავალი წელი,
მაგრად გიმუოფოს ზურგი და წელი;
არ შეგვაროს სენი, ძნელად მოსასვენი,
გამყოფოს მთლადა.

349

ყმა მოგცეს ბევრი, გლეხი, მდაბიო,
გამონოს ნებით, რომ არ არბიო;
გქმნას კეთილ მსაჯულად, არვინ ყოს ტანჯულად
უსამართლობით.

350

ლმერთმან აღგავსოს გარდამეტებით,
ცხვრით, ძროხით, ქათმით, იხვ-ტრედ-ბატებით;
გიმრავლოს დორები, აქლემნი, ჯორები,
ეტლებ-უნები.

351

სააქაოსა გახაროს გულით,
საიქიოსა გაცხოვნოს სულით!..“
რა ესრეთ დალოცა, თავზედა აკოცა,
ესრეთ უბრძანა:

352

„წამოდეგ, შვილო, აიდე თავი,
ძებნე, მონახე შენ შესართავი;
აღახილე თვალი და მონახე ქალი
შენად საცოლოდ“.

ც. მამისაბან რჩება და ჩვენება, 01 რობორ[0]
ცოლი შეირთოს

353

შვილო, მონახე ქალი ასეთი.
ჭეშმარიტებით სწამდეს მას ლმერთი.
მოიყიდე კაცი, გინა დედაკაცი,
მას აძებნინე.

354

ერიდე კახპას, ურცხვს, ლოთს და კაპას[ს],
თორემ გიგინებს დედ-მამას, პაპას;
მალ-მალ გიზამს ჩხუბსა, გაიმახვავს შუბსა,
გაძგერებს გულსა.

355

გაქვს, თუ არა გაქვს, არ გაგიკითხავს;
გატყვის: „არ მაცმევ შაიდიშო ნიფხავს!
მოგიდებს ყისტებსა, წამოგკრავს ქიშტებსა,
ჩაგამტვრევს ცხვირ-პირს“.

356

ანხელი და ურცხვი, თუ არის მრუში,
ზედ შემოგჯდების, თუ ხელით უშვი;
მოგიდებს მიზეზებს, შემოგკრავს მით დეზებს,
დაგიჩხვლებს გვერდებს.

357

საითაც უნდა, იქითკენ წარებს,
გარდმოგიჭირებს მათრახებს მწარებს;
აგიდებს აღვირებს, გატირებს, გაყვირებს,
ისე გატარებს.

358

თუ ცოლს მიეცი ქმარზედ უფლება
ქმარი ლიაში უკუკვლება;
გაისვრება ლაფით, მის ჭუჭყს საპნის ქაფით
ვეღარავინ გარეცხს.

359

ისო ზირაქში ბრძენმან დასწერა
დედაკაცისა პყრობა და ჭერა;
კარ-გვარად ქადაგებს, აქებს და აძაგებს
ისუ დედაკაცო.

360

უმჯობეს არსო ლომთ-ვეშაპთანა,
ვიდრე ბოროტის დედაკაცთანა.
კაცისა ცხოვრებას, ასე განშორებას
გვაუწყებს ისუ.

361

ნუ გსურს ლამაზი პირ-სირინიზი,
არას გაამებს, თუ არის ბოზი.
ბევრი ყავს მას მტერი, მდევნელი და მჟერი,
მახის დამრწყმელი.

362

ძნელია, მცველმან ის ასე დაცოს,
რომ მტაცებელმან არ წარიტაცოს;
მზირს უდგას მპარავი, ვერ შესძლებს მფარავი
მის სიფრთხილესა.

363

რაგინდ რომ მცველი იკრთობდეს ძილსა,
მაინც ვერ შესძლებს ბევრსა დვიძილსა;
რა რომ თვალს დახუჭავს, მას მტერი აბუჭავს
ძალით თუ ნებით.

364

თვით ქალსა მართებს, რომ თავი დაცოს,
ქმარს თავი თვისი არცად წარტაცოს;
არ განშორდეს მფარავს, არ მიეცეს მპარავს
თავისის ნებით.

365

თუ ქალმან თავი თვითონ არ დაცო,
რამდენიც უნდა შენ იმამაცო,
ვერ შესძლებ დაცვასა, თუ შეიქს ტაცვასა
თვით თავსა თვისსა.

366

ბოზი ლამაზი ბევრს კაცსა აცდენს;
როგორც რომ უნდა, ისრე მოახდენს,
მოსთხრის კაცს, წაახდენს, მცნებას გარდაახდენს,
მოჰკლავს და წარსწყმენდს.

367

თუმცა შეადგა ლამაზი ბოზი,

ძნელად გარდურჩეს კათალიკოზი,
რომ არა აცდინოს და გარდახდინოს
სჯულსა და წესსა.

368

ნუ გინდა ბოზი, ანჩხლი და ლოთი,
თუ არ გინდოდეს შენს სახლში შფოთი;
ამათა ზდევს ჩეუბი, ხელო ხმალი და შუბი
უჭირავთ მზათა.

369

ნუ გსურს ქალთ ქმრობა შავ თვალ-წარბისა,
რომლისაც გული სხვასთან წარბისა;
შეგიყრის მარაქას, წაგართმევს ბარაქას
სახლსა და კარსა.

370

თუ ქალსა თვისი ქმარი არ უყვარს,
გარდივით ფშვიდეს, იტყვის: „ფუ, სულ ყარს!“
იზიზდებს მიდგომას და ახლოს მიჯდომას
თავის ქმრისასა.

371

ქმრის მოღალატე თუნდა ქმართან წევს,
რომელიც უყვარს, გული მასთან სწევს;
ქმარს ახსენებს არად, კუროს კაის გვარად
მიაჰყრობს პატივს.

372

ქმარს რომ უნდოდეს მასთან მიღება,
ეტყვის: „დამეხსენ, მე არ მინდება“
მალგითა, ფარვითა, ქურდულად პარვითა
უცხოს კი მისცემს.

373

ქმართან პირზედა წყალს არ შეისხამს,
კუროს რომ ნახავს, ხალებსაც ისხამს;
ქმართან პირს ატირებს, მყვართან ლხინს გაპირებს:
ორგულიბს ასრე!

374

ქმართანა შეიქს ტირილ-წუწუნსა,
და კუროსთანა სტვენა-წრუწუნსა
ქმარს მიიჩნევს ჭირად, კუროს მისაჭირად
თავსა შაირცხენს.

375

ქმარს თავზედ საბანს გადააფარებს
ხელს კუროსაკენ გარდააპარებს;
ქმარსა ენით ტიტინს, კუროს ხელით ღიტინს
დაუწყებს მალგით.

376

რომელიც ქალი ქმარს სხვაზედ გასცვლის,
საუნჯისაგან თავის სახლს დასცვლის;
გახდების შიშველი, წახდების, მიმშველი
ვედარვინ შემოსს.

377

მასწავლელს დამშლელს ვედარ ითავსებს,
ვინც თვითონ უნდა, სახლს იმით ავსებს;
სახლს მოსთხრის, დაავსებს, დასტაქნებს დაავსებს

ღვინით, სხვათ ასმევს.

378

თავის ქმარს უზამს ასეთს ხუმარსა,
არ გამოუწყვეტს სახლში სტუმარსა.
კუროს სიყვარულით, მისის სიხარულით
მასპინძლობს მალ-მალ.

379

ცრუგსა და მავნეს სუჟველას დასხამს,
არაყს და ღვინოს წყალსავით ასხამს;
არას უგდებს ყურსა, ღვინოსა და პურსა
სახლში გამოსწყვეტს.

380

კუროს უმზადებს კარგსა სადილსა;
და აღუსრულებს გულის წადილსა;
ღვინოს ასმევს წყლურად, ქმარს გაუხდის წყლულად
სულსა და გულსა.

381

კუროს მიარომევს ქადა-ნაზუქებს,
გატენილს ყვერულს, კარგად ნასუქებს;
როცა სადილს აჭმევს, ყავა-ჩაის ასმევს
ხილსაც მიარომევს.

382

მალ-მალ მიარომევს არაყ-ღვინოსა,
უნდა, რომ კურომ გაუდიმოსა;
მალვით უზამს თვალსა: „შენ მოხოვ რასაც ვალსა,
მოგარომევ მალე!“

383

აყურებინებს ქმარსა საწყალსა;
სწყურის, არ ასმევს მას ცვარსა წყალსა.
შიან, შესთხოვს პურსა, არას უგდებს ყურსა,—
მყვართან აქვს გული.

384

ქმარს ეტყვის: „ადექ აიღე წალდი
და შეშისათვის ტყეშიგან წადი;
გამოგიცხო მჭადი, გიქმნა შეჭამადი
ჭინჭრის ფუშრუკი“.

385

როდესაც რომე ქმარს გაიტყუებს,
ქვეშაგებს გაშლის, ბალიშებს, ყუვებს;
მყვარს მოკიდებს ხელსა, მოეხვევის ყელსა,
ჩაკოცნის ტკბილად.

386

უკუწვებიან რბილად შტაქუნსა
და მოყვებიან ჩქარად ქაქუნსა;
საბრალოს ქმარს ქვეშა მიწა, ქვა და შეშა
ეგების ხმელად.

387

შეირთევ, შვილო, ცოლი ასეთი,
ეს საქმე სჭირდეს იმას არც ერთი;
ერიდე ამასა, მისმინე მამასა
ეს რჩევა, შვილო!

388

ქალს ნუ უგარეოფ თვალად ნასობით,
ნუ გწადს სიცოცხლე წელთა ასობით.
ოღონც ფხიზლად ვლიდეს, ქმარს არ სხვაზედ სცვლიდეს,
არ იყოს ანჩხლი.

389

ამგვარი ცოლი არ გიორგულებს,
გაუფრთხილდების შენს ბადში რგულებს;
დასცავს, დაიფარავს, არას მაიპარავს
შენს საქონელსა.

390

სახლ-კარს მიუგდებს თვალსა და ყურსა,
ბარაქას დასდებს ლვინოს და პურსა.
თუ მიიჩნევ ტკბილად, არც ის გაგიხდის წბილად,
არ გაგცვლის სხვაზედ.

391

ერთმანერთისა გულმინდობილად
ძილი, ღვიძილი გექნებისთ ტკბილად.
ქვეშ დაგიგებს რბილად, ზედ დაგხურავს თბილად,
დაგაწვენს ძილად.

392

არავინ წაგართმევს შენ იმას ძალით,
არცა მოგპარავს მას ქურდი მალვით
არ გექნების შიში, მისთვის კვნესა, ვიში,
არც არა ფიქრი.

393

თუ კაცს არა აქვს მართალი ძილი,
სიკვდილი არის მისთვის ღვიძილი;
გარდების გონებას, დაიწყებს ღონებას,
წაიღებს ფიქრი.

394

თუ კაცი რასმე საოხრავს ოხრავს,
თავისის ტანის ძვალებს გამოხრავს;
ბევრისა ურვითა, შვიდითა თუ რვითა,
დანამჭლობს ხორცსა.

395

კაცი მიმყოლი სევდა-ფიქრისა
სიკვდილისაკენ ქართებრ მიქრისა:
ფიქრი არ ასვენებს, აუშლის ავს სენებს,
დანასნეულებს.

396

ჯავრი უდროოდ კაცს დანაბერებს,
ასეთს ლახვარსა გულს დანაგერებს;
მასაც არ აჯერებს, მოჰკლავს, არ აბერებს
მეტი ნაღველი.

397

რაკი დამეხავს ელვა-ქუხილი,
დაისეტყვების ყანა თუ ხილი,
რას არგებს წებილი? მკვდარ-თვალ-დაწუხილი
ვეღარ ადგების.

398

ლამაზის ცოლის პატრონი კაცი
არს ფიქრისაგან შორს წარნატაცი,

მისთვის შიშნეულობს და მისთვის სნეულობს,
შინ არს, თუ გარეთ.

399

ფიქრობს: ვაი, თუ დედალი ჭრელი
ვიდოდეს სადმე ფრთა-დაუჭრელი;
ჩემთან კი ბუდობდეს, სხვათა კვერცხს უდებდეს,
მე კი ვკვებევდე!!

400

იტყვის: ვაი, თუ გაფრინდეს შორსა,
თავისის ნებით მიეცეს ქორსა;
იმან ითვალტვინოს, მე კი ამადრტვინოს
მისის ნაღვლითა!

401

იტყვის: ვაი, თუ ეს მინა ჩემი
იყოს ვისიმე სხვის მინაჩემი;
შიგ ასხას მან წყალი, დამაგდოს საწყალი
მე უჭურჭლოდა.

402

იტყვის: ვაი, თუ ეს ჩემი ცოლი
ავის საქმისა იყოს გამყოლი;
მე არა უყვარდე, საყნოსლად უყარდე,
სხვასა სუნევდეს!

403

რა არს ლამაზი დედალი ჭრელი
თუ კი არ უყვარს საკენკის მერელი?
რა ხელი ეყრების, მასამც შაეყრების
ხრინწ-წიტ-წიწაკი!

404

შენ გეყოლების შავი დედალი,
შენს საქათმოში კვერცხის მდებალი;
ამას იტყვის ქურდი: „შავია და ცუდი,
რათ მოვიპარო?“

405

შენს კარ-მიდამო შეიქს კაკანსა,
მოგარომევს კვერცხით სავეს ბაკანსა,
გიჩექს წიწილებსა, გიზრდის წვრილს შვილებსა,
სხვა რაღა გინდა!

10. სრავლა მამისაბან, რომ თვალის ნდომას
გული არ მიაყოლოს

406

თუ კაცსა გული არა აქვს მთელი,
ცუდია მისთვის თვალთა ნათელი.
სჯობს, თვალი დაწუხედეს, გული კი არ წუხედეს
კაცისა სევდით.

407

სიბრძე უდროოდ კაცს არ აბერებს,
თუ გული მთლად აქვს, კიდეც ამდერებს!
თუ გულს რამ ეწყინა, სატბენი ეტყინა,
მალე მოკვდების.

408

რადგან გულით არს სიცოცხლე, კდომა,
სჯობს, გულს უსრულო, არ თვალთა ნდომა;
ნუ ზდევ თვალთა ნდომასა, გულთა წახდომასა,
გული სჯობს თვალთა

409

თვალთა სიამოვნე არს ერთი წამი,
გულთა სიამოვნე-მრავალი ჟამი.
თვალთა ნამუშაკევი არს ნაეშმაკევი
გონება ლვთისა.

410

თვალი შორს წავა; რასაცა ნახავს,
ამბავს მოუტანს, გულთანა ძრახავს;
რასაც მაიწონებს, გულში გაიწონებს
ნდომის ლახვარსა.

411

რასაც კარგს ნახავს, გულს მოუნდება,
თუ ვერ იშოვნა, მით აჭმუნდება:
დაიწყებს ლონებას, ჯ[ა]გრს მისცემს გონებას,
წაიხდენს თავსა.

412

ნახა, კაცისა გული მოკვდება,
ყოველი ასო სულ თან გ[ა]პყვება.
თვალი არს მცდენელი, კაცთა წამხდენელი,
შემასმენელი.

413

რადგან თვალებსა არ აქვს დანდობა,
არც ძმობა გვმართებს და არცა დობა,
ჩვენთა თვალებისა გზისა-კვალებისა
მიღევნ-მიყოლა.

414

თვალთა ნდომამა ევა აცდინა,
ლვთისა მცნებასა გარდაახდინა,
ეშმაკო თქმა ისმინა, გულით ვერ ითმინა
უთვალობანი.

415

ოდეს ადამ ბრმად დმერთმან დაბადა,
ნათელი ეცვა ტანთა კაბადა.
იყო გონებითა, არ დაღონებითა
ტანთ საცმელთათვის

416

არას ზრუნავდა, ეძინა ტკბილად.
ლმერთმან ამოსჭრა მას გვერდი რბილად,-
ადამ იყო კაცად, ევა დედაკაცად
უქმნა გვერდითა.

417

ევაც ბრმა იყო ადამის მზგავსად,
ადამის შემწედ და მისათავსად.
დასხენა სამოთხესა, არა სამს-ოთხს ხესა
მრავალთა ხილთა.

418

ლმერთმან უბრძანა ადამს და ევას:
„თქვენ ნუ დაუწყებთ მას ერთს ხეს რხევას!

სხვა რაც ხილი იყოს, ყველა თქვენი იყოს,
იმას კი ნუ შჭამთ.

419

ნუ იმ ხილს თქვენ შჭამთ, მისგან მოჰკვდებით;
როგორც იყავთ, ისევ გახდებით.
ნუ გასტეხო მცნებასა, თქვენ ჩემს ბრძანებასა
ზედა დადექით!“

420

გველმან ეშმაკმან მიუთხრა ევას:
„მე მოგითხრობო შენ კაის რჩევას;
ვერა ჰერდავ შენა, როგორ დანაშვენა
ღმეობან სამოთხე?!

421

სიმშვენიერე სამოთხის ხილთა,
ანუ მფრინველთა ტკბილად ძახილთა
არ ითქმის ენითა, ვერ გასმენს სმენითა,
არ ძალმიც ქება!

422

რასაც ხის დაცვას გეტყოდათ ღმერთი
იმ ხეს ასხია ხილი ასეთი,
თუ რომ ის შეშჭამე, შენ იმავე წამე
სუსველას ჰნახავ“.

423

ევა სცადა, ჭამა, ხილი იხილა,
ეშმაკის რჩევით თვალი იხილა.
რაც მან თვალით ნახა, გულით ვერ დასახა
ენით სათქმელად.

424

ევამ ჰრქვა ადამს: „ვიხილე თვალი,
სასიარულოდ ვსცან გზა და კვალი;
განვაგდე მე ძნელი აწ დამე მე ბნელი,
დღე გამითენდა!“

425

ადამ ჰრქვა ევას: „მითხარო შენა,
თვალთა ნათელი რამ აღგიშენა?“
მიუთხრა ევამა: „იმ ხისა რხევამა,
რომელსაც ვსცევდით.

426

რასაც ხის დაცვა ღმერთმან გვიბრძანა,
ის ხილი გველმან მე მომიტანა.
რა ისი შევჭამე, მაშინვე ერთ წამე
თვალთ ამეხილა.

427

აპა, ის ხილი, შენცა შეშჭ[ა]მე,
დღე განითენე, განაგდე დამე!
—ადამცა შეშჭამა, იმასაც ერთ წამა
თვალთ აღეხილა.

428

რა დაინახეს წითელ-ყვითელი,
შემოეცარცვათ ტანთა ნათელი,
მოუნდათ ლაბადა, ჩაიცვეს კაბადა
ლედვის ფურცელი.

429

ტანთ სიშიშვლეთა ორთავ სრცხვენოდათ,
მოწყენით იქმნენ, არ მოლხენოდათ;
ტანთ სიშიშვლითა, სირცხვილის შიშითა
დაცაიმალნენ.

430

უწოდა ღმერთმან: „ადამ, ადამო!
სად მიმალულხარ? აქ ჩემთან გამო!“
ადამ ხმა-ყო მალე: „შიშით დავიმალე
სიშიშვლის გამო“.

431

პრქვა ღმერთმან ადამს: „რად ხარ მშიშველი?
ვინ გითხრა შენა, რომ ხარ შიშველი,
უკეთუ არ შჭამე, რომლისა გამცენ მე
მხოლო არ ჭამა?

432

ადამ მიუგო: „რომელიც მამე
შენ დედაკაცი, მის სიტყვით ვშჭამე.
ჯერ თვითან შეჭამა, მერე მე მაჭამა
იმ ხილთაგანი“.

433

ღმერთმან დედაკაცს პრქვა: „ჰყავ რასოვინა?“
დედაკაცმან პრქვა: „გველმან მაცდინა
ჭამა იმ ხილისა, მით თვალთ ახილვისა,
გველმან მირჩივა“.

434

პრქვა უგალმან გველს: „რამეთუ ეს ყავ;
ყოვლს პირუტყვო-მხეცოგან წყეული იყავ!
ხვიდოდე მკერდითა მუცელზედ თრევითა,
მიწასა სჭამდე!

435

დედაკაცისა და შენსა შორის,
მისთა თესლთა და შენს თესლთა შორის
დავდვა მე მტრობა, არა პირფერობა
ერთმანერთისა!

436

იგი საკვდავად შენს თავს უმზერდეს,
დასაკრავადა დიდს კეტს უდერდეს:
შენ იმისთა პრჭალთა, მის ვაჟთა თუ ქალთა,
უმზერდე კბენად!

437

დედაკაცსა პრქვა: „განმრავლებითა,
განამრავლე, და მწუხარებითა,
სულთქმითა შენითა, კანესითა, ქშენითა
შვნე შვილნი შენნი!

438

ქმრის მიმართ იყოს მიქცევა შენი!
გეუფლებოდეს შენ ქმარი შენი!
შენ ქმარსა მონებდე, უსმენ-უგონებდე,
რასაც გეტყოდეს!“

439

ხოლო ადამსა პრქვა: „რად მაიხდინე,

შენის ცოლისა სიტყვა ისმინჯ.

და შენა შეშქამე, რომლისა გამცენ მე
მხოლო არ ჭამა?

440

წყაული იყავნ საქმეთა შენთა!
ჭმუნვითა შქამდე ყოველთა დღეთა
თივასა ველისას, ნაოფლსა სველისას
სქამდე პურსა შენს—

441

ვიდრე მიქცევად შენდა მიწადა,
რომლით მოღებულ იქმენ კაცადა;
რამეთუ შენა ხარ მიწა და წყალ-ცეცხლ-ქარ
მიწადცა იქცე!“

442

ნახეთ, თვალთ ნდომამ ამათ რა უყო
უელთ სასიკვდინე გარდაცვა გულყო.
სცანთ, მათ ქნეს სარფა რა, აჭამა ფანფარა
ედემთ ხილთ ნაცვლად.

443

ადამს და ევას ტანთ სამოსელი,
არც აბრეშუმი, არც ბანბა, სელი.—
ნათელი განძარცვა, ტყავფუჩი ტანთ აცვა,
განაძო გარეთ.

444

თვალთ ლამაზთ ნდომამ მრავალი წმინდა
კაცი მოკლა და კიდეც წარწყმინდა;
წარლვნა მოიყვანა, წყლით დანთქა ქვეყანა,
ენა ურივნა.

445

თვალმან გულს ამცნო ცათა შვენება,
გულმან დაუწყო გოდოლს შენება;
ქვეყნითგან ზეცადა მით აღსვლას ეცადა,
ღმერთს აწყენინა.

446

ნუ მისცემ გულზედ უფლებას თვალთა,
თორემ აგირევს გზათა და კვალთა,
წაგიყვანს მრუდადა, გატარებს ცუდადა,
დაგდალავს რებით.

447

თვალი გულის არს წინამძღვარი,
მეტად ხარბი და გაუმაძღარი;
ნდომით არ ამდიდრებს, არცა დანამკვიდრებს
ერთფეროვნებით.

448

კაცს რომ ტანთ ეცვას, არა სციოდეს;
მაძღარი იყოს, არა შიოდეს,—
ფერითა საცმელთა, გემოთი საჭმელთა
სხვას მოანდომებს.

449

ქაცვიამ უთხრა თავის მამასა:
„რაც თქვენ მიბრძანეთ, სრულ ვყოფ ამასა,
არ მივსდევ თვალთ ნდომას, არცა გულთა ცდომას,

ვზდევ ღვთის ნაბრძანებს.

450

რასაც მე ღმერთი სარჩოს მიბოძებს,
სახლ-კართ შეუდგამ სვეტებს, მით ბოძებს;
მე სხვა არვინ ვიცი გულში დანამტკიცი
მაქვს ღვთის მინდობა.

451

მე არ გავიღებ ამაში ფასსა,
არც ლამაზს ვეძებ, არც თვალად ნასსა;
რაც ბედმან მახვდინა და წილში მარგინა,
იმას შევირთავ!

452

მე ერთი ქალი შემხვდა ჭალასა,
არვინ ატანდა მოსვლად ძალასა;
თავისის ნებითა, ვარდთ გვირგვინებითა
ოვიდა ჩემთან.

453

შემომაძლივა ვარდის კონები,
სიტყვა მომიგო მოსაწონები:
„ჰა, შენ ჩემო, ვარდი! შენს ხელთ ჩამოვარდი
შენად საცოლოდ!“

454

არ ჩამოვართვი მის დროსა ვარდი;
უთხარ: უკანვე ქენი ნავარდი,
თუ შენ გერგი წილად, ფიცხლავ საქორწილად
მამას ვსოხოვ დასტურს.

455

ახლა შევიტყვე, სამს ქალს ჩემზედა
წილი უყრიათ წერა-ბედზედა;
მას ქალსა ვრგებივარ, მე მისი ბედი ვარ!
ბედს ვერ წაუვალ“.

456

მამამ შვილს უთხრა: „რას პქვიან ბედი?
როდის და დაგინდობს, საწუთო ყბედი,
შენ ასე გატაროს, რომ არ გაგამწაროს,
რაგინდ ტკბილ იყო?

457

რადგან შენს საქმეს ღმერთზედა აგდებ,
ბედის ხსენებას რად არ განაგდებ?
რას პრქვიან აწ ბედი?—ყრმა ვიყავ, დავბერდი,—
ჯერ ვერ მიცნია

458

შვილო, ყრმა ხარ და თუნდა დაპბერდე,
რაც ღმერთმან მოგცეს, უნდა დასჯერდე;
კარგია თუ ავი, თეთრია თუ შავი,
უნდა ითავსო.

459

შემთხვევითი არს და არა ბედი
წყნარად მავალი, გინდა მორბედი,
რომ წანაწყდეს ლოდსა, გინა ოქროს ზოდსა,
უეცრად კაცი.

460

არ არს არსებით მყოფელი ბედი,
მან მოგცეს რამე,—ნუ გაქვს იმედი!
 მეფეთ სიმაღლისა, გლახათ სიდაბლისა
 სახელ არს ბედი.

461

საწუთროს სოფლის ჟამთა ცვლილობა,—
დღეს შერიგება, ხვალ აშლილობა,
 გლახობა, მეფობა, სიძვირ-იეფობა
 დვთით არს, არ ბედით.

462

კაცს არას არგებს ბედის მინდობა,
დვთის უვარყოფა არ შაენდობა,
 ღმერთს მიანდე[ე]ვ თავი, შენი შესართავი
 იმასა სთხოე.

463

ღმერთმან რისიცა გაგხადოს ღირსი,—
იყოს ბეჭედ დამე, თუ ნათელ დღისი,—
 მიიღე ორივე, მადლობა მოჰრივე
 დვთის ნაბოძებსა.

464

ნუ ემზგავსები უმეცართ ბიჭებს:
ნი მიაჩემებ ბედს დვთისა ნიჭებს.
 დვთისგან შეწყალებას, ჭირს ლხინად ცვალებას
 უწოდენ ბედსა.

465

რაც კაცი უღმრთოდ საქმეს გაბედავს,
დაბრმობილ არს და ვერასა ხედავს;
 ორს პოებს, თუ ერთსა, თუ არ მადლობს ღმერთსა,
 თავსაც დაკარგავს“.

0. ქაცვია მწყემსისაბან პიტევა, 01 ვ 3001არ
 მოყვანა წყლით რღვნა თვალი
 ლამაზო ნდომამა

466

შვილმან პრქვა მამას: „მითხარ, მამაო,
წარლვნა ვითარ ქმნა თვალთ ნდომამაო?
 ასეთი რა ქნაო, ქვეყანა დანოქაო,
 შეიძლო ვითო?“

467

მამამ პრქვა: „ შვილო, აწ <<დაბადება>>
სრულად ვით გითხრა, დაგვიანდება.
 ძნელი არის, შვილო, არა საადვილო,
 ქორწილს მოგაცდენს“.

468

შვილმან მიუგო: „თუ დამრთავთ ნებას,
ეგ მირჩევნია ჩემს ქორწინებას;
 რად მინდა ჯერ ცოლნი, ყმაწვილნი ჩემ ტოლნი
 ცოდნითა მჩაგვრენ“

469

ცხვა[რ]თა მწყემსობით ბრიყვად გამზარდეთ,
ახლა თქვენ ჩემად სწავლად დაზარდეთ,

ეველა თქვენა გძრახავს, რომელიც მე მნახავს
ასე უცებსა.

470

მამავ, ამბობენ ავთა სიტყვათა:
ჰეგიანმან კაცმან შვილი ბრიყვათა
რატომ გაზარდ[ა]ო, რასთვის დაზარდაო
მის სწავლასაო!

471

მამავ, მოვიცდი ქორწინებასა,
თუ კი მასწავლით რასმე მცნებასა;
რას ვაქნევ ცოლი რთვას, ბრიყვს დამცინოდენ თავს
სწორ-ამხანაგნი!

472

სულ მაჯავრებენ თავის დაცინით,
ცხვრისებრ „ბეჭთი“, თხისებრ კიკინით.
ვფიცავ მაცხოვარსა, აღარ ვზდევ ცხოვარსა
მე დღეის იქით“.

473

მამამ პრქვა „შვილო, ამად დაგზარდი,
არც მე ვარ სწავლით კარგად ნაზარდი.
ერთს ამაზედ ვზარობ, აქა-იქა ვმგზავრობ,
ვერ მომიცლია.

474

არც მე მაქვს, შვილო, ცოდნა მაგდონი,
მძლივ მისწავლია ან-ბან-გან-დონი“.
შვილმან პრქვა მამასა: „მე გკითხავ ამასა,
რად არ ისწავლე?“

475

მამამ მიუგო: „ჩემსა ყრმობაში
სულ გარს მტრად გვადგა თურქ-ყიზილბაში;
მით აკლო სწავლამა, ჩვენში ლეკო დავლამა
წიგნნი წარსტყვენნა!

476

დარჩნენ უწიგნო ბერებ-ხუცები,
ჩემის დროს ყრმანი უწვერთელ-უცები.
მე ამად შეწყობით, გარჩევით, შეტყობით
ვამბობ ვერასა“.

477

„მამავ, მასწავლე, რაც შენ იცოდე,
მე მასა ვსჯერვარ, თუმცა იტყოდე:
მარტო თვალთა ნდომა, რდვნით ქვეყნის წახდომა
გამომიცხადე!“

478

მამამ პრქვა: „რადგან არ დაიშალე,
ბაღში ჩირდილში ქვეშ რამ გაშალე;
მუნ და[ვ]სხდეთ, წამოვსწვეთ; თუ რამ მიდგს, წამოვსწვეთ
ჩემ სალგინითა.

479

მე-თიხის კოკა, ზნოანი ჭური,-
რასაც ვადენდე, შენ უგდე ყური;
დალივე გულითა, არ წვრილად კულითა,
თას-ყანწ-კათხ-სირჩით.

480

ჯერ ეს მაჭარი შენ სვი ხარბადა,
მერმე მე გეტყვი ყველას ამბადა;
დალივე გულუხად, ნუდარ მოხოვ კულუხად
საგაისოდა“.

481

შვილმან პრქვა: „მამავ, ლექსად წყობითა
მართლა არ მესმის მე შეტყობითა;
თქვენ ბრძანებო იგავად, მე მესმის იგ ავად,—
მიბრძანეთ ამბად.

482

ლექსად ითქმიან შემოკლებითა;
ან მომატებით, ან მოკლებით;
სიტყვა განმარტებით, არ კლებით, არ მატებით
ამბის თქმა მსურის.

483

როგორც ეწეროს წინასწარ თქმული,—
წარლვნით ქვეყანა იყოს დანოქმული,—
ისრე გამაგონეთ, მართლა ჩამაგონეთ
მე, ბეჩს, მამაო.

484

მამავ, რომ ლექსავ, ყოფნობ, აყენებ,
ფიქრით სენს რასმე თავს მიაყენებ;
ბრმა-ცალთვალა ხარო, ეგეც არ მოსთხარო,
რომლითაც ხედავ.

485

ბერიკაცი ხარ და მოკლებული,
ჰკვა არ შეგექნას დამოკლებული;
რად მიზდე[ე]ვ წერასა? ვაი, შენს წერასა!
რა ცუდად შვრები!

486

ვინ წაიკითხავს გრძლად შენს ნაწერსა,
სულ გაგინებენ თეთრს ულვაშ-წვერსა;
მაგ წიგნს გიწუნებენ, არად ირწმუნებენ
შენს ლაპარაკსა“.

487

მამამ პრქვა: „შვილო, რაც გამაგონე,
არა ჰქენ ავად, რომ მამაგონე,
ავ-რიგად წანახდენს, ჰკუვას გარდაახდენს
კაცს მეტი ფიქრი.

488

მე ლექსად სიტყვებს ამად ვაწყობდი,
უფრო ტკბილად ჩნდა, ამას ვატყობდი;
არ მაქნიდა იმედი, შენს ამბად ისმენდი
მოუწყენელად.

489

აქ მოდი, შვილო. ახლოს დამიჯვ;
რაც რომ მოგითხრა, კარგად გაშინჯვ!
მე სიტყვებსა სწორსა, არ თუ არაქს, ჰორსა,
გეტყვი მართალსა.

490

სიტყვას არც კლებით, არც მომატებით,

ყველას მოგითხობ ჭეშმარიტებით.

მე რაცა ვსოქვა ენით, შენ ის ყურის სმენით
კარგად შეიტყვა.

491

შენს შვილს მიუთხარ ეს ამბებია:

<< მე მომითხობდა პაპა-ბებია>>,

არს ბრძენთ ბრძანებული, არ მოგონებული

ცუდი ამბავი.

492

ესე ამბავი კარგია, შვილო,

საუკუნო არს, საშვილის-შვილო!

ესე ლაპარაკი არ არის არაკი,

გესმოდეს, შვილო.

493

სწავლად წინ ფეხი წამოდგი ნებით,

კურით ისმენდე, გულთ მოდგინებით!

შვილო, შენს მამასა ნუ მიზამ ამასა;

რომ არ ისწავლო.

494

შვილო, იხმარე ჭკუვა და გონი,

შენ გაიგონე ეს გასაგონი:

დასია, დაგონი, საწვავ სადაგონი,

ნუ გრწამს ნურც ერთი.

495

შვილო, თუ ამას არ შაისმენდე,

რასაც შენ მიკვეთ, მას არ ირწმენდე,

ბერს-კაცს თეთრწვერასა ნუ მიკვეთ წერასა,

ცუდად ნუ გამრჯი.

496

ვარ ბერიკაცი დიდად ნასარჯი,

საწუთოსაგან მწარედ ნატანჯი

შიშველის ფეხებით აქა-იქ ჩეხებით

ტყვეობისაგან“.

497

შვილმან მამასა მიუთხრა ფიცით:

„სწავლას მოვჰყვები გულისა მტკიცით;

მასწავლი ტკბილადა, რად გაგხდი წბილადა

მე შენ, მამაო!

498

უსწავლელობა არს წარსაწყმენდი,

თუ არ მდომოდა, თავს არ გაწყენდი;

სახლ-კარს დავირთევდი, ცოლსა შევირთევდი,

ვიქორწინებდი“.

499

„კარგია, შვილო, რადგან აგრეა,

რომ ცოლის ნდომამ არ გარდაგრია;

შენის ჭაუვისაგან, შენ სხვის ბიჭისაგან

ჰქმენ უმჯობესი.

500

როგორც მე ნდომამ ჭავას გარდმახლინა,

ისრე არ გიყო, არ წაგახდინა;

ვით მე ჭალა[ს] შინა ჩეიკვმან შემაშინა,

შაშვ-ქაცვმან, კაცმან.

501

ჭალასა შინა დამაქორწინა,
მოლი დამიგო, ცოლთან მაწვინა;
მსუსევდა ჭინჭარნი, მიკბენდენ ჭინჭველნი,
მჩხვლეტდენ ეკალნი.

502

შვილო, ყოფილხარ ბიჭი ბიჭური,
არა გემთხვა რა ჩხიკვ-შაშვ-დიჭური;
ვით მაშვრალს წყურვილმან, მე მიყო სურვილმან
გულო განხურვება.

503

გმადლობ ღმერთს, შვილო, ხარ გონიერი
მძლეთა მებრძოლთან ძალ-დონიერი;
წყალთან წყურვილისა, ქალთან სურვილისა
გაქვს მოთმინება.

504

ამისთვის გწყალობს, შვილო, შენ ღმერთი,
რომ კარგი საქმე შენა ჰქენ ერთი:
ვარდო გვირგვინებითა, თავის თავს ნებითა
გაძლევდა ქალი.

505

შენ რომ იმ ქალთან არ შეიგინე,
დვთისა მცნებაზედ იგულთმოდგინე,
ჰქენი მოთმინება, ამისთვის ინება
შენთვის კეთილი!

506

ვით დედა-შენმან, კარგი ქალობა,
გულს აქნევინა ქვა-ფიქალობა;
ნდომანი ითმინა, მე არა მისმინა
ჯვარდაუწერლად.

507

ვინც დვთის ბრძანებას არ ეურჩების,
მრავალს განსაცდელს გარდაურჩების.
გულის წმინდობითა, დვთისა მინდობითა
განემარჯვების.

ია. ვარდვნის ამბავი: ნოუს კიდობნად შესვლა

508

ადამის ტომთა კაცო ძეთა ძენი
იყვნენ ზოგ-ზოგნი ჭკვიანი, ბრძენი;
კაცნი დიდებულნი, დვთის ძედ წოდებულნი
სიწმინდის გამო.

509

ცხოვრობდენ წელსა ცხრა-ასზედ მეტსა,
სამოცს, ორმოცსა და ათერთმეტსა,
სიცოცხლის სიგძითა, ასულით და ძითა
განმრავლდენ კაცნი.

510

კაცო შვნეს ასულნი, ლამაზნი ქალნი,
დვთის ძეთ რან ნახეს, ზედ დარჩათ თვალნი .

შეირთვეს ცოლებად, შვილთა საყოლებად
თავ-თავისთვისა.

511

ღმერთს არ ეკეთა გრძლად ყოფნა ხორცად,
ას-ოცის წლისა ქმნა დას[ა]ხოცად
თვალთ ლამაზთ ნდომამა და გულთა ცდომამა
ეს მოახდინა.

512

ცხრა-ასისაგან ასისა მოკლნა,—
რვა-ასის წლისა დღე შეუმოკლნა,—
ესრეთ შესძლო თვალმან და ლამაზმან ქალმან,
შენ რომ იკითხე.

513

დვთის ძეთ შვნეს შვილნი გოლიათ-გმირნი,
შესახედაგად გულთ გასაგმირნი,
მაღალნი, დიდები, არ აქვნდათ რიდები
არასფერისა.

514

არას ისმენდნენ დვთის ბრძანებასა,
იქმოდენ ყველას თავის ნებასა.
ქმნეს უშჯულოვება, უსამართლოება
განმრავლდა ქვეყნად.

515

ყოველთ ხორციელთ ქმნეს თვისი ნება,
თავის გზას მისცეს ქვეყნად ხრწნილება;
უსამართლობითა, არ გულმართლობითა
გახრწნეს ქვეყანა!

516

რა ეს სცან ღმერთმან, გულს მიხვდა წყენა,
და შეინანა მათი გაჩენა!
ღმერთმან ამ საქმითა, ინება დანოქმითა
წარღვნა ქვეყნისა.

517

ღმერთმან სულ ქვეყნად აკვირვა თვალნი
და ვერცად ნახა კაცნი მართალნი!
ერთი ხოე პოვა, იმას ესათნოვა
სიმართლის გამო.

518

ნოემ შვა სამ ძე: სემ, ქამ, იაფეთ.
პრქვა ღმერთმან ნოეს: „ძელთ ჭრად ისწრაფეთ!
მწადს წყალთ დიდობანი; აგე კიდობანი
ოთხ კედლად ბუდებ.

519

შიგნით და გარეთ მოკირე კირით;
წვიმა მოჰხდების ექვსისა კვირით
დღისითა, დამითა, წუთითა, უამითა
შეუწყეტელად.

520

სამასის წყრთისა იყოს სიგრძენი,
ორმოცის წყრთისა მისი სიგრცენი,
ოც-და-ათეული წყრთითა განწყრთეული
სიმაღლე მისი.

521

კარგად გაწყობით მაგრად შეკარი,
იგვრდივად უქმენ კიდობანს კარი;
ორ-სამ სართულებად იყოს დართულებად
ქვე საყოფელად.

522

აწ მე მოვხადო ქვეყნად რდვნა წყლისა,
განსახოწელადა ხორცთა ყოვლისა,
არიან რომლისა სული სიცოცხლისა
ცას ქვეშ ქვეყნადა.

523

მათ ყველას ექმნას წყლის გამო დანოქმა,
მე შენთან ჩემი ვამკვიდრო აღთქმა!

524

იყოს რაც ქვეყნად ქვეწარმავალნი,
ნათესაობით, გვარით მრავალნი,
ყოვლი ხორციელნი, არ მარტო ტიკლნი,
წყვილნი, თუ ტოლნი:

525

პირუტყვ-მხეც-მფრინველ და ქვემრომელნი
მშვიდნი, გინა თუ მრისხველ-მწყრომელნი;
მამალნი, დედალნი, მამაცნი [და] ხრდალნი
თვითოს გვარისა.

526

წმინდათაგანი შვიდ-შვიდი ტოლნი,
და არაწმინდა თვითო ქმარ-ცოლნი
შეკრიბე თესლადა, კიდობნად შესვლადა
მამალ-დედალნი.

527

შენთვის და მათთვის სასმელ საჭმელნი,
სიობისათვის არ ნედლნი, ხმელნი,
ერთის წლის სამყოფნი, მით კიდობნად მყოფნი
შენ გამოზარდე.

528

ღვთის [ბრძანებულნი ქვეყნის] ცხოველნი
ნოემ კიდობნად შესხნა ყოველნი.
ეგრეთვე საჭმელი, ქვევრებით სასმელნი
დადგა კიდობნად.

529

ნოეს კამბეჩი დავიწყებოდა,
სადღაც სიცხითა ლაფში წვებოდა;
კიდობანს გარეთ ყვიროდა მწარეთა
დიდისა ხმითა.

530

სახელს უძახდა ნოეს კამბეჩი:
„რასათვის ვრჩები სულ უკან ბეჩი?
რასათვის მაგდებო და არ შემაგდებო
მეც კიდობანში?

531

ნოემ ჰრქვა კამბეჩს: „გეჭობ, კამბეჩი
მაგისთვის გერქვას, ყოფილხარ ბეჩი;
რდვნის შიშით გვაქვს ძრწოლა, ლაფშიგან ჩაწოლა

რა დროსი იყო?

532

კინალარ დარჩი მაგ კარგის ბანით!
მალე ამოდი, ჩამოძვერ ბანით “
თვისი ენა კამბეჩს დაავიწყდა მას ბეჩს
ნოეს ძახილით

533

ამად იძახის კამბეჩი „ნოეს“!
თუ შენ გეგონოს არ სარწმუნო ეს,—
როცა მას ნახევდე, შენ მე დამძრახევდე,
თუ მე ვსტურდე!

534

ოდეს სულ შეკრბენ მას კიდობანსა;
ღმერთმან დახურა გარედამ ბანსა;
დაუცო, დაჩურთა სარკმელ-სანათურა
ხუხრუტანები.

535

განახვნა ღმერთმან ცის საქონელი
და ჩამოღვარა გასაბანელი;
ქვეყნის მწიკვლო საწმენდი, წარწყმდა წარსაწყმენდი,
მოიცვა წყალმან!

536

ორმოცი დღე და ორმოცი ღამე
კოპურებ ასხა წვიმამ მუდამე.
განმრავლდა რა წყალნი, წარიღდვნენ საწყალნი
ქვეყნად მყოფელნი!

537

რასაც რომ ღმერთმან ხორცი ახორცა,
კიდობანს გარეთ ყველა დახოცა.
აღარ დარჩა კაცი, აღარც დედაკაცი,
არც სხვა ხორც-სხმულნი.

538

გადიდდა ასე, გამადლდა წყალნი,
თხუთმეტს წყრთას ქვეშ ქმნა მთანი მაღალნი.
სულ მოკვდენ ყოველნი, რაც ხორცნი ცხოველნი
იყვნენ ცას ქვეშ.

539

ზედ კიდობანი იტაცებოდა,
შიგ მსხდომთ სიცოცხლე ეოცებოდა.
ნოე ფეხზედ დგა, ილოცებოდა.
სხვათ შიშით მუხლი უკაცებოდა.

540

გირემ მთათ წყალი შესცილდებოდა,
იქით და აქეთ კლდეთ ეხლებოდა,
მიმოაწყდებოდა და არ გატყდებოდა
დვთის ძლიერებით.

541

ას-ერგას დღემდის ქუხილი, ელვა,
წვიმა და ქარი, და წყალთა ღელვა;
კიდობნისა რყევა, გულზიდება, რწყევა
შიგ მსხდომარეთა!

542

ერთი ფიცარი შუვა ხიდილი,
შიგნით სიცოცხლე, გარეთ სიკვდილი!
სიკვდილმან ძმა-დობა, უყო მათ დანდობა,
არავინ მოკლა.

543

მაშინ დამიყვრდნენ ყოველნი მტერნი;
ქორნი, კაკაბნი, ალალნი, მწყერნი;
კაც, ასპიტნი გველნი, ცხვარნი, თხა და მგელნი;
კატა და თაგვნი.

544

ვეშაპ, ფასკუნჯნი, მარტორქა, სპილო,
—ერთად სამყოფლად არ საადვილო,—
ლომ-ვეფხვნი, ანთარნი, ფოცხვერნი, აფთარნი,
და გასილისკო—

545

დაემეგობრენ ერთმანეთს ყველა!
არას აწყენდის მსუქანს ბატს მელა;
აურდღელთა მწევარნი არ იყვნენ მდევარნი,
ქათამთა-ტურა.

546

სიკვდილ-სიცოცხლე იქმნენ ვით ძმანი,
მოკვდავთ საკვდავად გაკმინდა ხმანი.
სიკვდილმან კლა ვერა, ვირემ არ განერა
რლენას კიდობანი.

547

მეშვიდეს თვესა ღმერთმან ინება
კიდობნად მყოფთა შეება, ლხინება;
ბრძანა დადგინება, შესწყვიტა დინება
ზეციდამ წყლისა.

548

კიდობანიცა მაღალსა მთასა
ზედა შეაგდო არარატთასა.
დადგა და დაყენდა, აღარა არყევდა
კიდობანს წყალი.

549

წყალმან მრავალი აკლო, შემცირდა:
მეათეს თვემდი მთა წყალს შესცილდა;
ერთ თერთმეტის თვისას თავს აჩენდა მთისას,
მოაკლდა ასე.

550

ნოემ გაუშვა სარკმლით ყორანი:
„სცანი, თუ ღმერთმან წყალთ უყო რანი?“
ყორანმა სცან მთანი, გაშალა მან ფრთანი
მუნით საფრენლად.

551

აღარ მობრუნდა ამბის სათქმელად,
გირემ არ გახდა ქვეყანა ხმელად.
ის დღე გამოვიდა, რომ აღარ მოვიდა
გაუშვა ტრედი.

552

ტრედმან ეძება, ვერ პოვა ხმელი,

შესასვენებლად ფეხთ-დასადგმელი;
დაღალული ფრენით, დაჯდა პირის ლრენით
კოდობანზედა.

553

ნოემ განახვნა ბაგა, სარკმელი,
კიდობნით გარეთ გამოყო ხელი;
ტრედი აიყვანა, ისევ შეიყვანა
კიდობანშია.

554

ნოემ შვიდიოდ დღე მაიცადა,
შვიდს დღეს უკანა კიდევა სცადა,
წყალს რა მოევლინა, კიდეც წარავლინა
იგივე მტრედი.

555

ტრედი გაფრინდა, განხდა ნაპირად,
შრტო ზეთისხილთა მიიცა პირად;
მოუტანა ნოეს, პრქვა: „არს სარწმუნო ეს,
ჩანს წყალთ მოკლება!“

556

ნოემ კიდევა შვიდს დღეს ითმინა;
შვიდს დღეს უკანა კიდევ აფრინა
ტრედი მესამედა, გზავნა მეამბედა,
გაუშვა სარკმლით.

557

ტრედმა ნავარდი შექნა ტყე-გელად,
ბნელში ნაჯდომმან შესაქცეველად.
ტყეში დაიძინა, აღარა შესძინა
კიდობნად მისვლა.

558

ნოემ აჰადა ზეით სართული,
რაც კარად-ბანად აქვნდა დართული.
გარდახედა მთითა, წყალს მოაკლდა ღვთითა,
გამოჩნდა ხმელი!

559

ხმა შემოესმა ნოეს ღვთისაგან:
„ნოვე! ამოდი კიდობნისაგან
შენდ და შენი ცოლი, ძენი შენი და მათი ცოლი
გრუვ ყოველნი.

560

რანიც არიან სულ ხორც-შესხმულნი,
კიდობნად მსხდომნი შენგნით შესხმულნი
პირუტყს-მხეც-მფრინველნი, მოძრავი, სულთ მქშინველნი
გამოიყვანე.

561

კიდობანი დგეს მანდავ მთაზედა,
თქვენ სულ გამოდით ქვეყნად ხმელზედა.
განმრავლდით, აღორძინდით, დასახლდით, დაბოძინდით
ქვეყნაზედა!

08. ენის შერევნისა და გოდლის ამბავი

562

წარდვნას უკანა ნოეს თესლ-ტომნი
კიდევ გამოჩნდენ წინააღმდეგომნი
ლვთისა ბრძანებისა, არ გაგონებისა
მოქმედნი კაცნი.

563

ძალით და ლონით ფალავანები
იყვნენ, მათ იწყეს გალავანები;
იხმარეს გმირობა, შეკრეს მათ პირობა
ქმნა საწადელთა.

564

შექნეს ალიზი, ატანეს ქვები,
მით ალიშენეს მათ ქალაქები;
კოშკებით, ციხებით, აგურთა კირცხებით
ქმნეს სიმაგრები.

565

ცას რომ შახედეს, ნახეს ვარსკვლავნი,
ხელნი აწოდეს, არ შესწვდა მკლავნი.
თქვეს გოდლის აგება, მით ვსწვდეთო აგება
ზეციერს საქმეს.

566

შეკრბენ ერთხმობით აღსაშენებათ
რომლითაც აღსვლა ზეცას ენებათ;
აქვნდათ ერთი ენა, მათ სიტყვა და სმენა
განუყოფელი.

567

მოყვნენ გოდლისა აღშენებასა,
მიმართეს აღმა ცათ შვენებასა.
მაღლამდის ანაგეს, ბევრი დღე წანაგეს,
კვირა, თვე, წელი.

568

თქმულა, ასეთი მაღლად გებული,
კით მე გიჩვენო აღრიცხებული
აღაჯი, თუ მილი? გმართებს შენ დუმილი
მის სარიცხებელად.

569

ასჯერ ასად ქმენ, თქვი ბილიონი,
და ასჯერ ასად კვადრილიონი,—
ცხრა ამდენი მილი არის გაზომილი
სიმაღლე მისი.

570

ამისი მწადდა აღრიცხვა ვერსად,
მაგრამ ვისწავლე მე ნულა ვერსად.
გარ სინანულითა, აღრიცხვა ნულითა
რომ ვერ შევიძელ!

571

აწ აღივსენით ჩემის მაღლითა,
ეს აღმირაცხეთ მტბავლად, აღლითა,
ციფირ-ნულებითა, შეწმასნულებითა,
ნულის მცოდნელთა.

572

რასაც დღეს ვირი დამაკებული
წავიდის მაღლა აკიდებული,

ზიდევდის ტალახსა, მოსძოვდის ბალახსა
ორს წლამდის ვერა.

573

როდისაც ვირი ქვე ჩამოვიდის,
თავის ტოლს მუტრუქს პატრონს მიგვრიდის.
რა აქვნიდა მას განი, ზომით შინაგანი
ის კი არ ვიცი.

574

რა გოდლის საქმე ღმერთს მოეხსენა,
ღმერთმან უწყინათ, ურივნა ენა:
ვინც ითხოვდის კირსა, მისთვის ტიკის პირსა
ხსნიდენ წყლისათვის;

575

ვინც რომ ითხოვის ქვა და ტალახი,
მას მიართვიან ხე და ბალახი!
განეყოფ ენანი, ყურითა სმენანი,
სხვადასხვა რიგად.

576

რა რომ განიყვნენ მრავლად ენებად,
ვეღარ შეუძლეს გოდლის შენებად,—
ცალ-ცალკე არესა, სხვა-და-სხვა მხარესა
განთესულ იქმნენ.

577

უქროლა ქარნი. ყარა მეხნი.
სულ ქვეყნად მოზდო გოდლის ნატეხნი.
სრულდად დანაქცივა, ავად შეაქცივა
მათი ნაშენი.

04. ადამის საჩივარი

1

ადამს პკითხეს: რატომ სტირი,
რად სწუხ, რა გაქს საწუხარი?
რად არ გიცინიან პირი
ხარ მჭმუნვარე, განუხარი?

2

მან თქვა: ამად არ ვიცინი,
ჩემის ბრალით ბევრი კვდების;
ერთმევიან თვალში ჩინი
კუტდების და ყურთ აკლდების.

3

ამად ჯავრით სულთ მხდებიან,
არა მაქვს რა სალხინარი;
თუმც ყვავიან, სულ ხმებიან
ჩემს ბალში რგავს რაც ხილნარი.

4

ყველა ისევ მერთმევიან,
რაც მაქვს ღვთისგან ნაბოძები;
ცა ქვეყნითურთ მექცევიან,
უცვდებიან მას ბოძები!

5

მტერმან ასე წამახდინა,

მამატყუვა, მამაღორა;
დვთის მცნებასა გარდმახდინა,
დიდს პატივსა მამაშორა.

6

სახლი მკვიდრად აგებული
დამიქცივა, მამიშალა;
ვით დედაზარდლო ბუზო გებული,
ვერხო ქვეშ ბადე გამიშალა.

7

აქ მაშინჯ[ე]თ მის მტრის ძმაცვა,
რა დამირწყო მან მახეა;
ტანთ ნათელი შემომბარცვა,
ცხვრის ტყავფუჩი მამახვია!

8

თესლ-ტომითურთ სულ წარმწყმინდა,
ძირით, ქოქით ამამაგდო;
სამოთხეში მჯდომი წმინდა
ჯოჯოხეთში უკუმაგდო!

9

გულს მაძგერა მტერმან შუბი,
გამადინა სისხლი ლვარად;
წინამდლვართან მიგდო ჩხუბი,
თვით შემექნა წინამდლვარად.

10

მას დვთის მგმობელს მტერსა კუვარ,
მივაჩნივარ საძაგელად;
წინ მიმიდლვის და მივევარ
ცეცხლში საწვად, სადაგელად.

11

მაქვს ცეცხლის ტბის შიში, რიდი,—
ეგზებიან დაუშრებად,
გრძლად ზედა ძეს ბეჭვის ხიდი,
ზედ მსვლელს გახდის თავში რებად.

12

ვინც იშენა სიბრძნით ვანი,
ქვეშ შეუდგა შვიდი სვეტი,—
ის არს ჩემი სათაყვანი,
არავინ მიხსნის მე მის მეტი.

13

ვინც რომ ჩემთვის ჯვარზედ წმინდა
გარდადინა სისხლის ლვარი,
მე მის მეტი არვინ მინდა
მას ძნელს გზაზედ წინამდლვარი!

14

მე მასა ვთხოვ, მომეახლოს,
მიძღვეს გზაზედ, მთლად მატაროს;
რომ ცეცხლის ტბამ ვერა მნახოს,
ასე რიგად გამაპაროს!

15

საყვარელო, მოდი, მნახე,
ერთი თვალით გამიცადვ;
დანარდვიე შენ ის მახე,

მტერმან მიღგა, რაც მე ბადე.

16

ამასა გთხოვ, ჩემო მყვარო,
დამიცო და დამიფარო:
გზაზედ მცველი არ გამყარო,
ოდეს მანდით დამიბარო.

17

გეაჯები, ჩემო მყვარო,
შეიწყნარო ჩემი სული—
ოდეს წინ შენ შეგეყარო
სიკვდილის დროს ამოსული.

18

მოწყალება შენი, მყვარო,
მამაკვდავსა მამაშველებ;
შენი უკვდავების წყარო
გულს მაპკურე, დამასველე!

19

ნუ ხარ ჩემზედ გულნაძლულად,
კარგი ვანი განმიმზადე:
ნუ მამყოფებ გულმოკლულად,
მიწყალობე, რაც მიქადე!

20

შენ სურვილის სახმილითა
გულს მიღაგავ ცეცხლის ალით:
რად საპკურად ხშავ მილითა
და არ მიშრეტ შენ მას წყალით?

21

ღმერთო ჩემო! ნუ დამკარგავ,
ნუ აიღებ ჩემზედ ხელსა;
ნუ დამწვავ და ნუ დამდაგავ,
ნუ მამიდებ ცეცხლსა ცხელსა!

22

დავით გალად დანერგული
ვარ უშრტო და მე უფეს[ვ]ო,
აწ მომძებნოს დაკარგული
ვედრებ, ქრისტეს მეუფესო!

23

ღმერთო! შენ შემქენ კაცადა ცეცხლი, ქარ, წყალი, მიწა, მე,
მე შენსა მცნებას გარდავხე, ამად აღარად მიწამე;
დღე შემიმოკლე სიცოცხლის, ჟამი მიწუთე, მიწამე
ჯოჯოხეთშიგა ჩამაგდე, სული მიტანჯე, მიწამე.

24

ნეტავი ისევ მიწადა მე ვეოფილიყავ, არ კაცად!
აგების ადარ ვიწოდი, რომ ვიქნებოდი აღარცად;
აწ მე მაქვს კიდევ იმედი, ამად ვარ მე გულმამაცად.
ქვეყნად ძეს ვესავ დამხსნელად და მეგულების მამა ცად!

ი. მეოთხე დაპირის შესხმა და „დაპირის“
ძების იგავი

1

დავითის შესხმა შეგვონე: მმას ვარდი უძღვენ, დას ია.
დავით მოგვითხრობს: ნუ ესავთ, შემწედ ნურად გჩანთ დასია.

თქვენც მას ესევდით, ვისაც რომ ესვენ ანგელოზთ დასია,
იგი არს დმერთი ერთი, და დასია ბევრად ასია.

2

აწ აქეთ იგი ნათელი, ვინც ნათლად დავითს უქია;
ვისგან ცა ნათობს, სამყარო, ქვე მოკრთის მისი შუქია.
იწამეთ მშვიდი, მდაბალი, უღელ-ტკბილ, ტვირთ-მსუბუქია;
თავის ხრა, ზორგა კერპისა ფუჭი რამ თამასუქია.

3

დავით იშენა წალკოტი, ძოდან ვსოქვი, რაც რგო ხედაო;
კიდევ გაჩვენებ თვალითა, თუ იმას ვერა ჰხედაო:
გვერდი მამისა თვით დავითს როგორც რომ უსახევდაო,
ეგრეთ დაირგო, მოიბა, რომელსაც ჩვენ გვირხევდაო.

4

დავითის ბადის ხილი სჯობს სხვათა წალკოტის ხილებსა:
ვინც შეამს სხეული, გაჟურნავს, ბრამს თვალებს აღუხილებსა;
დანაჭერინებს პირს ტკბილად, მოწყენილს მოალხინებსა,
განახალისებს მადლზედა, ცოდვაზედ განაფრთხილებსა

5

ბადი დავითის ბადისებრ აროდეს აღშენდებიან:
არც მისებრ ხე-და დაირგვის, არცა არ ზედ მოებმიან,
მის ბადში კრავი დამჯდარა, სხვისაში მგელნი ჯდებიან,
კრავად გონებენ დავსილნი, მაგრამ ტყუილად სცდებიან.

6

დავით შევმოსე ხილითა, რომელიც მოსა ხე დავით;
მას ხეს მოხედა უფალმან კეთილის მოსახედავით.
ნუ მედავებით, მარიდეთ გულს ლახვრად მოსახედავით,
ის დავით კარგით მოსა ხით, მე დავით მოსახედ ავით.

7

მან დავით თავის ბადშია იმყნა ცხოვრების ხენია,
ტკბილის ნაყოფის მომბმელი, სამკურნლოს ცვარის მცხენია;
დაუჯდა მას ქეშ ჩირდილსა, არა სწვავს მას სიცხენია,
იმ უკვდავების სასმლითა მითვრა და მით მოლხენია.

8

ამად ამ წიგნსა სახელად უწოდე „დავითიანი“,
დავით შევაწყევ, შევკონე, ვით ვარდნი და ვით იანი.
გულსა მოვსწყვიტე მუწუკი, მება ზედ ავი თიანი,
ზედ გულზედ ვიბი იგი ხე კაციანი და ლგოიანი.

09. ანდერძი დავით გურამისშვილისა

1

აღარ მსურს ქნარი, საკრავად სტვირი,
არც ზედ დამდერა, აწ ამას ვსტირი:
ცრუვმან საწუთორომ მარიდა პირი,
არ აღმისრულა მან დანაპირი

2

მკითხა ცოდვისა, მიხსენა ძვირი,
ვით გალსა ხესა, განმიხმო ძირი;
დამაგლახაკა, გამხადა მწირი,
საყვარლისაგან მქნა განაწირი.

3

გული მიშავა ვითა ნახშირი,

გამაყრევინა თავზე თმა ხშირი.

პირი დამიჭვნო ვითარცა ჩირი,

დამაშვებინა დაღმა ჩიჩვირი.

4

შემყარა ძნელი ილაო-ჭირი,

გულზედ მასვია მჭვლად დანაჭირი;

მომიახლოვდა მწარე სიკვდილი

ცელ-გალესილი, ხრმალ-ამოწვდილი.

5

ვინ ხართ დვოთიანი და მადლიანი,

კოდ-სასწორ-მართალ, ხწორ-ადლიანი,

გთხოვ, შემიბრალოთ, როს მკვდარი მნახოთ,

შენდობა მითხრათ, როცა დამმარხოთ!

6

ვისაც რამ გცოდე, ვთხოვ, შემინდოთ,

ჩემზედ გონება აღმოიწმინდოთ;

მე აღარ ძალმიც თქვენი რა წყენა,—

სიტყვის თქმად ენა მე დამეყენა.

7

თუ გინდათ კიდეც მაგინოთ თქვენა,

ვერ გავიგონებ, დამიღგა სმენა;

აღარ მაქვს სუნთქვა, არც ამოქშენა,

მანვე დამშალა, ვინც აღმაშენა.

8

მცხედრად მდებარე, გულ-ხელ-კრეფული.

მივალ, არ მიმდევს თან ერთი ფული;

თუ რამე მაქვნდა, ყველა მანდ დამრჩა:

ყმა, სახლ, ბალ, ბოსტან, თეთრი თუ ფარჩა.

9

ყველას გაფიცებ ამ საფიცარსა:

თუ ღმერთი გრწამდეთ, ამ სამს ფიცარსა

ნუ გაიძნელებოთ ასაშენებლად,

გარს ნურას უზამთ დასაშვენებლად.

10

ნუ გაირჯებით შესაღებლადა,

მსუბუქი ქენით წასაღებლადა.

ფასს ნუ დაჰკარგავთ დასახატავად,

თეთრს გაუფრთხილდით დასაფანტავად:

მალ მაეშლების მას სილამაზე,—

მიწა ეყრების, ქვა, სილა მაზე.

11

ვისაც გინდოდესთ თქვენ ჩემთვის კარგი,

თან გამატანეთ ასეთი ბარგი,

რომ ცუდ-უბრალოდ არ დამეგარგოს,

საწყალს ჩემს ცოდვილს სულს რამე არგოს.

12

ჩემს ცოდვილს სულსა ეს შაეწევა:

მღვრდლის წირვა-ლოცვა, საკმევლის კმევა;

მშიერთა ჭმევა, შიშველთა ცმევა,

უსამართლობით არვისი რომევა.

13

მკვდარს არას მარგებს ტყება-ტირილი,

ვერ გამაცოცხლებს თავს დაყვირილი;
სჯობს, არ ჩაიცვათ ტანთ ძაბა-ფლასი,
მიმიცეთ რამე მღვრდელთ წირვის ფასი.

14

ვამე ცოდვილსა, მე უმადლოსა,
დავრდომილობით უხუც-უმდრდლოსა!
მე ვინ მილოცავს, ან ვინ მიწირავს,
ან ვინ დამმარხავს, ვინ დამიტირავს?!

15

უმკვიდრო ვიქმენ, არ დამრჩა შვილი,
რომ მას აღენთო სანთელი-ცვილი;
ექნა აღაპი. აედგა ტაბლა:
ასე მაღალმან მე დამამდაბლა!

03. მღვრდელთ ვედრება დაპილი

ბურამისშვილისა

1

მღვრდელო, რაც ღმერთმან მადლი მოგმადლა,
არც აგიწონა, არც განგიადლა;
დაუფასეებელს არ დასდგა ფასი
არცა ერთი და არცა ათასი.

2

უსასეყიდლოდა მღრდლობის კურთხევა,
მოგცა ღირსებით მარჯვენეს მოხვევა;
ასე გიბრძანა: ვით შენ მოგეცა,
უსასეყიდლოდა სხვათ მიეც შენცა.

3

ახლა მე თქვენა ამასა გვედრებ,
დგთის ნაწყალობებს ნე დანაყვედრებ;
მკვდრისა პატრონსა სიკვდილის დროსა
ბევრს ნუ შეუკვეთო სამარხს-სამკვდროსა!

4

რაც განვიძრახე აწ მე განძრახვა,
აწ თქვენცა გმართებსთ თვალთა დანახვა.
როგორც მკვდარს უნდა კარგად დამარხვა,
აგრევ ქვრივს-ობოლთ უნდა შანახვა.

5

ცოცხალი რომე პატარად ვდირდი,
მკვდარს რად მედების მე ფასი დიდი?
მღვრდელო, შენს მაცა, ძვირად ნე მყიდი,—
რაც მოგითვალონ, მას მიითვლიდი!

ით. საფლავის ქვაზედ დასაწერი

1

წმინდა იოანე კახეთს ზედაძენს
სასწაულობით ქვიტკირს ცრემლთ ადენს;
ქართლს წმინდა შიო ღვიძეს ძვლებს ავლენს,-
ორნივ შერებიან სასწაულს ამდენს.

2

ამ ორს მონასტერს მაქვნდა ალაგი,

სასაფლაო და ძვალთ შესალაგი;
ორივ ქვიტკირით აღშენებული,
სახლ-გალავნებით დამშენებული.

3

ახლა მობრძანდი, მნახველო, მნახვ,
მისად სანუფქოდ სად დავიმარხე!
ხორცით აქ ვლპები, აწ ჩემი სული,
არა ვიცი რა, სად არს მოსული!

4

ვით მე არ მინდო ცრუვმან საწუთრომ,
ეგრეთვე, ვგონებ, არცა შენ გინდოს,
შენ მე მიბრძანე ცოდვილს შენდობა,
ღმერთმან შენ შენი ცოდვა შეგინდოს!

პ. სულის ამბავი

1

აწ მოისმინეთ სულის ამბავი,
რაც შემთხვეოდეს კარგი თუ ავი;
გულმტკივნეულობს, კვნესს რასაც სენიო,
ყველას მოგითხოვთ თავისი ენიო.

2

დაბადებითგან მე კაცის სული,
ლგოთის პირით გამო ვარ გამოსული;
არსო ნაწილობით უკვდაგ-უბერი,
მიწას, წყალს, ქარს, ცეცხლს შიგ ჩანაბერი.

3

ეს ოთხი ნივთი ღმერთმან შემზადა,
კაცი ამისგან შექმნა, დაბადა;
მისცა ქვეყანა ქალაქ-დაბადა,
მას ხელმწიფობა თავის მზგავსადა.

4

როდისაც რომე ქვეყნად, სოფელად,
მოვიდა კაცი შიგ სამყოფელად,
ორნივ თან ვახლდით ხორცი და სული
მისად მყვანებლად ზედ შეთვისული.

5

ოდეს ხელმწიფედ, მეფე სვიანად
გახდა, განმსხვილდა ძირ-ფესვიანად,-
ქვეყნის ნაყოფი ჭამა, გასუქდა,
ყოვლი სამძიმო განუმსუბუქდა.

6

თავზედ დაესხა სიხარბით რეტი.
კიდევ მოუნდა სხვა მაზედ მეტი.

ქვეყნად ყოფნასა აღარ დასჯერდა,
მაღლა ზეცადა აღსგლად შემზერდა.

7

ვერ შეიფერა კაცმან დიდება,
უბულისხმობით პატივის დება;
პირუტყვის მზგავსად არაწმინდება,
შექმნა საწუთროს მიდებ-მოდება.

8

მე სული ვიყავ, ურჩევი ტკბილთა,
ხორცი ურჩევდა, რაც სჭრიდა კბილთა;
რასაც ვიტყოდი, არას მისმენდა,-
ხორცის ნათქვამსა უფრო ირწმენდა.

9

კაცმან მე ასე გამამანძულა,
ხორცი იყვარა, სული მიძულა.
თავისი თავი ხორცს ამსახურა,
ხორცსა ჩანაცვა, ხორცსა დახურა.

10

თვისი ცხოვრება ხორცზედ გარდაგო,
არა მომცა რა სულს საფარსაგო,
იკაცისმკვლელა, იქურდ-იბოზა,
ყოვლის სიბილწით მოხუნა, განმგოზა.

11

მიყვა საწუთროს განცხომას, შვებას,
მეტად დრანჯობით სიძვა-მრუშებას;
არ მაიგონა დამბადებელი,
თვისი აღმშენი, ამაგებელი.

12

დვთისა მცნებანი არ დაიმარხა,
დაბრმდა, ხწორე გზა ვერ დაინახა;
ასე ურიგოდ კაცი მოიქცა,
ვითარდა აღშენდა, ისევ დაიქცა.

13

თავის თავს უყო ასე ზიანი,
ხორცით მიწაში სჭამენ ჭიანი,
მე, სული მისი, აქ ვიტანჯები,
სამართალში ვარ და ვისაჯები.

14

ტანო მიჭირებ[ე]ნ ცხელ-ცხელს გაზებსა,
გველნი ნაკუთალთ მდერენ გაზებსა,
ლომ-ვეშაპ-მგელნი დიდს პირს მიღრენენ,
თვალებს მიჭყეტენ, მყეფენ, მიღრენენ.

15

ეშმაკნი შავნი თეთრ გრძელ კბილებით
მიკრაჭუნებენ, მაწვრენ ფრჩხილებით;
სვეტზედ მიკრულსა ცეცხლის საბელი
გარს მახვევია განუქრობელი.

16

ნავთი და კუპრი თავს დამდის მილით,
ფერხთქვეშ ტბა მიდგას სავსე სახმილით;
ტანზედ მეხვევის მატლი უძილი,
ნეტამც არ მაქვნდეს მე გრძლად დვიძლი!

17

ღმერთს ადარ ეხმის ჩემი ვედრება,
“ხორცს რად მიყეო”,-მას იყვედრება;
ღმერთი შეიქმნა ჩემზედ გულმწყრალად,
მსაჯა და მადვა ეს ცოდვა ბრალად:

18

კაცი ჩემს სზგავსად გავამხატვავნე,
შენ-ჩემი სული-თან გაგატანე:
განაგულდიდე, განამპარტავნე,
სულიც ცოდვილი აქ მამიტანე.

19

ასე ურიგოდ კაცი ატარე,
კარგი აძულე, ავი აყვარე:
სულით აურვე, ხორცით ახარე-
მე ასე როდის შენ დაგაბარე?

20

ოდესაც ხორცი შენ, სულს, გჩაგრევდა,
შენ გასუსტებდა, თავს ამაგრევდა,
გხამდა მოძღვართან შენ აღგეარა,
წირვა-ლოცვაზედ სიყდარს გეარა.

21

მდვდელი მიკმევდა სუნად სურნელად,
ლხინებას ყოფდა შენ საკურნელად,
მომხსენდებოდა, შენს საქმეს ვსცნობდი,
შ ნ გადიდებდი, ხორცს დავამცრობდი.

22

შენ ეს არა ჰქენ მცონარებითა,
თავი მოღალე ცუდად რებითა;
შენ გამოუდექ ხორცის გემოსა,
ტანთ განიცარცვა, რაც რომ გემოსა.

23

მოხველ ხორცითა სული შიშველი,
ახლა მე შენა ვერას გიშველი.

ვირემ ახალსა ხორცს შეისხემდე,
რაც თავზედ გესხმის, უნდა ისხემდე.

24

ოდეს სჯად დაჯდეს მართალ-მსაჯული,
მან განარჩიოს ყოვლი ხვანჯული.
შენს ნაქნარს საქმეს სასწროით მოგიწონს,
არ დაგიკარგავს, რასაც მოგიწონს.

25

უპეთუ ქვეყნად თვისნი და ტომნი,
რომელიც გყვანან შენ კაის მდგომნი,
მშიერო გიჭმევენ, მწყურვალო გისმევენ,
შიშველო გიმოსენ, მღვრდლით მსხვერპლო გიკმევენ;

26

გარდაგიხდიან შენს თანამდებსა,-
მით დაგიშრეტენ ნავთო ცეცხლნადებსა.
უპეთუ არა, ცოდვასა, მადლსა
მსაჯული გასჩერევს კოდს, სასწორს, ადლსა.

27

რომელიც მხარე წონაში დასძლევს,
საუკუნოს სახლს იმ მხარეს გაძლევს!..
ვირემ ამ სიტყვას სული ისმენდა,
ხსნას იმედობდა, ტანჯვას იომენდა.

28

რა რომ ისმინა, სასწროით აწონა
ცოდვა-მადლისა, არ მაეწონა.
იცოდა, რომე ცოდვა დასძლევდა,
თქვა: ვაიმეო, საქმე გაძნელდა!

29

საწყალობელო შენ, თაო ჩემო,
არა ვიცი რა, ვის მიგაჩემო?
ვისთან წავიდე, ვისა მიგმართო,
რომ შენი საქმე მისგან წარვმართო?

30

ჩანს, შენი მხსნელი აღარცადაო,
აღარც ქვეყნადა, აღარც ცადაო;
აღარც მამა გყავს, აღარც დედაო,
აღარცა ძმა და აღარცა დაო!

31

ვაიმე, მამავ, ვაიმე, დედავ,
ძმაო და დაო, ვერც ერთსა გხედავ!
ვინ ხართ დვთიანი, მწყურის მიშველეთ,
ერთის ცვარის წყლით პირი მისგელეთ!

32

ისმინეთ, ძმანო, სულ, ბატონ-ყმანო,
ჩემებრ მანდიდამ აქ მოსაყვანნო,
მანდ ცრუგ-საწუთო ყოფილა ცუდი,
ხევ-ხნარცოვანი, გზა ვიწრო, მრუდი.

33

აქ ნავთო მდინარე ცეცხლ მონაკიდი,
ზედ გასავლელი წვრილ საბლის ხიდი;
განისწავლენით, ჯამბაზებრთ წარეთ,
რომ არ ჩასცვივდეთ, დაიწვნეთ მწარეთ!

34

განისწავლენით, ჯამბაზებრთ წარეთ,
რომ არ ჩასცვივდეთ, დაიწვნეთ მწარეთ!
რომ არ ჩასცვივდეთ, დაიწვნეთ მწარეთ!

კა. ამ წიგნის გამლექსავის სულის მოხსენება

1

ჰე, ღმერთო, აღმიხილე თვალი გონებისა,
დამანახვე, მაცნობე მე გზა ცხოვნებისა!
შენის ნების გზაზედ დაუცემლად მატარე,
და მას შენსა საყვარელს გულითა მაყვარე!

2

ღმერთო, განმიხვენ ყურნი კეთილთ სიტყვის სმენად,
განმიმაგრე გული სარწმუნოების რწმენად;
აღმაყოვე, ვითა ხე, ნაყოფით კეთილად,
და ნუ მყოფ მე ხენეშად ძირით მოკვეთილად!

3

მე ვარ, ვითა აღდაჭი, ბიცი და მლაშობი,
დედისაგანვე ცოდვასა შინა ნაშობი;
უშრტო და უნაყოფო, ვით გალი განმხმარი,
უძეო, უასულო, არარად სახმარი.

4

საწუთოს სოფლისაგან ბევრის გზით ვნებული,
მრავალს განსაცდელსა შინა შეუვანებული,
სხვის ქვეყნად სამკვიდროს ქვეყნით გამოძებული,
დაკარგული ცოდვით, არ მადლით მოძებული.

5

ამისთვისა ვსოთხოვ დიდის ხვეწნითა ყველასა,
თავიანთ მადლისათვის მიზემდენ შველას;
გავსტეხე ათი მცნება, მთლივ გერ დავიმარხე,
ცოდვასა შინა მოვკვდი, მიწად დავიმარხე.

6

არა გამყვა რა თანა საწუთოს სოფლისა,
მუნ დამრჩა სასყიდელი სისხლისა, ოფლისა;

ვისაცა ის დარჩეს, ყოს ესრეთ მოხსენება,
რომ მედირსოს სასჯელსა შინა მოსვენება.

7

მოიხსენე, უფალო, სჯად შენდა მოსული,
დავით გურამისშვილის უბადრუკი სული;
გვერდო, ხელო, ფერხო სისხლი შენი სასწორს აბრად შეუდევ,
განუმსუბუქ, მძიმე ცოდვანი შეუნდევ.

8

ჯვარცმითა, სიკვდილითა შენითა მონაყიდს,
დაუშრიტე, ასხურე სისხლი ალ-მონაკიდს!
უფალო, შეისმინე დავითისა თქმული,
აღმოიყვანე სულით ჯოჯოხეთს დანთქმული.

9

ღმერთო, იხმინე დავით მონისა შენისა,
დაუამე ტკივილი ძნელისა სენისა.
იხსენ სული მისი უკუნითა ბნელითა,
და ნუ სტანჯავ სატანჯველითა მით ძნელითა.

10

ეს წიგნი, ლექსად თქმული, არის სული იმისი,
ღმერთმან იხსნას წარწყმედისაგან სული მისი;
ღმერთო, ნუ გასტეხ სიტყვას დავითის პირისას,
მიეც ლხენა, კურნება მას დღესა ჭირისას.

11

ღმერთო, მისმინე დავითის საგალობელი,
მიწყალე დიდის წყალობით საწყალობელი;
უსჯულოება ამხოცე, უფროს განმბანე,
და ეს სიმღერა მის თქმას, მოძახილს აბანე:

12

აქებდითო ღმერთს ყოველნი სულნი ცხოველნი,
ხართო მისი არსობის პურისა მთხოველნი;
ფსალმუნით, ებნით, წინწილითა კეთილ-ხმითა,
ძნობითა, ორდანოთა, ბობდნით, მწყობრის თქმითა!

13

ესე სიტყვანი მე მაქვს ასე შეტყობილი,
მწყობრი არსო სიტყვანი ლექსად შეწყობილი;
ამისთვის კანუნად არ მიჩანს თქმა ლექსისა,
და მოძიება რიტორთ საზომი ექსისა.

14

მომიხსენონ, სხვას არავის რასა ვთხოვ მეტსა,
ვსოქვი წელსა ათას-შვიდას-სამოც-და-თოთხმეტსა,
თვესა ნოემბერსა ოც-და-ცხრასა გასულსა.
დიდება მამასა და ძესა წმინდასა სულსა!

15

აწ და მარადის და უკუნითი უპუნისამდე,
ამინ და ალილუია, ვით თვით არს მისვე ხნისამდე!
წამკითხველნო, ამაზედ თქვენ ნურას მედავით,
და რომ ეს ასე ვსოქვი გურამისშვილმან მე დავით.

16

თქვენ ვერ დასთმობდით ჩემგნით ნათქვამსა,
რაც თქვენგნით თქმული აწ მე დავითმე.
მის ღვთის ძის მამის დავითის სეხნა
გურამისშვილი ვიყავ დავით მე;

17

ამად ქაჩალმან მის თმის ნავარცხნი,
ქოჩრად მოვისხი, თავზედა ვითმე,
აწ თქვენ ამაზედ რა ცილობა გაქვთ,
არა ვიცი რა, რას მედავით მე!

სარწყავისა და წისქვილის ამბავი და მოხაზულობა

ეს კაცი ასე ილოცავს: ¹

ღმერთო მაჩვენე ყანები	ყოვლად წმინდაო, დამადევ
ამ სარწყავთ მონაყვანები;	წყლურზედ წამალი სამთელი,
ღმერთო, დამასწარ ზაფხულსა,	შემაძლებინე აღვანთო
ფქვილს ამ წისქვილზედ დაფქულსა.	მე შენს წინაშე სანთელი.

¹ ეს ლექსი გურამიშვილის ავტოპორტრეტს აქვს წამდლვანებული.

